

ՀԱՅՈՑ ՊԱՏՄՈՒԹՅՈՒՆ

ԸՆԴՀԱՆՈՒՐ ԵՎ ԲՆԱԳԻՏԱՄԱԹԵՄԱՏԻԿԱԿԱՆ
ՀՈՍԹԵՐ

11



**Ա. ՄԵԼԵՈՆՅԱՆ, Պ. ՉՈԲԱՆՅԱՆ, Ա. ՍԻՄՈՆՅԱՆ, Ա. ՆԱԶԱՐՅԱՆ,
Վ. ԲԱՐԽՈՒԴԱՐՅԱՆ, Է. ԳԵՎՈՐԳՅԱՆ, Կ. ԽԱՉԱՏՐՅԱՆ**

ՀԱՅՈՑ ՊԱՏՄՈՒԹՅՈՒՆ

11-ՐԴ ԴԱՍԱՐԱՆ

**ԸՆԴՀԱՆՈՒՐ ԵՎ ԲՆԱԳԻՏԱՄԱԹԵՄԱՏԻԿԱԿԱՆ
ՀՈՍՔԵՐԻ ԴԱՍԱԳԻՐՔ**



Ե Ր Ե Վ Ա Ն 2010

ՀՏԴ 373.167.1:941(479.25)(075.3)

ԳՄԴ 63.3 (2Հ) Գ72

Հ282

Գլխավոր խմբագիրներ՝

ԱՇՈՏ ՄԵԼ-ՔՈՆՅԱՆ. ՀՀ ԳԱՄ թղթակից անդամ
ԱՐԱՄ ՍԻՄՈՆՅԱՆ. ՀՀ ԳԱՄ թղթակից անդամ

Խմբագիր՝

ԱՐԱՄ ՆԱԶԱՐՅԱՆ. պատմագիտության թեկնածու

Հեղինակներ՝

ԱՇՈՏ ՄԵԼ-ՔՈՆՅԱՆ

ՀՀ ԳԱՄ թղթակից անդամ

(Մաս Ա. Ներածություն, Բաժին 1. Գլուխ 2, Բաժին 2.

Գլուխ 2, 3, 4, Բաժին 3. Գլուխ 1. § 2, Մաս Բ. Ներածություն)

ՊԱՎԵԼ ՉՈԲԱՆՅԱՆ

Պատմագիտության դոկտոր

(Մաս Ա. Բաժին 1. Գլուխ 1, Բաժին 3. Գլուխ 1. § 1)

ԱՐԱՄ ՍԻՄՈՆՅԱՆ

ՀՀ ԳԱՄ թղթակից անդամ

(Մաս Ա. Բաժին 2. Գլուխ 1, Բաժին 3. Գլուխ 2)

ԱՐԱՄ ՆԱԶԱՐՅԱՆ

Պատմագիտության թեկնածու

(Մաս Ա. Բաժին 2. Գլուխ 5, 6)

ՎԼԱԴԻՄԻՐ ԲԱՐԽՈՒԴԱՐՅԱՆ

ՀՀ ԳԱՄ ակադեմիկոս

(Մաս Ա. Բաժին 3. Գլուխ 3)

ԷԴԻԿ ԳԵՎՈՐԳՅԱՆ

Պատմագիտության թեկնածու, դոցենտ

(Մաս Բ. Բաժին 1. Գլուխ 1)

ԿԱՐԵՆ ԽԱՉԱՏՐՅԱՆ

Պատմագիտության թեկնածու

(Մաս Բ. Բաժին 1. Գլուխ 2, 3, Բաժին 2. Գլուխ 1)

Մեթոդական մասի հեղինակներ՝ **ԱՐՄԻՆԵ ՍԱՐԳՍՅԱՆ. պատմաբան, մանկավարժ**
ԱՐՄԱՆ ՄԱԼՈՅԱՆ. պատմաբան, մանկավարժ

Հայոց պատմություն: 11-րդ դասարան:

Հ282 Ընդհանուր և քնագիտամաթեմատիկական հոսքեր:/Ա. Մելքոնյան, Պ. Չոբանյան, Ա. Սիմոնյան, Ա. Նազարյան, Վ. Բարխուդարյան, Է. Գևորգյան, Կ. Խաչատրյան.— Եր.: «Զանգակ-97», 2010.— 240 էջ:

ISBN 978-99941-1-755-0

ԳՄԴ 63.3(2Հ)Գ72

© Ա. Մելքոնյան, Պ. Չոբանյան, Ա. Սիմոնյան, Ա. Նազարյան, Վ. Բարխուդարյան, Է. Գևորգյան, Կ. Խաչատրյան, 2010 թ.
© «Զանգակ-97» հրատարակչություն, 2010 թ.

Ա

ՄԱՍ



ՀԱՅԿԱԿԱՆ
ՔԱՂԱՔԱԿՐԹՈՒԹՅՈՒՆԸ
ՆՈՐ ՇՐՋԱՆՈՒՄ

Ավագ դպրոցի II-րդ դասարանի ընդհանուր և բնագիտամաթեմատիկական հոսքերի դասընթացն ընդգրկում է նոր պատմության (XVII դ. կես - 1918 թ.) դարաշրջանը և նորագույն ժամանակների առաջին տարիները (1918-1922 թթ.): Շարադրանքը, ինչպես նախորդ՝ 10-րդ դասարանի դասագրքում, հիմնական գծերով ներառելով տվյալ դարաշրջանի վերաբերյալ միջին դպրոցում սովորած նյութը, խնդիրը ներկայացնում է առավելապես քաղաքակրթական զարգացման տեսանկյունից: Այն աշակերտի մոտ ձևավորում է դեպքերի ու իրադարձությունների պատճառահետևանքային կապը բացահայտելու, խնդրի նկատմամբ ինքնուրույն մոտեցում դրսևորելու, համաշխարհային պատմության հետ պատմական գուգահեռներ անցկացնելու կարողություն:

Հայ ժողովուրդը XVII դ. կեսերին պատմության նոր դարաշրջան է թևակոխում օտար տիրապետության դեմ ազատագրական պայքարի վերելքով, որի գլուխ կանգնում է Հայ առաքելական եկեղեցին: Քրիստոնյա Եվրոպայի օգնությամբ Հայաստանն ազատագրելու գործն իրենց ձեռքն են վերցնում հայոց կաթողիկոսներ Ստեփանոս Սալմաստեցին, Միքայել Սեբաստացին, Հակոբ Զուղայեցին և ուրիշներ: Ազատագրական շարժման մեջ նոր փուլ է սկսվում XVIII դ. սկզբին, երբ ազգային գործիչ Իսրայել Օրին փորձում է հայկական պետականության վերականգնման գաղափարը կապել Ռուսական կայսրության օժանդակության հետ:

Օտար տիրապետության դեմ պայքարի կենտրոններ են դառնում հայկական պետականության բազմաթիվ հատկա-

նիշներ կրող Սյունիքի ու Արցախի մելիքություններն ու սղնախները: Դրանց հետագա ամրապնդումը 1720-40-ական թթ. հանգեցնում է այդ երկրամասերում որոշակի ժամանակով հայոց պետականության վերականգնմանն ու ճանաչմանը: Արևմտյան Հայաստանում հայկական ինքնիշխանության դրսևորումները պահպանվում են Աղթամարում, Շատախում, Մոկսում, Սասունում, ինչպես նաև Կիլիկիայի հյուսիս-արևելքում՝ Զեյթուն լեռնային համայնքում և այլուր: XVIII դ. վերջին քառորդին հայ գործիչները մշակում են Ռուսաստանի օգնությամբ հայկական պետականությունը վերականգնելու ինքնատիպ ծրագրեր: Հնդկահայ գործիչ Շահամիր Շահամիրյանն առաջ է քաշում ժամանակի համար խիստ առաջադիմական մի նախագիծ, ըստ որի՝ ապագա Հայաստանը պետք է դառնար հանրապետական վարչակարգ ունեցող սահմանադրական երկիր:

XIX դ. սկզբին Անդրկովկասում գործնականորեն իր արտաքին քաղաքականությունն է ակտիվացնում Ռուսաստանը: Հայ ժողովուրդը, պարսկաթուրքական տիրապետությունից իր ազատագրության հույսերը կապելով Ռուսաստանի հետ, ռուս-պարսկական և ռուս-թուրքական պատերազմներում բազմակողմանի նպաստ է բերում ռուսական գործերին: Սակայն Արևելյան Հայաստանի՝ Ռուսաստանին միացումից հետո ցարական արքունիքը մոռացության է տալիս Հայաստանի ազատագրության ծրագրերը:

Այդուհանդերձ, ի տարբերություն արևելահայության, որը ռուսական տիրապետության պայմաններում ստանում է կյան-

քի ապահովության որոշ երաշխիքներ, արևմտահայությունն օսմանյան գերիշխանության տակ շարունակում է ենթարկվել ազգային, կրոնական ու սոցիալական դաժան հալածանքների: Թուրքական բռնատիրության դեմ առաջինը պայքարի դրոշ է բարձրացնում Ջեյթունի հայությունը 1862 թ.: XIX դ. վերջին քառորդին հայ հասարակական-քաղաքական կյանքի գլխավոր բովանդակությունը կազմում է 1878 թ. Սան Ստեֆանոյի և Բեռլինի պայմանագրերով ամրագրված հայկական բարեփոխումների խնդիրը, որը ստանում է «Հայկական հարց» անվանումը:

Հայ հասարակությունը, Հայկական հարցն ընկալելով որպես արևմտահայության ազատագրության խնդիր, հետզհետե իր ողջ ներուժը ուղղում է դրա իրագործմանը: Ստեղծվում են ազատագրական խմբակներ ու ազգային կուսակցություններ, ծավալվում է հայդուկային ազատագրական շարժումը: Հայկական հարցի միջազգայնացումն իր բարերար ազդեցությունն է թողնում XIX դ. վերջին և XX դ. սկզբին հայ մշակույթի նոր ու բազմակողմանի վերելքի վրա:

Սակայն օսմանյան իշխանությունները, ձգտելով ազատվել կայսրության ներքին գործերին միջամտություն ապահովող Հայկական հարցից, նախընտրում են խնդրի լուծման ուրույն տարբերակ՝ հայկական կոտորածները: Հայերին բնաջնջելու համաթուրքական ծրագիրը շարունակաբար սուլթան Համիդ II-ից անցնում է 1908 թ. իշխանության եկած երիտթուրքերին: Վերջիններս էլ Առաջին աշ-

խարհամարտի տարիներին իրականացնում են հայերի ֆիզիկական բնաջնջման ու հայության հայրենագրկման հրեշավոր քաղաքականությունը:

Մեծ եղեռնի դժնդակ օրերին ևս հայ ժողովուրդը շարունակում է համառ պայքարը թուրքական բռնապետության դեմ: Բազմահազար հայ ռազմիկներ հայկական կամավորական ջոկատներում հերոսաբար կռվում են թուրքական բանակների դեմ: Արևմտյան Հայաստանի տարբեր գավառներում (Վան, Սասուն-Մուշ, Շապին-Գարահիսար, Ուրֆա) և Կիլիկիայում (Սուետիա, Դյորթյոյ, Հաճն և այլուր) կազմակերպված ինքնապաշտպանական կռիվների շնորհիվ բազմաթիվ հայեր փրկվում են կոտորածներից:

Այսրկովկասում հայության համար ստեղծված ռազմաքաղաքական անբարենպաստ պայմաններում 1918 թ. փետրվար-մարտին թուրքական զորքերն անցնում են հակահարձակման և ներխուժում Արևելյան Հայաստան: Սակայն հայ ժողովրդի մղած Հայրենական պատերազմի շնորհիվ մայիսի վերջին թշնամին ջախջախվում է և հետ շարտվում: Սարդարապատի, Բաշ Ապարանի ու Ղարաբաղի սայի և այլ շրջանների հերոսամարտերի շնորհիվ ոչ միայն ձախողվում է հայության բնաջնջման քաղաքականությունն ավարտին հասցնելու թուրքական ծրագիրը, այլև կռիվների մեջ վերածնվում է հայկական պետականությունը՝ Հայաստանի Հանրապետությունը: Նորագույն ժամանակաշրջան հայ ժողովուրդը թևակոխում է վերածնված անկախ պետականությամբ:

ԳԼՈՒԽ 1. ԱԶԱՏԱԳՐԱԿԱՆ ՇԱՐԺՈՒՄՆԵՐԸ XVII դարի
ԵՐԿՐՈՐԴ ԿԵՍԻՆ ԵՎ XVIII դարում

§ 1. ԱԶԱՏԱԳՐԱԿԱՆ ՊԱՅՔԱՐԻ ՆՈՐ ՓՈԽԼԸ

Հայ ժողովրդի ազատագրական պայքարի աշխուժացման նախադրյալները: XVII դարի երկրորդ կեսը հայոց պատմության մեջ նշանավորվեց ազգային գաղափարախոսության ծավալմամբ և ազատագրական պայքարի կազմակերպման գործնական քայլերով:

Հայոց ազատագրական պայքարի ծավալումն ուներ իր *նախադրյալները՝ ներքին և արտաքին:*

Ներքին նախադրյալների մեջ էականը դարեր առաջ կորցրած պետականության վերականգնման անհրաժեշտության հանրային գիտակցումն էր: Հայոց պետականության վերականգնումը կարող էր երաշխիք լինել՝ վերջ տալու օտարների կողմից բնակչության կեղեքմանը:

Հայաստանում դեռևս պահպանվող հայկական մի շարք իշխանություններ թուլացել էին և դժվարությամբ էին միայնակ գլխավորում ազատագրական շարժումը:

Հայ ժողովրդի մեջ առևտրաարհեստավորական խավի զարգացումը հանգեցրեց առևտրական բուրժուազիայի առաջացմանը: Վերջինս փորձում էր նպաստել հայոց ազգային ինքնագիտակցության ամրապնդմանը՝ հովանավորելով հոգևոր-մշակութային տարբեր ձեռնարկումներ:

Ազատագրական պայքարի նախադրյալների մեջ էական էր դավանանքի ու ազգային մշակույթի խաղացած դերը: Օտար տիրապետության պայմաններում հայ ժողովուրդը հաճախ գերադասում էր մահը պարտադրված դավանափոխությունից: Ազգային ինքնագիտակցությունն ու արժանա-

պատվության զգացումը Հայաստանի ազատագրության գաղափարի շուրջ միավորում էր ոչ միայն Հայաստանի բնակչությանը, այլև երկրից արտագաղթած և տարբեր երկրներում համայնքային կյանքով ապրող բնակչությանը:

Արտաքին գործոնների թվում էին Հայաստանի մեծ մասը նվաճած պետության՝ Օսմանյան կայսրության թուլացումը, ինչը ազատագրական պայքարի հաջողության հույսեր էր ներշնչում:

Կարևոր էին միջազգային հարաբերություններում նկատվող փոփոխությունները: Եվրոպական մի շարք երկրներ, որոնց ևս սպառնում էր օսմանյան Թուրքիան, առավել հզորանալով, պայքար էին սկսել այդ կայսրության դեմ: Նման երկրները դիտվում էին Հայաստանի ազատագրության համար հնարավոր դաշնակիցներ:

Կարևոր հանգամանք էր հույների, ասորիների, վրացիների և բուրղ-եզիդների՝ օսմանյան տիրապետության դեմ համատեղ պայքարի պատրաստակամությունը:

Շարժման արևմտամեյրոպական կողմնորոշումը: 1645 թ. թուրքական պետության և Վենետիկի հանրապետության միջև սկսված պատերազմը թուրքահպատակ ժողովուրդների մեջ օսմանյան լուծը թոթափելու հույսեր արթնացրեց: Հռոմը և Ֆրանսիան ջանքեր էին գործադրում համախմբելու օսմանյան լծի տակ գտնվող ժողովուրդներին: Հայազգի գործիչները ևս, որ Հայաստանի ազատագրումը կապում էին եվրոպական երկրների օգնության հետ, իրենց հերթին կոչեր էին ուղղում Հռոմի պապին ու Ֆրանսիա-

յի թագավորին՝ ուժեղացնելու Օսմանյան կայսրության դեմ պայքարը: Այդ առումով խոսում է հայոց խաչատուր Գաղատացի կաթողիկոսի 1663 թ. գրած նամակը Ֆրանսիայի Լյուդովիկոս XIV թագավորին. «*Բարձրյալն Աստված թող ... ձեր սրբի մեջ ներշնչի հավարի զգացումները՝ ազատելու համար բոլոր քրիստոնյաներին և հարկապես մեր ազգին: ... Հույս ու հավար ունենք, որ ձեր օրհնյալ ձեռքերով կկարարվի մեր փրկությունը*»:

Խաչատուր Գաղատացին այցելել էր անգամ պատերազմական գործողությունների շրջան և բանակցություններ վարել վենետիկյան բանակի հրամանատարության հետ:

Հայաստանի ազատագրական ծրագրերի ու բանակցությունների ակտիվ մասնակիցներից էր բաղիշեցի հայազգի վաճառական *մահուեսի Շահնուրապուր*: 1666 թ. նա ժամանել էր Փարիզ և հավաստիացրել ֆրանսիական արքունիքին, որ հայերը հույների հետ միասին պատրաստ են ապստամբելու Օսմանյան կայսրության դեմ: Նման առաջարկով նա Լյուդովիկոս XIV-ին էր դիմել նաև հետագայում, իսկ 1683 թ. հայկական պատվիրակության կազմում կրկին ժամանել էր Փարիզ բանակցությունները շարունակելու համար: Պատվիրակության կազմում էր նաև Հովհաննես Թութունջի վարդապետը: Նա ճանապարհորդել էր Եթովպիա՝ այդ երկիրը ևս հակաթուրքական պայքարի մեջ ընդգրկելու նպատակով:

Հայազգի գործիչները բազմազան միջոցների էին դիմում Արևմուտքի հակաթուրքական գործողություններն իրական հողի վրա դնելու համար: Արիստակես եպիսկոպոսը Հոռմի պապին գրած հայերեն նամակում առաջարկում էր իր անձնական ծառայությունները՝ ստեղծելու և փորձարկելու գեներլ նոր տեսակ, որն ուսումնասիրել էր Չինաստանում:

Քաղաքական իրադրության փոփոխությունները նպաստավոր չեղան Հայաստանի ազատագրման ծրագրերի իրականաց-

ման համար: Ավելին՝ Ֆրանսիան շուտով ստանձնեց Թուրքիային հովանավորելու քաղաքականություն: Հայ քաղաքական գործիչները ստիպված էին քայլեր կատարել այլ երկրների՝ Ավստրիայի, Հունգարիայի, Գերմանիայի ու Լեհաստանի հետ դաշինք ստեղծելու նպատակով:

Հակոբ Ջուղայեցի կաթողիկոսի պատվիրակության գործունեությունը: Հայաստանի ազատագրության խնդիրը ոչ միայն Արևմտյան Հայաստանի, այլ նաև Արևելյան Հայաստանի հոգևոր ու աշխարհիկ գործիչների քննարկման առարկան էր: Ամենայն հայոց կաթողիկոս **Հակոբ Ջուղայեցին** լավատեղյակ էր Եվրոպայի քաղաքական իրադարձություններին: 1677 թ. նա Էջմիածնում գումարում է գաղտնի ժողով, որտեղ քննարկվում է Հայաստանի ազատագրության հարցը: Ժողովին մասնակցում էին հոգևոր ու աշխարհիկ 12 գործիչներ: Ներկա էին Սյունիքի ու Արցախի մելիքները: Որոշվում է դիմել եվրոպական պետությունների օգնությանը: Այդ նպատակով կազմված պատվիրակությունը 1678 թ. վերջերին Հակոբ Ջուղայեցի կաթողիկոսի գլխավորությամբ հասնում է Կ. Պոլիս՝ Եվրոպա անցնելու նպատակով: 1679 թ. կաթողիկոսը բանակցություններ է սկսում Ռեչ Պոսպոլիտայի թագավոր Յան Սոբեսկոյի հետ: Մոտ երկու տարի մնալով Կ. Պոլսում՝ Հակոբ Ջուղայեցին մահանում է հիվանդությունից, իսկ պատվիրակությունը վերադառնում է Հայաստան: Վերադարձի ուղին չի բռնում պատվիրակության հետ մեկնած երիտասարդ Իսրայել Օրին՝ Սյունիքի մելիք Իսրայելի որդին:

Հայաստանի ազատագրության Իսրայել Օրու ծրագրերը: Իսրայել Օրին Կոստանդնուպոլսից ուղևորվում է Իտալիա: Այնտեղից նա անցնում է Ֆրանսիա, ուր մտնում է զինվորական ծառայության, ստանում սպայի աստիճան: Այնուհետև տեղափոխվում է Գերմանիա, հաստատվում **Պֆալց** երկրամասի կենտրոն **Դյուսելդորֆ** քաղաքում: Այստեղ

նա կայսրնտիր իշխան Հովհան Վիլիելմի հետ քննարկում է Հայաստանի ազատագրության վերաբերյալ իր առաջարկները: Հովհան Վիլիելմը հետաքրքրվում է Իսրայել Օրու մտահղացումներով և խոստանում աջակցել:

Հովհան Վիլիելմի խորհրդով Օրին որոշում է այցելել Հայաստան՝ տեղում իրավիճակին ծանոթանալու և բանակցություններ վարելու համար: Նա ժամանում է Հայաստան, լինում է Էջմիածնում, ապա ճանապարհվում Սյունիք: Սյունիքի մելիքների աջակցությամբ 1699 թ. Անգեղակոթ գյուղում հրավիրվում է գաղտնի խորհրդակցություն: Այստեղ վճռվում է լիազորել Իսրայել Օրուն շարունակելու բանակցությունները ինչպես եվրոպական երկրների, այնպես էլ ռուսական իշխանությունների հետ: Այդ նպատակով մելիքներն իրենց կնիքներով և ստորագրություններով հաստատված նամակներ են հանձնում Իսրայել Օրուն և նրան ուղեկցող կարգում *Մինաս վարդապետ Տիգրանյանին*:

Հովհան Վիլիելմին ուղղված նամակում հայ մելիքները խնդրում էին արագացնել Հայաստան գործ ուղարկելը և հավաստիացնում, թե իրենք պատրաստ են հայոց թագավորությունը վերականգնելու համար անմիջապես զինված ապստամբություն բարձրացնելուն: Ռազմական օգնության դիմաց մելիքները խոստանում էին Հովհան Վիլիելմին ճանաչել հայոց թագավոր:

Վերադառնալով Եվրոպա՝ Իսրայել Օրին կազմում և Հովհան Վիլիելմին է ներկայացնում Հայաստանի ազատագրության ծրագիր, որը հայտնի է «*Պֆայցյան ծրագիր*» անվանումով: Ծրագիրը բաղկացած էր 36 կետից: Այնտեղ թվարկվում էին այն ուղիներն ու միջոցները, որոնք անհրաժեշտ էին պարսիկներին Հայաստանից վտարելու համար: Հովհան Վիլիելմը հավանություն է տալիս Իսրայել Օրու ծրագրին և առաջարկում գնալ Ֆլորենցիա և Վիեննա՝ այնտեղի տիրակալների համաձայնությունը ևս ստա-

նալու: Ֆլորենցիայում դուքսը թեև խոստանում է գործ տրամադրել, սակայն Վիեննայի արքունիքում հրաժարվում են Հայաստանի ազատագրման գործին մասնակցելուց, քանի որ Թուրքիայի հետ 1699 թ. արդեն կնքել էին հաշտության պայմանագիր: Իսրայել Օրին համոզվում է, որ այդ պահին Թուրքիայի և Պարսկաստանի տիրապետության դեմ պայքարում Հայաստանի համար հնարավոր դաշնակից կարող է լինել միայն Ռուսաստանը:

Օրին Ռուսաստանում: XVIII դ. սկզբին Ռուսաստանը պայքար էր սկսել ինչպես Բալթիկ, այնպես էլ Սև և Կասպից ծովերի ափերին հաստատվելու համար: 1701 թ. ամռանը Իսրայել Օրին գալիս է Ռուսաստան և *Պետրոս I-ին* է ներկայացնում Ռուսաստանի օգնությամբ Հայաստանն ազատագրելու իր ծրագիրը: Նախատեսվում էր կազմակերպել 25-հազարանոց բանակ, որի մի մասը՝ 10 հազարը, Հյուսիսային Կովկասից պետք է մտներ Վրաստան: Այնուհետև ռուս-վրացական զորքերին պետք է միանային նաև ապստամբ հայերի զինված ուժերը: Ենթադրվում էր Արևելյան Հայաստանն ազատագրել շատ կարճ ժամանակում՝ նկատի ունենալով Պարսկաստանի՝ դիմադրելու անկարողությունը: Պետրոս I-ը զբաղված էր Հյուսիսային պատերազմով, ուստի հուսադրում է Իսրայել Օրուն, թե կգրադվի այդ հարցերով պատերազմի ավարտից հետո: Միաժամանակ Պարսկաստանում և Անդրկովկասում* տիրող իրավիճակին ծանոթանալու նպատակով Պետրոս I-ը որոշում է դեսպանություն ուղարկել Պարսկաստան: Դեսպանության ղեկավար նշանակվում է Իսրայել Օրին, որին տրվում է ռուսական բանակի գնդապե-

* Ռուսաստանի համեմատությամբ Կովկասի լեռնաշղթայից այն կողմ՝ հարավ գտնվող երկրամասը ռուսերեն անվանել են Անդրկովկաս (*Закавказье*): Մեզ՝ իսթիսի համար, անշուշտ, նույն երկրամասն Այսրկովկաս է: Ելնելով կոնկրետ նպատակահարմարությունից՝ դասագրքում գործածվում են և Անդրկովկաս, և Այսրկովկաս տարբերակները:

տի աստիճան: Իսրայել Օրին, սակայն, մեկնում է նախ Եվրոպա և Հռոմի պապից ևս ստանում պարսից շահին ուղղված նամակը, որտեղ խնդրվում էր հալածանքներ թույլ չտալ քրիստոնյա բնակչության նկատմամբ:

1708 թ. Իսրայել Օրին դեսպանական խմբով ժամանեց Շամախի քաղաք, իսկ 1709 թ. շարունակեց իր ճանապարհը, եղավ Պարսկաստանի մայրաքաղաք Սպահանում և նույն թվականի կեսերին վերադարձավ Այսրկովկաս: Ռուսական դեսպանության ղեկավարի հայազգի լինելու հանգամանքը Այսրկովկասում մեծ տպավորություն գործեց:

Ռուսաստան վերադառնալու ժամանակ Իսրայել Օրուն միացավ նաև Գանձասարի կաթողիկոս Եսայի Հասան-Ջալալյանը: Աստ-

րախանում 1711 թ. Իսրայել Օրին անակնկալ մահացավ, իսկ Եսայի Հասան-Ջալալյանը վերադարձավ Արցախ:

Մեծ է Իսրայել Օրու գործունեության նշանակությունը ազատագրական պայքարի պատմության մեջ: XVII դ. վերջի և XVIII դ. սկզբի հայ ազատագրական շարժման զարթոնքը մեծապես կապված է նրա անվան հետ: Օրին գիտակցում էր ընդհանուր թշնամու դեմ բոլոր հնարավոր դաշնակիցներին համախմբելու նշանակությունը: Նա Հայաստանի ազատագրության հարցը դրեց գործնական հողի վրա, համախմբող դեր կատարեց հայ հասարակության տարբեր խավերի միջև, մարտական շունչ հաղորդեց քաղաքական բանակցություններին:

Հարցեր և ստուգադրանքներ

1. Ներկայացրե՛ք ազատագրական պայքարի ներքին և արտաքին նախադրյալները:
2. Ո՞ր իրադարձությունն ազատագրվելու հույսեր արթնացրեց թուրքահպատակ ժողովուրդների մեջ: Ներկայացրե՛ք հաջատուր Գաղատացու, մահտեսի Շահմուրատի, Հովհաննես Թութունջի և Արիստակես վարդապետների գործունեությունը:
3. Ի՞նչ գիտեք Հակոբ Ջուղայեցի կաթողիկոսի գործունեության մասին:
4. Ներկայացրե՛ք Օրու «Պֆալցյան ծրագիրը»: Ինչո՞ւ չիրականացավ այդ ծրագիրը: Ներկայացրե՛ք «Մոսկովյան ծրագիրը»: Ո՞րն էր Իսրայել Օրու ղեկավարությամբ պարսկական դեսպանության նպատակը: Ի՞նչ նշանակություն է ունեցել Իսրայել Օրու գործունեությունը հայ ազատագրական պայքարի պատմության մեջ: Բացատրե՛ք «Անդրկովկաս» և «Այսրկովկաս» անվանումների տարբերությունը:

§ 2. ԱԶԱՏԱԳՐԱԿԱՆ ԶՐԱՎԱՏ ՊԱՅԲԱՐՆ ԱՐՅԱՆՈՒՄ

Ռազմաքաղաքական իրադրությունը XVIII դարի սկզբին Հայաստանում և Այսրկովկասում: XVIII դ. առաջին երկու տասնամյակներին Պարսկաստանում դրությունը շարունակում էր վատթարանալ: Պարսկական լծին ենթակա ժողովուրդները, այդ թվում և հայերը, հարմար առիթի էին սպասում՝ թոթափելու պարսից տիրապետությունը: Ջենքի ուժով նրանց հնազանդ պահելու փորձերն այլևս հաջողություն չէին ունենում: Պարսկական տիրապետության

դեմ առավել եռանդուն էին գործում աֆղանները, որոնց հաջողվեց 1722 թ. պաշարել և գրավել երկրի մայրաքաղաք Սպահանը: Ռուսաստանը որոշեց օգտագործել հարմար առիթը և գրավել Կասպից ծովի արևմտյան և հարավային տարածքները: Պետրոս I-ն այդ մասին տեղեկացրեց Վրաստանի թագավոր Վախթանգ VI-ին և խոստացավ օգնել նաև Վրաստանին:

Հայ ազատագրական պայքարի առաջնորդները ստեղծված պայմաններում չէին

կարող անտարբեր մնալ: Ազատագրական պայքարը կազմակերպելու համար Վրաստանից հայ կամավորների ջոկատով Սյունիք մեկնեց Դավիթ բեկը: Արցախում մելիքների կողմից հավաքվել էր ավելի քան տասներկու հազարանոց զորք: Գանձասարի կաթողիկոս **Եսայի Հասան-Ջալալյանի** կոչով նրանցից 10 հազարը մելիքների ու զորահրամանատարների գլխավորությամբ զնացին Գանձակի մոտակա Չոլակ վայրը: Նրանք Վախթանգ VI-ի բանակի հետ սպասելու էին Պետրոս I-ի զորքերի ժամանելուն:

Ռազմական ստրուկտուրաների (սղնախներ) կազմավորումն Արցախում: Քաղաքական խառնաշփոթից օգտվելով՝ լեզգիներն իրենց հերթին ասպատակում էին Շիրվանի և Արցախի բնակավայրերը: Այդ հարձակումներին դիմագրավելու համար Արցախի մելիքների զինված ջոկատները հաճախ միավորվում էին և միասնաբար դիմադրում թշնամուն: Ոգևորված ոռոսական վերահաս արշավանքի լուրերով՝ Արցախի հայ բնակչությունը պատրաստ էր լիովին թոթափելու օտարի լուծը: Ազատագրական պայքարին օժանդակելու համար Շիրվանի հայկական բնակավայրերից Արցախ ժամանեցին նաև ռազմական գործի հմուտ կազմակերպիչներ Ավան և Թարխան հարյուրապետներ իրենց համախոհներով: Արցախահայության պայքարին ակտիվ օժանդակում էր Գանձասարի հայոց կաթողիկոս Եսայի Հասան-Ջալալյանը: Արցախում կազմակերպվեցին պաշտպանական հենակետային ամրոցներ՝ սղնախներ: Դրանցից առավել հայտնի էին Գյուլիստանի, Շոշի (Շուշի), Ավետարանոցի, Ջրաբերդի և Քարազլիսի սղնախները: Դրանց շնորհիվ Արցախում փաստորեն ստեղծվեցին յուրահատուկ կիսանկախ հայկական իշխանապետություններ: Հայկական այդ ուժերը կարող էին վարել ոչ միայն պաշտպանական, այլև հարձակողական մարտեր:




Հասան-Ջալալյանների տոհմի զինանշանը

Ռուսական զորքերի 1722 թ. Կասպիական արշավանքը: Հյուսիսային պատերազմի ավարտից անմիջապես հետո Պետրոս I-ը ձեռնամուխ եղավ մերձկասպյան արևմտյան երկրամասերի գրավմանը: Պարսից շահին ապստամբներից պաշտպանելու պատրվակով Պետրոս I-ը 1722 թ. արշավանք է կազմակերպում դեպի Անդրկովկաս: Դերբենտը գրավելուց հետո Պետրոս I-ը, սակայն, անակնկալ վերադառնում է Աստրախան՝ զորքերի առաջխաղացումը դեպի Կասպից ծովի հարավային ափերը հետաձգելով հաջորդ տարվան:

Մոտ երկու ամիս սպասելուց հետո՝ 1722 թ. աշնանը, լուր ստացվեց Պետրոս I-ի՝ Դերբենտից վերադառնալու և արշավանքը հետաձգելու մասին: Վրացական բանակը վերադարձավ Թիֆլիս: Հայկական ուժերը վերադարձան և ձեռնամուխ եղան Արցախի ինքնապաշտպանության կազմակերպմանը:

Թուրքական զորքերի ներխուժումը: Պարսկական պետության թուլացումից փորձեց օգտվել նաև Օսմանյան կայսրությունը: Աֆղանների կողմից Սպահանի գրավումը և ռուսների Անդրկովկաս արշավելը ևս հարմար առիթ էին Պարսկաստանի վաղեմի

ԱԶԱՏԱԳՐԱԿԱՆ ՀԱՐԺՈՒՄՆԵՐՆ ԱՐՑԱՅՈՒՄ ԵՎ ՍՅՈՒՆԻՔՈՒՄ 1722-1730 ԹԹ. ԽԱՄԱՄԱՅԻ (ԱՐՑԱՅ) ՀԱՅԿԱԿԱՆ ՄԵԼԻՔՈՒԹՅՈՒՆՆԵՐԻ ՄԻՈՒԹՅՈՒՆԸ



Բշենի Թուրքիայի համար: Թուրքիան նպատակ ուներ ճնշելու նաև հայ և վրաց ժողովուրդների ազատագրական շարժումները: Միաժամանակ նա ձգտում էր խոչընդոտելու տարածաշրջանում Ռուսաստանի ազդեցության ուժեղացումը և անմիջապես ձեռնամուխ եղավ Այսրկովկասի ու Պարսկաստանի արևմտյան նահանգների նվաճմանը: 1723 թ. հունիսին թուրքական բանակը ներխուժում է Թիֆլիս, գրավում քաղաքը և շարժվում դեպի Գանձակ: Վախթանգ VI-ը հեռանում է Թիֆլիսից և անցնում Ռուսաստան:

Անդրկովկասի ու Պարսկաստանի համար պայքարի ելած Ռուսաստանի ու Թուրքիայի միջև մրցակցությունը կարող էր վերաճել ռուս-թուրքական նոր պատերազմի, որից, սակայն, նրանք երկուստեք խուսափում էին: Երկար բանակցություններից, և փոխադարձ մեղադրանքներից հետո՝ 1724 թ. **հունիսի 12-ին, Կ. Պոլսում** ի վերջո կնքվեց պայմանագիր:

Այդ պայմանագրի համաձայն՝ Թուրքիան ձանաչեց Մերձկասպյան շրջանների միացումը Ռուսաստանին, իսկ ռուսական կողմը Թուրքիայի տնօրինությանը թողեց Շամախիից արևմուտք ընկած երկրամասերը: Ռուսական հրամանատարությունը, որ, ստանձնած պարտավորությունների համաձայն, այլևս չէր կարող օգնության գալ հայ ազատագրական ուժերին, ցարին ուղղած զեկուցագրերում միայն զարմանք էր արտահայտում Արցախի հայ մարտիկների սխրագործությունների ու տոկունության նկատմամբ: Պայմանագրի կնքումն ազատեց Թուրքիայի ձեռքերը՝ Այսրկովկասում լայնաճակատ հարձակման անցնելու համար:

Երևանի հերոսական պաշտպանությունը: 1724 թ. գարնանը թուրքական բանակը ներխուժում է Արարատյան դաշտ և սկսում գրավել ու կողոպտել հայկական գյուղերը: Թշնամուն 40 օր դիմադրություն են ցույց տալիս Կարբի գյուղի բնակիչները: Նրանք համաձայնում են զենքը ցած դնել միայն այն պայմանով, որ թշնամու բանակը չմտնի Կարբի:

Թուրքական զորքը նույն թվականի հունիսի 7-ին պաշարում է Երևան քաղաքը: Երևանի պաշտպանության համար ոտքի է կանգնում ինչպես քաղաքի, այնպես էլ մերձակա հայկական գյուղերի բնակչությունը: Երևանը վերածվում է ռազմական ճամբարի: Քաղաքը պաշտպանող հայկական ուժերը բաժանված էին ջոկատների: Յուրաքանչյուր ջոկատ ուներ իր տեղամասն ու հրամանատարը:

Հակառակորդի զորհներն ավարտվում էին անհաջողությամբ: Հայերը Հովհաննես Հունդիբեկյանի, Պողոս Քեչիբեկյանի և այլոց գլխավորությամբ հերոսաբար դիմադրում էին հակառակորդի հարձակումներին և նրան մեծ կորուստներ պատճառում: Երևանի պաշտպանությունը շարունակվեց ավելի քան երեք ամիս: Քաղաքն այլևս չէր կարող դիմանալ պաշարմանը, որովհետև սպառվում էին պարենը և զինամթերքը: Երևանի խանը ստիպված էր համաձայնել բանակցություններ վարելու թուրքերի հետ: 1724 թ. սեպտեմբերի 26-ին պաշարված քաղաքն անձնատուր եղավ: Թուրքերը միայն մեծ զոհերի գնով կարողացան գրավել Երևանը: Թուրքական բանակը կորցրեց ավելի քան 20 հազար զինվոր: Երևանի պաշտպանությունը կասեցրեց թուրքերի առաջխաղացումը դեպի Սյունիք և Արցախ:

Շարժման ծավալումն Արցախում: Թուրքական զորքերն առավել համառ և կազմակերպված դիմադրության հանդիպեցին Արցախում: 1724 թ. Արցախի ազատագրական ուժերը թուրքական բանակների դեմ համատեղ պայքարի մասին պայմանագիր կնքեցին Գանձակի մահմեդականների հետ: Արցախի զորահրամանատարներն օսմանյան բանակների դեմ պայքարում համագործակցության առաջարկներ կատարեցին նաև պարսկական իշխանություններին: Արցախի մեղիությունները միասնական վճռականությամբ պատրաստ էին դիմագրավելու օտար հարձակումներին և ավերումներից պաշտպանելու սեփական

երկիրն ու ժողովրդին: Հայոց պայքարին օժանդակելու ռուսական խոստումներով Ռուսաստանից Արցախ ժամանեց նաև հայազգի **Իվան Կարապետը**: Դա ավելի հուսադրեց հայկական իշխանություններին:

1725 թ. մարտին թուրքական երեք զորամաս ներխուժեց Արցախի **Վարանդա** գավառ: Հայկական բանակի կորուստներից խուսափելու համար մելիքները շուրջ 6000 թուրք զինվորների տեղավորեցին Արցախի 33 հայկական գյուղերում և գիշերային հանկարծակի գրոհով ոչնչացրին նրանց: Թուրքական երկու փաշաները սպանվեցին, իսկ երրորդը գերի վերցվեց: Թուրքական բանակի ոչնչացումը և հայկական ուժերի այդ կարևոր հաղթանակը մեծ արձագանք ունեցան ամենուրեք, բարձրացավ հայերի ինքնավստահությունը և մարտունակությունը:

Անհաջողության մատնվեց Արցախի դեմ թուրքական զորքերի նաև հաջորդ արշավանքը: 1726 թ. Շուշին գրավելու օսմանյան բանակի համառ գրոհները, հանդիպելով հայերի աննկուն դիմադրությանը, անհաջողության մատնվեցին: Ութօրյա մարտերից հետո կորցնելով ութ հարյուր զինվոր՝ թուրքերը ստիպված վերադարձան Գանձակ: Կրած պարտություններից հետո թուրքական զին-

վորականությունն ընտրում է անակնկալ հարձակումների մարտավարությունը:

Օսմանյան բանակի դեմ պայքարում հայ ազատագրական ուժերի մի մասը, չստանալով Ռուսաստանի կողմից խոստացված օգնությունը, հետագա արյունահեղությունները կանխելու նպատակով գերադասում է թուրքերի հետ բանակցել:

1728 թ. մահանում է Եսայի Հասան-Ջալալյանը, որը, տեղեկանալով ռուս-թուրքական պայմանագրի կնքման մասին, հակվել էր թուրքերի հետ հաշտվելու մտքին:

Հայ զինվորականության մի մասը՝ **Ավան և Թարխան** հարյուրապետերի գլխավորությամբ, փոխադրվեց ռուսական բանակ: 1729-1731 թթ. թուրքական նվաճման դեմ պայքարը շարունակում էր Գյուլիստանի սղնախը, որի հրամանատարն էր **Աբրահամ ապարապետը**: Հայ ժողովուրդը ցած չդրեց զենքը և շարունակեց ազատագրական պայքարը:

Արցախի ազատագրական շարժումը մեծ արձագանք գտավ ողջ հայության մեջ: Այն ոգեշնչում էր նաև հայ ժողովրդի հաջորդ սերունդներին և հավատով լցնում իրենց ուժերի նկարումը:

Հարցեր և առաջադրանքներ

1. Ներկայացրեք Պարսկաստանում XVIII դարի առաջին երեսնամյակին տիրող իրավիճակը: Արցախում ազատագրական պայքարը կազմակերպելու գործում ինչ դեր խաղաց Եսայի Հասան-Ջալալյանը: Ինչո՞ւ արցախցիները պաշտպանական մարտավարության անցան: Թվարկե՞ք առավել հայտնի ամրոցները (սղնախները):
2. Որո՞նք էին Կասախական արշավանքի պատճառները և առիթը:
3. Որո՞նք էին թուրքական զորքերի՝ Այրկովկաս ներխուժելու նպատակները: Ինչո՞ւ կնքվեց Կ.Պոլսի պայմանագիրը, ինչ հետևանքներ այն ունեցավ:
4. Ե՞րբ թուրքական բանակը ներխուժեց Արարատյան դաշտ: Ինչպե՞ս ավարտվեց Կարբիի ինքնապաշտպանությունը: Նկարագրե՞ք Երևանի պաշտպանությունը, ինչ նշանակություն այն ունեցավ:
5. Ազատագրական պայքարն արդյունավետ կազմակերպելու նպատակով ինչ քայլեր ձեռնարկեցին արցախցիները:
6. Ի՞նչ ավարտ ունեցավ թուրքական ներխուժումն Արցախ: Ինչո՞ւ և քաղաքական ինչ կողմնորոշման էր հակվել Եսայի Հասան-Ջալալյանը: Վերհանք Արցախի զինված պայքարի նշանակությունը:

§ 3. ՍՅՈՒՆԻՔԻ ՀԱՅԿԱԿԱՆ ԻՇԽԱՆՈՒԹՅՈՒՆԸ

Ազատագրական պայքարի սկիզբը

Սյունիքում: Հայ ազատագրական ուժերը Սյունիքում անհրաժեշտ չափով համախմբված չէին, իսկ շրջակա պարսկամետ իշխանները զգալի ուժ էին ներկայացնում: Այդ խոչընդոտները հաղթահարելու և վրաց ազատագրական ուժերի հետ կապեր հաստատելու նպատակով Սյունիքից Վրաստան էր մեկնել հայ առևտրական **Սրբեխանու Շահումյանը:** Նրա խնդրանքով Վախթանգ VI-ի ուղարկված հայ զորավարները Դավիթ բեկի գլխավորությամբ 1722 թ. հասան Սյունիք: Նրանք հաստատվեցին Շինուհայր ավանում և իրենց շուրջը համախմբեցին տեղի զինական ուժերը: Դավիթ բեկի ղեկավարությամբ ստեղծվեց ռազմական խորհուրդ: Նա աչքի ընկած զորականներից Մխիթարին նշանակեց զորքերի սպարապետ, իսկ առանձին զորաջոկատների հրամանատարներ դարձան տեղի Ավետիսը, Փարսադանը, Թորոսը և ուրիշներ:

Առաջին հաղթական մարտը տեղի ունեցավ 1722 թ. **աշնանը ջևանշիր** կոչվող քոչվոր ցեղի դեմ: Այդ հաղթանակը մեծ հեղինակություն բերեց Դավիթ բեկին: Հայկական ուժերին միավորելու և ինքնավստահություն հաղորդելու համար հատկապես կարևոր էր մահմեդականություն ընդունած և թշնամու հետ համագործակցող մելիք Բաղրին պատկանող Տաթև գյուղի մերձակա ամրոցի գրավումը: Դավիթ բեկը, մելիք Բաղրին ձերբակալելով, բերում է Շինուհայր և հրամայում տասներկու օր եկեղեցում բոլորի ներկայությամբ բարձր ձայնով արտասանել. «Լճւյս Լուսավորչի հավատին, վա՛յ ուրացողին»: Այնուհետև Դավիթ բեկը հրամայում է կտրել նրա գլուխը, իսկ ինքը գալիս և բնակվում է Տաթևում:

Սյունիքի ազատագրական շարժման դեմ հանդես եկան ու Կապանի ապստամբների վրա հարձակվեցին նաև շրջակա մահմեդական տիրակալները: Վճռական ճակա-



Դավիթ բեկի արձանը Կապանում

տամարտը տեղի ունեցավ **Չավնդուրի** մոտ, որտեղ հայ զորականներին հաջողվեց լիակատար հաղթանակ տանել:

Դավիթ բեկ: Սյունիքի հայկական իշխանության կազմավորումը: Դավիթ բեկի վարած շուրջ մեկ տարվա հաջող պայքարից հետո Սյունիքը հիմնականում ազատագրվեց օտար տիրապետությունից: Այնտեղ Դավիթ բեկի գլխավորությամբ ստեղծվեց հայկական իշխանություն: Պարսկական շահը ճանաչեց Դավիթ բեկի իշխանությունը՝ իրավունք վերապահելով դրամ հատելու, և նրա հետ դաշինք կնքեց: Հայկական ուժերի կենտրոնատեղի դարձավ **Հալիձորի** բերդը: Շահն իր շրջաբերականում կոչ էր անում շրջակա պարսկական կառավարիչներին ճանաչելու և համաձայնեցված գործելու Դավիթ բեկի հետ: Ավելին՝ շահի հրամանով

թուրքական արշավանքին դիմագրավելու համար պարսիկ կառավարիչները պարտավոր էին ռազմական օժանդակություն ցուցաբերել Դավիթ բեկին ու հայկական իշխանությանը:

Հայկական զորքերը, Մխիթար սպարապետի և տեր Ավետիսի հրամանատարությամբ ազատագրեցին *Ջևայի և Որուսանի բերդերը*:

Թուրքական բանակները Երևանի գրավումից հետո շարժվեցին դեպի Սյունիք և Ատրպատական: Նրանց հաջողվեց գրավել հայկական մի շարք բնակավայրեր:

Դավիթ բեկը ստիպված էր իր զորքով ամրանալ Հալիձորի բերդում: *1727 թ. մարտին* թուրքերը պաշարեցին Հալիձորը: Հայկական ուժերին հաջողվում է հետ մղել թշնամու համառ գրոհները: Պաշարված հայ ռազմիկները մեծ թվով թուրքական զինվորներ էին ցած գլորում պարիսպներից: Բերդի հրամանատարությունը որոշեց ձեռքել պաշարումը, դուրս գալ շրջափակումից և անցնել հակահարձակման: Մխիթարն ու տեր Ավետիսը դիմեցին հայ զինվորներին. «*Արիացե՛ք, մի՛ երկնե՛ք, հերկեցե՛ք մեզ: Եթե հասել է մեր վախճանը, քաջաբար մեռնենք, որովհետև մեզ համար ավելի լավ է արիությամբ պարիսպներից դուրս մեռնել, քան այստեղ՝ մեր աչքերի առաջ, տեսնել մեր ընչորակների ու բարեկամների մահը*»: Նրանց հետևեցին երեք հարյուր զինվածներ: Պաշարվածները, աննկատ դուրս գալով բերդից, հանկարծակի հարձակվեցին թշնամու վրա: Խուճապի մատնված թշնամու զորքերը, մեծ կորուստներ տալով, դիմեցին փախուստի: Այդ օրն օսմանցիների բանակից զոհվեց տասներեք հազար զինվոր, իսկ հայ զինվորներից՝ շատ քչերը: Թշնամուց խլվեց հարյուր քառասունութ դրոշ և նրանց բանակի ամբողջ կողոպուտն ու ունեցվածքը:

Հայկական զորքերը՝ Մխիթար սպարա-

պետի և տեր Ավետիսի հրամանատարությամբ, հետապնդելով թշնամուն, հարձակման անցան Մեղրիի վրա, որը գրավել էր թուրքերի կողմից: Հայկական զորքերը ազատագրեցին Մեղրին և հակառակորդի դեմ լիակատար հաղթանակ տարան: Հալիձորի և Մեղրիի հաղթանակները նոր լիցք հաղորդեցին հայկական զորքերին:

Մխիթար սպարապետը: Ապարամբոյան ավարտը: 1728 թ. մահացավ Դավիթ բեկը: Կապանի զինվորական հրամանատարությունն ամբողջությամբ անցավ *Մխիթար սպարապետին*, որը շարունակեց գլխավորել պայքարը թուրք զավթիչների դեմ:

Թուրքական բանակը, կրած պարտություններից ուշքի գալով, կրկին հարձակվեց Սյունիքի վրա: Հայկական զորքերի հրամանատարության մեջ տեղի ունեցավ պառակտում, որը բացասաբար անդրադարձավ պայքարի հետագա ընթացքի վրա: Հալիձոր բերդի նոր պաշարման ժամանակ Մխիթար սպարապետը պահանջեց շարունակել պաշտպանությունը և ուժասպառ անել թշնամուն, իսկ տեր Ավետիսը վստահեց թուրքերին և նախընտրեց նրանց հետ բանակցելու ուղին: Մխիթար սպարապետը ստիպված էր գիշերով հեռանալ բերդից: Թուրքերը գրավեցին բերդը, կողոպտեցին ու կոտորեցին բերդում մնացած հայ բնակչությանը: Հալիձորի անկումից հետո թեև Մխիթար սպարապետին հաջողվեց մի կարճ ժամանակ միավորել հայկական ուժերի մեծ մասը և թուրքերի դեմ մի շարք հաջող հարձակումներ կազմակերպել, սակայն ապստամբական ուժերի կազմալուծումը հնարավոր չեղավ կասեցնել:

1730 թ. թուրքերին Օրդուբադում պարտության մատնելուց հետո Խնձորեսկ վերադառնալու ճանապարհին Մխիթար սպարապետը դավադրաբար սպանվեց: Սյունիքի ազատագրական պայքարի ելած

գորքերը, հետզհետե կազմալուծվելով և միայնակ մնալով թշնամու գերակշիռ ուժերի դեմ, չկարողացան վերջնական հաղթանակի հասնել:

Այնուամենայնիվ, զինված պայքարի շնորհիվ Սյունիքում և Արցախում որոշակի ժամանակով վերականգնվեց հայկական ինքնիշխանությունը:

Հարցեր և առաջադրանքներ

1. Երբ Դավիթ բեկը հասավ Սյունիք: Ո՞րն էր նրա առաջին հաղթանակը: Ո՞վ էր մելիք Բաղրը և ինչ պատժի արժանացավ:
2. Ինչպե՞ս ձևավորվեց հայկական իշխանությունը Սյունիքում: Ձեր կարծիքով՝ ինչո՞ւ չա֫իր ճանաչեց Դավիթ բեկի իշխանությունը: Ի՞նչ կարևոր հենակետեր գրավեցին հայկական ուժերը: Ներկայացրե՞ք Հալիձորի հերոսական պաշտպանությունը, գնահատե՞ք այդ հաղթանակը:
3. Ո՞րն էր հայկական զորքերի հրամանատարության մեջ տեղի ունեցած պառակտման պատճառը. ինչ հետևանք դա ունեցավ: Ձեր կարծիքով՝ ո՞ւմ կողմնորոշումն էր ճիշտ: Ի՞նչ նշանակություն ունեցավ ազատագրական պայքարը Սյունիքում:

§ 4. ԶԻՆՎԱԾ ՊԱՅՔԱՐԻ ԱՐԴՅՈՒՆՔՆԵՐԸ ԵՎ ՊԱՐՍԿԱՍԱՆԻ ՆՈՐ ՔԱՂԱՔԱԿԱՆՈՒԹՅՈՒՆԸ

Զինված պայքարի արդյունքները:

Չնայած հայկական ուժերի տարած բազում հաղթանակներին՝ թշնամու գերակշիռ բանակների դեմ պատերազմում հայկական զորքերը հետզհետե կազմալուծվեցին և չկարողացան հասնել պետական անկախության վերականգնմանը: Այդուհանդերձ, ազատագրական այդ պայքարը խոր հետք թողեց և մեծապես բարձրացրեց հայ ժողովրդի ինքնագիտակցությունն ու ազատասիրական ոգին, հավատ ներշնչեց սեփական ուժերի նկատմամբ: Պարսից պետությունը ստիպված էր իր հետագա քաղաքականության մեջ հաշվի նստել հայկական մելիքությունների հետ, ճանաչել նրանց իրավունքներն ու ինքնիշխանությունը:

Պարսկաստանում աֆղանական և թուրքական նվաճողների դեմ պայքարի գլուխ անցած զորահրամանատար Նադիրին հաջողվում է պարտության մատնել աֆղաններին և նրանց դուրս բռնել երկրից: Մի շարք ճակատամարտերում պարսկական բանակը պարտության է մատնում նաև թուրքական զորքերին:

Թուրքական զորքերի դեմ պայքարում Նադիրին օժանդակում էին նաև հայկական ուժերը: Իր բարյացակամությունը հայ ժողովրդի նկատմամբ ընդգծելու համար Նադիրը այցելում է Էջմիածին և ներկա է լինում պատարագին: Վանքի վերանորոգման համար նա հատկացնում է հազար թուման, տաճարը զարդարում մոտ 15 կգ կշռող ոսկե ջահով: Միաժամանակ կարգադրում է Էջմիածին ուղարկել ընտիր գորգեր և այլ նվերներ: Նրա հրովարտակով վերահաստատվում են կաթողիկոսի և հայ հոգևորականության՝ հնուց սահմանած իրավունքները: Նադիրը՝ որպես հեռատես քաղաքական գործիչ ու դիվանագետ, լավ էր հասկանում տեղական բնակչության համակրանքը շահելու և նրա ցուցաբերած օգնության կարևորությունը հակաթուրքական պայքարում:

Պարսկական և օսմանյան զորքերի միջև 1735 թ. *հունիսին* խոշոր ճակատամարտ տեղի ունեցավ *Եղվարդ* գյուղի մոտ, որտեղ օսմանցիները ծանր պարտություն կրեցին: Պարսկական բանակի կազմում թուրքերի դեմ մարտնչում էին նաև հայ զինվորներն ու

աշխարհագրայինները: Նաղիրի բանակում էին Արևելյան Հայաստանի նշանավոր գործիչներ *Դիզակի մելիք Եզանը, Գեղարքունիքի մելիք Շահնազարը, Երևանի մելիք Հակոբջանը* և ուրիշներ:

Թուրքական հրամանատարությունը ստիպված էր գործերը դուրս բերել Այսրկովկասից: 1736 թ. *Էրզրումում* Պարսկաստանի և Թուրքիայի միջև կնքվեց պայմանագիր, որով Թուրքիան կրկին ճանաչում էր Պարսկաստանի տիրապետությունը Արևելյան Հայաստանում և Արևելյան Վրաստանում: Նաղիրը 1736 թ. հռչակվեց Պարսկաստանի նոր շահ: Նրա տիրապետության ժամանակ Պարսկաստանը կրկին դարձավ Արևելքի հզոր պետություններից մեկը:

Հայկական ինքնավարությունը Արցախում (Խամաայի մելիքություններ): Նաղիր շահը հաշվեհարդար տեսավ այն ցեղերի հետ, որոնք օժանդակել էին թուրքական գործերին: 1736 թ. Նաղիրը Ղարաբաղի բեկլարբեկությունը բաժանեց երկու մասի՝ Գանձակի խանությունից անջատելով Արցախը և դարձնելով այն առանձին վարչական միավոր: Նա վերահաստատեց Արցախի ներքին վարչական բաժանումն ու մելիքների ժառանգական իրավասությունները: *Արցախի (Ջրաբերդի, Գյուլիսպանի, Խաչենի, Վարանդայի և Դիզակի) մելիքությունները* սկսեցին անվանվել *Խամաայի (հինգ) մելիքություններ*: Դրանց կառավարիչ նշանակվեց *Դիզակի մելիք Եզանը*, որը միավորում էր նաև Արցախի մելիքների ռազմական ուժերը: Վերջինս ստացավ նաև խանի տիտղոս: Մելիք Եզանի մահից հետո կառավարչի պաշտոնն անցավ նրա որդի *Արամին*, իսկ այնուհետև՝ վերջինիս եղբորը՝ մելիք *Եսայուն*:


Նաղիր շահի կառավարման ժամանակ Արցախի մելիքները պահպանեցին իրենց բոլոր նախկին իրավունքները: Յուրաքանչյուր մելիք ուներ իր զորքը, որն անհրաժեշտության դեպքում կարող էր հասնել ավելի



Հասան-Ջալալյան կաթողիկոս.
Գանձասարի եկեղեցի

քան 1000-1500 զինվորի: Արցախի մելիքությունների սահմանները տարածվում էին Գանձակի հարավային շրջաններից մինչև Արաքս գետը: Նաղիր շահի մահից հետո ևս հայ մելիքները հաջողությամբ խափանում էին Արցախի հարևանությամբ հաստատվելու մահմեդականների բոլոր փորձերը և ավերում նրանց հիմնադրած ամրությունները: Արցախի հարթավայրային մասում մահմեդականները երկար ժամանակ զբաղված էին ավարառությամբ ու կողոպուտներով, հաճախակի հարձակումներ էին գործում հայ մելիքների տիրույթների վրա:

Իրենց տիրապետությունը պահպանեցին նաև Սյունիքի և Ղարադաղի հայկական մելիքությունները: Սևանի հարավարևելյան մասում իշխող *Մելիք-Շահնազարյան* տոհմի ներկայացուցիչները Նաղիրի իշխանության տարիներին ոչ միայն վերահաստատվեցին ու պահպանեցին իրենց գոյությունն ու իրավունքները, այլև ավելի ամրապնդեցին իրենց դիրքերը: Նրանք Երևանի խանից անկախ ճանաչվեցին: Արարատյան երկրի բալանթար նշանակվեց



Մելիքջան Մելիք-Շահնազարյանցը: Վերջինիս մահից հետո նրա որդի **մելիք Մանուչարը** նշանակվեց Երևանի ու Նախիջևանի գորահրամանատար: Մելիք Մանուչարը մեծ վստահություն էր վայելում Նադիրի մոտ: Նա իր գործամասով մասնակցել էր Նադիրի՝ Հնդկաստան կատարած արշավանքին:

Արցախի ինքնավարությունը մարմնավորում էր նաև հոգևոր իշխանությունը՝ Գանձասարի կաթողիկոսությունը: Վերջինս եռանդուն մասնակցություն էր ունենում ազատագրական շարժման մեջ: Այն Արցախի ոչ միայն հոգևոր, այլև աշխարհիկ ուժերի համախմբման ու նրանց միասնա-

կանության համար պայքարի հիմնական կենտրոնն էր: 1700 թ. մինչև իր կյանքի վերջը ազատագրական եռանդուն գործունեություն էր ծավալել Եսայի Հասան-Ջալալյան կաթողիկոսը՝ շարունակելով իր նախորդների ազգանպաստ քաղաքականությունը: Եսայի կաթողիկոսի մահից հետո էլ **Գանձասարի կաթողիկոսարանը** մնում էր հայոց ազատագրական գաղափարախոսության ու շարժման կարևոր կենտրոններից մեկը: Այնտեղ էին կազմակերպվում գաղտնի խորհրդակցություններ՝ քննարկելու Հայաստանի ազատագրության տարբեր ծրագրեր:

Հարցեր և ատաջադրանքներ

1. Ի՞նչ միջոցներով էր Նադիրը փորձում շահել հայերի համակրանքը: Ե՞րբ է տեղի ունեցել Եղվարդի ձակատամարտը. ի՞նչ ավարտ է այն ունեցել: Ի՞նչով եք բացատրում այն հանգամանքը, որ Նադիրի բանակի կազմում թուրքերի դեմ մարտնչում էին նաև հայ զինվորներն ու աշխարհագորայինները:
2. Որո՞նք էին Խամսայի մելիքությունները: Ի՞նչ իրավունքներ ունեին Խամսայի մելիքները: Հայաստանի ուրիշ ո՞ր շրջաններում էին պահպանվել հայկական մելիքություններ: Ի՞նչ դեր է խաղացել Գանձասարի կաթողիկոսությունը հայ ազատագրական շարժման պատմության մեջ:

§ 5. ԱՋԱՏԱԳՐԱԿԱՆ ՊԱՅՔԱՐԸ XVIII ԴԱՐԻ ԿԵՍԵՐԻՆ

Պայքարի գաղութահայ կենտրոնները: XVIII դ. կեսերից հայ ազատագրական շարժման մեջ սկսում են աշխուժանալ գաղութահայ կենտրոնները: Դրանց մեջ առանձնահատուկ տեղ ունեն հնդկահայ գաղութը:

Հնդկաստանում հայերը հաստատվել էին դեռևս XVI-XVII դդ.: Նրանք զբաղվում էին գերազանցապես վաճառականությամբ: Հայկական խոշոր և ծաղկուն համայնքներ կային Հնդկաստանի շատ քաղաքներում: XVII դ. երկրորդ կեսից, երբ եվրոպական պետությունները սկսեցին ներթափանցել Հնդկաստան, հայերն ար-

դեն այնտեղ մեծ կշիռ ունեին և լուրջ մրցակից էին եվրոպական վաճառականների համար: Անգլիական «Արևելահնդկական ընկերությունը» Հնդկաստան մուտք գործելը դյուրացնելու և միաժամանակ հայ վաճառականության մրցակցությունից խուսափելու նպատակով 1688 թ. **պայմանագիր** է կնքում նրանց հետ: Դրա համաձայն՝ հայերն իրենց ապրանքները անգլիական նավերով փոխադրելու իրավունք են ստանում:

Ամրապնդվելով Հնդկաստանում՝ անգլիացիները ձգտում էին միայնակ տիրանալ հնդկական առևտրին և հետզհետե սահմանափակել հայ վաճառականության իրա-

ժողովները: Անգլիացիներն ունեին խոշոր նավատորմ, կանոնավոր բանակ, ուստի կաթողացան զենքի ուժով տիրանալ գրեթե ամբողջ Հնդկաստանին: Հնդկահայ բուրժուազիայի մի մասն սկսում է գիտակցել հայրենիքի, սեփական պետության ու բանակի անհրաժեշտությունն ու նշանակությունը: Հնդկահայ այդ գործիչներից էր **Հովսեփ Էմինը**:

Հովսեփ Էմին. գործունեության նշանակությունը: Էմինը ծնվել է 1726 թ. Պարսկաստանի Համադան քաղաքում, որտեղից նրանց ընտանիքը տեղափոխվել է Կալկաթա: Նա ծանոթ էր ինչպես պարսկա-թուրքական լծին ենթակա հայ ժողովրդի վիճակին, այնպես էլ ականատես էր Հնդկաստանում հայ վաճառականության դժվարին կացությանը:

Երիտասարդ Էմինը որոշում է մեկնել Անգլիա, սովորել ռազմական գործը և ձեռնամուխ լինել Հայաստանի ազատագրմանը: Նրան ոգևորում էին Արցախի և Սյունիքի ազատագրական հերոսական պայքարի մասին տեղեկությունները:

1751 թ. Էմինը, հակառակ հոր կամքին, որը նրան ուզում էր վաճառական դարձնել, ծառայության է մտնում Անգլիա մեկնող մի նավում և ուղևորվում Անգլիա:

Անգլիայում Հովսեփ Էմինն ընդունվում է **Վուլֆիչի** զինվորական ակադեմիան, ծանոթանում անգլիական քաղաքական ու պետական գործիչների հետ: Ակադեմիայում նա հմտանում է ռազմական գործի մեջ, ուսումն ավարտելուց հետո մեկնում Գերմանիա՝ մասնակցելու Ֆրանսիայի դեմ մղվող պատերազմին:

1759 թ. Հ. Էմինը գալիս է Հայաստան, որտեղ մոտիկից ծանոթանում է տիրող իրավիճակին: Նա համոզվում է, որ թուրքական տիրապետության դեմ ազատագրական պայքար կարելի է սկսել միայն որևէ հարևան տերության օժանդակությամբ: Այդպիսի հնարավոր դաշնակից կարող էր լինել Ռուսաստանը կամ Վրաստանը:

Վերադառնալով Անգլիա՝ Էմինը ներկայանում է Անգլիայում ռուսական դեսպան **Գոլիցինին**: Նրանից վերցնելով Ռուսաստանի վարչապետ **Վորոնցովին** ուղղված հանձնարարական նամակ՝ 1761 թ. ճանապարհվում է Պետերբուրգ: Վորոնցովին Էմինը ներկայացնում է Հայաստանի ազատագրության իր ծրագիրը, ցանկություն հայտնում լինել Վրաստանում: Նա հայրենիքի ազատագրության համար մտադիր էր վրաց **Էկրակ II** թագավորի հետ դաշնակ-



Մշո Ս. Կարապետ վանքը

ցած պայքարել թուրքական տիրապետության դեմ:

Վորոնցովն ընդառաջում է Էմինի խնդրանքին և Հերակլ II թագավորին ուղղված նամակով նրան ճանապարհում է Վրաստան: Մոսկվայում Հովսեփ Էմինին է միանում *Մովսես Բաղրամյանը*, իսկ Աստրախանում հավաքագրվում է կամավորների ջոկատ, որն ուղեկցում է Էմինին:

Վրաց թագավորը համաձայնում է օժանդակել Էմինի ծրագրերին և նրան հանձնարարում վրաց զորքերին վարժեցնել եվրոպական ռազմական արվեստով:

Հայաստանում ազատագրական շարժումը կազմակերպելու համար Էմինը կապեր է հաստատում Մշո Ս. Կարապետ վանքի *Վահագնայր Հովնանի* հետ: Վերջինս մեծ աշխատանք էր տանում ջոկատներ հավաքագրելու և օսմանյան հպատակությանը ենթակա քրդերի, ասորիների հետ համագործակցելու ուղղությամբ: Հովնանը պնդում էր, որ Էմինը Հայաստան գալու ժամանակ ունենա վրաց թագավորի կողմից տրամադրված թեկուզև փոքրիկ մի զորաջոկատ: Դրանով թուրքերը կհամոզվեին, որ վրացիներն էլ են հակաթուրքական պայքարում հայերի հետ: Հերակլ II-ը, զգուշանալով Թուրքիայի հետ ընդհարումից, երկար ժամանակ տատանվում էր որոշակի խոստումներ տալու:

1764 թ. Հ. Էմինը և Հերակլը խրախուսական նամակներ են ուղարկում Հովնանին, սակայն Երևանում խանի մարդկանց կողմից նամակատարը ձերբակալվում է: Տեղեկանալով այդ մասին՝ *Սիմեոն Երևանցի* կաթողիկոսը նամակով կշտամբում է Հերակլ II-ին հայ ժողովրդի համար վտանգավոր անշրջահայաց քայլերի համար: Զգուշանալով հետագա անախորժություններից՝ Հերակլը Հովսեփ Էմինից պահանջում է հեռանալ Վրաստանից:

Հովսեփ Էմինն անցնում է Հյուսիսային Կովկաս, որտեղ մնում է ավելի քան մեկ տարի: 1766 թ. Էմինը վերադառնում է Հայաս-

տան և հանգրվանում Գետաշենում՝ *Գյուլիարանի մելիք Հովսեփի* մոտ: Էմինը Գետաշենում մասնակցում է Գանձակի խանի անակնկալ արշավանքի դեմ մելիք Հովսեփի մղած ճակատամարտին: Հայկական զորքերը ջախջախիչ պարտության են մատնում խանի բանակը, հետապնդում մինչև Գանձակի դարպասները և պաշարում քաղաքը: Հերակլ II-ի միջնորդությամբ հայկական զորքը դադարեցնում է պաշարումը, իսկ մելիք Հովսեփը տեղափոխվում է Գյուլիստան: Մելիք Հովսեփի հետ Գյուլիստան է գնում նաև Հ. Էմինը:

Արցախի իրադրությանը ծանոթանալու համար Հ. Էմինը ծուշիում այցելում է Իբրահիմ խանին, ապա մեկնում Գանձասար: Այստեղ նրան տեղեկացնում են, թե Սիմեոն Երևանցի կաթողիկոսը հրամայել է չընդունել և չօժանդակել Էմինին: Համոզվելով, որ Արցախում ևս կատարում են Սիմեոն Երևանցու հրամանը՝ Հ. Էմինը որոշում է կրկին վերադառնալ Ռուսաստան: Շամախիում լսելով, որ Խոյի ու Սալմաստի քրիստոնյաները պատրաստ են իրեն տրամադրելու 18 հազար զինվոր, Էմինը ճանապարհվում է Խոյ: Սակայն պահանջվող գումարը չունենալով՝ Էմինը չի կարողանում զորք վարձել:

Անհաջողությունները հուսահատեցնում են նրան: 1770 թ. Էմինը վերադառնում է Հնդկաստան:

Մովսես Սարաֆյանի ազատագրական ծրագիրը: XVIII դ. երկրորդ կեսին Ռուսաստանում հայ բնակչությունը շարունակում էր արագորեն աճել: 1768 թ. սկսված՝ ռուս-թուրքական պատերազմը և տարածվող լուրերը, թե ռուսները զորք են մտցնելու Այսրկովկաս, մեծ ոգևորություն առաջ բերեցին հայերի շրջանում: Ռուս-թուրքական պատերազմը մեծացնում էր Հայաստանը թուրք-պարսկական լծից ազատագրելու հույսերը:

1769 թ. հունիսին Աստրախանի մեծահա-

րուստ *Մովսես Սարաֆյանը* այլ գործիչների գիտությամբ Ռուսաստանի արտաքին գործերի կոլեգիային (նախարարություն) է ներկայացնում Հայաստանի ազատագրության իր կազմած ծրագիրը: Այդ ծրագրում նա առաջարկում էր Ռուսաստանում բնակվող հայերից ու վրացիներից կազմել կամավորական զորաջոկատներ և ռուսական զորքերի հետ ուղարկել Վրաստան: Ջորաջոկատների հրամանատարը պետք է լիներ հայազգի և ենթարկվեր ռուսական բանակի հրամանատարությանը: Սարաֆյանն առաջարկում էր հակաթուրքական պայքարի մեջ ընդգրկել նաև Արցախի մելիքներին՝ նրանց տրամադրելով ռազմական հանդերձանք և զենք: Սարաֆյանի համոզմամբ՝ ռուսական բանակը հեշտությամբ կարող էր տիրանալ Երևանին, որովհետև այնտեղ իշխող խանը կախման մեջ էր Հերակլ II-ից: Վերջինս կարող էր հայ, վրացի և ռուս զինվորներ ուղարկել Երևան և գահընկեց անել խանին: Ակնկալվում էր, որ Երևանի գրավումից հետո մեծ քանակությամբ հայ բնակչություն կտեղափոխվեր այնտեղ և կզինվորագրվեր ռուսական բանակին:

Մովսես Սարաֆյանն առաջարկում էր Թուրքիայի դեմ արշավանք սկսել Թիֆլիս-Ախալցխա-Կարս և Երևան-Բայազետ-Վան ուղղություններով: Մ. Սարաֆյանի ծրագրի համաձայն՝ Հայաստանն ազատագրելուց հետո պետք է ստեղծվեր հայկական պետություն, և Արցախի մելիքներից մեկը դառնար Հայաստանի թագավոր:

Հայաստանի ազատագրության հյուսիսային ծրագիրը: Հայրենիքի ազատագրմամբ մտահոգ աշխարհասփյուռ գաղութների մեջ առանձնանում էին մասնավորապես ռուսահայ կենտրոնները: Դա պայմանավորված էր նրանով, որ դեպի հարավ տարածվելու Ռուսաստանի ձգտումները և Հայաստանը ազատագրելու հայոց շարժումներն ու ծրագրերը համահունչ էին:

XVIII դ. 80-ական թթ. հատկապես

աշխուժացան հայ պետականության վերականգնման համար դիվանագիտական բանակցություններն ու ազատագրական ծրագրի մշակումը: Դրան մեծապես խթանեց 1783 թ. Ռուսաստանի և Վրաստանի միջև Գեորգիևսկում կնքված դաշնագիրը: Դրանով Ռուսաստանն իր հովանավորության տակ էր առնում Վրաստանը և զորք տրամադրում նրան: Այդ դաշնագիրը մեծ արձագանք գտավ հայկական շրջաններում: Դրա հետ մեծ հույսեր էին կապում ինչպես Հովսեփ արքեպիսկոպոս Արղությանը Ռուսաստանում, այնպես էլ *Շահամիր Շահամիրյանը* Հնդկաստանում:

Հայ ազատագրական շարժման նշանավոր գործիչներ *Հովսեփ Արղությանը և Հովհաննես Լազարյանը* 1780-ական թվականների սկզբին բանակցություններ էին վարում ռուսական պետական գործիչների հետ՝ արշավանք կազմակերպելու և Հայաստանը ազատագրելու մասին:

Նրանք կազմում են նաև Հայաստանի ազատագրման և հայ-ռուսական դաշնագրի մի նախագիծ, որը բաղկացած էր 18 հոդվածից: Առաջարկվում էր Հայաստանի և Ռուսաստանի միջև կնքել հավիտենական դաշինք: Դրա համաձայն՝ Հայաստանում լինելու էր որոշակի քանակությամբ ռուսական զորք՝ երկիրը հնարավոր հարձակումներից պաշտպանելու համար: Հայաստանը պետք է հանքերից և եկամուտներից հարկ վճարեր Ռուսաստանին, իսկ պատերազմի ժամանակ ցուցաբերեր ռազմական օգնություն: Հայոց թագավորն ընտրվելու էր ռուսաց կայսրի կողմից, որն այնուհետև պետք է օժվեր էջմիածնում: Առաջարկվում էր Հայաստանի մայրաքաղաք դարձնել Վաղարշապատը կամ Անին: Սահմանվում էին Հայաստանի դրոշմը, զինանշանը, շքանշանները և այլն: Նախկին հողատերերին վերադարձվելու էին իրենց կալվածքները,

մասին որպիսի ախտագրությունը գրեցին իր

մասին որպիսի ախտագրությունը գրեցին իր

սակայն առանց գյուղացիներին ճորտացնելու իրավունքի: Առաջարկվում էր Հայաստանի և Ռուսաստանի միջև կնքել

առևտրական պայմանագիր, իսկ Կասպից ծովի ափին Հայաստանին տրամադրել նավահանգիստ:

Հարցեր և անաշտորանքներ

1. Ինչո՞ւ XVIII դարի կեսերից աշխուժացան հայ ազատագրական շարժման գաղութահայ կենտրոնները: Ի՞նչը նպաստեց, որ հնդկահայ բուրժուազիայի մի մասը գիտակցեր հայրենիքի, սեփական պետության ու բանակի անհրաժեշտությունը և նշանակությունը:
2. Նկարագրե՞ք Հովսեփ Էմինի գործունեությունը: Ինչո՞ւ Սիմեոն Երևանցին հանդես եկավ Էմինի և Հովնանի ծրագրերի դեմ: Արդյո՞ք ճիշտ էր կաթողիկոսը. հիմնավորե՞ք ձեր պատասխանը: Ձեր կարծիքով՝ ինչո՞ւ չիրականացան Էմինի ծրագրերը:
3. Ո՞վ էր Մովսես Սարաֆյանը. ներկայացրե՞ք Հայաստանի ազատագրության նրա ծրագիրը: Այդ ծրագրի ո՞ր առաջարկի հետ համաձայն չեք. ինչո՞ւ:
4. Հայաստանի ազատագրությամբ մտահոգ գաղութներում ինչո՞վ էին առանձնանում ռուսահայ կենտրոնները: Ներկայացրե՞ք Հ. Լազարյանի և Հ. Արղությանի ծրագիրը: Համեմատե՞ք այն Սարաֆյանի ծրագրի հետ:

§ 6. ՀՆԴԿԱՀԱՅ ԱԶԱՏԱԳՐԱԿԱՆ ԿԵՆՏՐՈՆԸ

Մադրասի հայրենասիրական խմբակը:

Հայաստանի ազատագրությունը նախապատրաստելու համար Շահամիր Շահամիրյանի գլխավորությամբ Մադրասում ստեղծված խմբակի անդամները XVIII դ. 70–80-ական թթ. կատարեցին դիվանագիտական ու կազմակերպչական մեծ աշխատանք:

Հովսեփ Էմինը, Հնդկաստան վերադառնալով, շարունակեց ազատագրական–հայրենասիրական քարոզչությունը, որը ոգեշնչում էր նաև Մադրասի հայերին: Այդ նպատակով էր նա շարադրել իր կյանքի պատմությունը՝ *«Հովսեփ Էմինի կյանքը և արկածները»* վերնագրով: Հնդկահայերը որոշում են Էմինի տրամադրության տակ դնել 12 հազար ռուբլի՝ բանակ ստեղծելու համար: Մեծահարուստ *Գրիգոր Խոջաջանյանը* հայտնում է, որ ինքը պատրաստ է այդ ծրագրի համար կտակել իր ունեցվածքի մեկ երրորդը, եթե այդ ծրագրին հավանություն տա նաև Սիմեոն կաթողիկոսը:

Հայաստանի ազատագրությունը, ըստ

Շ. Շահամիրյանի, պետք է իրականանար օտարի լծի դեմ համաժողովրդական ապստամբության շնորհիվ: Այն պետք է գլխավորեին Արցախի մելիքներն ու Էջմիածնի հոգևորականները: Հայ ժողովուրդը կարող էր օժանդակություն ստանալ Վրաստանից և Ռուսաստանից:

Մադրասում տպագրված *«Նոր տեսարակ, որ կոչի յորդորակ»* և *«Որոգայթ փառաց»* գրքերը Շ. Շահամիրյանն ուղարկում է ոչ միայն Սիմեոն կաթողիկոսին, այլև Արցախի մելիքներին, Գանձասարի Հովհաննես կաթողիկոսին, Հերակլ II թագավորին: Շ. Շահամիրյանը նամակագրական աշխույժ կապ էր ստեղծել նրանց հետ: Նա կապված էր նաև Ռուսաստանի հայոց թեմի առաջնորդ Հովսեփ արքեպիսկոպոս Արղությանի, Հովհաննես Լազարյանի և շատ ուրիշների հետ:

Հերակլ II թագավորին նա առաջարկում էր Վրաստանում կատարել բարեփոխումներ, որոնք կհզորացնեին երկիրը: Վրաս-

տանն օգտակար կլինեն հայ ժողովրդի ազատագրական պայքարին: Վրաց թագավորին օգնելու նպատակով Շ. Շահամիրյանը թանկարժեք նվերներ ուղարկեց և անգամ պատրաստակամություն հայտնեց տեղափոխվելու Վրաստան:

Վրաց թագավորն իր հերթին *Լոռու գավառը* նվիրաբերեց Շ. Շահամիրյանին և նրան շնորհեց նաև իշխանի տիտղոս: 1790 թ. Հերակլ II-ը Շ. Շահամիրյանի առաջարկությամբ հատուկ ուղերձ է հղում Պարսկաստան բշված հայ ժողովրդին՝ հրավիրելով բնակություն հաստատելու Վրաց թագավորության կազմում գտնվող հայաբնակ գավառներում: Այդ ուղերձը 1792 թ. հայերենով տպագրվել է Մադրասում:

«Նոր Կոնստանդնուպոլսի, որ կոչի յորդորակ» և «Որոգայթ փառաց» աշխարհությունները: Հովսեփ Էմինի ու Մովսես Բաղրամյանի վերադարձը Հնդկաստան կարևոր նշանակություն ունեցավ գաղթօջախի կյանքում: Նրանք համոզեցին հնդկահայ ուրիշ գործիչների ևս, որ առանց ժողովրդի լայն աջակցության Հայաստանի ազատագրման գործում հնարավոր չէ հասնել հաջողության: Հետևաբար անհրաժեշտ է միավորել հայ երիտասարդությանը, նրանց դաստիարակել հայրենասիրության ու ազգային արժանապատվության ոգով:

Հայ ժողովրդի մեջ ազատագրական գաղափարների տարածման, երիտասարդությանը հայրենի երկրի պատմությանն ու մշակույթին ծանոթացնելու համար անհրաժեշտ էր գրականություն ունենալ: Նման գրքեր տպագրելու համար հնդկահայ մեծահարուստ Շահամիր Շահամիրյանը 1771 թ. Մադրաս քաղաքում հիմնում է հայկական տպարան: 1772 թ. այդ տպարանում լույս է ընծայվում Մովսես Բաղրամյանի *«Նոր Կոնստանդնուպոլսի, որ կոչի յորդորակ»* գիրքը: Հայ իրականության մեջ դա առաջին հրապարակախոսական տպագիր աշխատությունն էր:

Գրքում ներկայացվում են հայ ժողովրդի

հերոսական անցյալը, նրա աշխարհագրական լայնարձակ սահմանները, և դրան է հակադրվում առկա վիճակը, երբ երկիրը կողոպտվում է օտարների կողմից: Գիրքը կոչ էր անում հայ երիտասարդներին դուրս գալու օտար բռնակալների դեմ և զենքի ուժով հասնելու ազատության. *«Խիզախությամբ եղեք, եղեք նմանվողներ մեր նախահոր՝ քաջ Արամի որդիներին, որ միգուցե թե այդպիսով կարողանանք վերագրնել մեր հայրենիքն Արարարյան»:* «Նոր տետրակի» մեջ հեղինակը քննադատում է միապետական կարգը՝ այն համարելով հայոց պետականության անկման պատճառներից մեկը: Մեկ մարդը ի վիճակի չէ անսխալ կառավարել, իսկ թագավորի սխալը դժբախտություն է երկրի համար: Ուստի առաջարկվում է ստեղծել սահմանադրություն և երկիրը կառավարել ժողովրդի ընտրովի ներկայացուցիչների միջոցով:

Ստանալով «Նոր տետրակը» և զգուշանալով հայ երիտասարդների անժամանակ ապստամբելու վտանգից՝ Սիմեոն Երևանցի կաթողիկոսը կարգադրում է հավաքել և այրել այդ գիրքը, փակել տպարանը և հենոացնել Մովսես Բաղրամյանին: Նրա սպառնալիքները, սակայն, չկասեցրին գրքի տարածումը: 1786 թ. «Նոր տետրակը» թարգմանվում է ռուսերեն և լույս է տեսնում Պետերբուրգում երկու հազար տպաքանակով, իսկ այնուհետև թարգմանվում է նաև վրացերեն:

Շարունակելով «Նոր տետրակի» գաղափարները՝ Մադրասի խմբակի անդամները կազմում և հրատարակում են *«Որոգայթ փառաց»* գիրքը: Այն ապագա հայկական պետության կառավարման համար նախատեսված օրենքների հավաքածու էր, որը պետք է կիրառվեր երկիրը Հայաստանի անկախության վերականգնումից հետո:

Հայոց ապագա պետության բարձրագույն օրենսդիր մարմինը՝ *«Հայոց Կունը»*, պետք է կազմվեր ժողովրդի կողմից ընտր-

ված փոխանորդներից (պատգամավորներից): Հայաստանում պետք է իշխեր օրենքը: «Հայոց տունը» պարտավոր էր ստեղծել գործադիր իշխանություն (կառավարություն): Այդ նպատակով փոխանորդներից պետք է ընտրվեին տասներեք հոգի, որոնցից մեկը վիճակահանությամբ դառնալու էր նախարար (նախագահ), իսկ մյուսները՝ նախարարի խորհրդակիցներ: Նախարարը լինելու էր օրենքների առաջին կատարողը և գործի գլխավոր հրամանատարը: «Որոգայթ փառաց» գիրքը սահմանադրական հանրապետություն ստեղծելու ծրագիր էր և հայ բաղաբական մտքի կարևոր նվաճումներից մեկը:

Հայաստանի ազադագրության հարավային (Շահամիր Շահամիրյանի) ծրագիրը: Ռուսաստանի հովանու տակ հայկական պետականությունը վերականգնելու 20 հոդվածից բաղկացած նախագիծ էր կազմել Շահամիր Շահամիրյանը: Այս նախագծով Ռուսաստանի օգնությամբ ազատագրված Հայաստանը պետք է հռչակվեր հանրապետություն՝ խորհրդարանական կառուցվածքով: Կառավարությունը գլխավորելու էր ազգությամբ հայ նախարարը: Հայաստանում 20 տարի ժամկետով անհրաժեշտ էր համարվում տեղակայել 6-հազարանոց ռուսական զորք: Հայաստանն անհրաժեշտության դեպքում պետք է զորք տրամադրեր Ռուսաստանին: Առաջարկվում էր երկու երկրների միջև սահմանել ազատ երթևեկություն: Հայաստանի կառավարությունը Պետերբուրգում պետք է ունենար իր դեսպանը:

Հովսեփ Արղությանի ծրագրի օրինակով Շ. Շահամիրյանի նախագիծը ևս ներկայացվել է ռուսական կառավարությանը, սակայն իշխանությունների կողմից դրանք բավարար ուշադրության չեն արժանացել ու չեն քննարկվել:

Հայոց եկեղեցին և ազադագրական պայքարը XVIII դարում: Պետականության բացակայության պայմաններում հայ

ժողովրդի տարաբնակ հատվածները համախմբող կառույցը Հայոց եկեղեցին էր: Հայոց կաթողիկոսի հոգևոր հեղինակությունն ու աշխարհիկ իրավասություններն ընդունում էին նաև օտար գահակալները՝ մեծարելով նրան «խալիֆա» անվանումով:

Օտար լծից Հայաստանի ազատագրումը հնարավոր էր հայրենիքում հայ բնակչության հոծ զանգվածների առկայությամբ, նրանց տնտեսական վիճակի բարելավմամբ ու նաև օտար պետությունների հետ դաշինքի ձևավորման միջոցով: Հայոց եկեղեցին և Ամենայն հայոց կաթողիկոսը ոչ միայն պայքար էին մղում եկեղեցու միասնության, օտար դավանանքներից և աղանդներից հայ ժողովրդին զերծ պահելու համար, այլև հնարավոր քայլերի էին դիմում օտար տիրապետության պայմաններում հայ բնակչության տնտեսական ու իրավական շահերը պաշտպանելու ուղղությամբ:

XVIII դարում հայոց կաթողիկոսները՝ **Ասրիաժապուր Համադանցի, Աբրահամ Կրեպուցի** և այլք, պարսից տիրակալներից բազմիցս պահանջել են հայ բնակչության մեջ մահմեդականություն ընդունած անձնավորություններին զրկել իրենց հարազատների ունեցվածքը առաջնահերթ ժառանգելու իրավունքից, որը հայտնի էր «Խմամ Ջաֆարի օրենք» անվանումով: Աբրահամ Կրեպուցի կաթողիկոսի միջնորդությամբ պարսից տիրակալ Նադիրը չեղյալ հայտարարեց Թիֆլիսի հայերի մի մասին Խորասան փոխադրելու վերաբերյալ իր իսկ հրամանը:

Նվիրված լինելով հայրենիքի և ժողովրդի ազատության գործին՝ Հայոց եկեղեցու նշանավոր առաջնորդները միաժամանակ շրջահայաց բաղաբականությամբ ձգտում էին հոգալու և ապահովելու հայ բնակչության անվտանգությունը: Երևանի խանի կողմից Հերակլ II թագավորի նամակատարի ձերբակալման և նամակների բովանդակության հրապարակման առիթով **Սիմեոն Երևանցի** կաթողիկոսը մեղադրում և նա-

խատում է Հերակլ II վրաց թագավորին: Նա ընդգծում էր զանգվածային կոտորածների վտանգը, որ կարող էր սպառնալ հայ ժողովրդին ոչ միայն բուն Հայաստանում, այլև ամենուրեք, որտեղ նա սփռված էր: Դա է պատճառը, որ Սիմեոն Երևանցին առանց անհրաժեշտ նախապատրաստության վտանգավոր է համարում ազատագրական պայքարի մասին լուրերի տարածումը մահմեդական բնակչության միջավայրում:

XVIII դ. իրատեսորեն գնահատելով տարածաշրջանում ուժերի հարաբերակցությունը՝ Հայոց եկեղեցու առաջնորդները հայոց ազատագրական պայքարի հնարավոր դաշնակից էին համարում հզորացող Ռուսաստանը: Ուստի և փորձում էին ռուսական արքունիքի հետ հարաբերությունների հաստատումով նախադրյալներ ստեղծել Հայաստանի ազատագրության գործում Ռուսաստանի օժանդակությունը ստանալու համար:

1766 թ. Սիմեոն Երևանցի կաթողիկոսի կողմից ռուսաց արքունիք ուղարկված դեսպանության շնորհիվ սկիզբ են առել Ռուսաստանի և Հայոց եկեղեցու միջև պաշտոնական հարաբերությունները: Ստանալով

Եկատերինա II կայսրուհու և կանցլեր Պանինի դրական պատասխանը՝ Սիմեոն Երևանցին սահմանում է ռուսական արքունիքին նվիրված ժամերգություն՝ ընդգծելու Ռուսաստանի կողմից հայերին սատարելու իր ակնկալիքը:

Հայոց կաթողիկոսը դատապարտում էր աշխարհիկ իշխողներին՝ տարածաշրջանում օտար դավանանքների ներթափանցման դեմ նրանց կողմից անբավարար պայքարի, հանդուրժողականության կամ անտարբերության համար: Նա հաճախ միջնորդի դեր էր ստանձնում աշխարհիկ գահակալների միջև: Այսպես՝ 1765 թ., երբ Հերակլ II վրաց թագավորը մեծ բանակով ներխուժել էր Արարատյան դաշտ հարկի վճարումից խուսափող Երևանի խանին պատժելու նպատակով, Սիմեոն Երևանցուն հաջողվում է, միջնորդի դեր ստանձնելով, Երևանի խանից պարտավորություն կորզել հարկի վճարումը շարունակելու վերաբերյալ: Այդպիսով նա կանխում է վրաց բանակի կողմից Արարատյան դաշտի հայկական գյուղերի բնակչության կողոպուտն ու հնարավոր արյունահեղությունը:

Հարցեր և առաջադրանքներ

1. Հայաստանի ազատագրության գործով ինչ քայլեր ձեռնարկվեցին Հնդկաստանում: Ո՞վ էր գլխավորում Մադրասի հայրենասիրական խմբակի աշխատանքները: Ըստ Շ. Շահամիրյանի՝ ինչպե՞ս էր իրականանալու Հայաստանի ազատագրությունը:
2. Ի՞նչ էր բովանդակում «Նոր տեսորակ, որ կոչի յորդորակ» գիրքը: Համառոտ ներկայացրե՞ք «Որոգայթ փառաց» գիրքը: Համեմատե՞ք այն ՀՀ Սահմանադրության հետ:
3. Ներկայացրե՞ք Հայաստանի ազատագրության Շահամիրյանի ծրագիրը: Համեմատե՞ք այն Արդությանի և Սարաֆյանի ծրագրերի հետ: Ձեր կարծիքով՝ այդ ծրագրերից ո՞րն է նախընտրելի: Ինչո՞ւ:
4. Ի՞նչ դեր էր ստանձնել Հայոց եկեղեցին պետականության բացակայության պայմաններում: Օտար տիրակալներն ինչ անունով էին մեծարում Հայոց կաթողիկոսին: Հայոց եկեղեցու միասնությանը սպառնացող ինչ վտանգներ կային: Թվարկե՞ք Հայաստանի ազատագրության գործում ներդրում ունեցած հայ հոգևորականների: Ի՞նչ գիտեք նրանց մասին:

ԳԼՈՒԽ 2. ՀԱՅՈՑ ՊԵՏԱԿԱՆՈՒԹՅԱՆ ՎԵՐԱԿԱՆԳՆՄԱՆ ԽՆԴԻՐԸ XIX ԴԱՐԻ ԱՌԱՋԻՆ ԿԵՍԻՆ

§ 1. ԱՐԵՎԵԼՅԱՆ ՀԱՅԱՍՏԱՆԸ XIX ԴԱՐԻ ՍԿԶԻՆ

Վարչաքաղաքական իրավիճակը:

XIX դ. սկզբի դրությամբ Հայաստանը բաժանված էր Օսմանյան կայսրության և Սեֆյան Իրանի (Պարսկաստան) միջև: Այդ ժամանակ Արևելյան Հայաստանը և Այսրկովկասի մնացած տարածքները մասնատված էին ավատատիրական կիսանկախ մանր իշխանությունների: Արևելյան Հայաստանի մեծագույն մասը ենթակա էր Իրանին և կազմված էր *Երևանի, Նախիջևանի, Ղարաբաղի, Գանձակի ու Մակուի* խանություններից: Արևելյան Այսրկովկասի պարսկահպատակ Ղուբայի, Շաքիի, Շիրվանի, Բաքվի և Թալիշի խանություններում զգալի թիվ էին կազմում հայերը: Արևելյան Վրաստանն ընդգրկող Քարթլի-Կախեթի թագավորության սահմաններում էին ներառված հյուսիսային Հայաստանի մի քանի գավառներ՝ *Լոռին, Փամբակը, Շամշադինը, Ղազախի* հարավային մասը (այժմ՝ Իջևան):

Երևանի խանությունը, որը հիմնականում ներառում էր Արարատյան դաշտն ու նրա հարակից շրջանները, բաժանված էր 15 գավառների՝ մահալների: Նրա կառավարիչ *սարդարը* (գորագլուխ, գորահրամանատար) օժտված էր ռազմավարչական մեծ իշխանությամբ և պարսից շահի հրամանով պիտի հսկեր նաև հարևան խանությունների կառավարիչների գործողությունները: Մահալների կառավարումը երբեմն իրականացնում էին հայ մելիքները: Որոշ ժամանակ Երևան քաղաքի հայ բնակչության կառավարումը եղել է *Մելիք-Աղա-մալյանների* ձեռքում:

Նախիջևանի խանությունը կազմված էր 10 մահալներից: Ղարաբաղի խանությունը գրադեցնում էր պատմական Արցախի տարածքը և Զանգեզուրի զգալի մասը: Երբեմ-

նի Խամաշյի հայկական ինքնիշխան մելիքությունների սահմաններում ձևավորված այս վարչամիավորը գերազանցապես հայաբնակ էր: Այստեղ հայ մելիքները շարունակում էին պահպանել իրենց ազդեցությունը: Նրանք, ինչպես նաև մեծահարուստները, պահպանում էին իրենց արտոնությունները: Պարսկական քանակում, այդ թվում՝ շահական և խանական թիկնազորերում կար հայ զինվորականություն, որի նկատմամբ պարսկական իշխանությունները հատուկ վստահություն էին տածում:

Հայ բնակչությունը ենթարկվում էր ազգային, կրոնական ու սոցիալական դաժան հալածանքների: Երկրում ստեղծված անտանելի պայմանները հարկադրում էին հայերին զանգվածաբար արտագաղթել այլ երկրներ: Հատկանշական է, որ Երևանի ու Նախիջևանի խանությունների ավելի քան հազար բնակավայրերի մոտ մեկ երրորդն ամայի ու անմարդաբնակ էր: Պարսկական իշխանություններն անընդհատ արտագաղթող հայերի բնակավայրերը բնակեցնում էին քոչվոր մահմեդական ցեղերով:

Արևելյան Հայաստանի՝ Ռուսաստանին միացման սկիզբը: Հայ ազատագրական շարժման գործիչների մոտ գնալով խորանում էր այն համոզմունքը, որ միայն հարևան Ռուսաստանի օգնությամբ հայ ժողովուրդը կկարողանա ազատագրվել թուրքական և պարսկական տիրապետությունից, վերականգնել իր պետականությունը կամ ձեռք բերել ինքնավարություն:

XIX դ. սկզբին Ռուսական կայսրությունը, օգտագործելով Անդրկովկասի քրիստոնյա ժողովուրդների, առաջին հերթին հայերի ազատագրական ձգտումները, սկսեց իրականացնել երկրամասը գրավելու իր վաղեմի քաղաքական ծրագիրը:

1801 թ. ռուսական արքունիքը Քարթլի-Կախեթի թագավոր Գեորգի XII-ի մահվանից հետո թույլ չտվեց թագաժառանգի գահակալումը և Արևելյան Վրաստանը բռնակցեց Ռուսաստանին: Վրաց թագավորության հետ Ռուսաստանի տիրապետության տակ անցան նաև հայկական գավառներ Լոռին, Փամբակը, Շամշադինը:

Դարասկզբին էջմիածնի կաթողիկոսական գահի շուրջ պայքար սկսեցին միաժամանակ կաթողիկոս հռչակված *Դավիթ ու Դանիել* եպիսկոպոսները: Ռուսական կառավարությունը, հասկանալով ամբողջ Անդրկովկասը խաղաղ ճանապարհով նվաճելու իր մտադրությունների համար հայոց կաթողիկոսի ազդեցության նշանակությունը, միջամտեց խնդրին և պաշտպանության տակ առավ ռուսական կողմնորոշում ունեցող Դավիթ կաթողիկոսին: Այդ հանգամանքն ավելի սրեց ռուս-պարսկական հարաբերությունները:

Պարսկաստանը ոչ միայն չէր հաշտվել Այսրկովկասում ռուսական ազդեցության տարածման մտքի հետ, այլև ձգտում էր Կովկասյան լեռնաշղթայից հյուսիս մղել ռուսներին:

Վրաստանում տեղակայված ռուսական զորքերը գեներալ Պ. Յիցիանովի հրամանատարությամբ 1804 թ. սկզբին դիմում են ռազմական գործողությունների և շեշտակի գրոհով գրավում *Գանձակը (Գյանջա)*: Սկսվում է ռուս-պարսկական պատերազմ (1804-1813 թթ.): Հունիսի վերջին էջմիածնի մոտ պարսից զահաժառանգ Աբաս-Միրզայի ուժերը պարտություն են կրում ռուսական զորքերից: Սակայն շուտով բազմաթիվ հանգամանքներ ստիպում են Յիցիանովին դադարեցնել Երևանի պաշարումը ու վերադառնալ Թիֆլիս:

1805 թ. ռուսական զորքերը վերսկսում են հարձակումը և գրավում Շորաբայի (Շիրակ) սուլթանության կենտրոն *Արթիկը*, և Շիրակն անցնում է Ռուսաստանին: Մայի-

սին *Ղարաբաղի խանությունը* ևս անցնում է Ռուսական կայսրությանը:

Ռուսների ռազմական հաջողություններն անհանգստացնում են Ֆրանսիային, Անգլիային և Օսմանյան կայսրությանը, որոնք ձգտում են ընդհանուր դաշինք ստեղծելու Ռուսաստանի դեմ: Երկուստեք ծավալված դիվանագիտական պայքարը 1806 թ. վերջին հանգեցնում է ռուս-թուրքական պատերազմի (1806-1812 թթ.):

1808 թ. սեպտեմբերին նոր գլխավոր հրամանատար գեներալ Ի. Գուդովիչի զորքերը երկրորդ անգամ արշավում են Երևանի վրա: Պարսիկները կատաղի դիմադրություն են ցույց տալիս և նոյեմբերին հետ մղում ռուսների զորհները:

Հայերը 1804-1813 թթ. ռուս-պարսկական պարերազմում: XIX դ. սկզբին Անդրկովկասի համար մղված պատերազմներում Ռուսաստանի հաջողությունների մեջ հայերն ունեցան ծանրակշիռ ներդրում:

Հայերի ստեղծած աշխարհագորային ջոկատներն ինքնապաշտպանական մարտեր էին մղում ինչպես իրենց բնակավայրերի համար, այնպես էլ մասնակցում էին ռազմական գործողություններին: Ռուսական զորակազմին մեծ օգնություն է ցույց տալիս Գյուլիստանի մելիք Աբովի որդու՝ Ռոստոմ (Ռուստամ) բեկի գլխավորած հայկական հեծյալ ջոկատը: Հայ աշխարհագորայիններից շատերն ընկնում են անհավասար մարտում, իսկ գերված Ռոստոմը մահապատժի է ենթարկվում Աբաս-Միրզայի հրամանով:

Պարսիկ հրոսակախմբերի դեմ Բորչալում, Ղազախում և Շամշադինում հերոսաբար մարտնչում էր *Գրիգոր վարդապետ Մանուչարյանի* գլխավորած 500-հոգանոց հեծյալ ջոկատը, որը որոշակի դեր խաղաց հայկական գյուղերը պարսկական հարձակումներից պաշտպանելու գործում: Մանուչարյանի ջոկատը մասնակցում է Գանձակի գրավմանը, երևանյան երկու արշավանքներին:

28



Անվեհեր հոգևորականը պարզևատրվում է Գեորգիկյան 4-րդ աստիճանի խաչով, նրա համար սահմանվում է տարեկան ռոճիկ:

Արցախում հատկապես աչքի է ընկնում մեկիք *Ջումշուղ Շահնազարյանի* 300 հեծյալներից կազմված ջոկատը, որը մինչև պատերազմի ավարտը մնում է ռուսական մի զորագնդի կազմում և մասնակցում Ասկերանի ու մի շարք այլ ճակատամարտերի:

Հայ սուրհանդակներից իրենց համարձակությամբ ու խիզախությամբ Արցախում աչքի են ընկնում հարյուրապետ մեկիք *Վանի և Հակոբ Աթաբեկյան* եղբայրները: Յուցաբերած մեծ ծառայության համար Վանի Աթաբեկյանն արժանանում է շնորհակալության և գեներալ Ցիցիանովից ստանում նրա անձնական արծաթե ժամացույցը:

Ռուսական զորքին պարենով զգալի օգնություն է ցույց տալիս ինչպես հայ գյուղացիությունը, այնպես էլ Էջմիածնի վանքը: Երևանը պաշարած ռուսական զորքին Մայր աթոռն անհատույց տրամադրում է տոնենաներով հացահատիկ, պլյուր, ձավարեղեն և այլ մթերքներ:

Ռուսական զորքերին հայության ցույց տված այդ օգնությունը հայ ժողովրդի ազատագրական պայքարի դրսևորումներից էր:

Գյուլիստանի հաշտությունը: 1812 թ. թուրքերի հետ հաշտություն կնքելուց և Նապոլեոնին ջախջախելուց հետո ռուսներն Անդրկովկասում պարսիկների դեմ անցնում են հարձակման: Գահաժառանգ Աբաս-Միրզան Ղարաբաղում, Լենքորանում, Ալանդուզում և Մեղրիում ծանր պարտություն է կրում, և Ֆաթի Ալի շահը 1813 թ. *հոկտեմբերի 12-ին* Արցախի Գյուլիստան գյուղում հարկադրված կնքում է հաշտություն: Այս պայմանագրով Ռուսաստանին է անցնում նաև Արևելյան Հայաստանի մի զգալի հատվածը՝ Լոռին, Փամբակը, Շամշադինը, Գանձակը, Ղարաբաղը, Շիրակը, իսկ Երևանի և Նախիջևանի խանությունները շարունակում են մնալ Պարսկաստանի տիրապետության տակ: Սակայն մինչև Արաքս գետն իր սահմաններն ընդարձակելու ռուսական արքունիքի ծրագիրը մնում է օրակարգում:

Հարցեր և ստուգադրանքներ

1. Ներկայացրե՛ք Արևելյան Հայաստանի վարչաքաղաքական իրավիճակը: Այսրկովկասի որ երկրամասերում էին զգալի թվով հայեր ապրում:
2. Անդրկովկասի նկատմամբ ինչ նպատակներ ունեւ Ռուսաստանը: Ինչպե՛ս և հայկական ինչ գավառներ անցան Ռուսաստանին: Ինչ գիտեք Դավիթ և Դանիել եպիսկոպոսների վեճի մասին:
3. Ինչ ընթացք և ավարտ ունեցան ռուսական զորքերի երևանյան առաջին և երկրորդ արշավանքները:
4. Ներկայացրե՛ք հայերի մասնակցությունը 1804–1813 թթ. ռուս–պարսկական պատերազմում: Ինչ ակնկալիքներ ունեին հայերը Ռուսաստանից:
5. Երբ և ինչ պայմաններով կնքվեց Գյուլիստանի հաշտության պայմանագիրը:

§ 2. ԱՐԵՎՄՏՅԱՆ ՀԱՅԱՍՏԱՆԸ XIX ԴԱՐԻ ՍԿԶԵՒ

Վարչամոդուլորդագրական իրավիճակը: XIX դ. սկզբին Արևմտյան Հայաստանի ընդարձակ տարածքն արևելքից՝ պարսկական սահմանից, ձգվում էր մինչև պատմական Փոքր Հայք՝ Անտիտավրոսի լեռներ, հարավում՝ Հյուսիսային Միջագետք, հյուսիսում՝ Պոնտական լեռներ: Այն բաժանվում էր *Էրզրում* (Կարին), *Ախալցխա*, *Կարս*, *Վան*, *Դիարբեքիր* և *Սեբաստիա* էյալեթների (նահանգ): Հայաշատ նահանգներ էին նաև Տրապիզոնը, Կեսարիան, Մալաթիան, Մարաշը, Ադանան, Ուրֆան և այլն:

Օսմանյան տերության արևելյան վարչամիավորների մեջ իր ընդարձակ տարածքով և ռազմաքաղաքական նշանակությամբ առանձնանում էր Էրզրումի նահանգը: Նահանգի կառավարիչ փաշան՝ վալին, որ համատեղում էր կայսրության արևելյան մարզերի գործերի հրամանատարի՝ սերասկյարի պաշտոնը, կրում էր Հայաստանի կառավարչի տիտղոսը: Այս նահանգի գրեթե հազար բնակավայրերում ապրում էր ավելի քան 400 հազար հայ:

Ախալցխայի նահանգը հյուսիս-արևմուտքում տարածվում էր մինչև Ջավախք գավառի Փարվանա լիճը և պարսկական տերության սահմանները՝ Շորազյալի սուլթանություն: Նախորդ դարերում հյուսիսկովկասյան լեռնականների հարձակումների, քրիստոնյաների կոտորածների, արտագաղթների ու բռնագաղթների, համաճարակների, զանգվածային մահմեդականացման հետևանքով այստեղ բնակչությունը նկատելիորեն նվազել էր: Ուղղափառություն ընդունած հայերի մի մասը վրացացել էր, հայ կաթոլիկների մեջ էլ տարածում էր գտել թրքախոսությունը:

Ախալցխայի նահանգից հարավ ընկած էր Արևմտյան Հայաստանի ամենափոքր նահանգը՝ *Կարսի* էյալեթը: Նրա հինգ սանջակներից ամենախիտ բնակեցված գավառը

Կարսն էր: Վանի ընդարձակ էյալեթը հիմնականում ընդգրկում էր պատմական *Վասպուրական*, *Մոկս* և *Տուրուբերան* նահանգները: Վան քաղաքում ապրող մոտ 15 հազար հայերը զբաղվում էին ոսկերչությամբ, ջուլիակությամբ և այլ արհեստներով:

Արևմտյան Հայաստանի հարավ-արևմուտքում Ադանիք և Ծուփք նահանգների տարածքն էր զբաղեցնում *Դիարբեքիրի էյալեթը*: Այն առավել մեծ չափերով էր ենթարկվել հարավից քրդական ցեղերի մշտական ներթափանցումներին: Ամենախիտ հայաբնակ գավառը Խարբերդն էր: Հայաստանի արևմտյան մասում էր տարածվում Սեբաստիայի (Սվազ) ընդարձակ նահանգը:

XIX դ. սկզբին Արևմտյան Հայաստանում և հարակից նահանգներում, բացի քրիստոնյա հայերից, մեծ թիվ էին կազմում մահմեդականացված հայերը: Նրանց զգալի մասին շարունակում էին կոչել «կեսկեսներ», այսինքն՝ կես հայ, կես մահմեդական: Նրանց ձնշող մեծամասնությունը չէր մոռացել ինչպես մայրենի լեզուն, այնպես էլ քրիստոնեական կրոնը: Այդպիսի բնակչություն կար Պոնտական լեռների լանջերին ձգվող Համշեն կիսանկախ գավառում, Բաբերդում, Սպերում, Երզնկայում և այլուր:

Ամբողջ Օսմանյան կայսրությունում ապրող մոտ 3 մլն հայերի (այդ թվում՝ «կեսկեսներ») մեծ մասը (մոտ 2,5 մլն մարդ) բնակվում էր Արևմտյան Հայաստանում, մնացածը՝ 4. Պոլսում, Կիլիկիայում և Փոքր Ասիայում: Սակայն հետզհետե ուժեղանում էր թյուրքալեզու և քրդալեզու ժողովուրդների ներհոսքը, զուգահեռաբար նվազում էր հայերի տեսակարար կշիռը:

Ազգային և կրոնական հարաձանքները:

Հայերը և քրիստոնյա այլ ժողովուրդները ապրում էին ազգային ամենափրտ ճնշումների, ազգային արժանապատվության ոտնահարման, ֆիզիկական բնաջնջման

մշտական վտանգի պայմաններում: Բարձր դուռը հրապարակել էր մի օրենք, որը մահապատիժ էր նախատեսում մահմեդականացած բոլոր այն քրիստոնյաների համար, ովքեր կփորձեին վերադառնալ իրենց նախկին կրոնին:

Սուլթանական Թուրքիան շարունակում էր մնալ որպես ագրարային հետամնաց երկիր: Ոչ մահմեդական ժողովուրդների հողերը հայտարարված էին նվաճված հողեր և օգտագործողներին տրվում էին միայն ժամանակավորապես՝ պայմանական իրավունքով:

Հայկական կիսանկախ իշխանություններ: Օսմանյան Թուրքիայում առանձին կառավարիչներ, օգտվելով տեղերում սուլթանական կառավարության ազդեցության հետագա թուլացումից, ստեղծել էին կիսանկախ իշխանություններ: Դրանց միջև ընթացող միջցեղային բախումներից մեծապես տուժում էր հայ բնակչությունը:

Թուրքական կայսրության վարչական նման համակարգի պայմաններում որոշակի ինքնուրույնություն էին ձեռք բերել հայկական կիսանկախ իշխանությունները, որոնք անթեղված ձևով իրենց մեջ պահպանում էին հայկական *պետականության մի շարք հատկանիշներ*: Արևմտյան Հայաստանի տարածքում դեռ միջնադարից իրենց ինքնիշխանությունը պահպանող համայնքների մեջ առանձնանում էր *Սասուն լեռնագավառը*: Այստեղի կիսանկախ իշխանության գլուխ շարունակում էին մնալ տեղի իշխանական տների շառավիղները:

Հայկական ազդեցիկ իշխանապետություններից էր նաև *Մոկսի Շարախ գավառի* համայնքը: Այստեղ վարչական և դատական ողջ իշխանությունը հայերի ձեռքում էր: Հայկական կիսանկախ իշխանություններ կային նաև *Ճապաղջուրում, Խնուսում, Մանազկերտում* և այլուր:

Կիլիկիայում համայնքային ներքին ինքնավարությամբ աչքի էին ընկնում լեռնային Զեյթունի (Ուլնիա) 30 հայկական գյուղեր՝



Սուրբ Վարդապետների վանքը Վանում

մոտ 28 հազար հայ բնակչությամբ: Այստեղի իշխանական տների՝ *Ցաղությանների, Սուրենյանցների, Էնի-Տունյանների (Նորաշխարհյան) և Շովրդյանների* գլխավորությամբ կառավարության դեմ պայքարը գրեթե միշտ պսակվում էր հաջողությամբ: Զեյթունցիները հաճախ հրաժարվում էին նաև հարկեր վճարելուց և ապստամբում էին: Այդպիսի մի ուժգին ապստամբություն նրանք բարձրացրին 1818–1819 թթ.:

Հայկական կիսանկախ իշխանությունները երբեմնի համահայկական պետականության յուրահաարուկ դրսևորումներ էին: *Քաղաքական բարենպաստ պայմանների դեպքում դրանք կարող էին դառնալ ազգային պետականության հիմք:*

1806–1812 թթ. ռուս-թուրքական պատերազմը և հայերը: XIX դ. սկզբին սրվեցին ռուս-թուրքական հարաբերությունները: Օսմանյան վտանգը չեզոքացնելու նպատակով ռուսական արքունիքը գործողության մեջ դրեց հարևան Ախալցխայի և Կարսի նահանգների նվաճման իր ծրագրերը:

Պարսկաստանի դեմ տարած հաղթանակներից ոգևորված ռուսները **1806 թ. դեկտեմբերին** մարտական գործողություններ են սկսում նաև Թուրքիայի դեմ: 1807 թ.

մայիսի սկզբին գեներալ Ի. Գուդովիչի զորքերը Փարվանա լճի մոտ անցնում են ռուս-թուրքական նոր սահմանագիծը և պաշարում լավ ամրացված Ախալքալաքի բերդը։ Տեղի կայագորը կատաղի դիմադրություն է ցույց տալիս՝ ռուսներին պատճառելով մեծ կորուստներ։

Սակայն *հունիսի 18-ին* Ախուրյանի ափին՝ *Փոքր Ղարաքիլիսա* գյուղի մոտ, ռուսական 7-հազարանոց զորքը հաղթանակ է տանում Էրզրումի սերասկյար Յուսուֆ փաշայի 20-հազարանոց զորախմբի նկատմամբ։ Թուրքերի հետ կնքվում է զինադադար։ Ի չիք է դառնում թուրք-պարսկական ռազմական դաշինքը։

1810 թ. ռուս գեներալ Ա. Տորմասովը վճռում է գրավել փաշայանիստ Ախալցխա քաղաքը։ Նոյեմբերի սկզբին տեղի հայերի ու վրացիների գործուն աջակցությամբ ռուսական զորքերն արագորեն գրավում են փաշայության տարածքի զգալի մասը։ Սակայն զորքի մեջ սկսված համաճարակը Տորմասովին ստիպում է դադարեցնել քաղաքի պաշարումը։ Ռուս գեներալն իր կրած անհաջողությունը փորձում է «փոխհատուցել» յուրովի. Ախալցխայի գավառը ենթարկվում է սարսափելի թալանի։ Չբավարավելով նաև իրենց օժանդակած քրիստոնյաների

կողողալուով՝ ռուսական զորքերն ու նրանց ուղեկցող վրաց-մեգրելական աշխարհագորն Ախալցխայի նահանգի 1500 ընտանիքների, այդ թվում՝ քրիստոնյա հայերի ու վրացիների, տեղահան են անում և բռնագաղթեցնում Վրաստան։ Դրա հետևանքով ավելի է նվազում Ախալցխայի և Ախալքալաքի բնիկ հայության թվաքանակը։

1811 թ. դեկտեմբերի սկզբին ռուսական մի զորաշոկատ կտրուկ գրոհով գրավում է անառիկ համարվող Ախալքալաքի բերդը, ապա նաև ամբողջ գավառը։

Կովկասյան և Բալկանյան ճակատներում ռուսների տարած հաղթանակները հանգեցնում են 1812 թ. *մայիսի 16-ին Բուխարեստում* հայ դիվանագետ *Մանուկ բեյ Միրզայանի* միջնորդությամբ հաշտության կնքմանը։ Դանություն շրջանում Բեսարաբիան ստանալով՝ ռուսական դիվանագիտությունը Ախալքալաքի գավառը, Անապան ու Փոթին վերադարձնում է թուրքերին։ Այդ զիջումն արվում է առանց հաշվի առնելու հայ բնակչության շահերը։ Առաջնությունը եվրոպական խնդիրներին տալու, հայկական շահերը երկրորդելու Ռուսաստանի նման գործելակերպը պահպանվում է նաև հետագա ռուս-թուրքական պատերազմների ժամանակ։

Հարցեր և ամուշադրանքներ

1. Ներկայացրեք Արևմտյան Հայաստանի վարչաժողովրդագրական պատկերը XIX դարասկզբին։ Ովքեր էին «կեսկեսները»։ Որքան հայ էր ապրում Օսմանյան կայսրությունում։
2. Ինչ վիճակում էին թուրքահպատակ քրիստոնյաները. նրանց նկատմամբ ինչ քաղաքականություն էր վարվում։
3. Հայկական կիսանկախ ինչ իշխանություններ կային. ինչպե՞ս էր արտահայտվում նրանց ինքնավարությունը։
4. Ներկայացրեք 1806–1812 թթ. ռուս-թուրքական պատերազմի սկիզբն ու ընթացքը։ Ինչ հետևանքներ այն ունեցավ։

§ 3. ԱՐԵՎԵԼՅԱՆ ՀԱՅԱՍՏԱՆԸ ՌՌՍԱՍՏԱՆԻՆ ՄԻԱՅՆԵԼՈՒ ՆՈՐ ՓՈԽԸ

Արևելյան Հայաստանը և ռուս-պարսկական նոր պատերազմի սկիզբը: Պարսկական արքունիքն ամեն կերպ ձգտում էր վերադարձնելու Գյուլիստանի պայմանագրով կորցրած տարածքները: Ուստի գահաժառանգ Աբաս-Միրզան 60-հազարանոց բանակով 1826 թ. **հուլիսին** ներխուժում է Ղարաբաղ և պաշարում **Շուշի** բերդը: Միաժամանակ Երևանի խանի զինված ուժերը ներխուժում են Շիրակի և Փամբակի գավառները: Սկսվում է նոր ռուս-պարսկական պատերազմ (1826-1828 թթ.):

Անակնկալ հարձակմամբ պարսկական բանակներին հաջողվում է գրավել Ռուսաստանին անցած տարածքների մի մասը: Ռուսները հարկադրված դիմում են պաշտպանության և ապավինում տեղական աշխարհագորային ջոկատների աջակցությանը: Շուշիի ռուսական կայազորը և շրջակայքի հայկական 22 գյուղերից օգնության եկած 1500 աշխարհագորայիններն ավելի քան մեկուկես ամիս հերոսաբար դիմադրում են պարսիկներին: Այդ օրերին Ղազախ-Շամշադինում կրկին մարտական գործողությունների մեջ էր մտել փորձառու **Գրիգոր Մանուչարյանի** փառապանծ հեծյալ ջոկատը: Լոռի-Փամբակում սկսել էին գործել **Մարտիրոս Վերիյանի** աշխարհագորայինները:

1826 թ. ամռան ամիսներին Շիրակում ևս ընթանում էին պաշտպանական մարտեր Փոքր Ղարաբիլիսա գյուղի շրջանում:

1826 թ. աշնանից պատերազմը թևակոխում է իր երկրորդ շրջափուլը, որը նշանավորվում է ռուսական զորքերի հաղթանակներով: **Սեպտեմբերի 3-ին** հայազգի զեներալ **Վալերիան (Ռուսարմ) Մադաթովի** 2-հազարանոց զորագունդը **Շամքոր** գետի ափին ջախջախում է Ամիր խանի 10-հազարանոց բանակը և հետ գրավում Գանձակը:

Սեպտեմբերի 13-ին Գանձակի (Ելիզա-



Գեներալ Պասկևիչ Երևանցի

վելապոլ) մոտ տեղի է ունենում ավելի մեծ ու վճռական ճակատամարտ: Գեներալ Ի. Պասկևիչի գլխավորած 8-հազարանոց զորքերը ջախջախիչ հարված են հասցնում Աբաս-Միրզայի 35-հազարանոց զորքին և դուրս չալրտում գրավված շրջաններից:

Հայերի մասնակցությունը պարսկազմին և նրանց տպանդիլները: 1827 թ. սկզբներին ռուսական զորքերը պատրաստվում են արշավելու Երևանի վրա: Վիրահայոց թեմի հոգևոր առաջնորդ արքեպիսկոպոս **Ներսես Աշտարակեցու** և գրող, մանկավարժ **Հարություն Արամ-դարյանի** հայրենասիրական կոչերը լայն արձագանք են գտնում ժողովրդի մեջ: Հայրենիքի ազատության գաղափարով տոգորված՝ բազմաթիվ երիտասարդներ ցանկություն են հայտնում ռուսական զորքի հետ մասնակցելու երևանյան արշավանքին: 1827թ. գարնանը Թիֆլիսում, Ղարաբաղում և այլ վայրերում կազմակերպ-

վում են կամավորական գումարտակներ (դրուժինաներ): Ռուսական բանակի սպայակույտի կողմից հաստատված կանոնադրությամբ հայկական ջոկատները կարող էին ունենալ իրենց ազգային դրոշները և հայ հրամանատարները: Հրամանները տրվելու էին հայերենով, կամավորականների ընտանիքներն օգտվելու էին գանազան արտոնություններից:

Համընդհանուր ոգևորության պայմաններում աճում էր հայ կամավորականների թիվը: Այդ շարժումը պարսկական լծից հայերի ազատագրվելու պոթեկումի արտահայտությունն էր:

Ճիշտ են նկատել ժամանակի ռուս գործիչները, որ այդ կովում հայությունը երագում էր ի վերջո հասնել հայոց կորսված պետականության վերականգնմանը: Խոսելով *կապիւրան Սոււքսարուլի* գլխավորած հայկական կամավորական առաջին դրուժինայի ոգևորության մասին՝ գեներալ Ն. Մուրավյովը վկայում էր. «Թվում էր, թե մի նոր ոգի է թևածում բոլոր հայերի մեջ, որոնք հույս ունեին վերականգնված տեսնելու իրենց թագավորությունը»: Անշուշտ, ռուսական իշխանությունները հայոց պետականության մասին մտածել իսկ չէին ուզում, այլ հայերին ոգևորելով՝ միայն նպատակ ունեին օգտագործելու հայության ուժերը՝ երկրամասը գրավելու համար:

Միաժամանակ պարսկական բանակում, այդ թվում շահական ընտիր սարքազական գնդում ծառայող բազմաթիվ հայ զինվորներ, որպես այդ երկրի հպատակներ, ստիպված էին մարտնչել ռուսների դեմ: Հայերից պարսիկները կազմավորել էին զորաջոկատներ, որոնց հրամանատարությունը վստահվել էր հայ երևելի տոհմերից Աղամալյաններին և Գեղամյաններին: Ողբերգականն այն էր, որ հայ զորայինները հարկադրված էին կռվել միմյանց դեմ:

Օշականի ճակատամարտը: Երևանի գրավումը: Հունիսի կեսերից պատերազմա-

կան գործողությունները ծավալվում են Երևանի և Նախիջևանի խանություններին սահմաններում: Ներսես Աշտարակեցու խոսքերով՝ մոտենում էր Արարատյան աշխարհի և հայ ժողովրդի ազատագրության ժամը:

Ի. Պասկևիչը գեներալ Ա. Կրասովսկու դիվիզիային հանձնարարում է պաշարված պահել Երևանի բերդը, իսկ ինքը, կռիվներ մղելով Աբաս-Միրզայի զորքերի դեմ, գրավում է Կոտայքը, Գառնին, Արտաշատը, Վեդին և Նախիջևանը: 1827 թ. *հուլիսին* ռուսական զորքերը, ջախջախիչ հարվածներ հասցնելով պարսիկներին, գրավում են Աբասարաղի բերդը:

Աբաս-Միրզան գաղտագողի հարձակվում է Էջմիածնի կայազորի վրա: Ներսես Աշտարակեցին կազմակերպում է Էջմիածնի պաշտպանությունը և օգնություն խնդրում Արագածի ճամբարում գտնվող գեներալ Կրասովսկուց: 1827 թ. *օգոստոսի 17-ին Օշականի և Էջմիածնի* միջև տեղի է ունենում կատաղի ճակատամարտ: Վճռական պահին պարսիկների բանակում ծառայող թնդանթաձիգ *Հակոբ Հարությունյանն* իր հրանոթի փողն ուղղում է դեպի պարսկական զորքերը և խուճապ առաջացնում՝ հնարավորություն տալով ռուսներին կոտրելու հակառակորդի դիմադրությունը և մտնելու Էջմիածին: Հակոբը դիմում է փախուստի, բայց պարսիկները բռնում են նրան և խոշտանգում: Հերոսը հրաշքով կենդանի է մնում: Ռուսական կառավարությունը նրան պարգևատրում է միանվագ 100 ոսկով և ցմահ նշանակում տարեկան թոշակ:

1827 թ. *սեպտեմբերին* ռուսական զորքերը գրավում են *Սարդարապատը*, նորից պաշարում Երևանի բերդը: Հասան խանը մերժում է հանձնել Երևանի բերդը՝ Արևելյան Հայաստանի ամենախոշոր ամրությունը:

Սեպտեմբերի 30-ի գիշերը 40 հրանոթ մինչև լույս անընդհատ ուժակոծում են բերդը, ավելի քան հազար ռումբ է նետվում քաղաքի վրա: Քանդվում են հարավային բուր-

գերն ու պարիսպները: 1827 թ. *հոկտեմբերի 1-ի* առավոտյան ռուսական զորքերը և հայ կամավորները սրընթաց գրոհներով մտնում են քերդ: Ընկնում է պարսկական բռնակալության հենակետը Հայաստանում: Գերի է վերցվում ավելի քան 3000 հոգի, այդ թվում՝ Հասան խանը:

Երևանի գրավումը ռազմական, տնտեսական ու քաղաքական խոշոր նշանակություն ուներ: Դա ռուսական զորքերի ամենամեծ հաղթանակն էր 1826-1828 թթ. ռուս-պարսկական պատերազմում: Երևանի գրավումը մեծ խանդավառությամբ է ընդունվում հայության կողմից:

Թուրքմենշայի պայմանագիրը և արևելահայությունը: Երևանի ու Նախիջևանի գրավումից հետո ռուսական զորամասերն անցնում են Արաքս գետը և *հոկտեմբերի 13-ին* մտնում *Թավրիզ*: Տեղի հայերը աղ ու հացով են դիմավորում նրանց: Մինչև 1828 թ. սկզբները ռուսական զորքերը գրավում են Խոյը, Սալմաստը, Ուրմիան, Մարաղան և շարժվում դեպի Թեհրան: Շահը ստիպված հաշտություն է խնդրում:


1828 թ. *փետրվարի 10-ին* Թավրիզ-Թեհրան ձանապարհին գտնվող *Թուրքմենշայ* գյուղում հաշտության պայմանագիր է կնքվում: Ռուսների կողմից այն ստորագրում է Ա. Գրիբոյեդովը: Պայմանագրով Արևելյան Հայաստանի ևս մի մեծ հատված՝ Երևանի և Նախիջևանի խանությունները, անցնում են Ռուսաստանին: Ռուս-պարսկական սահմանը մի հատվածով ձգվում է Արաքս գետով: Սակայն Արաքսից հարավ ընկած պատմական Պարսկահայքի և Ատրպատականի գավառները վերադարձվում են պարսիկներին: Պայմանագրի մեջ ռուսների մտցրած 15-րդ հոդվածով պարսկահպատակ հայերին հնարավորություն էր ընձեռնվում տեղափոխվելու Ռուսական կայսրության նորահաստատ տարածքներ:

Նախապես ռուսական իշխանությունները ծրագրում էին գրաված տարածքները

բնակեցնել ռուս կազակներով, սակայն շուտով ծախսատար այդ ծրագրից ցարական արքունիքը հրաժարվեց: Ընդառաջ գնալով նաև հայ գործիչների՝ Ներսես Աշտարակեցու, Լազարյանների և այլոց հորդորներին՝ վճռվեց Արաքսի աջափնյակի հայության վերաբնակեցման հաշվին վերաշենացնել Երևանի ու Նախիջևանի խանությունների տարածքը: Այդ ծրագրի իրականացման համար Երևանում ստեղծվում է Վերաբնակեցման կոմիտե: Հայերի կողմից գործի կազմակերպումը դրվում է գեղապետ Եղիազար Լազարյանի գլխավորած հատուկ հանձնաժողովի վրա: Տասնյակ հազարավոր հայեր, չկամենալով մնալ մահմեդական տիրապետության տակ, 1828 թ զարնանից ուղղվում են դեպի ռուսական կայսրության տարածք: Երեքուկես ամսվա ընթացքում Արաքսի ձախ ափն է անցնում 8 հազարից ավելի հայ ընտանիք՝ մոտ 45 *հազար մարդ*, Թավրիզի, Մակուի, Խոյի, Սալմաստի, Ուրմիայի, Արդաբիլի և այլ շրջաններից:

Սակայն ռուսական իշխանությունները, անհրաժեշտ միջոցներ չտրամադրելով, հայ վերաբնակիչներին մատնում են դժվարին կացության: Երևանի ու Նախիջևանի գավառներում, Վայոց ձորում, Զանգեզուրում, Արցախում և այլ վայրերում մեծ գրկանքներ կրելուց հետո հաստատված մարդկանց զգալի մասը հայտնվում է բաց երկնքի տակ՝ առանց բնակարանների: Թեև վերաբնակիչները 6 տարով ազատվում էին հարկերից, տուրքերից, բնակեցվում միայն պետական հողերի վրա, իսկ առավել աղքատները տներ կառուցելու համար ստանում էին դրամական օգնություն, այնուամենայնիվ տարիներ պահանջվեցին նոր բնակատեղիներում կրկին կյանքը կազմակերպելու, տնտեսությունը կարգավորելու և զարգացնելու համար:

Այդուհանդերձ, պարսկահայերի զանգվածային վերաբնակեցումը շրջադարձային նշանակություն ունեցավ հայ ժողովրդի կյանքում: Ռուսահպատակ դարձած հայերը



Երևանի բերդի գրավումը. 1827 թ. հոկտեմբերի 1

ձեռք բերեցին անձի ու գույքի ապահովության, ազգային կյանքի կազմակերպման ավելի նպաստավոր պայմաններ: Պարսկական տիրապետության հետևանքով նկատելիորեն հայաթափված Արևելյան Հայաստանի տարածքի մեծ մասի վրա կրկին

սկսվեց ազգահավաքման լուրջ գործընթաց, որը հետագայում հսկայական նշանակություն պիտի ունենար այդ երկրամասում բաղձալի երազանքի՝ հայոց պետականության վերականգնման իրագործման համար:

Հարցեր և ստուգադրանքներ

1. Որո՞նք էին 1826–1828 թթ. ռուս–պարսկական պատերազմի պատճառները: Նկարագրե՞ք 1826 թ. ռազմական գործողությունների ընթացքը:
2. Ներկայացրե՞ք հայերի սպասելիքները պատերազմից և կամավորական շարժման ընթացքը: Հայերից ովքե՞ր և որտե՞ղ աչքի ընկան:
3. Ինչպե՞ս ընթացան ռազմական գործողությունները 1827 թ.: Նկարագրե՞ք Օշականի ձակատամարտը: Ի՞նչ նշանակություն ունեցավ Երևանի գրավումը:
4. Ե՞րբ և ի՞նչ պայմաններով կնքվեց Թուրքմենչայի հաշտության պայմանագիրը: Որքան հայ և որ շրջաններից ներգաղթեց ռուսական կայսրության տարածք: Ի՞նչ նշանակություն ունեցավ պարսկահայերի ներգաղթը:

§ 4. ԱՐԵՎՄՏԱՀԱՅՈՒԹՅՈՒՆԸ XIX ԴԱՐԻ 20-ԱԿԱՆ ԹՎԱԿԱՆՆԵՐԻՆ

Հայերի 1821–1823 թթ. բռնագաղթը: 1821–1823 թթ. տեղի ունեցավ պարսկա-թուրքական պատերազմ, որի ընթացքում հայությունը նոր արհավիրքների է ենթարկվում: Կրկնելով մոտ 200 տարի առաջ շահ Աբասի քաղաքական ծրագիրը՝ Ֆաթի Ալի շահն Արևմտյան Հայաստան ներխուժած իր զորքին հրամայում է տեղահանել աշխատասեր հայ բնակչությանը և բռնագաղթեցնել իր տերության սահմանները: Հայությունը դիմում է զենքի: Բագրևանդի հայ գյուղացիության դիմադրական մարտերը գլխավորում է Ս. Հովհաննու վանքի վանահայր **Խաչատուր վարդապետ Աստվածատրյանը:** Վանքի պաշտպանները, զինվելով հնարավոր ամեն ինչով, այդ թվում՝ ինքնաշեն թնդանոթով, 13 օր հերոսաբար հետ են մղում պարսիկների հարձակումները:

Դիմադրական մարտեր է սկսում նաև Բայազետի նշանավոր Արծաի գյուղի բնակիչ **Մանուկ Բանեյանի** կամավորական ջոկատը: Ժողովրդական պայքարը նոր թափ է ստանում: Պարսիկներին ի վերջո հաջողվում է գրավել ու ավերել Ս. Հովհաննու վանքն ու հարևան մի շարք գյուղեր, դաժանորեն պատժել հայ պաշտպաններին: Ապա հազարավոր արևմտահայեր բռնագաղթեցվում են Ատրպատական և պարսկապատկան այլ շրջաններ՝ համալրելով տեղի հայության շարքերը: Ի դեպ՝ պարսկական սահմաններ գաղթեցված այս արևմտահայերի զգալի մասը 1828–1829 թթ. պարսկահայերի հետ վերահաստատվեց Ռուսաստանին անցած շրջաններում, մասնավորապես Սևանի ավազանում:

1828–1829 թթ. ռուս-թուրքական պարսկազմի սկիզբը: 1820–ական թթ. շարունակվում էր Օսմանյան կայսրության տնտեսական ճգնաժամը, մեծ ծավալ էր ընդունել հույների և բալկանյան այլ ժողովուրդների ազատագրական պայքարը: Ռուսաստանը ձգտում էր տեր դառնալու սևծովյան նե-

ղուցներին՝ Բոսֆորին ու Դարդանեղին, ամրապնդելու իր դիրքերը Բալկաններում և Արևմտյան Հայաստանում: Եվ 1828 թ. **սապրիլին** նա երկու ճակատով (Բալկանյան և Կովկասյան) պատերազմ է սկսում Օսմանյան կայսրության դեմ: Եփրեմ կաթողիկոսը հանդես է գալիս արևմտահայությանն ուղղված կոնդակով և կոչ է անում ամեն կերպ գորավիզ լինել ռուսական քանակին, նպաստել նրա հաղթանակներին:

Ռուսական հրամանատարությունը խնդիր է դնում գրավելու հարևան Ախալցխայի և Կարսի նահանգները: Եռօրյա համառ մարտերից հետո՝ **հունիսի 23–ին**, ռուսները գրոհով գրավում են **Կարալ:**

Հուլիսի 23–ի առավոտյան ռուսական ուժերը պաշարում են **Ախալքալաքի** բերդը, որի կայազորը բաղկացած էր մոտ 1000 ախալցխացի փորձառու զինվորներից և վարձկաններից: Նրանց տրամադրության տակ կար 14 հրանոթ:

Ռուսներն անցնում են վճռական գործողությունների: Հուժկու հրետակոծությունից տեղ–տեղ քանդվում են պարիսպները: Թուրքական կողմից գոհվում է 600 մարդ, 300–ը գերի է ընկնում:

Ախալքալաքից հետո ռուսական զորքերը շարժվում են փաշայանիստ Ախալցխայի վրա:

Օգոստոսի 15–ին Պասկևիչի զորքերը գրոհում են բերդը, սակայն միայն 700 զոհերի գնով են կարողանում գրավել **Ախալցխան:**

Դրանից հետո ռուսական զորաջոկատն առանց կոմի վերցնում է Արդահանը:

Հայերը ռազմական գործողությունների ընթացքում: Ռուսական զորքերը լուրջ հաջողություններ են ունենում նաև ռազմաճակատի ձախ թևում՝ Երևան–Բայազետ ուղղությամբ, որտեղ կռվում էր գեներալ **Ա. Ճավճափաձեի** 2–հազարանոց զորաջոկատը: Ռուսներին միացել էր

Երևանյան հեծյալ աշխարհագրորդ: Բայազետի հայ գյուղացիությունը, որը կազմում էր բնակչության ճնշող մեծամասնությունը, մեծ աջակցություն է ցուցաբերում ռուսական զորքին: Արծափեցի Մանուկ Բանեյանը կրկին զինում և դուրս է բերում կամավորական մի ջոկատ: Բայազետի փաշային հաջողվում է նենգաբար գերել Բանեյանին և մահապատժի ենթարկել:

Բայազետում կազմավորվում է նաև *Մելիք-Մարտիրոսյանի* 500-հոգանոց կամավորական ջոկատը: «*Բայազետի հայերը, — կարդում ենք ռուսական աղբյուրներում, — չափազանց քաջ կռիվողներ էին... Հայերը բացահայտորեն իրենց նպաստն էին բերում Ռուսաստանին*»:

Քաղաքի և գավառի հայ բնակչության ռուսամետ կեցվածքը ստիպում է տեղի փաշային 1828 թ. *օգոստոսի 28-ին Բայազետի* բերդը հանձնել ռուսներին: Հայերին համակած ոգևորության մասին Ա. Գրիբոյեդովը գրում էր. «*Անհնարին է նկարագրել այստեղի բնակիչների, մեծ մասամբ հայերի հրճվանքը, որոնք դուրս էին եկել դիմավորելու հաղթողներին՝ մուսուլմանների երկաբաբուն, փանջալի լծից իրենց ազատագրողներին*»:

Երևանյան ջոկատում ընդգրկված սարդարապատցի հայ հեծյալները և նրանց միացած տեղացի հայերի ջոկատը գրավում են Դիաղին վարչական կենտրոնը, ապա սեպտեմբերի 12-ին՝ Ալաշկերտը:

Հաջորդ տարի շարունակվեցին ռազմական գործողությունները: Թուրքական պետության հրահանգով Աջարիայի փաշան 1829 թ. փետրվարին գրոհեց Ախալցխան: Բերդում հնարավոր էր պատասպարել միայն 700 քրիստոնյա ընտանիք, որոնք Վ. Բենքուրովի գլխավորած ավելի քան 1500-հոգանոց կայազորի հետ անառիկ պահեցին քաղաքը:

Թուրքերը հակահարձակման փորձ արեցին նաև *Բայազետի* ուղղությամբ: Վա-



Կարինը XX դ. սկզբին

նի փաշան ներխուժեց Ալաշկերտի դաշտ՝ ճանապարհին թալանելով ու առևանգելով հայ գյուղացիների: Թուրքերին հաջողվեց մտնել Բայազետ: Սակայն բերդի ռուսական կայազորը զենքերալներ Պոպովի և Պանյուտինի գլխավորությամբ կազմակերպեց համառ դիմադրություն: Մարտերին ամենագործուն մասնակցությունն ունեցան բայազետցի հայ կամավորականները: «*Հայերը, — ինչպես վկայում է զենքերալ Պոպովը, — կռվում և մեռնում էին իբրև հերոսներ, նրանց ղեկավարները, որ միշտ առջևի գծում էին, գրեթե բոլորն էլ վիրավոր էին*»: Շուտով ռուսական կայազորն անցնում է հակահարձակման և փախուստի մատնում Վանի փաշայի զորքերին:

Էրզրումի գրավումը և Ադրիանապոլսի հաշտությունը: Հունիսի 24-ին Ի. Պասկևիչի գլխավորած ռուսական հիմնական ուժերը գրավում են Վերին Բասենի վարչական կենտրոն Հասան կալան՝ երբեմնի հայկական Դարույնքի բերդը: Արշավանքին մասնակցող ռուս մեծ գրող Ա. Պուշկինի խոսքերով՝ այս բերդը դառնում է «*Արզրումի [Էրզրում] քանալին*»:

Համոզված լինելով, որ հայերը կարող են անցնել ռուսների կողմը՝ սերասկյարն սկսում է տեղահանել շրջակայքի տասնյակ հայկական գյուղերի բնակիչներին և բռնել Էրզրում: Թուրք զինվորների հսկողությամբ նրանք հարկադրված խրամներ են փորում և ամրացնում քաղաքի պարիսպները: Ամե-

նուր մահմեդական մուլաները հայերին կոտորելու կոչեր են անում:

Հունիսի 27-ին ռուսական բանակը, սակայն, առանց մարտի մտնում է Էրզրում: Կարնո թեմի առաջնորդ **Կարապետ արքեպիսկոպոսը** դիմավորում է ռուսական զորքին և օրհնում նրանց մուտքը Արևմտյան Հայաստանի ամենամեծ քաղաք: Հայերը, նույն և՛ Պուշկինի խոսքերով, ռուսներին ընդունում են որպես քրիստոնյա ազատարարներ:

Ռուսական զորքերը գրավում են նաև Օլթին, Խնուսը, Մուշը, Քոլին, Դերջանը, Բաբերդը և այլ բնակավայրեր: Այսպես Արև-

մտյան Հայաստանի մի խոշոր հատված գրավվում է ռուսական զորքերի կողմից:

1829 թ. սեպտեմբերի 2-ին Ադրիանապոլսում կնքվում է հաշտության պայմանագիր: Ռուսական կայսրությանն են անցնում Անդրկովկասի սևծովյան առափնյա շրջանները՝ Փոթի նավահանգստով հանդերձ, ինչպես և Ախալցխան ու Ախալքալաքը: Արևմտյան Հայաստանում ռուսների գրաված մյուս գավառները վերադարձվում են օսմանյան Թուրքիային: Թուրքական տիրապետությունից ազատագրվելու արևմտահայերի սպասելիքները կրկին չեն իրականանում:

Հարցեր և առաջադրանքներ

1. Ներկայացրե՛ք 1821–1823 թթ. հայերի բռնագաղթի պատմությունը:
2. Որո՞նք էին 1828–1829 թթ. ռուս–թուրքական պատերազմի պատճառները: Ներկայացրե՛ք ռազմական գործողությունների սկիզբը Կովկասյան ճակատում:
3. Ի՞նչ մասնակցություն ունեցան հայերը ռազմական գործողություններին. ովքե՞ր աչքի ընկան:
4. Նկարագրե՛ք ռազմական գործողությունների հետագա ընթացքը: Ե՞րբ և ի՞նչ պայմաններով ստորագրվեց Ադրիանապոլսի հաշտության պայմանագիրը:

§ 5. ՀԱՅԱՍՏԱՆԸ XIX ԴԱՐԻ 30–40-ԱՎԱՆ ԹՎԱԿԱՆՆԵՐԻՆ

Հայաստանի ազատագրության նոր ծրագիրը: Ռուսաստանի մուտքը Անդրկովկաս և Արևելյան Հայաստան մեծ աշխուժություն էր առաջացրել հայ հասարակական–քաղաքական շրջանակներում: Պատահական չէ, որ ռուս–պարսկական 1826–1828 թթ. պատերազմի օրերին մի խումբ հայ մտավորականներ՝ **Խաչատուր Լազարյանը, Ալեքսանդր Խուդաբաշյանը և Կարապետ Արղությանը**, հետևելով իրենց նախորդ գործիչների օրինակին, Հայաստանի ազատագրության նախագիծ են մշակում և ներկայացնում ռուսական արքունիքին: Համանման ծրագիր է կազմում նաև **Ներսես Աշտարակեցին:**

Ըստ հեղինակների՝ ռուսական արքունիքը պետք է ապահովեր հայկական թագավորության վերականգնումը Ռուսաստանի հովանու ներքո: Հայոց պետության մեջ ընդգրկվելու էին Հին Հայաստանի գրեթե բոլոր նահանգները: Այսինքն՝ խոսքը միացյալ Հայաստանի մասին էր՝ իր արևելյան և արևմտյան հատվածներով: Նախագիծն անհրաժեշտ էր համարում, որ ռուսական կայսր Նիկոլայ I-ը կրեր նաև «Հայոց թագավոր» տիտղոսը, որը պիտի մեծ տպավորություն թողներ համայն հայության վրա, օտար ամերում դեգերող քաղաքապետ հայերին մղեր դեպի տունդարձի ու վերածննդի ուղին:



Վ. Տ. Բեհրություն

Հայ հայրենասերները կարևորում էին սեփական բանակի խնդիրը, որը պիտի կազմավորվեր հայ կամավորականների հավաքագրման միջոցով: Սպայակույտը պիտի կազմվեր առավելապես հայերից, մասամբ՝ վրացիներից: Հայկական բանակը սահմանների վրա աստիճանաբար փոխարինելու էր ռուսական զորքերին: Հայաստանը պետք է ունենար իր օրենքները, զինանշանը և ազգային դրոշմը:

Նախագծի հեղինակները մոռացության չէին տվել նաև սոցիալական հարցերը: Նրանք անթույլատրելի էին համարում գյուղացիության ճորտացումը, մարդկանց առուվաճառքը:

Հայկական մարզը: Ցարական կառավարությունը չընդունեց Հայաստանի ազատագրության նախագիծը: Ռուսական արքունիքը, գրավելով Արևելյան Հայաստանի մեծագույն մասը, չէր կարող այնտեղ թույլ տալ հայկական պետականության ստեղծում: Դրա փոխարեն Նիկոլայ I-ի 1828 թ.

մարտի 21-ի հրամանագրով Երևանի և Նախիջևանի նախկին խանություններից կազմվեց վարչական միավոր՝ **Հայկական մարզ:** Այն ուներ իր դրոշմը և զինանշանը: Նման խարուսիկ քայլով ռուսական արքունիքը փորձում էր որոշ բավարարություն տալ հայ բնակչության ազատագրական ձգտումներին և հայկական ինքնավարության պատրանք ստեղծել: Դրանով պիտի բացատրել նաև այն փաստը, որ մարզի կառավարչի պաշտոնում 1830 թ. վրացի Ա. Ճավճավաձեին փոխարինում է հայագի գեներալ **Վ. Բեհրությունը:** Նա զգալի աշխատանք է կատարում հին խանական հետամնաց օրենքներն ու վարչաձևերն աստիճանաբար ռուսական օրենքներով ու վարչաձևերով փոխարինելու համար:

Հայկական մարզը, սակայն, հայերի համար իրական ինքնավարություն չէր: Մարզային վարչությունում մեծամասնություն էին կազմում ռուս պաշտոնյաները, իսկ հայերը, որոնց մինչև 1833 թ. ներկայացնում էր Սահակ Մելիք-Աղամալյանը, տեղի մահմեդականների նման ունեին միայն մեկ ձայն: Ռուսական ինքնակալությունը, հայությանն արած իր «զիջումը» համարելով ազգային պետականություն վերականգնելու հնարավորություն, 12 տարի անց վերացրեց Հայկական մարզը:

Արևմտահայության 1830 թ. զանգվածային վերաբնակեցումը: Աղդիանապոլսի պայմանագրով թուրքերին վերադարձվող տարածքների հայությունը հայտնվեց մահմեդականների վրեժխնդրության վտանգի առջև: Օգտվելով հայերի համար ստեղծված սպառնալից իրավիճակից՝ ռուսական արքունիքն ամեն կերպ խթանում է նրանց վերաբնակեցումը:

Զանգվածային վերաբնակեցումը սկսվեց 1830 թ. մայիսին: Տարբեր գավառներից վերաբնակիչների համար նախատեսվում էր բնակության մի շրջան: Ռուսական կայսրության մերձակա շրջաններից՝ պատմական

Բազմաթիվ և Կարսի նահանգից վերաբնակեցումն անցնում է համեմատաբար կազմակերպված: Կարսեցիները բնակվում են Գյումրիում, Շիրակի դաշտում և Թալինի շրջակայքում, բայազետցիներն ու ալաշկերտցիները՝ Սևանա լճի ավազանում, մասնավոր նաև՝ Սուրմալուում, Դարաչիչակում (Ծաղկաձոր), Ապարանում և Փամբակում: Կաթոլիկ հայերի գաղթի ղեկավարությունը առանձնում է Վենետիկի Մխիթարյան վարդապետ Եփրեմ Սեթը (Սեթյան):

Էրզրումից և նրա գավառներից հայ վերաբնակիչների թիվը հասնում էր մոտավորապես 7 հազար ընտանիքի (մոտ 75 000 մարդ): Էրզրումահայերի համար Ախալցխայի ու Ախալքալաքի ընտրության հարցը պատահական չէր: Այդ գավառներն իրենց բնակլիմայական, աշխարհագրական պայմաններով հար և նման էին Էրզրումին և մինչ այդ ենթակա լինելով Կարնո թեմին՝ առաջնորդ Կարապետ Բագրատունուն ավելի ծանոթ ու հոգեհարազատ էին:

Ինչպես պարսկահպատակ, այնպես էլ արևմտահայ վերաբնակիչները ստացան որոշ արտոնություններ, դրամական օգնություն: Սակայն ռուսական արքունիքի տրամադրած միջոցները չնչին էին: Ռուսական սահմաններ են գաղթում նաև զգալի թվով հույներ, որոնք հիմնականում հաստատվում են Ծաղկայի շրջանում:

Ինչ հետևանքներ ունեցավ 1829-1830 թթ. արևմտահայերի զանգվածային վերաբնակեցումը: Նախ՝ այն գաղթ չէր, այլ վերաբնակեցում, քանի որ մեր հայրենիքի մի հատվածի հայությունը քաղաքական հանգամանքների բերումով վերաբնակվում էր մեկ այլ հատվածում: Երկրորդ՝ այդ իրադարձության հետևանքներն աղետալի էին հայկական մի շարք գավառների համար: Էրզրում ու Կարս քաղաքները զրկվում էին հայ առևտրականներից և արհեստավորներից, որոնք, ինչպես հայտնի է, օսմանյան Թուրքիայում մեծ դեր ունեին տնտեսու-

թյան զարգացման գործում: Միայն Էրզրում քաղաքից հեռացածների թիվը կազմում էր 3200 ընտանիք, այսինքն՝ մոտավորապես 20 հազար մարդ:

Բացի այդ, տեղի թուրք և քուրդ կառավարիչները կրած տնտեսական զգալի կորուստները հատուցելու համար սկսում են զավթել հայերի լքյալ հողերը, շենտակի բարձրացնում տեղում մնացած հայերից գանձվող հարկերը, ուժեղացնում կրոնական և ազգային ճնշումները: Անկում են ապրում արհեստներն ու առևտուրը, անմշակ վիճակում են թողնվում հազարավոր հեկտար հողատարածություններ:

Միաժամանակ Այսրկովկասի, այդ թվում Ռուսաստանին անցած Ախալքալաքի ու Ախալցխայի կիսավեր դարձած գավառների համար նույն վերաբնակեցումն ունենում է շրջադարձային նշանակություն: Այնտեղ շենտակի աճում է հայ բնակչության տեսակարար կշիռը, վերականգնվում նախորդ ժամանակների ժողովրդագրական իրավիճակը: Միայն Ախալքալաքի գավառում էրզրումահայերը վերաշինում են կամ հիմնադրում շուրջ 50 գյուղ:

Արևմտահայերի վերաբնակեցեման շնորհիվ կրկին հայաշատ են դառնում օտար տիրապետությունների ու պատերազմների հետևանքով ամայացած Արևելյան Շիրակը, Գեղարքունիքը, Թալինը և այլ շրջաններ: Հին բայազետցիները հիմնադրում են Նոր Բայազետ քաղաքը, կարսեցիները կենդանություն են տալիս ավերված Գյումրիին:

Արևմտահայ գաղթականների մի փոքր մասը, չստանալով ռուսական իշխանությունների խոստացած բարեկեցիկ պայմանները, մաս-մաս վերադառնում է Արևմտյան Հայաստան: Իսկ մեծագույն մասը, հաղթահարելով բազմաթիվ դժվարություններ, մնում և վերաշինում է Արևելյան Հայաստանի բազմաթիվ գավառներ:

Յարիզմի գաղութային քաղաքականությունը: Ռուսաստանը 1830-1840-ական թթ.

նոր քայլեր է կատարում Անդրկովկասում իր իշխանությունն ամրապնդելու նպատակով: Իրականացվում են մի շարք վարչական փոփոխություններ: 1840 թ. ապրիլի 10-ին վերացվում է Հայկական մարզը: Ստեղծվում է երկու վարչամիավոր՝ Վրացա-իմերեթական նահանգ և Կասպիական մարզ՝ Թիֆլիս և Շամախի կենտրոններով: Արևելյան Հայաստանի տարածքը կամայականորեն մտցվում է այդ միավորների մեջ՝ առանց հաշվի առնելու հայ բնակչության շահերը: 1844 թ. հիմնվում է *Կովկասի փոխարքայությունը*: 1846 թ. Անդրկովկասը բաժանվում է նահանգների: 1849 թ. հիմնվում է *Երևանի նահանգ*՝ Երևան, Ալեքսանդրապոլ, Նախիջևան, Նոր Բայազետ և Օրդուբադ գավառներով:

Հայ առաքելական եկեղեցուն, որը մեծ ազդեցություն ուներ ոչ միայն արևելահայության, այլև արևմտահայության ու գաղութահայության մեջ, հսկողության տակ պահելու նպատակով ռուսական իշխանությունները ձեռնամուխ են լինում նրա բարեփոխմանը:

1836 թ. *մայրի II-ին* հրապարակված *եկեղեցական կանոնադրությամբ* (պոլոժենիե) սահմանվում են Հայոց եկեղեցու վարչական իրավունքներն ու պարտականությունները, եկեղեցու և կառավարության փոխհարաբերությունները: Հայոց եկեղեցին չէր խառնվելու պետական գործերին, այլ զբաղվելու էր միայն դպրոցի, ծեսերի և այլ հարցերով: Դրանով Ռուսաստանը սահմանափակում էր Հայ առաքելական եկեղեցու իրավունքները: Միաժամանակ ռուսական արքունիքը Հայ եկեղեցու միջոցով իր ազդեցությունն էր պահպանում նաև արևմտահայության և գաղութահայության վրա:

Պոլոժենիեն թեև Հայ եկեղեցին դնում էր ռուսական պետությունից կախվածության մեջ, սակայն հայությանը տալիս էր հոգևոր-մշակութային որոշ ինքնավարություն: Հայ ժողովուրդը ձեռք էր բերում կրո-

նական ինքնություն համայնքի կարգավիճակ, իրավունք էր ստանում պահպանելու սեփական լեզուն, դպրոցը, եկեղեցական-ծխական համակարգը: Ռուսական կայսրության տարածքում ստեղծվում էր հայկական հոգևոր 6 թեմ, որոնց ղեկավարումն իրականացնելու էին կաթողիկոսի կողմից առաջադրված և պետության կողմից հաստատված թեմակալ առաջնորդները:

Հայոց եկեղեցու գլուխ նախկինի նման մնում էր Ամենայն հայոց կաթողիկոսը: Հայության ընդհանուր ժողովն առաջադրելու էր կաթողիկոսի երկու թեկնածու, որոնցից մեկին պիտի ընտրեր ռուսական կայսրը: Դրանով Ռուսաստանը վերացնում էր նաև նախկին կարգը, որի համաձայն՝ կաթողիկոսին հաստատում էին պարսկական շահերը կամ օսմանյան սուլթանները: Հոգևոր գերագույն մարմինը՝ սինոդը, նույնպես լիովին հայտնվում էր կառավարության վերահսկողության ներքո:

Եկեղեցական կանոնադրությունը դժգոհությամբ է ընդունվում հայության կողմից: Գաղութահայերը քանիցս բողոքում են Հայ եկեղեցու իրավունքները սահմանափակելու Ռուսաստանի այդ քայլի դեմ: Սակայն ամեն ինչ մնում է անփոփոխ:

Ռուսաստանին միանալուց հետո Արևելյան Հայաստանի հասարակական-տնտեսական ու մշակութային կյանքը, անշուշտ, բռնում է առաջընթաց ուղի: Սկսում են զարգանալ առևտուրն ու հանքարդյունաբերությունը: Աճում ու ընդլայնվում են պղնձի ու աղի արդյունահանումը: Աճում է նաև քաղաքային բնակչությունը: 1850 թ. Երևանի բնակչության թիվը կազմում է 12 600, իսկ Ալեքսանդրապոլինը՝ 11 300 մարդ:

Սակայն կառավարության վարած մեծապետական քաղաքականությունն Անդրկովկասում օրեցօր սաստկանում է: Չկարողանալով տանել այդ ճնշումները՝ գյուղացիները հաճախ պայքարի էին ելնում իրենց ճնշողների դեմ:

Արևմտահայությունը 1830-1840-ական թթ.:

Ռուս-թուրքական պատերազմից հետո արևմտահայերի քաղաքական ու տնտեսական դրությունն ավելի վատացավ:

Օսմանյան իշխանությունները բազմաթիվ ու բազմապիսի հարկեր և տուրքեր էին գանձում ժողովրդից: Հարկային բեռն ընկած էր գերազանցապես գյուղացիների վրա: Գլխավոր հարկը *աշարն* էր, որն օրենքով կազմում էր բերքի 1/10 մասը, բայց իրականում հասնում էր կրկնակի, եռակի չափերի: Գանձում էին նաև գլխահարկ, անասնահարկ, ճանապարհների, արոտների, զբաղմունքի և բազմաթիվ այլ հարկեր ու տուրքեր:

Արևմտյան Հայաստանում բավականաչափ զարգացած էին արհեստներն ու առևտուրը: Տնտեսական ու մշակութային կյանքի բոլոր բնագավառներում անխտիր հայերն առաջատար դեր էին կատարում:

Երկրի ընդհանուր ձգնաժամը կանխելու նպատակով սուլթանական կառավարությունը 1839 թ. հրապարակում է *թանզիմաթը*՝ բարենորոգումների հրովարտակը՝

ազդարարելով ազգերի իրավահավասարություն, հարկերի, դատական գործի բարելավում և այլն: Սակայն այդ բարենորոգումները մնում են թղթի վրա:

4. Պոլիսը հայկական հնագույն այն գաղթավայրերից էր, որն աստիճանաբար վերածվել էր արևմտահայերի հասարակական-քաղաքական և մշակութային ամենախոշոր կենտրոնի: Այնտեղ ապրում էր հասարակական տարբեր խավերի պատկանող ավելի քան 200 հազար հայ: Նրանց մեծ մասը պանդուխտներ էին՝ աշխատանք գտնելու հույսով Արևմտյան Հայաստանի գավառներից եկածներ: Պոլսում շարունակում էր գործել արևմտահայերի հոգևոր կենտրոնը՝ պատրիարքարանը: Համայնքի գործերի կազմակերպմանը որոշ չափով մասնակցում էր 1844 թ. ստեղծված *Ազգային ժողովը*, որի անդամների մեծ մասը հայ մեծահարուստ ամիրաններն էին: Մի քանի տարի անց Ազգային ժողովին փոխարինեցին նոր մարմիններ՝ *Ազգային հոգևոր և գերագույն ժողովները*:

Հարցեր և առաջադրանքներ

1. Ներկայացրեք Հայաստանի ազատագրության նոր ծրագիրը. ովքեր էին հեղինակները, ինչ էր բովանդակում: Համեմատեք Հայաստանի ազատագրության նախորդ ծրագրերի հետ:
2. Երբ է ստեղծվել Հայկական մարզը: Ի՞նչ տարածքներից այն կազմվեց: Հիմնավորեք, որ Հայկական մարզն ընդամենը ինքնավարության պատրանք էր: Երբ և ինչո՞ւ այն վերացվեց:
3. Որո՞նք էին արևմտահայության զանգվածային վերաբնակեցման պատճառները: Որտեղ հիմնավորվեցին վերաբնակները. որքան էր նրանց թիվը: Ի՞նչ հետևանքներ ունեցավ արևմտահայերի զանգվածային վերաբնակեցումը:
4. Վարչական ինչ փոփոխություններ կատարվեցին Անդրկովկասում: Հայ առաքելական եկեղեցուն իր հսկողության տակ պահելու նպատակով ինչ ձեռնարկեց Ռուսաստանը: Մեկնաբանեք եկեղեցական կանոնադրությունը (պոլոժենիե):
5. Ներկայացրեք արևմտահայության վիճակը 1830-1840-ական թվականներին: Ի՞նչ դեր էր խաղում Կ. Պոլսի հայ համայնքը:

ՔԼՈՒԽ 1. ՀԱՅԱՍՏԱՆԻ ՍՈՑԻԱԼ-ՏՆՏԵՍԱԿԱՆ ԴՐՈՒԹՅՈՒՆԸ

§ 1. ԱՐԵՎԵԼՅԱՆ ՀԱՅԱՍՏԱՆԻ ՏՆՏԵՍԱԿԱՆ ԵՎ ՍՈՑԻԱԼԱԿԱՆ ԿՅԱՆՔԸ

XIX դ. երկրորդ կեսից Արևելյան Հայաստանում տեղի էին ունենում արմատական փոփոխություններ: Ռուսական կայսրության կենտրոնական շրջաններում 1860-1870-ական թթ. տեղի ունեցավ արդյունաբերական հեղաշրջում: Ռուսաստանի զարգացումն արագացավ հատկապես Ալեքսանդր II կայսեր կողմից նույն ժամանակաշրջանում իրականացված ազատական բարեփոխումների շնորհիվ: Թեպետ կայսրության ազգային երկրամասերը վերածվել էին էժան հումքի արդյունների և արդյունաբերական ապրանքների իրացման շուկաների, տնտեսության արդիականացման գործընթացը ներթափանցեց նաև այդ շրջանները:

Փոփոխություններ արևելաստանյան մեջ: Թափանցելով կայսրության ազգային ծայրագավառներ՝ ռուսական կապիտալը տնտեսության մեջ առաջադիմական դեր էր կատարում: Անդրկովկասում արդյունաբերության և առհասարակ տնտեսական կյանքի զարգացմանը նպաստեց երկաթուղու շինարարությունը, որը սկսվեց XIX դ. 60-ական թթ. և շարունակվեց մինչև Առաջին համաշխարհային պատերազմը: 1899 թ. գործարկվեցին *Թիֆլիս-Ալեքսանդրապոլ*, *Ալեքսանդրապոլ-Կարս* երկաթուղիները: XX դ. սկզբին շարք մտան Ալեքսանդրապոլ-Երևան, Ուլուխանլու-Ջուլֆա և Կարս-Սարիղամիշ հատվածները: Առաջին համաշխարհային պատերազմի նախօրեին Հայաստանի երկաթուղիների երկարությունը կազմում էր 380 կմ: Արևելյան Հայաստանում կառուցվեցին նաև Թիֆլիս-Ալեք-

սանդրապոլ-Երևան-Ջուլֆա և այլ խճուղային ճանապարհներ:

Խոր հետք թողնելով երկրամասի, այդ թվում Արևելյան Հայաստանի տնտեսական զարգացման վրա՝ երկաթուղին միաժամանակ արագացրեց գյուղի ավանդական կացութային քայքայումն ու շերտավորումը:

Հաղորդակցության ուղիների ընդլայնումը և կապի միջոցների ու տեխնիկայի ներդրումը նպաստեցին Ռուսաստանի կենտրոնական արդյունաբերական նահանգների և Արևելյան Հայաստանի միջև ապրանքաշրջանառության վերելքին:

Արևելյան Հայաստանում արդյունաբերության հիմնական ճյուղը պղնձի արտադրությունն էր, որը կենտրոնացած էր *Արսվերդիում* և *Կապանում*: XX դարասկզբին Հայաստանի ձեռնարկություններում ձուլվել է 71,5 հազար փութ պղնձ, իսկ Առաջին համաշխարհային պատերազմին նախորդող տարում՝ 1913 թ., այդ ցուցանիշը հասավ 342,8 հազար փութի:

Հայաստանում իր տեսակարար կշռով երկրորդ տեղն էր գրավում սպիրտ-կոնյակի արտադրությունը, որը կենտրոնացված էր գլխավորապես *Երևան* քաղաքում, մասամբ էլ՝ Երևանի նահանգում: 1907 թ. Երևանի նահանգում կոնյակի գործարանների թիվը հասավ 10-ի: Արևելյան Հայաստանը կոնյակի և օղու արտադրությամբ Անդրկովկասում գրավում էր առաջին, իսկ գինու արտադրությամբ՝ երկրորդ տեղը՝ այդ բնագավառում գիջելով Վրաստանին: Սպիրտը և կոնյակը Հայաստանից արտահանվում էին Պետերբուրգ, Մոսկվա, Վար-



«Շուստով» կոնյակի գործարանի շենքը Երևանում

շավա, Ռիգա, նաև Պարսկաստան և այլուր: Ն. Շուստովի գործարանի «Արարատ» մակնիշով վաճառահանվող *կոնյակը* մեծ պահանջարկ էր վայելում:

XX դ. սկզբին որոշ քարելավումներ կատարվեցին աղի արտադրության բնագավառում: Հատկապես նշանավոր էին *Կողբի* և *Կաղզվանի* մեծ պաշարներով հարուստ աղահանքերը: Կողբում ներդրվեցին սարքավորումներ, հանքահորերում տեղադրվեցին ներարտադրական երկաթգծեր: Կտրուկ աճեց աղի արտադրությունը:

Դրական տեղաշարժեր կատարվեցին սննդի ու թեթև արդյունաբերության ճյուղերում, որոնք հիմնականում միտված էին բավարարելու ներքին շուկայի պահանջները. դրանց աննշան մասն էր միայն արտահանվում:

Այդ տարիներին Երևանի և Ելիզավետպոլի նահանգներում, հատկապես Օրդուբադի և Շուշիի գավառներում նոր թափ ստացավ մետաքսաթելի արտադրությունը: Այդ գործարանները սերտ կապեր էին հաստատել մետաքսի առևտրով զբաղվող ռուսական խոշոր ընկերությունների հետ: Մետաքսաթելն ուղարկվում էր Մոսկվա, Վարշավա և այլ քաղաքներ:

Դարավերջին Արևելյան Հայաստանի մանր ու միջին ձեռնարկություններում, որոնց մեջ գերակշռում էր գյուղատնտեսական ապրանքների արտադրությունը, որոշակի աշխուժություն էր նկատվում: Շոգեշարժ սարքերն աստիճանաբար դուրս էին մղում ձեռքի աշխատանքը և քարձրացնում աշխատանքի արտադրողականությունը: Արևելյան Հայաստանի քաղաքներում (Երևան, Շուշի, Ալեքսանդրապոլ, Կարս) թեպետ կային արդյունաբերական որոշ ձեռնարկություններ, բայց դրանք հիմնականում առևտրի կենտրոններ էին: Երևանը, որը նահանգի վարչական կենտրոնն էր, գտնվելով հարմար ճանապարհների վրա, մեծ դեր էր խաղում տարանցիկ առևտրում:

Եթե Արևելյան Հայաստանի արդյունաբերության մեջ շոշափելի փոփոխություններ էին կատարվում, ապա գյուղական վայրերում առաջընթացը դանդաղում էր: Դրա հիմնական պատճառը բարեփոխումների ձգձգումն էր և գյուղացիության սակավահողությունը:

1870 թ. մայիսի 14-ի ցարական օրենքն Արևելյան Հայաստանում հողի սեփականատեր ճանաչեց կալվածատերերին, իսկ

նրանցից կախյալ գյուղացիներին իրավունք տրվեց միայն օգտվելու հողից: Օրենքը չէր վերաբերում գյուղական բնակչության մոտ 72 % կազմող պետական գյուղացիական տնտեսություններին: Միայն 1912 թ. դեկտեմբերի 20-ի օրենքով գյուղացիներին թույլատրվեց և պարտադրվեց հետ գնել իրենց հողերը՝ որպես մասնավոր սեփականություն:

XX դ. սկզբին գյուղատնտեսության *զարգացումն արագացավ արդյալիցան* վերափոխումների շնորհիվ: Արդյունքում՝ հայկական գյուղը թեև ուշացումով, բայց մուտք գործեց շուկայական հարաբերությունների ոլորտ:

Աճեց ցորենի և գարու արտադրությունը, որը կենտրոնացավ հիմնականում երկրի նախալեռնային վայրերում՝ Կարսի մարզում, Ալեքսանդրապոլի ու Նոր Բայազետի գավառներում:

Դարասկզբին վերելք ապրեց բամբակենու մշակումը: Արևելյան Հայաստանը, մասնավորապես Երևանի և Ելիզավետպոլի նահանգները դարձան բամբակի հումքի շտեմարան: Եթե բամբակի հումքը Արևելյան Հայաստանում 1900 թ. կազմում էր 382 հազար փութ, ապա 1914 թ. միայն Երևանի նահանգում մթերվեց 700 հազար փութ բամբակ: Ստացված հումքի մեծագույն մասն արտահանվում էր Ռուսաստանի տեքստիլ արդյունաբերության շրջաններ:

Ռուսաստանի կառավարությունը, ելնելով իր ռազմավարական քաղաքականությունից, շարունակում էր կենտրոնական նահանգներից Անդրկովկաս, այդ թվում և Հայաստան փոխադրել ռուս վերաբնակիչներ: Կառավարությունն անտեսում էր այն փաստը, որ երկիրն առանց այդ էլ սակավահող էր:

Հողագործության զարգացումն առաջ էր բերում երկրագործական աշխատանքի բաժանում: Էջմիածնի և Երևանի գավառները դառնում են խաղողագործության և այգեգոր-

ծության, Լոռին, Կարսի մարզը, Ալեքսանդրապոլը, Նոր Բայազետը՝ անասնապահության, Սուրմալուի գավառը՝ բամբակի, Արցախը և Նախիջևանի գավառը՝ մետաքսի արտադրության գլխավոր կենտրոններ:

Այսպիսով՝ հետռեֆորմյան շրջանում որոշ զարգացում ապրեց նաև գյուղատնտեսությունը, թեև այստեղ դեռ գերիշխում էր ավանդական տնտեսավարումը: Ընդհանուր առմամբ Արևելյան Հայաստանը թույլ զարգացած ագրարային երկրամաս էր արդյունաբերականացող Ռուսաստանի կազմում:

Բնակչության սոցիալական բեռնաշարժերը: Փոփոխություններ տեղի ունեցան արևելահայության սոցիալական կազմում և տեղաբաշխվածության մեջ: Ընդհանրապես Անդրկովկասի վարչական բաժանման և կառավարման ցարական քաղաքականության նպատակն էր առաջին հերթին սահմանափակել տեղական ժողովուրդների ինքնուրույնության դրսևորման փորձերը, երկրամասի տնտեսական կյանքը հարմարեցնել կայսրության ընդհանուր պահանջներին:

1867 թ. վարչական փոփոխությամբ Անդրկովկասը բաժանվեց *հինգ նահանգների*, իսկ 1874 թ. օրենքով այդ նահանգներից մեկը՝ *Երևանի նահանգը*, տրոհվեց *յոթ*՝ Երևանի, Էջմիածնի, Ալեքսանդրապոլի, Նոր Բայազետի, Նախիջևանի, Սուրմալուի և Շարուր-Դարալագյազի *գավառների*: Ելիզավետպոլի նահանգի մեջ էին ամփոփվել հայկական Արցախը, Գանձակը, Ջանգեզուրը, իսկ Լոռին ու Ջավախքն ընդգրկված էին Թիֆլիսի նահանգի կազմում: 1877-1878 թթ. ռուս-թուրքական պատերազմից հետո Ռուսաստանին անցած տարածքներից ստեղծվեցին Կարսի և Բաթումի մարզերը:

XIX դ. երկրորդ կեսից մինչև Առաջին աշխարհամարտի նախօրյակը Արևելյան Հայաստանում մոտ 2,5 անգամ աճեց քաղաքային բնակչությունը: 1910 թ. տվյալ-

ներով համեմատաբար մեծ քաղաքներ էին **Շուշին** (42 հազար), **Ալեքսանդրապոլը** (35 հազար բնակիչ), **Երևանը** (32 հազար), **Կաթսը** (30 հազար):

Ագրարային բարեփոխումից հետո հողասակավորությունն ավելի զգալի դարձավ: Բազմաթիվ հարկերն ու պարհակները, հողի վաճառքը, վարձակալությունը և առևտրափոխանակային հարաբերությունների զարգացումը քայքայում էին գյուղացիական տնտեսությունները: Գյուղացիների արտագնացությունը XIX դ. 90-ական թթ. և XX դ. սկզբներին զանգվածային բնույթ ստացավ: Նրանք գնում էին ոչ միայն Արևելյան Հայաստանի և Անդրկովկասի քաղաքներ, այլև Ռուսաստան և նույնիսկ արտասահման:

Ձևավորվեցին հայ բանվորական և կապիտալիստական դասակարգերը, որոնց առաջացումն ուներ որոշակի առանձնահատկություն: Նրանց մեծ մասը կենտրոնացած էր արդյունաբերական Բաքվում, Բաթումում և փոխարքայության կենտրոն Թիֆլիսում:

Արևելյան Հայաստանում և երկրամասի մյուս վայրերում բանվորների (պրոլետարների) շարքերը, բացի գյուղացիներից, համալրում էին նաև արհեստավորները: XX դ. սկզբին Արևելյան Հայաստանում բանվորների թվաքանակը՝ առանց գյուղական բանվորության, կազմում էր 20–22 հազար մարդ:

Հայ ձեռներեցներից շատերը, չնայած ցարիզմի խտրական քաղաքականությանը, որոշակի հաջողությունների հասան տնտեսական մրցակցության մեջ և Անդրկովկասում դարձան նշանավոր ձեռնարկատերեր: Արդյունաբերության և առևտրի ոլորտում հայտնի էին **Ա. Մանթաշյանը**, **Միրզոյան եղբայրները**, **Ղուկասյան եղբայրները**, **Մ. Արամյանցը**, **Ա. Էնֆիաջյանցը** և շատ ուրիշներ: Հայ գործարարներից շատերը նաև մեծահամբավ բարեգործներ էին: Նրանց անձնական միջոցներով բացվում էին դպրոցներ, հիվանդանոցներ, կառուցվում էին եկեղեցիներ, նյութական օգնություն էր ցույց տրվում թատրոններին, մշակույթի գործիչներին: Հայ բարեգործները միջոցներ էին տրամադրում նաև շնորհալի երիտասարդներին, որպեսզի նրանք ուսանեն Եվրոպայի ու Ռուսաստանի առաջատար բարձրագույն ուսումնական հաստատություններում և դառնան հայրենիքի ու ազգի վերելքն ապահովող մասնագետներ:

Այսպիսով՝ Ռուսական կայսրության մեջ տեղի ունեցող տնտեսական ու սոցիալական տեղաշարժերը նպաստեցին նաև նրա ազգային ծայրամասերի, այդ թվում Արևելյան Հայաստանի սոցիալ-տնտեսական վերելքին: Արդյունաբերականացման գործընթացի արդյունքում փոխվում էին բնակչության սոցիալական կառուցվածքը, մարդկանց աշխարհայացքն ու կենցաղը:

Հարցեր և առաջադրանքներ

1. Երբ Ռուսական կայսրությունում տեղի ունեցավ արդյունաբերական հեղաշրջում: Ինչ հետևանքներ ունեցան Ալեքսանդր II-ի բարեփոխումները:
2. Ինչ փոփոխություններ նպաստեցին Անդրկովկասի տնտեսական կյանքի զարգացմանը: Ինչ հետևանքներ ունեցավ հաղորդակցության ուղիների ծավալումը Արևելյան Հայաստանում: Արդյունաբերության ղոր ճյուղերն էին զարգացած Արևելյան Հայաստանում: Ինչ փոփոխություններ արձանագրվեցին գյուղատնտեսության բնագավառում:
3. Վարչական ինչ փոփոխություններ կատարվեցին Անդրկովկասում. ինչ նպատակ էին դրանք հետապնդում: Ներկայացրե՞ք հայ բնակչության սոցիալական տեղաշարժերի ընդհանուր պատկերը և հետևանքները:

§ 2. ՌՈՒՍԱՍՏԱՆԻ ԳԱՂՈՒԹԱՅԻՆ ՔԱՂԱՔԱԿԱՆՈՒԹՅՈՒՆԸ ԵՎ ԱՐԵՎԵԼԱՏՅՅԵՐԻ ԱԶԳԱՅԻՆ ՈՒ ՍՈՑԻԱԼԱԿԱՆ ՇԱՐԺՈՒՄՆԵՐԸ

Ազգային ճնշման ուժեղացումը: Կովկասի փոխարքայությունը 1882 թ. վերափոխվեց կառավարչապետության: Արևելահայության նկատմամբ ձևավորվեց Պետերբուրգից ուղղորդվող անվաստահության գործելաձև: Նոր կայսր Ալեքսանդր III-ը և նրա շրջապատը շատ սառը, նույնիսկ թշնամական վերաբերմունք դրսևորեցին այդ տարիներին Հայկական հարցի հնարավոր լուծման խնդրում: Ռուսական արքունիքն իր առաջին հարվածն ուղղեց դեպի հայ ինքնության կառույցները՝ նկեղեցին, ազգային դպրոցները և մշակութային հաստատությունները:

1884 թ. Ալեքսանդր III-ը հաստատեց «Հայ լուսավորչական եկեղեցական ուսումնարանների մասին կանոնները»: Արգելվեց տարրականից բարձր հայկական դպրոցներ ունենալը: Բայց կառավարությունը հանդիպեց անսպասելի դիմադրության. Էջմիածնի սինոդը հրաժարվեց նոր կանոններն ընդունելուց: Այնուամենայնիվ, ցարական իշխանությունները գործադրեցին այդ որոշումը. 1885 թ. Կովկասում, Նոր Նախիջևանում և Բեսարաբիայում փակվեցին հայկական 300 դպրոցներ:

Բարձրացավ համաժողովրդական վրդովմունքի ալիք: Թիֆլիսում գործող հայ հեղափոխական նարոդնիկական կազմակերպությունը հրատարակեց «Հայ եղբայրներ և հայ քույրեր» խորագրով թոռուցիկը: «Յուրաքանչյուր հայ ընտանիք թող իրենից ներկայացնի առանձին հայ դպրոց», այս էր թոռուցիկի եզրակացությունը: Այն տարածվեց երկրամասի հայկական ու հայաշատ քաղաքներում: Արտասահմանի հայությունը ևս դատապարտեց ռուսական կառավարության քաղաքականությունը:

Հայության պայքարը տվեց իր արդյունքները. նոր՝ 1886 ուսումնական տարվանից վերաբացվեցին հայկական դպրոցները:

Սակայն ցարական աստիճանավորները պահանջում էին հայկական դպրոցներում արգելել հայոց պատմության և աշխարհագրության դասավանդումը, իսկ պետական դպրոցներում պարտադրվում էր հայոց կրոնը դասավանդել ռուսերենով:

Նույնիսկ այսպիսի մթնոլորտում դպրոցական կյանքը սկսում է աստիճանաբար աշխուժանալ: Եթե 1889 թ. Անդրկովկասում կար 147 հայկական դպրոց, ապա արդեն 1895 թ. Անդրկովկասում, Աստրախանում, Նոր Նախիջևանում և Բեսարաբիայում գործում էր 253 դպրոց:

Շարունակելով հայ ազգային դպրոցը վերացնելու քաղաքականությունը՝ ցարական իշխանությունները 1896 թ. հունվարին նորից փակեցին հայկական դպրոցները: Այդքանով նրանք չսահմանափակվեցին: Հարվածի թիրախ դարձան նաև հայկական բարեգործական, մարդասիրական և հրատարակչական ընկերությունները: Սաստկացան հալածանքները հրատարակչական գործի և հատկապես հայ մամուլի նկատմամբ:

Կովկասում իշխան Գոլիցինի կառավարչապետության տարիներին ավելի ուժգին դրսևորվեց հայերին դավանափոխելու քաղաքականությունը: Ռուսական մամուլում հողվածներ տպագրվեցին, որոնցում հայերին դավանափոխության կոչ էին անում: Հակահայկական մոլուցքը Գոլիցինին հանգիստ չէր տալիս: Նախարարների կոմիտեի 1898 թ. հատուկ նիստում նա առաջարկեց հայ ժողովրդի մի մեծ զանգված արտաքսել Սիբիր:

Կառավարչապետի հակահայկական սադրանքների մի մասն ուղղվեց նաև 1894-1896 թթ. կոտորածներից հետո Անդրկովկաս հասած արևմտահայ փախստականների դեմ: Կառավարության համաձայնությամբ 1901 թ. նոյեմբերին Գոլիցինը 50 հազարի հասնող այդ մարդկանց վերաբերյալ հատուկ շրջաբերական հրապարակեց:

հիմնականում սահմանափակումների ու մեծան հետևանքով արևմտահայերի մի մասը վերադարձավ հայրենիք, մյուս մասն անցավ Պարսկաստան: Բայց Գոլիցինի ձեռնարկած հակահայկական գործողությունների նոր՝ ավելի ծանր ալիք էր սպասվում:

Հասարակական շարժումներ: XIX դ. վերջին տասնամյակում Ռուսաստանի ազգային քաղաքականության դեմ պայքարին զուգահեռ տեղի էին ունենում նաև զուտ հասարակական բնույթի ելույթներ: Անդրկովկասի և Հայաստանի բանվորների տարերային բռնկումներ եղան Թիֆլիս-Կարս, Ալեքսանդրապոլ-Երևան երկաթուղու շինարարությունում: Պահանջները հիմնականում տնտեսական էին՝ աշխատավարձի բարձրացում, աշխատաժամանակի կրճատում, աշխատանքային ու կենցաղային պայմանների բարելավում և այլն:

Բանվոր դասակարգի պայքարին միանում է Հայաստանի գյուղացիությունը: Գյուղացիական հուզումներ են տեղի ունենում Երևանի, Էջմիածնի, Նոր Բայազետի, Ջանգեզուրի գավառներում և երկրամասի հայաբնակ այլ վայրերում: Հաղպատում գյուղացիների նկատմամբ զենք գործադրվեց. եղան սպանվածներ ու վիրավորներ:

Սկզբնական շրջանում բանվորական և գյուղացիական ընդվզումների նկատմամբ հայկական ազգային կուսակցությունները գործունե վերաբերմունք չէին դրսևորում՝ կարծելով, որ դրանք կարող են հայ հասարակության ուշադրությունը շեղել Արևմտյան Հայաստանի ազատագրական պայքարից:

Այդ ուղղությամբ եռանդուն գործունեություն ծավալեցին միայն **սոցիալ-դեմոկրատական** ուժերը, որոնք ծնունդ էին առել մարքսիստական գաղափարախոսության հենքի վրա: Մարքսիստական գաղափարները մուտք էին գործում Անդրկովկաս, այդ թվում և հայկական միջավայր: Ռուսաստանում սկիզբ առած սոցիալ-դեմոկրատական շարժումը XIX դ. վերջերին և XX դ. սկզբին



Ստեփան Շահումյան

տարածվում է նաև Անդրկովկասում ու Հայաստանում: Թիֆլիսի մի խումբ բանվորներ 1898 թ. ստեղծեցին հայ բանվորների առաջին սոցիալ-դեմոկրատական խմբակը՝ **«Բանվորական միությունը»**: Երեք տարի անց խմբակը բացահայտվեց, և նրա գործունեությունը դադարեցվեց:

Թիֆլիսում լույս տեսնող «Մուրճ» և «Տարագ» պարբերականներում տպագրվեցին Գ. Ղարաշյանի (**Արկունդ**)՝ մարքսիստական գաղափարների ոգով գրված մի շարք հոդվածներ: Եվրոպայում գործող հնչակյաններն առաջինն էին, որ հայերեն էին թարգմանում և տարածում մարքսիստական գրականություն:

Մարքսիստական գաղափարների տարածման գործում խոշոր դեր է խաղացել սոցիալ-դեմոկրատական բոլշևիկյան կուսակցության նշանավոր գործիչ **Սյրեխան Շահումյանը**: Արևելյան Հայաստանի տարածքում սոցիալ-դեմոկրատական առաջին խմբակը ստեղծվել է 1899 թ. **Ջալաօղլիում** (Ստեփանավան)՝ Ս. Շահումյանի կողմից: Հետագայում սոցիալ-դեմոկրատական գաղտնի խմբակներ ստեղծվեցին նաև Երևանում, Ալեքսանդրապոլում:

1903 թ. Կովկասի սոցիալ-դեմոկրատական բոլոր կազմակերպությունները միավորվեցին Կովկասյան միության մեջ: Միության ղեկավար կոմիտեում տարբեր ժամանակներում ընտրվել են Ս. Շահումյանը, Բ. Կնուկյանցը, Ա. Զուրաբյանը և ուրիշներ:

Լոնդոնում 1903 թ. հուլիսին հրավիրված Ռուսաստանի սոցիալ-դեմոկրատական բանվորական կուսակցության (ՌՍԴԲԿ) երկրորդ համագումարին Կովկասից մասնակցում էին նաև հայ պատգամավորներ **Բ. Կնուկյանցը և Ա. Զուրաբյանը**: Ծրագրային և կազմակերպական հարցերում համագումարում խոր տարաձայնություններ էին առաջացել: Համագումարում Լենինի կողմնակիցները ստացան մեծամասնականներ՝ **բոլշևիկներ**, իսկ մնացածը՝ փոքրամասնականներ՝ **մենշևիկներ**, անվանումները: Բոլշևիկների և մենշևիկների միջև պայքարն Անդրկովկասում նույնպես առանձնակի սուր բնույթ կրեց: Մենշևիկներ

ըր հաջողությունների էին հասնում հատկապես Վրաստանի գավառներում, իսկ բոլշևիկները՝ արդյունաբերական քաղաքներում՝ Բաքվում, Թիֆլիսում, Բաթումում:

Հայ բոլշևիկների գործունեությունն ընթանում էր հայ ազգային կուսակցությունների, հատկապես ՀՅԴ-ի դեմ գաղափարական պայքարում: Դաշնակցականները բոլշևիկներին մեղադրում էին այն բանում, որ վերջիններս փորձում են մթազնել հայ բանվորների ու գյուղացիների ազգային գիտակցությունը և նրանց հեռու են պահում արևմտահայության ազատագրության խնդրից:

Այսպիսով՝ արդյունաբերական հասարակության ձևավորման շրջանում հայկական միջավայրում ազգային կուսակցությունների կողքին ծնունդ էին առել ու գործունեություն էին ծավալում նաև սոցիալ-դեմոկրատական խմբերն ու կազմակերպությունները:

Հարցեր և առաջադրանքներ

1. Ի՞նչ քաղաքականություն էր վարում ռուսական կառավարությունը Անդրկովկասում. դրն էր դրա նպատակը: Ինչո՞ւ էր այդ քաղաքականությունն ուղղվում հատկապես Հայոց եկեղեցու դեմ: Ներկայացրե՞ք Ալեքսանդր III-ի հաստատած «Կանոնները» և դրանց հետևանքները: Ո՞րն էր Կովկասի կառավարչապետ Գոլիցինի հակահայկական քաղաքականության գլխավոր նպատակը:
2. Հայ բանվորներն ու գյուղացիները սոցիալական ի՞նչ շարժումներ ծավալեցին Անդրկովկասում. ինչ պահանջներ էին նրանք առաջադրում: Ի՞նչ վերաբերմունք ունեին հայ ազգային կուսակցությունները. ինչո՞ւ: Սոցիալ-դեմոկրատական ի՞նչ կազմակերպություններ ստեղծվեցին Արևելյան Հայաստանում և Այսրկովկասի արդյունաբերական կենտրոններում:

§ 3. ԱՐԵՎՏԱՀԱՅԵՐԻ ՏՆՏԵՍԱԿԱՆ ԵՎ ՍՈՑԻԱԼԱԿԱՆ ԴՐՈՒԹՅՈՒՆԸ

Տնտեսական, քաղաքական ու մշակութային առումով Օսմանյան կայսրությունը շարունակում էր մնալ հետամնաց պետություն: Այն վերածվել էր եվրոպական զարգացած տերությունների կիսագաղութի: Այդ բռնապետական տերությունն այլևս չուներ

երբեմնի հզորությունը և անկասելի անկում էր ապրում: Թուրքական տիրապետության ծանր պայմաններում գտնվող ազգերը հերոսական պայքար ծավալեցին իրենց բռնադատված իրավունքները, անկախությունը վերականգնելու համար: Նրանցից

շատերը հաղթանակով ավարտեցին ազգային-ազատագրական պայքարը և հասան բաղձալի արդյունքի: Այլ էր իրավիճակը մեր հայրենիքի բռնազավթված մասում՝ Արևմտյան Հայաստանում:

Արևմտյան Հայաստանի վարչական բաժանումը, բնակչությունը: XIX դ. երկրորդ կեսին և XX դ. սկզբին թուրքական կառավարությունը մի քանի անգամ փոխեց Արևմտյան Հայաստանի վարչական բաժանումը: Դա արվում էր այն սկզբունքով ու դիտավորությամբ, որ ոչ մի նահանգում հայերը մեծամասնություն չկազմեն: Արևմտյան Հայաստանը բաժանված էր վեց նահանգների՝ *Երզրումի, Վանի, Բիթլիսի, Դիարբեքիրի, Խարբերդի ու Սեբաստիայի (Սվազ):* Յուրաքանչյուր նահանգ տրոհվում էր գավառների (սանջակ), գավառը՝ գավառակների (կազա), իսկ գավառակը՝ գյուղախմբերի:

Սուլթանական կառավարությունը մշտապես ոտնահարում էր հայերի իրավունքները: Պաշտոնները ձեռք էին բերվում կաշառքով, և նշանակումից հետո աստիճանավորներն անխնա կողոպտում էին բնակչությանը, առաջին հերթին՝ հայերին: Վարչական բաժանումներում արգելված էր գործածել Հայաստան անունը:

Կոստանդնուպոլսի Հայոց պատրիարքարանի 1876 թ. տվյալներով՝ Օսմանյան կայսրությունում ապրում էր 3 *միլիոն հայ*, որից մոտ երկու միլիոնը՝ Արևմտյան Հայաստանում: Իսկ այդ ժամանակ աշխարհում հաշվվում էր շուրջ 5 միլիոն հայ:

Արևմտյան Հայաստանում ապրում էին նաև քրդեր, թուրքեր, ասորիներ, հույներ, չերքեզներ, հրեաներ և տարբեր շրջաններից ներգաղթած այլ ժողովուրդներ: Քանակությամբ երկրորդը քրդերն էին, իսկ երրորդը՝ թուրքերը: Սակայն օսմանյան պետության ազգային խտրականության ու հայա-հալած քաղաքականության հետևանքով գնալով պակասում էր հայերի թիվը, իսկ

մահմեդականներինը՝ ավելանում: Հայերի համար մեծ չարիք դարձան Կովկասից և Բալկաններից հայկական հողերում վերաբնակեցվող մահմեդականները՝ չերքեզները և մուհաջիրները: Նրանց տրվում էին գանազան արտոնություններ, ինչը կտրուկ սրում էր ազգամիջյան հարաբերությունները հայկական նահանգներում:

Արևմտյան Հայաստանի բնակչության միայն 10 տոկոսն էր ապրում քաղաքում: Իրենց հայրենիքից հայերին դուրս մղելու թուրքական քաղաքականության հետևանքով հայության թիվը, հատկապես խոշոր քաղաքներում, օրեցօր նվազում էր:

Հայ գյուղացիության հողագրկումը: Օսմանյան կայսրությունում պահպանվում էին հողատիրության՝ միջնադարից եկող ձևերը՝ պետական, մասնատիրական և հոգևոր հաստատություններին պատկանող (վակուֆային): Արդուլ Համիդ II-ն իր սոցիալական հենարանը ուժեղացնելու համար թույլատրեց քուրդ ավատատերերին ամրանալ հայկական հողերի վրա:

Թուրքական կառավարությունը տարբեր միջոցներով արգելում էր հայերին դառնալ հողի սեփականատերեր: Քուրդ աղաները հայ գյուղացիների զգալի մասին հողագուրկ դարձրին: Հողագուրկ գյուղացիները, որոնց անվանում էին *մարաբա*, ենթարկվում էին դաժան շահագործման: Ազատ գյուղացիների քանակը քիչ էր:

Հայ գյուղացիության վիճակը գնալով ավելի անտանելի էր դառնում: Նրանց համար իսկական պատուհաս էին հարկահանության կիրառվող համակարգը, ավազակային հարձակումները, կողոպուտն ու անձնական անապահովությունը:

Արևմտյան Հայաստանում գերիշխող էր ավատատերերին վճարվող բնամթերային հարկը՝ տասանորդը, կային նաև պետական գանազան հարկեր: Քրիստոնյաներից վերցնում էին նաև զինվորական հարկ ծառայության փոխարեն: Հարկերը հավաք-



Կարինի ընդհանուր տեսքը

վում էին ամենայն խստությամբ, հաճախ հարկահանությունն ավարտվում էր ունեցվածքի բռնագրավմամբ:

Չնայած ծանր պայմաններին՝ XIX դ. վերջերին հայկական նահանգներում գյուղատնտեսությունն աստիճանաբար ներգրավվում էր ապրանքադրամական հարաբերությունների ոլորտը:

Այսպիսով՝ ի տարբերություն արևելահայերի, որոնք կյանքի և ունեցվածքի ապահովություն ունեին, արևմտահայերն ապրում էին իրավագուրկ ու անապահով պայմաններում: Ավատատիրական շահագործման հետ մեկտեղ հայերը ենթարկվում էին ազգային խտրականության, հալածանքների, իսկ դարավերջից՝ նաև ցեղասպանական քաղաքականության:

Մանուֆակտուրային արդյունաբերության զարգացումը: Օսմանյան կայսրությունում գերիշխող ավատատիրական հետամնաց վարչակարգն արգելակում էր երկրի զարգացումը, ամեն կերպ խոչընդոտում կամ ձախողում էր հասարակության արդի-

ականացման ձեռնարկումները: Եվրոպական զարգացած տերություններն իրականացնում էին Օսմանյան կայսրության գաղութացման և նրանից գերշահույթ ստանալու քաղաքականություն: Աստիճանաբար արտասահմանյան կապիտալն ամրապնդվում էր երկրի տնտեսության մեջ, ստեղծվում էին արդյունաբերական ձեռնարկություններ, կառուցվում երկաթուղիներ:

XIX դ. վերջերին, երբ արդյունաբերական զարգացած երկրներում հիմնվում էին գերիզոր ձեռնարկություններ ու մենատիրություններ, հայկական նահանգներում նոր միայն սկիզբ էր առնում ու զարգանում մանուֆակտուրային արտադրությունը:

Վանում, Կարինում, Արաբկիրում, Խարբերդում, Բիթլիսում, Երզնկայում հիմնվում են տեքստիլ և սննդի արդյունաբերության մանուֆակտուրաներ: Զարգանում էր սպիրտային խմիչքների արտադրությունը. Կարինում արտադրում էին օղի, իսկ Խարբերդում՝ գինի: Գինեգործությունը զարգանում էր նաև հայկական գյուղերում:

Տեղաշարժեր նկատվեցին արդյունաբերական մյուս ճյուղերում: Կարինում հիմնվեցին ծխախոտի, Երզնկայում՝ լուցկու արտադրության ձեռնարկություններ: Ստեղծվում են նաև առաջին գործարանները: Խարբերդում հիմնվում են մետաքսամշակման և կիսամեքենայացված մեքենաշինական գործարաններ: Այդպիսի գործարան ստեղծվում է նաև Վանում:

Արևմտյան Հայաստանում մասնավորի կողքին կային նաև քիչ թվով պետական ձեռնարկություններ:

Այսպիսով՝ դարավերջին հայկական նահանգներում դեռևս տիրապետող էին արտադրության կազմակերպման հին ձևերը, սակայն սկզբնավորվում և դանդաղորեն սկսում է ծավալվել մանուֆակտուրային ու գործարանային արդյունաբերությունը:

Քաղաքները, արհեստները և առևտուրը: Արևմտյան Հայաստանի քաղաքները նույնպես դանդաղ էին վերափոխվում: Նոր ժամանակների շունչն այնքան խորը չէր, որքան կայսրության մայրաքաղաքում և արևմտյան ծովափնյա քաղաքներում: Տնտեսական հարաբերությունների, առևտրի ու արհեստների մեջ, մարդկանց ապրելակերպում գերիշխող էր ավանդականը: Այդուհանդերձ շուկայական հարաբերությունների և արդիական մշակույթի ազդեցությունը նույնպես դրսևորվում էր հայկական նահանգներում:

Աստիճանաբար տեղաշարժեր էին նկատվում Արևմտյան Հայաստանի համեմատաբար խոշոր քաղաքներում: 1893 թ. տվյալներով *Կարինում* ապրում էր 40 000 մարդ, *Վանում*՝ 30 000, *Բիթլիսում*՝ 30 000: Հայ բնակչությունը զբաղվում էր առևտրով, արհեստներով ու արդյունաբերական արտադրությամբ, իսկ թուրքերը՝ պետական պաշտոնավարությամբ, զինվորական ծառայությամբ և շատ քիչ՝ առևտրով ու արհեստներով:

Համիդյան հակահայ քաղաքականության հետևանքով Արևմտյան Հայաստա-

նում սկսեց ուժեղանալ նաև թուրքական ձեռներեցների դասը, սակայն առաջնությունը մնում էր հայերի ձեռքում: Հատկապես մեծ էր հայերի մշակութային դերը քաղաքներում և գյուղերում:

Հայկական նահանգներում որոշ չափով զարգացան արհեստները և առևտուրը: Կարինի հայ արհեստավորները հայտնի էին պողպատի վրա արվող փորագրություններով ու որակյալ կողպեքներով: Վանն ավանդաբար մեծ հռչակ ուներ իր ոսկերիչների գեղեցիկ արտադրանքով, Մուշի արհեստավորները պատրաստում էին ոսկեզօծ զարդանախշերով կճուճներ: Խարբերդի հայերը հռչակված էին գորգագործությամբ:

Շուկայական հարաբերությունները մուտք գործեցին արհեստագործության ոլորտը, և հայ արհեստավորները դարձան մանր ապրանք արտադրողներ: Նրանք անձամբ կամ միջնորդ առևտրականների միջոցով իրացնում էին իրենց ապրանքը տեղական և հեռավոր շուկաներում:

Հայ առևտրականները, բացի արհեստագործական արտադրանքից, շուկայում իրացնում էին արդյունաբերական և գյուղատնտեսական ապրանքներ:

Արդյունաբերության, արհեստների, առևտրի ու գյուղատնտեսության որոշակի աշխուժացումը փոփոխություններ առաջացրին արևմտահայության հասարակական կյանքում: Արևմտահայ ձեռներեցները (հատկապես մայրաքաղաքում ապրող) ձևավորեցին հայ վաշխառուական և առևտրական կապիտալը: Աստիճանաբար նեղվելով օտարերկրյա կապիտալի մրցակցությունից՝ հայ ձեռներեցները սկսեցին իրենց հիմնական միջոցները ներդնել հայկական միջավայրում և կայսրության մյուս ազգային երկրամասերում:

Հայկական կապիտալը ներդրվում է նաև արտադրական ոլորտում: Երկրի կենտրոնում ու հայկական նահանգներում սկսում են կառուցել նավաշինարան, արդյունաբե-

րական գործարաններ, հիմնում են դրամատներ և այլն: Շուտով հայտնվեց նոր, քայց դաժան ու նեղ մրցակից՝ թուրքական կապիտալը, որին ամեն կերպ հովանավորում ու խրախուսում էր թուրքական կառավարությունը: Այնուամենայնիվ, 1914 թ. դրությամբ կայսրության արդյունաբերական ձեռնարկությունների 50 %-ը պատկանում էր *հույներին*, 20 %-ը՝ *հայերին և միայն 15 %-ը՝ թուրքերին*: Արդյունաբերության որոշ ճյուղերում գերիշխում էր հայկական կապիտալը:

Ձևավորվում է նաև հայ բանվորությունը: Նրանց մեծագույն մասը նախկին գյուղացիներ, արհեստավորներ ու մանր ապրանք

արտադրողներ էին, ովքեր աղքատանալով և ունեզրկվելով համարում էին արդյունաբերական ձեռնարկություններում աշխատողների շարքերը: Օսմանյան իշխանությունների վարած տնտեսական և սոցիալական քաղաքականության հետևանքով հայերի սովոր գանգվածներ թողնում էին հայրենիքը և ժամանակավոր կամ մշտական բնակության մեկնում կայսրության արևմտյան քաղաքներ, հատկապես Կ. Պոլիս: Պանդխտությունը կամ գաղթականությունը մեծ չարիք դարձավ հայության համար. բուն հայրենիքում պակասում էր հայության թիվը, տկարանում էր ազգային ներուժը:

Հարցեր և առաջադրանքներ

1. Բնութագրեք Օսմանյան կայսրությունը նոր ժամանակների ավարտական փուլում: Վարչական ինչ փոփոխություններ կատարվեցին Արևմտյան Հայաստանում. ինչ սկզբունքով էին դրանք իրագործվում: Ներկայացրեք Արևմտյան Հայաստանի ժողովրդագրական պատկերը և տեղաշարժերը. դրանք ինչ հետևանքներ ունեցան:
2. Հողատիրության ինչ ձևեր կային Օսմանյան կայսրությունում: Ցույց տվեք արևմտահայ գյուղացիության ծանր վիճակը: Համեմատեք արևելահայ և արևմտահայ գյուղացիության դրությունը:
3. Ինչ տնտեսական քաղաքականություն էին վարում եվրոպական զարգացած երկրներն Օսմանյան կայսրության նկատմամբ: Ձեր կարծիքով՝ ինչու էր արդյունաբերությունը զարգանում հատկապես ծովափնյա շրջաններում: Ներկայացրեք Արևմտյան Հայաստանի արդյունաբերության ընդհանուր պատկերը:
4. Ինչ դեր ունեին հայերն Օսմանյան կայսրության առևտրաարհեստագործական կյանքում: Ինչ գործոններ նպաստեցին արևմտահայության հասարակական կյանքի փոփոխություններին: Դրանք ինչ հետևանքներ ունեցան:

ԳԼՈՒԽ 2. ՀԱՅԿԱԿԱՆ ՀԱՐՑԻ ՄԻՋԱԶԳԱՅՆԱՑՈՒՄԸ

§ 1. ԱՐԵՎԵԼՅԱՆ ՀԱՐՑԻ ՍՐՈՒՄԸ: 1877-1878 ԹԹ, ՌՈՒՍ-ԹՈՒՐԲԱԿԱՆ ՊԱՏԵՐԱԶՄԸ ԵՎ ՀԱՅԵՐԸ

Արևելյան հարցը և Ղրիմի պարսիսազմը: XIX դ. կեսերին եվրոպական մեծ տնտեսությունների միջև սրվեց պայքարը Օսմանյան կայսրությունում ազդեցություն տարածելու համար:

Ֆրանսիայի կայսր *Նապոլեոն III-ը* Օսմանյան կայսրությունում գտնվող Երուսաղեմի սուրբ վայրերին տիրելու համար տարբեր եկեղեցիների (կաթոլիկ, ուղղափառ,

Հայ առաքելական) միջև ընթացող վեճը միջազգային քննարկման հարց դարձրեց: Նա՝ որպես կաթոլիկ երկրի տիրակալ, ավելի լայն իրավունքներ պահանջեց կաթոլիկ եկեղեցու համար: Դրան անմիջապես հակադարձեց Ռուսաստանը՝ պաշտպանելով ուղղափառ եկեղեցու շահերը: Սուր վեճը, որն առաջին հայացքից ընթանում էր սրբազան վայրերի համար, վերածվեց Թուրքիայից գանազան գիջումներ կորզելու միջազգային պայքարի: Միջազգային հարաբերությունների այդ հիմնախնդիրը ստացել է *Արևելյան հարց* անվանումը:

Հարաբերությունների հետագա սրումը 1853 թ. աշնանը հանգեցրեց ռուս-թուրքական պատերազմի, որը հայտնի է *Ղրիմի* կամ *Արևելյան պատերազմ* անունով: 1854 թ. Թուրքիային միացան Անգլիան, Ֆրանսիան և Սարդինական թագավորությունը:

Կովկասյան ճակատում ռուսական զորքերը տարան մի քանի խոշոր հաղթանակներ: 1853 թ. նոյեմբերին *Քաշկադըկլարի*, իսկ հաջորդ տարվա հուլիսին՝ *Քյուրուկդարայի* մոտ նշանավոր գեներալ Վ. Բենիուսովի զորքերը ջախջախիչ պարտության են մատնում թուրքական մեծաքանակ բանակին և ստիպում նահանջել Կարս: 1855 թ. նոյեմբերին ռուսական զորախումբը գրավում է Հայաստանի նշանավոր կենտրոն Կարսը: Ղրիմի պատերազմը ազատագրության նոր հույսեր է արթնացնում արևմտահայերի մեջ: Սակայն այս անգամ էլ նրանց ձգտումները չեն իրականանում:

Ղրիմում ռուսական բանակը ծանր պարտություններ է կրում: 1856 թ. մարտին Փարիզում կնքված հաշտության պայմանագրով կատարվում է գրավված տարածքների փոխանակում: Ղրիմը վերադարձնելու համար Ռուսաստանը կրկին հրաժարվում է Արևմտյան Հայաստանում գրաված հողերից և կորցնում միջազգային ասպարեզում իր ազդեցիկ դերը: Ակնհայտ է դառնում, որ

Արևելյան հարցը մեծ տերությունների համար իրականում Օսմանյան կայսրության վրա իրենց ազդեցությունը տարածելու միջոց է եղել: Արևմտյան Հայաստանի՝ որպես Օսմանյան կայսրությանը ենթակա տարածքի խնդիրն ուղակիորեն դառնում է Արևելյան հարցի բաղկացուցիչ մաս և շուտով *Հայկական հարց* անունով հայտնվում միջազգային դիվանագիտության կիզակետում:

1877-1878 թթ. ռուս-թուրքական պատերազմի պարզառոտները և սկիզբը: Ղրիմի պատերազմում կրած պարտությունից հետո Ռուսաստանի արտաքին քաղաքականության գլխավոր խնդիրը դարձավ սևծովյան տարածաշրջանում և Բալկանյան թերակղզում իր թուլացած դիրքերի ամրապնդումն ու միջազգային հեղինակության վերականգնումը: Այդ նպատակով ռուսական արքունիքը 1870-ական թթ. կեսերին պաշտպանեց օսմանյան տիրապետության դեմ ապստամբած բալկանյան ժողովուրդներին:

Արևմտաեվրոպական երկրներն իրենց հերթին չհապաղեցին օգտվել Թուրքիայի համար ստեղծված անբարենպաստ իրավիճակից: Այսպես կրկին սրվեց Արևելյան ձգնաժամը:

1876 թ. գահ բարձրացած սուլթան Աբդուլ Համիդ II-ը հանդիսավորությամբ ազդարարեց երկրում սահմանադրության ընդունումը, որով կայսրությունն անվանապես դարձավ սահմանադրական միապետություն: Նույն ժամանակ եվրոպական դեսպանների՝ Կ. Պոլսում սկսված ժողովը սուլթանից պահանջեց կայսրության քրիստոնյա ժողովուրդների համար անհապաղ բարեփոխումների իրագործում: Կ. Պոլսի հայ ազգային-հասարակական շրջանակները փորձեցին Արևելյան հարցի շուրջ ստեղծված իրավիճակն օգտագործել՝ արևմտահայերի համար ևս բարեփոխումներ պահանջելու նպատակով:



Միխայիլ Լոռիս-Մելիքով

Արդու Համիդը, ստանալով Մեծ Բրիտանիայի աջակցությունը, մերժեց մյուս տերությունների պահանջը՝ պատճառաբանելով, որ այդ քայլը նախ՝ միջամտություն է իր երկրի ներքին գործերին, և երկրորդ՝ սահմանադրության ընդունումով տերությունում լուծվում են ոչ միայն քրիստոնյաների, այլև ամբողջ բնակչության հիմնախնդիրները։ Բնականաբար դրանով մերժվում էր նաև հայ գործիչների պահանջը՝ արևմտահայերի իրավունքները հարգելու վերաբերյալ։ Տեղի ունեցածն ավելի սրեց ռուս-թուրքական հարաբերությունները։ Այս ամենն ի վերջո հանգեցրեց ռուս-թուրքական նոր պատերազմի։

1877 թ. ապրիլի 12-ին Ռուսաստանը պատերազմ սկսեց օսմանյան Թուրքիայի դեմ։ Եվրոպական տերությունները հույս ունեին, որ պատերազմող երկրներն ավելի կթուլանան. Ռուսաստանը վերջնականապես դուրս կմղվի ռազմավարական նշանակություն ունեցող տարածաշրջանից, իսկ Թուրքիան հարկադրված կգնա իրենց օգտին նոր զիջումների։

Պատերազմական գործողությունները ծավալվեցին միաժամանակ *Բալկանյան* և *Կովկասյան* ճակատներում։ Պատերազմի գլխավոր թատերաբեմը Բալկանյան թերակղզին էր։ Այստեղ 185-հազարանոց ռուսական զորակազմը, որին միացել էին սլավոնական ժողովուրդների զինված ուժերը, խոշոր հաղթանակներ տարավ թուրքական 160-հազարանոց բանակի դեմ։ Անցնելով Դանուբ գետը՝ ռուսական զորքերը համառ մարտերից հետո Բուլղարիայում գրավեցին *Շիպկայի* լեռնանցքը։ 1878 թ. սկզբին ռուսները մտան *Սոֆիա*, ապա *Պլովդիվ* և մոտեցան Ադրիանապոլսին ու Կ. Պոլսի մատույցներին։

Պատերազմը Կովկասյան ճակատում։ Հայերի մասնակցությունը և ակնկալիքները։ Պատերազմում հաղթանակի հասնելու գործում վճռական նշանակություն ունեցան նաև Կովկասյան ճակատում ռուսական զորքերի տարած հաղթանակները։ Այդ ուղղությամբ կռվող 70-հազարանոց ռուսական բանակի առջև խնդիր դրվեց շեշտակի հարվածներով հնարավորինս մխրձվել Արևմտյան Հայաստանի խորքերը։

Կովկասյան ճակատում՝ Ալեքսանդրապոլ-Կարս ուղղությամբ, հիմնական հարվածող ուժը հայազգի զեներալ *Միխայիլ Լոռիս-Մելիքովի* (*Լոռու Մելիքյան*) հրամանատարությամբ գործող 52-հազարանոց Կովկասյան կորպուսն էր։ Երևանյան ջոկատը գործում էր ռազմաճակատի ձախ թևում՝ հայազգի նշանավոր մեկ այլ հրամանատարի՝ զեներալ *Արշակ Տեր-Ղուկասովի* գլխավորությամբ։

Սլավոնական ժողովուրդների ազատագրական պայքարը և սկսված պատերազմը ոգևորության ալիք են առաջացնում հայերի շրջանում։ Հայության լայն զանգվածներ իրենց եռանդուն մասնակցությունն են րերում պատերազմին։ Նրանք զինվորագրվում են ռուսական բանակին, պարեն մատակարարում զորքերին, իրականաց-

նում հետախուզական աշխատանք, հանգանակություններ կատարում: Հայերը հատկապես ոգեշնչվում էին այն հանգամանքից, որ ռուսական բանակի հրամանատարական կազմում զգալի թիվ էին կազմում ազգությամբ հայ ականավոր զորավարները: Մ. Լոռիս-Մելիքովի և Ա. Տեր-Ղուկասովի կողքին մարտնչում էին գեներալներ *Հովհաննես Լազարևը, Բենիքոս Շելկովիկովը, Հակոբ Ալիսագովը, Լևոն Մելիքովը, Սյունիան Քիշմիշը* և տարաստիճան բազմաթիվ զորահրամանատարներ ու զինվորականներ:

Երևանյան ջոկատը *ապրիլի 30-ին* գրավում է *Բայազետը*, ապա նաև Դիադինն ու Ալաշկերտը: Հաղթական կոիվներ մղելով թուրքական զորքերի դեմ՝ Տեր-Ղուկասովի ջոկատը, աջ թևում գործող ռուսական զորամասի պարտության պատճառով, հունիսին նահանջի հրաման է ստանում: Երևանյան ջոկատի հրամանատարը նահանջը կատարում է մեծ վարպետությամբ՝ միաժամանակ փրկելով թուրքերի ճիրաններում հայտնված բազմահազար հայ զաղթականների:

Հակառակորդը, մեծ ուժեր կենտրոնացնելով, պաշարում է *Բայազետի բերդը*: Ավելի քան 10 հազար հոգուց բաղկացած թուրքական զորքերը կատաղի գրոհներ են գործում բերդի վրա, բայց գրավել չեն կարողանում: Գտնվելով թշնամու օղակում, անընդհատ անհավասար մարտեր մղելով հակառակորդի դեմ՝ Բայազետի կայազորը, որի պետը կապիտան *Յյողոր Շարկվիչն* էր, սպառում է իր նյութական և ռազմական բոլոր պաշարները: Միակ փրկությունը դրսի օգնությունն էր: Իրենց օրհասական դրության մասին Տեր-Ղուկասովին տեղեկացնելու փորձերը մատնվում են անհաջողության: Վերջապես հայ կամավորներից մեկը՝ *Սամսոն Տեր-Պողոսյանը* (Բաֆֆու «Խենթը») վնասի հերոս Վարդանը, բրդական տարագով ծպտյալ անցնում է թշնամու

օղակով և լուր հասցնում Տեր-Ղուկասովին: Երևանյան ջոկատը օգնության է հասնում Բայազետի կայազորին և համառ մարտերից հետո ազատագրում նրան 23 օրվա պաշարումից: Բայազետի հերոսական պաշտպանությունն իր գեղարվեստական արտացոլումն է գտել նաև ռուս գրող Վ. Պիկուլի «Բայազետ» վեպում:

Մ. Լոռիս-Մելիքովի կորպուսը մայիսի 5-ին գրոհով վերցնում է Արդահանը: Սակայն Կարսի մատույցներում ռուսական զորքերը կրում են ծանր կորուստներ: Այդ ամբողջի գրավումը հետաձգվեց և 1877 թ. աշնանը հանձնարարվեց Հ. Լազարևին: Նոյեմբերի 6-ին Լազարևի՝ հայ կամավորականների առաջապահ ջոկատի ուղեկցությամբ ընթացող զորամասի վճռական գրոհն ավարտվում է կատարյալ հաղթանակով, և *Կարսը* գրավվում է: Դրանից հետո թուրքական հրամանատարությունն այլևս ի զորու չի լինում ցուցաբերելու լուրջ դիմադրություն: Հունվարին կնքված զինադադարով Թուրքիան ձանաչում է իր պարտությունը: Փետրվարին ռուսներն առանց կովի մտնում են Կարին:

Անդրկովկասի զանազան շրջաններում կազմավորված և ռուս-թուրքական պատերազմին մասնակցած հեծյալ և հետևակային ութ կամավորական ջոկատները հիմնականում համալրված էին հայերով: Դրանց մեծ մասը զինվել էր սեփական միջոցներով: Կամավորական շարժումն այնպիսի լայն ծավալ էր ստացել, որ ռուսական իշխանություններն ստիպված էին դադարեցնել ջոկատների հետագա հավաքագրումը:

Ռուսաստանի հաջողությանն իրենց արժանի նպաստը բերեցին նաև բազմաթիվ արևմտահայեր: Հայոց պատրիարք *Ներսես Վարժապետյանն* ու Ազգային ժողովի երեսփոխանները՝ պատգամավորները, պաշտոնապես հանդես եկան կայսրությանը հավատարիմ մնալու կոչերով: Սակայն գտնվեցին համարձակ գործիչներ,

որոնք բացահայտորեն իրենց բողոքի ձայնը բարձրացրին Ալաշկերտի և Արևմտյան Հայաստանի այլ գավառների հայության նկատմամբ քրդերի ու թուրքերի վայրագ գործողությունների կապակցությամբ: Պոլսի հայոց Ազգային ժողովում նախկին պատրիարք Մկրտիչ Խրիսյանը պահանջեց այդ կոտորածների մասին հատուկ տեղեկագիր կազմել և հանձնել մեծ տերություններին:

Բարձր դուռը՝ թուրքական կառավարությունը, վախենալով, որ պատերազմում

իրենց պարտությունը կարող է իրատեսական դարձնել նաև Արևմտյան Հայաստանի ինքնավարացման կամ անկախացման ծրագիրը, հայերին սիրաշահելու քայլեր կատարեց: Սակայն պատերազմում Օսմանյան կայսրության պարտությունը ոգեշնչեց արևմտահայ զգուշավոր գործիչներին: Նրանք սկսեցին ավելի համարձակորեն խոսել հայկական խնդրի լուծման մասին և այդ նպատակով սկսեցին դիմումներ հղել Ռուսաստանին ու մյուս մեծ տերություններին:

Հարցեր և ատաղձողումներ

1. Պարզաբանե՞ք «Արևելյան հարցի» էությունը: Որո՞նք էին Ղրիմի կամ Արևելյան պատերազմի պատճառները: Ներկայացրե՞ք ռազմական գործողությունների ընթացքը Կովկասյան ճակատում: Ե՞րբ և ո՞ր պայմանագրով ավարտվեց Ղրիմի պատերազմը:
2. Ի՞նչ փոփոխություն կրեց Ռուսաստանի արտաքին քաղաքականությունը Ղրիմի պատերազմից հետո: Որո՞նք էին Արևելյան ճգնաժամի սրման պատճառները 1870-ական թթ. կեսերին: Օսմանյան կայսրությունը ճգնաժամից դուրս գալու ի՞նչ քայլեր ձեռնարկեց: Ի՞նչ ակնկալիքներ ունեին ռուս-թուրքական պատերազմում Ռուսաստանը և մեծ տերությունները:
3. Կազմե՞ք 1877-1878 թթ. ռուս-թուրքական պատերազմի կարևոր իրադարձությունների ժամանակագրություն: Պատերազմին մասնակցած ի՞նչ նշանավոր հայ ռազմական գործիչների գիտեք: Նրանցից որևէ մեկի մասին գրե՞ք փոքրիկ հոդված: Ռուսների հաղթանակի գործում ի՞նչ նպաստ ունեցան հայերը:

§ 2. ՀԱՅԿԱԿԱՆ ՀԱՐՑԻ ՄԻՋԱԶԳԱՅՆԱՅՈՒՄԸ

Սան Սյունիքի հաշտության պայմանագիրը և Հայկական հարցը: Պատերազմի ավարտին հաշտության պայմանների շուրջ կրկին սրվեց միջազգային իրադրությունը: Քիչ կորուստներով հաշտության հասնելու նպատակով սուլթանական կառավարությունն ապավինեց Անգլիայի օժանդակությանը: Վերջինս չհապաղեց օգտվել պատեհ իրավիճակից և դարձավ ռուս-թուրքական բանակցային գործընթացում գլխավոր թելադրող կողմը:

Ռուսաստանն այս անգամ նույնպես առաջնահերթ համարեց իր դիրքերի ամ-

րապնդումը նախ եվրոպական տարածքներում: Մինչդեռ Արևմտյան Հայաստանում գրաված հողերը ռուսական դիվանագետները համարում էին «խիստ հետամնաց, ճանապարհագրորկ և զարգացման համար մեծ միջոցներ պահանջող» տարածք: Գեներալ Մ. Լոռիս-Մելիքովը, ծանոթանալով զինադադարի ռուսական նախագծին, արտահայտում էր տրամագծորեն հակառակ կարծիք: Նա ընդգծում էր գրաված տարածքի ռազմավարական կարևորությունը Ռուսաստանի համար:

Ռուս-թուրքական հաշտությունը կնքվեց

1878 թ. *փետրվարի 19-ին* Կ. Պոլսից ոչ հեռու գտնվող *Սան Սյոնֆանո* ծովափնյա ավանում՝ հայ մեծահարուստ *Առաքել Դադյանի* ամառանոցում: Ռուսաստանին էին անցնում Կարսի, Կաղզվանի, Օլթիի, Արդահանի, Ալաշկերտի և Բայազետի գավառները, Սև ծովի առափնյա շրջանները՝ Բաթում նավահանգստով: Էրզրումը և Բասենը մնում էին Օսմանյան կայսրությանը:

Սան Ստեֆանոյի պայմանագրում արժարժվեց նաև XIX դ. երկրորդ կեսի հայ հասարակական-քաղաքական կյանքի հիմնական բովանդակությունը կազմող Հայկական հարցը: Այն, ինչպես նշվել է, կազմելով Արևելյան հարցի բաղկացուցիչ մաս, այդ ժամանակաշրջանում վերաբերում էր արևմտահայության ազատագրության կամ ինքնավարության խնդրին: 1877-1878 թթ. պատերազմից հետո այդ հարցը ներառվեց միջազգային դիվանագիտության ոլորտի մեջ: Հարցի բարձրագույն գործում որոշակի դեր ունեցավ հաշտության կնքման նախօրեին արևմտահայ հասարակական շրջանների ծավալած եռանդուն գործունեությունը:

Արևմտահայ գործիչները՝ հոգևորականներ, հայոց Ազգային ժողովի երեսփոխաններ, այդ թվում ժողովի ատենապետ *Սյրեխան փաշա Աբանյանը* և անգամ Սաֆվեթ փաշայի խորհրդական, դիվանագետ *Սարգիս Համանջյանը* Հայկական հարցի լուծման ակնկալությամբ հանդիպումներ ունեցան ռուսական պատմիրակության ղեկավար կոմս *Ն. Իգնատևի* հետ:

Զգուշավոր գործելակերպով հայտնի հայոց պատրիարք *Ներսես Վարժապետյանը* ևս ռուսական պատմիրակությունից պահանջում էր պայմանագրում համապատասխան կետ մտցնել Արևմտյան Հայաստանում Ռուսաստանի հովանու ներքո ինքնավարություն ստեղծելու կամ գրավված շրջանները Ռուսական կայսրությանը միացնելու վերաբերյալ:

Սան Ստեֆանոյի պայմանագրում տեղ

գտան Հայաստանին և հայերին վերաբերող առանձին հոդվածներ ու ձևակերպումներ, որոնց դրույթները մասամբ էին համընկնում հայ հասարակական շրջանների առաջադրած պահանջներին: *16-րդ հոդվածով* Բարձր դուռը պարտավորվում էր Արևմտյան Հայաստանում ռուսների գրաված և կրկին Թուրքիային վերադարձվելիք գավառներում անհապաղ բարեփոխումներ անցկացնել և ապահովել հայերի անվտանգությունը քրդերից ու չերքեզներից: 25-րդ հոդվածն իրավունք էր տալիս ռուսական զորքերին 6 ամիս ժամկետով մնալու Հայաստանում: 27-րդ հոդվածով թուրքական կառավարությունը պարտավորվում էր չհալածել պատերազմում ռուսներին աջակցած քրիստոնյաներին:

Այս ձևակերպումներում կային շատ անորոշություններ. ըստ 16-րդ հոդվածի՝ ստացվում էր, որ Օսմանյան կայսրությունում հայերի հալածանքների մեղավորները ոչ թե թուրքական իշխանություններն են, այլ քրդերն ու չերքեզները: Նման ձևակերպումը ոչ թե կերաշխավորեր հայերի անվտանգությունը, այլ կարեր նրանց հարաբերությունները հարևանների հետ: Դա, անշուշտ, ձեռնադրում էր սուլթանին: Պարզ չէր, թե ռուսական զորքերը միայն 6 ամսում ինչպես պետք է ներագդեին բարեփոխումների իրագործման վրա, ինչ իրական երաշխիքներ կային ռուսներին աջակցած հայերի անվտանգության համար և այլն:

Այդուհանդերձ, պայմանագիրը պարունակում էր նաև հայերի համար դրական կետեր. նախ՝ Արևմտյան Հայաստանի մի զգալի հատված անցնում էր Ռուսաստանին: Երկրորդ՝ պայմանագրում «*Հայաստան*» բառի առկայությամբ սուլթանական կառավարությունն առաջին անգամ դիվանագիտական մակարդակով գոնե ստիպված էր ընդունել, որ կայսրության կազմում, ի թիվս նվաճված այլ երկրների, գոյություն ունի նաև հայերի հայրենիք Հայաստանը, որտեղ բարեփո-

խումներ կատարելու անհրաժեշտություն կա: Եվ վերջապես՝ Հայկական հարցը, դառնալով միջազգային հարց, նոր լիցք էր հաղորդում հայ ազգային-ազատագրական պայքարի հետագա ծավալմանը:

Հայկական հարցը Բեռլինի վեհաժողովում: Բալկաններում և Արևելքում Ռուսական կայսրության դիրքերի ամրապնդումն առաջացրեց առաջին հերթին Մեծ Բրիտանիայի և Ավստրո-Հունգարիայի դժգոհությունը: Նրանք պահանջեցին կնքված պայմանագրի կետերն ամրողչությամբ համաձայնեցնել իրենց հետ, հակառակ դեպքում սպառնում էին պատերազմով: Ռուսական կառավարությունը տեղի տվեց՝ համաձայնելով հարցը քննարկել մեծ տերությունների հետ: Որոշվեց Գերմանիայի կանցլեր Օտտո Բիսմարկի նախագահությամբ Բեռլինում գումարել վեհաժողով:

Հայկական հարցի միջազգայնացումն աշխուժություն առաջացրեց հայ հասարակական շրջաններում: Ամենուր խոսում էին Հայաստանի ինքնավարության մասին: Ավելի համարձակներն անկախ Հայաստանի ծրագրեր էին մշակում: Նույնիսկ առաջադրվեցին անկախ հայրենիքի կառավարիչների թեկնածություններ՝ Ստ. Ասլանյան, Մ. Լոռիս-Մելիքով, Գր. Օտյան և ուրիշներ: Բարձր դուռը փորձում էր իր հսկողության տակ վերցնել հայերի գործողությունները: Սուլթանը հայոց պատրիարքին նույնիսկ առաջարկում է պատվիրակություն ուղարկել վեհաժողով: Այդ քայլով նա ցանկանում է հայկական պահանջները հակադրել բուլղարների շահերին և դրանով խառնել Ռուսաստանի ծրագրերը: Հայոց պարիարքը որոշում է առիթն օգտագործել և հայերի պահանջները ներկայացնել վեհաժողովին:

Ազգային գործիչ Գր. Օտյանի առաջարկությամբ Եվրոպա մեկնող պատվիրակությունը գլխավորում է ողջ հայության շրջանում մեծ հեղինակություն վայելող **Մ. Խրիմյանը**: Որպես թարգմանիչ՝ Խրիմյանի հետ



Բեռլինի վեհաժողովի հայ պատվիրակությունը Խրիմյան Հայրիկի գլխավորությամբ. 1878 թ.

մեկնում է 22-ամյա **Մինաս Չերազը**: Հոգևոր գործիչ **Խորեն Նարեկյին** հանձնարարվում է մեկնել Սանկտ Պետերբուրգ՝ ռուսական արքունիքի հետ հայերի պահանջները համաձայնեցնելու համար: Հայ պատվիրակները լինում են Իտալիայում և Ֆրանսիայում, հանդիպում այդ երկրների արտգործնախարարների հետ և ստանում որոշ հուսադրող խոստումներ: Փարիզում նրանք արտաքին գործերի նախարարին են հանձնում ապագա ինքնավար Հայաստանի քարտեզը և տեղեկանք արևմտահայ նահանգների բնակչության վիճակագրության վերաբերյալ:

Լոնդոնում լորդ Ջեյմս Բրայսի գլխավորած հայասիրական շրջանները, ի պաշտպանություն Հայկական հարցի, մեծ հանրահավաք են կազմակերպում: Մեծ Բրիտանիայի արտգործնախարար **Սալսբերին**

հրիմյանին և Չերագին տալիս է խուսափողական պատասխաններ:

Դիվանագիտական խարդավանքներից հեռու կանգնած հայ պատվիրակները չգիտեին, որ անգլիական դիվանագիտությունն արդեն լուրջ աշխատանք էր տարել վեհաժողովում թուրքերի սպասելիքներն արդարացնելու համար: *Մայիսի 18-ին Լոնդոնում* կնքվում է ռուս-անգլիական համաձայնագիր, որը նախատեսում էր Սան Ստեֆանոյի պայմանագրի մի շարք կետերի վերանայում: Դրանք վերաբերում են նաև Հայկական հարցին: Անգլիական դիվանագիտությունը լուրջ հաջողության է հասնում նաև Բարձր դռան հետ հարաբերություններում: Վեհաժողովի նախօրյակին՝ *մայիսի 25-ին*, կնքված անգլո-թուրքական գաղտնի համաձայնագրով Մեծ Բրիտանիան Թուրքիայից ստանում է Կիպրոս կղզին՝ փոխարենը խոստանալով պաշտպանել թուրքական պահանջները: *1878 թ. հունիսի 1-ին Բեռլինում* սկսված վեհաժողովն ընթանում է Մեծ Բրիտանիայի մշակած սցենարով:

Պետերբուրգում Խորեն Նարբեյն Ալեքսանդր II կայսրին է հանձնում Հայաստանի ինքնավարության ծրագիրը, ապա մեկնում Բեռլին և միանում Խրիմյանին ու Չերագին: Ինքնավարության նախագիծը և այլ փաստաթղթեր հանձնվում են վեհաժողովի մասնակից 6 տերությունների պատվիրակներին: Ըստ պատրիարքարանի կազմած նախագծի՝ Արևմտյան Հայաստանի՝ ռուսների գրաված այն մասը, որը վերադարձվելու էր Թուրքիային, որպես գերազանցապես հայաբնակ տարածք (2 միլիոնից 1,3 միլիոնը հայ էր)՝ պետք է ստանար ինքնավարություն և կառավարվեր հայ նահանգապետի կողմից:

Բեռլինում մեծ տերությունների ներկայացուցիչները ոչ միայն ուշադրության չեն արժանացնում հայ պատվիրակների խնդրագրերը, այլև նրանց թույլ չեն տալիս մասնակցելու վեհաժողովին: Այսպես Հայկական հարցը, հատկապես Անգլիայի քա-

ղաքականության հետևանքով, վճռվում է առանց հայերի մասնակցության:

Բեռլինի պայմանագրի 61-րդ հոդվածով Հայկական հարցի լուծման հեռանկարը դառնում է ավելի մշուշապատ ու անիրական: Հայաստանի ինքնավարության ծրագիրը լիովին մերժվում է: Այդ հոդվածը ևս թուրքական կառավարությանը պարտավորեցնում էր հայերի համար բարեփոխումներ անցկացնել, ապահովել նրանց անվտանգությունը: Բայց բարեփոխումների իրագործման հսկողությունն այժմ, բացի Ռուսաստանից, դրվում էր նաև վեհաժողովի մասնակից մյուս պետությունների վրա: Դա վերջիններիս հնարավորություն էր տալիս միջամտելու Թուրքիայի ներքին գործերին:

Քանի որ Ռուսաստանն իր զորքերն անհապաղ դուրս էր բերելու գրաված տարածքներից, ոչ մի երաշխիք չէր մնում բարեփոխումների կենսագործման համար: *Հայաստան* հասկացությունը փոխարինվում էր *հայաբնակ մարզեր* բառակապակցությամբ: Ռուսաստանին էր մնում միայն Կարսը՝ շրջակա գավառներով, իսկ Ալաշկերտն ու Բայազետը, ինչպես Անգլիան խոստացել էր Թուրքիային, վերադարձվեցին Օսմանյան կայսրությանը: 1877-1878 թթ. ռուս-թուրքական պատերազմից հետո Ռուսաստանին անցած Կարս բերդաքաղաքը դարձավ նորաստեղծ մարզի կենտրոնը: Կարսի մարզի մեջ մտան *Կարսի, Արդահանի, Կաղզվանի և Օլթիի* գավառները (օկրուգներ): Որպես առանձին վարչական միավոր՝ մարզը մտցվեց Կովկասի փոխարքայության կազմի մեջ:

Վեհաժողովի որոշումները խոր հիասթափություն առաջացրին հայության մեջ: Մ. Խրիմյանն ու Մ. Չերագը վեհաժողովի վերջին օրը՝ հուլիսի 1-ին, բողոք ներկայացրին մեծ տերություններին: Խրիմյան Հայրիկը վեհաժողովը պատկերավոր ձևով նմանեցրեց հարիսայի ճաշկերույթի, որին երկաթե շերտներով ներկայացած մասնա-

կիցները կարողանում էին տանել իրենց բաժինը: Բայց բանի որ ինքը միայն թղթն շերտի ուներ, որը մնում էր հարիսայի մեջ, ստիպված էր վերադառնալ ձեռնունայն: Խրիմյանը և բազմաթիվ այլ գործիչներ Բեռլինից հետո հասկացան, որ օտար տերությունների հետ իրենց հույսերը կապելու փոխարեն անհրաժեշտ է կազմակերպել սեփական ժողովրդի ազատագրական պայքարը: Գարեգին Սրվանձտյանցը գրում էր. «Հայաստանի մեջ է բուն հայկական խնդիրը, և Դերլինի մեջ կորոնենք զայն»:

Հայկական հարցը, որ միջազգային ասպարեզ էր իջել, ուներ նաև ներքին բովան-

դակություն: Հայ ժողովուրդը դրանով առաջին հերթին հասկանում էր արևմտահայության ազատագրության հարցը, որին նա նվիրվեց ողջ XIX դ. վերջին և XX դ. սկզբին:

Մեծ տերությունները բազմիցս հանդես եկան հայկական բարեփոխումներն իրականացնելու պահանջներով՝ նպատակ ունենալով Թուրքիայից զիջումներ կորզելու իրենց օգտին: Սուլթանական կառավարությունն օտար երկրների մշտական միջամտություններից ազատվելու համար նախընտրեց Հայկական հարցի լուծման ուրույն ուղի՝ հայերի զանգվածային կոտորածները:

Հարցեր և անաջադրանքներ

1. Ներկայացրե՛ք Սան Ստեֆանոյի հաշտության պայմանագրի հիմնական հոդվածները: Ո՞րն էր Հայկական հարցի էությունը: Արևմտահայ հասարակական շրջաններն ինչ գործունեություն ծավալեցին Հայկական հարցի լուծման համար:
2. Ներկայացրե՛ք հայ հասարակական շրջանների և հայկական պատվիրակությունների գործունեությունը: Համեմատե՛ք Սան Ստեֆանոյի և Բեռլինի պայմանագրերում Հայաստանին և հայերին վերաբերող հոդվածներն ու ձևակերպումները՝ նշելով ընդհանրություններն ու առանձնահատկությունները: Ո՞ր գավառներից էր կազմված Կարսի մարզը:
3. Ի՞նչ դասեր քաղեցին հայերը Բեռլինի վեհաժողովից: Ինչո՞ւ էին մեծ տերությունները ժամանակ առ ժամանակ հանդես գալիս որպես Հայկական հարցի ջատագովներ:



ԼՐԱՑՈՒՑԻՉ ՆՅՈՒԹ

*Մկրտիչ Խրիմյանի
քարոզ-պարզամը հայ ժողովրդին
Բեռլինի վեհաժողովից հետո*

Ձեր բարեկամաց և ազգականաց իբրև պարզև մեկ-մեկ զէնք տարեք, զէնք առեք և դարձնա՛լ զէնք: Ժողովուրդ, ամենէն առաջ քո ազատութեան յոյսը քո վրա՛յ դիր, քո խելքին և բազկին ոյժ տուր, մարդ ինքնիրմէն պէտք է աշխատի, որ փրկուի:

§ 1. ՀԱՅ ՀԱՍԱՐԱԿԱԿԱՆ-ԲԱՂԱՔԱԿԱՆ ՀՈՍԱՆՔՆԵՐԸ

XIX դ. կեսերին Հայաստանում տեղի ունեցած սոցիալ-տնտեսական ու քաղաքական փոփոխությունները, Արևմտյան Եվրոպայում ծավալված հեղափոխությունները, ռուսական քաղաքական մտքի վերելքը լուրջ տեղաշարժեր առաջացրին հայ հասարակական-քաղաքական կյանքում: Հայ իրականության մեջ սկսեցին լայնորեն քննարկվել Հայաստանի ապագայի, հայ ժողովրդի սոցիալական ու ազգային ազատագրության, Հայոց եկեղեցու, հայոց լեզվի դերի և այլ կենսական խնդիրներ: Այդ բոլորն քննարկումների արդյունքում հայկական միջավայրում ձևավորվեցին *հասարակական-քաղաքական տարբեր հոսանքներ*:

Հայկական պահպանողականությունը: XIX դ. 50-70-ական թթ. գոյություն ունեցող բազմապիսի ուղղությունների մեջ ավելի հստակորեն գանգաձանվեցին *պահպանողական ու ազատական* (ազատամտական, լիբերալ) հոսանքները:

Պահպանողականների կարծիքով՝ հայ ժողովրդի կենսունակության աղբյուրը միջնադարյան ավանդական արժեքային համակարգն է: Ուստի նրանք օսմանյան և ռուսական տիրապետություններին ենթակա հայության համար կենսական խնդիր էին համարում հայկական միապետական համակարգի վերականգնումը, Հայոց եկեղեցու և հայ նահապետական ընտանիքի բարոյական նկարագրի, գրաբարի անաղարտության պահպանումը: Ազգային արժեքների պահպանմանն ուղղված նրանց գործունեությունը հիմք էր տալիս այդ հոսանքի ներկայացուցիչներին անվանելու *ազգային-պահպանողականներ*:

Հայ իրականությունը փոխելու, այն

«եվրոպականացնելու» ազատականների հայացքներն ազգավնաս համարելով՝ ազգային-պահպանողականները նրանց դեմ սուր պայքար ծավալեցին:

Պահպանողականները հանդես էին գալիս ամբողջ ազգի անունից, թեև ամենից առաջ արտահայտում էին գյուղական ազգաբնակչության և քաղաքի արհեստավորության ու մանր առևտրականների շահերը: Նրանք ձգտում էին ազգային հաստատությունների՝ եկեղեցու և դպրոցի միջոցով ազգի համար կրթված անհատներ պատրաստել: Պատահական չէ, որ այս հոսանքը ներկայացնող գործիչների մեջ կային բազմաթիվ գիտնականներ, հրապարակախոսներ, գրողներ, բարձրաստիճան հոգևորականներ, թերթերի խմբագիրներ ու թարգմանիչներ:

Այս հոսանքի ճանաչված դեմքերից *Գաբրիել վարդապետ Այվազովսկին* (նկարիչ Հ. Այվազովսկու եղբայրը) հրատարակում էր «Մասյաց աղավնի», *Մարկոս Աղաբեկյանը*՝ «Կոունկ հայոց աշխարհին», *Հովհաննես Չամուռճյան-Տերոյենցը*՝ «Երևակ» պարբերականները: Պահպանողականների ազգանպաստ հայացքները կիսում էին պատմաբաններ Ս. Պալասանյանը, Ա. Երիցյանը, գրող Ծերենցը և ուրիշներ:

Ավելի արմատական պահպանողական գործիչները գտնում էին, որ Ռուսական կայսրության կազմում Արևելյան Հայաստանը վերածվել է հումքի կցորդի, 1836 թ. եկեղեցական կանոնադրությամբ սահմանափակվել են Հայ եկեղեցու և դպրոցի իրավունքները, վտանգվել է հայի ազգային ինքնությունը: Արևմտահայ գործիչներն էլ իրենց քննադատության սլաքն ուղղում էին

թուրքական կառավարության դեմ: Հակառակ աշխարհաբարի, որն ուներ երկու ձյուղ՝ արևմտահայերեն և արևելահայերեն, պահպանողականները գրաբարը պաշտպանելու մեջ էին տեսնում ազգի հոգևոր-լեզվական միասնության պահպանումը:

Ընդհանուր առմամբ՝ ազգային-պահպանողականները դեմ էին հասարակության մեջ հեղափոխական կտրուկ փոփոխություններին: Ուստի հույսեր էին կապում Թուրքիայում 1839 թ. և 1856 թ. ընդունված հրովարտականների, Ռուսաստանում ազատական բարեփոխումների հետ:

Ազատականությունը հայ իրականության մեջ: Այս հոսանքը հանդես եկավ հայության հասարակական ու մշակութային կյանքը եվրոպականացնելու, ավանդական դպրոցը, եկեղեցին բարեփոխելու գաղափարներով: Ազատամիտ գործիչների անխնա քննադատության հիմնական թիրախը հայ իրականության նահապետական բարքերի ու բարոյականության կրող հաստատությունն էր՝ եկեղեցին: Սակայն այդ քննադատությունը երբեմն հասնում էր ծայրահեղության: Հայ ազատական քննադատները, պահանջելով եկեղեցու ազատականացում, մոռանում էին նշել նաև նրա ունեցած հսկայական քաղաքական ու մշակութային դերը մեր ժողովրդի պատմության մեջ:

Ազատամիտները պահպանողականներին հակադրվեցին նաև լեզվի հարցում՝ պնդելով, որ պետք է հրաժարվել գրաբարից և անցնել ամբողջ ժողովրդի համար հասկանալի աշխարհաբարին:

Հայ ժողովրդի արևմտահայ և արևելահայ հատվածների կյանքի փոփոխություններն ազատականները հիմնականում կապում էին օսմանյան Թուրքիայի և Ռուսաստանի քաղաքական համակարգերի նորացման՝ արդիականացման հետ: Նրանց մեծ մասը դեմ էր հեղափոխական, ապս-

տամբական գործողություններին: Տնտեսության զարգացման հարցում կարևորում էին արդյունաբերական արտադրության ստեղծումը:

Ազատականների գաղափարախոսության մեջ առանձնահատուկ տեղ ուներ **ազգի ինքնորոշման**, այսինքն՝ իր սեփական կամքով ապագան կերտելու հարցը: Այս կարևոր խնդրում ազատամիտների մտնեցումները միանման չէին: Հայ ազատականության նշանավոր դեմքերից մեկը՝ **Սյրեպիանոս Նազարյանցը**, որի խմբագրությամբ 1858 թ. Մոսկվայում լույս էր տեսնում «**Հյուսիսասիայ**» ամսագիրը, գտնում էր, որ ազգի խնդիրների լուծման համար հարկ չկա առաջադրելու քաղաքական ինքնորոշման պահանջներ: Դրա փոխարեն նա պաշտպանում էր մշակութային ինքնավարության գաղափարը, հատկապես կարևորում առաջադիմական դպրոցի ու լուսավորության նշանակությունը:

Համարձակ մտքեր էին արտահայտում արևմտահայ ազատականները՝ **Սյրեպիան Ռակյանցանը**, **Գրիգոր Օրբանը**, **Գրիգոր Չիլինկիրյանը**, **Նահապետ Ռուսինյանը** և այլք: Սուլթանական բռնատիրության պայմաններում նրանք պոլսահայ վերնախավից և թուրքական իշխանություններից պահանջում էին արևմտահայությանը շնորհել համընդհանուր ընտրական իրավունք՝ կարգավորված կանոնադրությամբ:

Պոլսահայ ազատականների շարքում առանձնանում էին երգիծական ժանրի երկու խոշոր դեմքեր՝ «Մեղու» հանդեսի խմբագիր **Հարություն Սիմաճյանը** և գրող, հրապարակախոս, երգիծաբան **Հակոբ Պարոնյանը**: Նրանք ծաղր ու ծանակի էին ենթարկում ազգի շահերի կեղծ պաշտպաններին, սուլթանական իշխանության կամակատար հայ մեծահարուստ ամիրայական դասին, ազգային կյանքի կազմակերպման գործում պահանջում էին արևմտահայության լայն խավերի մասնակցություն:

1872 թ. Գ. Արծրունու (1845–1892) հիմնադրած «Մշակ» թերթը շուտով դարձավ ոչ միայն հայկական լիբերալիզմի, այլև առհասարակ հայ ազգային–հասարակական մտքի յուրահատուկ դարբնոցը։ Բեռլինի վեհաժողովում Հայկական հարցի փաստական տապալումից հետո շատ «մշակականներ» ստիպված եղան իրենց զգուշավոր հայացքները փոխարինել ազատագրական պայքարի ազգայնական համարձակ մտքերով։

Ազգայնականությունը և սոցիալիզմը՝ հայ իրականության մեջ։ XIX դ. երկրորդ կեսին հայ հասարակական–քաղաքական կյանքում աստիճանաբար ամրակայվեցին ազգայնական և սոցիալիստական ուղղությունները։

Հասարակության հեղափոխական վերափոխման կողմնակից էր մեծ ժողովրդավար Միքայել Նալբանդյանը (1829–1866)՝ հայ քաղաքական մտքի հեղափոխական–ժողովրդավարական թևի հիմնադիրը։ Իր բուռն գործունեությամբ ու տեսական հարուստ ժառանգությամբ Նալբանդյանը մնաց որպես եզակի դեմք հայ հասարակական–քաղաքական կյանքում։ Նա սերտ կապեր ուներ ռուսական և արևմտաեվրոպական առաջադեմ գործիչների հետ, հանդես էր գալիս հայ ազգային արժեքները եվրոպական արժեքային համակարգին համահունչ դարձնելու և զարգացնելու գաղափարներով։ Հետևելով ռուս ժողովրդավար–հեղափոխականների օրինակին՝ Նալբանդյանը պաշտպանում էր ժողովրդական ապստամբության միջոցով ռուսական և եվրոպական երկրների քաղաքական համակարգերի տապալման դրույթը։ Դրա շնորհիվ հնարավոր կդառնա սոցիալական, համաեվրոպական արդար հասարակարգի ստեղծումը, որի հետ էլ նա կապում էր իր ժողովրդի երկու հատվածների ազատագրությունը։ Փաստորեն, սոցիալապես իրավահավասար, արդար հասարակության՝ սոցիալիզմի հասնելու նրա ծրագրերն իրատեսական չէին։ Նալբանդյանը տարբերվում էր



Միքայել Նալբանդյան

նաև հողի սեփականության հարցում ունեցած հայացքներով։ Նա ոչ թե մասնավոր, այլ հանրային սեփականության կողմնակից էր։

1870–1880–ական թթ. հայ ազատական միտքը նոր բարձրության հասավ Մապրթոս Մամուրյանի, Գրիգոր Արծրունու և հատկապես Բաֆֆու շնորհիվ և թևակոխեց իր ազգայնականության փուլը։ Դա նշանակում է, որ հայ ժողովրդի, հատկապես արևմտահայության վիճակի վատթարացմանը զուգընթաց, ազգի սոցիալական վիճակի բարելավման մասին ազատականների մտքերը փոխարինվում էին ազգի ազատագրության, սեփական ինքնությունը պահպանելու առաջնայնության գաղափարներով։

Մ. Մամուրյանը ջերմորեն ողջունեց Ջեյթունի 1862 թ. ապստամբությունը, հանգանակություններ կազմակերպեց հերոս զեյթունցիներին օգնելու համար, կոչ արեց ազատագրական պայքարում հույսը դնել սեփական ժողովրդի վրա։ Զինված ապստամբության ճանապարհով հայության ազատագրության գաղափարախոսությունն իր գագաթնակետին հասավ խոշոր տեսաբան ու մեծանուն գրող Բաֆֆու (Հակոբ

Մելիք-Հակոբյան, 1835–1888) գրական ու հրապարակախոսական ստեղծագործություններում:

Ազգայնական և սոցիալիստական ուղղու-

թյունների տարածումը հայ իրականության մեջ ի վերջո հանգեցրեց ազգային կուսակցությունների և սոցիալ-դեմոկրատական կազմակերպությունների առաջացմանը:

Հարցեր և առաջադրանքներ

1. Ինչի՞ հետ էին կապված XIX դ. կեսերին հայ հասարակական-քաղաքական կյանքում տեղի ունեցած տեղաշարժերը: Հիմնական գծերով ներկայացրե՞ք և մեկնաբանե՞ք հայ պահպանողականների գաղափարները: Ո՞ր պարբերականներում էին նրանք հրապարակախոսությամբ հանդես գալիս:
2. Հիմնական գծերով ներկայացրե՞ք և մեկնաբանե՞ք հայ ազատականների գաղափարները: Ովքեր էին հայ ազատականների նշանավոր ներկայացուցիչները: Ո՞ր պարբերականներում էին նրանք հրապարակում իրենց տեսակետները: Համեմատե՞ք հայ ազատականների ու պահպանողականների գաղափարներն ու տեսակետները. նշե՞ք դրանց առանձնահատկություններն ու ընդհանրությունները:
3. Ներկայացրե՞ք և գնահատե՞ք Մ. Նալբանդյանի հասարակական-քաղաքական հայացքները: Ի՞նչ է ազգայնականությունը: Ովքեր էին այս ուղղության առաջին հայտնի ներկայացուցիչները:

ԼՐԱՑՈՒՑԻՉ ՆՅՈՒԹ

*Մապրեռու Մամուրյանը՝ սեփական ուժերով
ազապագրվելու անհրաժեշտության մասին*

Հուսալ, որ օտար ազգ մը Հիսուսի ըրած հրաշք պիտի գործն, ցնորք է: Սպասել, որ արտաքին փրկիչներ գան և հայ ժողովրդյան սև պատանքը քակեն՝ հիմարություն է: Հեք և ստրուկ ժողովրդյան մը առաջին և միակ ազատարարն ինքն է, իր աշխատությունն է, իր ներքին ուժն է, իր լույսն է, միությունն ու հաստատ կամքն է:

Արևելյան մամուլ, 1876

§ 2. ԱԶԳԱՅԻՆ-ՀԱՍԱՐԱԿԱԿԱՆ ՇԱՐԺՈՒՄՆԵՐԸ

Արևմտահայերի ազգային տահմանադրությունը: Արիմի պատերազմից հետո էլ շարունակվեց Օսմանյան կայսրության հետագա քայքայման գործընթացը: Մեծ Բրիտանիայի և Ֆրանսիայի խորհրդով՝ սուլթանական կառավարությունը ձեռնամուխ եղավ որոշ բարեփոխումների՝ կանխելու համար թուրքահպատակ ժողովուրդների ազատագրական շարժումները: Փարիզի հաշտության նախօրյակին՝ 1856 թ. փետրվարին, Բարձր դուռը հրապարակեց բարեփո-

խումների նոր հրովարտակ, որը նույնպես սին խոստումներից բացի ոչինչ չտվեց:

Պահպանվում էր քրիստոնյա ժողովուրդների, այդ թվում՝ արևմտահայության իրավագուրկ վիճակը: Կ.Պոլսում տեղի հայ մեծահարուստ ամիրայական դասը, օգտագործելով սուլթանական իշխանությունների հետ իր սերտ կապերը, տնօրինում էր մայրաքաղաքի, նաև գավառահայության ողջ կյանքը՝ եկեղեցական, դպրոցական, տնտեսական ու իրավական հարցերը: Չհանդուր-

ժողով ստեղծված վիճակը՝ եվրոպական լուսավորչական հայացքներ ունեցող մի խումբ պրոստահայ մտավորականներ արևմտահայ լայն զանգվածների իրավունքների հաստատման համար պայքար ծավալեցին ամիրայական դասի դեմ:

1857 թ. Կ.Պոլսի ուսումնական խորհրդի անդամներ Ն. Ռուսինյանը, Գ. Օրյանը, Ս. Վիչենյանը (Սերվիչեն), Գ. Պայյանը և ուրիշներ մշակում են արևմտահայ համայնքի ներքին կյանքին վերաբերող մի կանոնադրություն և ներկայացնում համայնքի ընդհանուր ժողովի հաստատմանը: Ն. Ռուսինյանի առաջարկությամբ այն կոչում են «Ազգային սահմանադրություն»: Առաջադրված նախագիծը, կղերականներից բացի, որոշակի իրավունքներ էր տալիս նաև աշխարհիկ վարչությանը: Սակայն ամիրաներն ու հոգևոր դասի ներկայացուցիչները, դրանում տեսնելով իրենց իրավունքների նկատմամբ ոտնձգություն, իշխանությունների աջակցությամբ հասնում են նոր հանձնաժողովի ստեղծմանը: 1859 թ. դեկտեմբերին սահմանադրական հանձնաժողովը ներկայացնում է բարեփոխված կանոնադրությունը: Հետադիմական ուժերն ընդդիմանում են նաև նախագծի այս տարբերակին: Ծավալվում է սուր պայքար, որի գլուխ են կանգնում արևմտահայ ազատական գործիչները: Սահմանադրության կողմնակիցներն ի վերջո հաղթում են: 1860 թ. մայիսի 24-ին Կ. Պոլսի Ազգային ընդհանուր ժողովը հաստատում է կանոնադրությունը:

Սահմանադրությունն Արևմտյան Հայաստանի ու ամբողջ կայսրության հայ բնակչության կրթամշակութային կյանքը կարգավորող իրավական կարևոր փաստաթուղթ էր: Սակայն այն գործադրելու համար դեռ սուլթանի կողմից հաստատման կարիք ուներ: Սուլթանական վարչակարգը պահանջում է վերանայել 1860 թ. կանոնադրությունը:

Հետադիմական և սահմանադրական ուժերի միջև պայքարը թեժանում է: 1862 թ.

օգոստոսի սկզբին կողմերի միջև Կ. Պոլսի փողոցներում և պատրիարքարանում բախումներ են տեղի ունենում: Ստեղծված իրավիճակում պատրիարքը հրաժարական է տալիս: Վերջապես 1863 թ. մարտի 17-ին սուլթանը վավերացնում է կանոնադրությունը:

Ազգային սահմանադրության համաձայն՝ ստեղծվում էին արևմտահայության կյանքը կազմակերպող մարմիններ՝ Ազգային ժողով (Երեսփոխանական ժողով), Ազգային կենտրոնական վարչություն, տարբեր բնագավառներ սպասարկող խորհուրդներ: Ազգային ժողովը՝ որպես օրենսդիր մարմին, ընտրվում էր ամբողջ ազգի կողմից:

1860 թ. նախագծի համեմատությամբ նոր կանոնադրությունը շատ ավելի չափավոր էր: Հատուկ հոդվածով ընդգծվում էր, որ պատրիարքը «տերության հրամանաց գործադրության միջնորդն է»: Քանի որ մայրաքաղաքի հայությանը հսկողության տակ պահելն ավելի հեշտ էր, իշխանությունները հոգ էին տարել, որ երեսփոխանների մեջ մեծ թիվ կազմեն պոլսահայերը. 140 տեղից նրանց բաժին էր հանվելու 100-ը, իսկ ամբողջ երկուսուկես միլիոնանոց գավառահայությունն ունենալու էր միայն 40 երեսփոխան:

Այսպիսով՝ համառոտ տեսական պայքարից հետո արևմտահայ ժողովրդավարական խավերին հաջողվում է ամիրաներին զրկել ազգային գործերը տնօրինելու մեծաշնորհից: Սահմանադրությունն իրականում միայն արևմտահայության ներքին կյանքը կազմակերպող իրավական փաստաթուղթ էր:

Այդուհանդերձ, Ազգային սահմանադրությունը դրական դեր կատարեց հայ հասարակական-քաղաքական կյանքում: Այն նոր լիցք հաղորդեց հայ ազատական շարժմանը: 1869 թ.՝ պատրիարք դառնալուց հետո, Մկրտիչ Խրիմյանի սահմանադրությունը գործարկվեց Արևմտյան Հայաստանի բազմաթիվ գավառներում: 1872 թ. Ազգային

Ստեղծված վիճակը՝ եվրոպական լուսավորչական հայացքներ ունեցող մի խումբ պրոստական մտավորականներ արևմտահայ լուսավորչականների իրավունքների հաստատման համար պայքար ծավալեցին ամբողջական դասի դեմ:

1857 թ. Կ. Պոլսի ուսումնական խորհրդի անդամներ Ն. Ռուսինյանը, Գ. Օրյանը, Ա. Հենկյանը (Սերվիչեն), Գ. Պալյանը և ուրիշներ մշակում են արևմտահայ համայնքի ներքին կյանքին վերաբերող մի կանոնադրություն և ներկայացնում համայնքի ընդհանուր ժողովի հաստատմանը: Ն. Ռուսինյանի առաջարկությամբ այն կոչում են «Ազգային սահմանադրություն»: Առաջադրված նախագիծը, կղերականներից բացի, որոշակի իրավունքներ էր տալիս նաև աշխարհիկ վարչությանը: Սակայն ամիրաներն ու հոգևոր դասի ներկայացուցիչները, դիմում տեսնելով իրենց իրավունքների նվազումը ուսնագություն, իշխանությունների աջակցությամբ հասնում են նոր հանձնաժողովի ստեղծմանը: 1859 թ. դեկտեմբերին սահմանադրական հանձնաժողովը ներկայացնում է բարեփոխված կանոնադրությունը: Հետադիմական ուժերն ընդդիմանում են նաև նախագծի այս տարբերակին: Ծավալվում է սուր պայքար, որի զլուխ են կանգնում արևմտահայ ազատական գործիչները: Սահմանադրության կողմնակիցներն ի վերջո հաղթում են: 1860 թ. մայիսի 24-ին Կ. Պոլսի Ազգային ընդհանուր ժողովը հաստատում է կանոնադրությունը:

Սահմանադրությունն Արևմտյան Հայաստանի ու ամբողջ կայսրության հայ բնակչության կրթամշակութային կյանքը կարգավորող իրավական կարևոր փաստաթուղթ էր: Սակայն այն գործադրելու համար դեռ սուլթանի կողմից հաստատման կարիք ուներ: Սուլթանական վարչակարգը պահանջում է վերանայել 1860 թ. կանոնադրությունը:

Հետադիմական և սահմանադրական ուժերի միջև պայքարը թեմանում է: 1862 թ.

օգոստոսի սկզբին կողմերի միջև Կ. Պոլսի փողոցներում և պատրիարքարանում բախումներ են տեղի ունենում: Ստեղծված իրավիճակում պատրիարքը հրաժարական է տալիս: Վերջապես 1863 թ. մարտի 17-ին սուլթանը վավերացնում է կանոնադրությունը:

Ազգային սահմանադրության համաձայն՝ ստեղծվում էին արևմտահայության կյանքը կազմակերպող մարմիններ՝ Ազգային ժողով (Երեսփոխանական ժողով), Ազգային կենտրոնական վարչություն, տարբեր բնագավառներ սպասարկող խորհուրդներ: Ազգային ժողովը՝ որպես օրենսդիր մարմին, ընտրվում էր ամբողջ ազգի կողմից:

1860 թ. նախագծի համեմատությամբ նոր կանոնադրությունը շատ ավելի չափավոր էր: Հատուկ հոդվածով ընդգծվում էր, որ պատրիարքը «տերության հրամանաց գործադրության միջնորդն է»: Քանի որ մայրաքաղաքի հայությանը հսկողության տակ պահելն ավելի հեշտ էր, իշխանությունները հոգ էին տարել, որ երեսփոխանների մեջ մեծ թիվ կազմեն պոլսահայերը. 140 տեղից նրանց բաժին էր հանվելու 100-ը, իսկ ամբողջ երկուսուկես միլիոնանոց գավառահայությունն ունենալու էր միայն 40 երեսփոխան:

Այսպիսով՝ համառ ու տևական պայքարից հետո արևմտահայ ժողովրդավարական խավերին հաջողվում է ամիրաներին գրկել ազգային գործերը տնօրինելու մեծաշնորհից: Սահմանադրությունն իրականում միայն արևմտահայության ներքին կյանքը կազմակերպող իրավական փաստաթուղթ էր:

Այդուհանդերձ, Ազգային սահմանադրությունը դրական դեր կատարեց հայ հասարակական-քաղաքական կյանքում: Այն նոր լիցք հաղորդեց հայ ազատական շարժմանը: 1869 թ.՝ պատրիարք դառնալուց հետո, Մկրտիչ Խրիմյանի սահմանադրությունը գործարկվեց Արևմտյան Հայաստանի բազմաթիվ գավառներում: 1872 թ. Ազգային

ձեռով ստեղծված միճակը՝ եվրոպական լուսավորչալ հայացքներ ունեցող մի խումբ պոլսահայ մտավորականներ արևմտահայ լայն զանգվածների իրավունքների հաստատման համար պայքար ծավալեցին ամիրայական դասի դեմ:

1857 թ. Կ.Պոլսի ուսումնական խորհրդի անդամներ Ն. Ռուսինյանը, Գ. Օրյանը, Ս. Վիչենյանը (Սերվիչեն), Գ. Պալյանը և ուրիշներ մշակում են արևմտահայ համայնքի ներքին կյանքին վերաբերող մի կանոնադրություն և ներկայացնում համայնքի ընդհանուր ժողովի հաստատմանը: Ն. Ռուսինյանի առաջարկությամբ այն կոչում են «Ազգային սահմանադրություն»: Առաջադրված նախագիծը, կղերականներից բացի, որոշակի իրավունքներ էր տալիս նաև աշխարհիկ վարչությանը: Սակայն ամիրաներն ու հոգևոր դասի ներկայացուցիչները, դրանում տեսնելով իրենց իրավունքների նկատմամբ ոտնձգություն, իշխանությունների աջակցությամբ հասնում են նոր հանձնաժողովի ստեղծմանը: 1859 թ. դեկտեմբերին սահմանադրական հանձնաժողովը ներկայացնում է բարեփոխված կանոնադրությունը: Հետադիմական ուժերն ընդդիմանում են նաև նախագծի այս տարբերակին: Ծավալվում է սուր պայքար, որի գլուխ են կանգնում արևմտահայ ազատական գործիչները: Սահմանադրության կողմնակիցներն ի վերջո հաղթում են: 1860 թ. մայիսի 24-ին Կ. Պոլսի Ազգային ընդհանուր ժողովը հաստատում է կանոնադրությունը:

Սահմանադրությունն Արևմտյան Հայաստանի ու ամբողջ կայսրության հայ բնակչության կրթամշակութային կյանքը կարգավորող իրավական կարևոր փաստաթուղթ էր: Սակայն այն գործադրելու համար դեռ սուլթանի կողմից հաստատման կարիք ուներ: Սուլթանական վարչակարգը պահանջում է վերանայել 1860 թ. կանոնադրությունը:

Հետադիմական և սահմանադրական ուժերի միջև պայքարը թեժանում է: 1862 թ.

օգոստոսի սկզբին կողմերի միջև Կ. Պոլսի փողոցներում և պատրիարքարանում բախումներ են տեղի ունենում: Ստեղծված իրավիճակում պատրիարքը հրաժարական է տալիս: Վերջապես 1863 թ. մայսի 17-ին սուլթանը վավերացնում է կանոնադրությունը:

Ազգային սահմանադրության համաձայն՝ ստեղծվում էին արևմտահայության կյանքը կազմակերպող մարմիններ՝ Ազգային ժողով (երեսփոխանական ժողով), Ազգային կենտրոնական վարչություն, տարբեր բնագավառներ սպասարկող խորհուրդներ: Ազգային ժողովը՝ որպես օրենսդիր մարմին, ընտրվում էր ամբողջ ազգի կողմից:

1860 թ. նախագծի համեմատությամբ նոր կանոնադրությունը շատ ավելի չափավոր էր: Հատուկ հոգվածով ընդգծվում էր, որ պատրիարքը «տեղության հրամանաց գործադրության միջնորդն է»: Քանի որ մայրաքաղաքի հայությանը հսկողության տակ պահելն ավելի հեշտ էր, իշխանությունները հոգ էին տարել, որ երեսփոխանների մեջ մեծ թիվ կազմեն պոլսահայերը. 140 տեղից նրանց բաժին էր հանվելու 100-ը, իսկ ամբողջ երկուսուկես միլիոնանոց գավառահայությունն ունենալու էր միայն 40 երեսփոխան:

Այսպիսով՝ համառոտ ու տևական պայքարից հետո արևմտահայ ժողովրդավարական խավերին հաջողվում է ամիրաներին գրկել ազգային գործերը տնօրինելու մեծաշնորհից: Սահմանադրությունն իրականում միայն արևմտահայության ներքին կյանքը կազմակերպող իրավական փաստաթուղթ էր:

Այդուհանդերձ, Ազգային սահմանադրությունը դրական դեր կատարեց հայ հասարակական-քաղաքական կյանքում: Այն նոր լիցք հաղորդեց հայ ազատական շարժմանը: 1869 թ.՝ պատրիարք դառնալուց հետո, Մկրտիչ Խրիմյանի սահմանադրությունը գործարկվեց Արևմտյան Հայաստանի բազմաթիվ գավառներում: 1872 թ. Ազգային

ժողովի անունից հայությունը իշխանություններին ներկայացրեց տեղեկագիր գավառահայության բիրտ հարստահարությունների մասին:

Ջեյթունի 1862 թ. ապստամբությունը:

Կիլիկիայի հյուսիս-արևելքում՝ Տավրոսի լեռներում, **Ջեյթունի** հայությունը պահպանում էր իր ինքնավար կարգավիճակը XIX դ. կեսերին: Կենտրոնավայր Ջեյթուն գյուղաքաղաքի և շրջակա գյուղերի շուրջ 35-40 հազար հայության հիմնական զբաղմունքը՝ գյուղատնտեսությունը, փակ տնտեսությամբ գոյատևելու պայմաններ էր ստեղծում: Ջեյթունն անվանապես էր ենթարկվում Մարաշի փաշայությանը, սակայն միայն իշխանություններին տարեկան որոշ քանակությամբ հարկ էր վճարում: Համայնքը նախկինի նման ղեկավարում էին չորս տանուտերերը:

1830-1850-ական թթ. Մարաշի փաշաների՝ Ջեյթունը հպատակեցնելու փորձերն ապարդյուն անցան: Ըմբոստ լեռնագավառն իրեն ենթարկելու կառավարության ջանքերն ավելի եռանդուն դարձան, երբ Կովկասից ներգաղթած չերքեզները բնակեցվեցին Մարաշի շրջակայքում: Չերքեզների ավազակային ջոկատների ուղեկցությամբ թուրքերի 10-հազարանոց բանակը 1860 թ. արշավեց Ջեյթունի վրա: Լեռնցիները ջախջախեցին թշնամու զորքը և հետ շարտեցին: Գավառը ստիպված էին լքել նաև չերքեզները:

Մարաշի նորանշանակ **Ազիզ փաշան** խնամքով նախապատրաստվել էր հերթական ոտնձգությանը: Նրա սադրանքով 1862 թ. ամռանը Ջեյթունի հայ և մահմեդական բնակչության միջև հողային վեճեր ծագեցին: Հուլիսի վերջին դրանց հետևեց հրետանիով զինված օսմանյան 12-հազարանոց զորքի և չերքեզական, թուրքմենական ու թուրքական խուժանի հարձակումը:

Թշնամու գերակշիռ ուժերի ճնշման տակ շրջակա գյուղերի բնակչությունը նահան-

ջեց և կենտրոնացավ Ջեյթուն գյուղաքաղաքում: Ապստամբությունը գլխավորեցին **Շուրոյան, Սուրենյան, Յաղուբյան** և **Ենի-Տունյան** տոհմերի տանուտեր իշխանները: Ընդհանուր ղեկավարությունը ստանձնեց **Մկրտիչ Յաղուբյանը**:

Ազիզ փաշան, շրջապատելով Ջեյթունը, պահանջեց անհապաղ վճարել հարկը: Հուլիսի 29-ի գիշերը ինքնապաշտպանության ղեկավարները խորհրդակցություն հրավիրեցին Ս. Աստվածածնի վանքում: Մոտ 5 հազար ռազմիկներին նրանք բաժանեցին խմբերի, նշանակեցին հրամանատարներ և հրահանգեցին հերոսաբար մարտնչել, չնահանջել անգամ կյանքի գնով:

Օգոստոսի 2-ի առավոտյան Ազիզ փաշայի զորքերը մի քանի ուղղություններով Ջեյթունի վրա լայնածավալ գրոհ ձեռնարկեցին: Հետ մղվեցին թուրքերի բոլոր գրոհները: Ջեյթունցիներից շատերը՝ **Մահպուտ Գրիգոր փարդապետը**, երիտասարդ **Մարկոս Թաշճյանը** և ուրիշներ, այդ մարտերում քաջության օրինակներ ծառայեցին:

Ջեյթունցիները հաճախ թակարդ էին սարքում և մեծ կորուստներ պատճառում հակառակորդին: Մի անգամ նրանցից 1 500 հոգի **Ենի-Տունյանի** գլխավորությամբ կռվի են բռնվում թուրքերի հետ, ապա կեղծ փախուստի դիմում: Թուրքական զորքերը, ոգևորված իրենց հաղթանակով, հետապնդում են նրանց: Երբ թշնամին մոտում է Ջեյթունի ձորը, հանկարծ հնչում են եկեղեցու զանգերը, և ժայռերի երկու կողմերում դիրքավորված զեյթունցիները հանկարծակի կրակ են տեղում և քարեր գլորում: Ծուղակն ընկած թշնամին, կորցնելով ավելի քան 750 հոգի, խուճապահար փախուստի է դիմում: Ջեյթունցիներն այդ ձորն անվանում են **Կուրորսածի ձոր**:

Թուրքերը, կորցնելով ավելի քան 2 000 մարդ և իրենց ունեցած հրանոթները, փախուստի են դիմում: Այս հաղթանակին լեռնականները հասնում են շուրջ 600 քաջորդիների արյան գնով:

Բարձր դուռը որոշում է նոր արշավանք կազմակերպել: Անփառունակ Ազիզ փաշային փոխարինում է իր դաժանությամբ հայտնի Աշիր փաշան: Նա Ջեյթունի պաշարումը դադարեցնելու դիմաց պահանջում է հետաքննության նպատակով իր մոտ ուղարկել 4 տանուտերերին: Վերջիններս ժամանում են նախ Մարաշ, ապա Կ. Պոլիս: Իշխանությունները ձերբակալում են նրանց:

Գործին միջամտում են Կ. Պոլսի հայոց պատրիարքը և ֆրանսիական դեսպանը: Ֆրանսիան փորձում է օգտագործել պատեհ առիթը Թուրքիայում իր ազդեցությունն ամրապնդելու համար: Ջեյթունի վերնախավի ներկայացուցիչները համաձայնում են Ֆրանսիական օգնության դեպքում կաթոլիկություն ընդունել: Նապոլեոն III կայսեր անունից Ֆրանսիայի դեսպանը պահանջում է դադարեցնել լեռնագավառի պաշարումը:

Բարձր դուռը, վախենալով եվրոպական միջամտությունից, զնում է փոխզիջման: Հաշտության կնքմանը նպաստում է նաև հա-

յոց պատրիարքը, որին անհանգստացրել էր հայերի՝ կաթոլիկություն ընդունելու պատրաստակամությունը: Վերացվում է շրջափակումը, ազատ են արձակվում տանուտերերն ու մյուս ձերբակալվածները: Ջեյթունցիները պարտավորվում են վճարել հարկերը: Գավառակը կորցնում է իր նախկին կիսանկախ վիճակը, բայց համայնքի ներքին գործերում հայերը պահպանում են ինքնուրույնություն:

Ջեյթունի 1862 թ. ապստամբությունը խոշոր ազդեցություն ունեցավ հայ ազատագրական շարժման հետագա ողջ ընթացքի վրա, աննախընթաց չափերով բարձրացավ հայ ժողովրդի ազգային ինքնագիտակցությունը: Մ. Պեշիկեշյանը գրեց երգերի հանրահայտ զեյթունյան շարք՝ ուրվագծելով ազատության համար իր կյանքը նվիրաբերող զեյթունցու հերոսական կերպարը: Հայ նշանավոր բանաստեղծ Ս. Շահազիզը ապստամբությունը համարել է «հայկական քաջասրտության փառավոր ապացույց»:

Հարցեր և առաջադրանքներ

1. Ի՞նչ էր նախատեսում բարեփոխումների նոր հրովարտակը: Ովքեր և ի՞նչ միջոցներով էին տնօրինում պոլսահայության կյանքը: Ընդհանուր գծերով ներկայացրե՞ք արևմտահայ սահմանադրական շարժման պատմությունը: Վերհանե՞ք ազգային սահմանադրության նշանակությունը:
2. Ովքեր գլխավորեցին Ջեյթունի 1862 թ. ապստամբությունը: Ներկայացրե՞ք Ջեյթունի ապստամբության ընթացքը և ավարտը: Ո՞րն էր Ջեյթունի ապստամբության նշանակությունը: Ձեր կարծիքով՝ զեյթունցիները հաղթեցին, թե՞ պարտվեցին. հիմնավորե՞ք ձեր պատասխանը:

§ 3. ԱԶԱՏԱԳՐԱԿԱՆ ՊԱՅՔԱՐԻ ՆՈՐ ԳԱՂԱՓԱՐԱՆՈՍՈՒԹՅՈՒՆԸ:

ԱԶԱՏԱԳՐԱԿԱՆ ԽՄԲԱՆԵՐԸ

Զինված պայքարի գաղափարախոսության ձևավորումը: XIX դ. երկրորդ կեսը հայ ժողովրդի պատմության մեջ քաղաքական, տնտեսական ու մշակութային բուռն վերելքի ժամանակաշրջան էր: Քաղաքական կյանքում առաջնայինը օսմանյան տիրապետությունից հայ ժողովրդի ազատագրության հիմնախնդիրն էր:

Եվրոպայում ընթացող հեղափոխությունները, հունգար, սլավոնական ժողովուրդների ազատագրական շարժումները՝ մի կողմից, իսկ հայոց ազգային-հասարակական կյանքի զարթոնքը՝ մյուս կողմից, պայմանավորեցին Հայաստանի ազատագրության գաղափարախոսության որակական նոր մակարդակի ձևավորումը: Արևել-



Գ. Արծրունի

յան հարցի, հատկապես նրա բաղկացուցիչ մասն կազմող Հայկական հարցի զարգացմանը զուգընթաց՝ հայ ազգային ազատագրության զգուշավոր մոտեցումները շուտով վերաճեցին զինված պայքարի գաղափարախոսության:

Նոր գաղափարախոսության ձևավորման առաջին լուրջ ազդակը Զեյթունի 1862 թ. ապստամբությունն էր: Արևմտահայության ազգային սահմանադրության շուրջ մղվող պայքարի հետ միասին հայերի մեջ Զեյթունի հերոսամարտն ամրապնդեց ազգային իրավունքները զինված պայքարով պաշտպանելու մտայնությունը:

Սակայն նոր ծլարձակված զինված պայքարի գաղափարախոսությունը 1860-ական թթ. կեսերից նահանջ ապրեց: Զեյթունի ապստամբության անհաջողությունից հետո շատ գործիչներ իրենց հույսերը բացառապես կապեցին արևմտահայերի ազգային սահմանադրության գործադրման հետ:

Զինված պայքարի նոր դրսևորումները: Բեռլինի վեհաժողովում Հայկական հարցի նկատմամբ մեծ տերությունների անմարդկային վերաբերմունքը շատ շատերին կողմնորոշեց դեպի զինված պայքարի

մտածողությունը, որի առաջին ազդարարը եղավ Խրիմյան Հայրիկը: Վերադառնալով Կ. Պոլիս՝ նա դիմեց արևմտահայությանը՝ հայրենի գավառներ վերադառնալու, «շերեփի»՝ խնդրագրերի քաղաքականությունը զենք կռելով փոխարինելու, ազատաշունչ զեյթունցիների օրինակին դիմելու կոչերով:

Անվանի գրող-հրապարակախոսներ **Բաֆֆին, Մերենցը, Մուրացյանը** պայքարի գաղափարախոսությունն արծարծեցին իրենց գրական ստեղծագործություններում:

Բեռլինի վեհաժողովն արմատապես փոխում է Բաֆֆու, Գ. Արծրունու և նրանց համախոհների աշխարհայացքային մոտեցումները: Բարեփոխումների հետ հույսեր կապող գործիչները ժողովրդի քաղաքական ու ազգային բաղձանքների իրականացումն սկսում են կապել Ռուսաստանի ռազմաքաղաքական գորեղ աջակցությամբ ծավալված զինված պայքարի հետ: Այդ փոփոխությունը հստակ երևում է Բաֆֆու պատմական վեպերում («Զալալեղդին», «Խենթը», «Կայծեր», «Դավիթ բեկ», «Սամվել» և այլն):

Նոր մարտավարության պաշտպանների շարքերում էին նաև Մ. Մամուրյանը, Ռ. Պատկանյանը, Գ. Սրվանձտյանցը, Ս. Շահազիզը և ուրիշներ: Սակայն 1880-ական թթ. Հայկական հարցի շուրջ ստեղծված միջազգային անբարենպաստ իրավիճակը՝ բարենորոգումների խնդրի նկատմամբ եվրոպական երկրների, մասնավորապես Ռուսաստանի սառն ու անտարբեր վերաբերմունքը, դարձյալ հուսախաբ են անում պայքարի զինված ուղին նախընտրած հայ գործիչների մի մասին: Շատերը վերադառնում են բարենորոգչական, օտարի տիրապետությանը հարմարվելու, Թուրքիայի կազմում մշակութային ինքնավարություն ունենալու տեսակետին:

Նոր իրադրության պայմաններում պահպանողական հոսանքն աստիճանաբար մարում է, իսկ հայ ազատականությունը տրոհվում է զանազան խմբավորումների



Բաֆֆու «Խենթը» վեպի գլխավոր հերոսը քաջերի իր խմբով

1880-ականների կեսերից հայ հասարակական այդ երկու հոսանքներն իրենց ապառել էին:

Ձինված պայքարի կոչերն իրենց արձագանքն էին գտնում արևմտահայության շրջանում: Դրանց առաջին շարքերում կրկին քաջարի գեյթունցիներն էին: Աներևակայելի է, որ 1877-1878 թթ. պատերազմի օրերին կրկին ապստամբած լեռնցիների պատվիրակները, կտրելով երկար ճանապարհ, հասել էին ռուսական զորքերին և գեներալ Հ. Լազարևից պահանջում էին թուրքերի դեմ մարտնչելու համար իրենց զենք տրամադրել:

Հստակաբար օգնություն՝ անվեհեր գեյթունցիները չեն ընկճվում և իշխան **Պապիկ Ենի-Տուկյանի** ղեկավարությամբ թուրքական կանոնավոր զորքերի դեմ կռվում են մինչև 1878 թ. վերջը: Թշնամին գերի է վերցնում մի քանի հարյուր հայ խաղաղ բնակչի, որոնց մի մասին խոշտանգումների է ենթարկում, այդ թվում Պապիկի մորը և կնոջը: Անակնկալ հարձակումով ապստամբները գերում են գավառակի գրեթե բոլոր թուրք պաշտոնյաներին: Կնքվում է հաշտություն: Ձեյթունցիները զենքը վայր են դնում և ազատ արձակում գերված պաշտոնյաներին, իսկ իշխանությունները վերադարձնում են հայ պատանդներին: Ձեյթունի հայությանը կրկին տրվում են որոշ արտոնություններ:

Չբավարարվելով ձեռքբերածով՝ Պապիկ Նորաշխարհյանի ջոկատները պայքարը շարունակում են լեռնային անմատչելի վայրերում: Մարաշի փաշան շուտով ստիպված է լինում Պապիկ իշխանին ճանաչել Ձեյթունի քաղաքագլուխ:

1880-ական թթ. սկզբին գինված պայքարի գաղափարախոսությունը հետզհետե դրվում է գործնական հունի մեջ:

Ազատագրական խմբակների ձևավորումը: Հայ հասարակության մեջ գինված պայքարի գաղափարախոսության տարածման և դրա գործնական կիրառման համար հայ իրականության մեջ հանդես են գալիս ազատագրական խմբակներ:

Ռուսական տիրապետության տակ արևելահայության ազգային-սոցիալական ճնշումները չէին դադարում: Սակայն արևմտահայության վիճակն անհամեմատ ծանր էր: Ահա թե ինչու ամբողջ հայ հասարակական միտքն առաջին հերթին սևեռված էր Արևմտյան Հայաստանի ազատագրության խնդրի վրա:

Ազգի ճակատագրով մտահոգված մի խումբ երիտասարդներ ուսուցիչ **Արսեն Կրիպյանի** և գինագործ **Պեպրոս Հայկազունի** գլխավորությամբ 1869 թ. **ապրիլին** Ալեքսանդրապոլում ստեղծում են **«Բարենպաստական ընկերությունը»**: Խմբակի մեջ ընդգրկված էր ավելի քան 40 մարդ՝ ուսուցիչներ, աշակերտներ, ծառայողներ, արհեստավորներ: Նրանց վրա առանձնակի ազդեցություն էին թողել մեծ լուսավորիչ Խ. Աբովյանի ու Մ. Նալբանդյանի հայացքները: Խմբակը կապեր է հաստատում պոլսահայ գործիչների հետ, հայրենիքի «կենտրոնին»՝ Արևմտյան Հայաստանին տեղաբնակից հայրենասիրական ու ազատաշունչ կոչեր է հղում համայն հայությանը: Վեց տարի գործելուց հետո ընկերությունը հայտնաբերվում է Երևանի նահանգի ժանդարմական վարչության կողմից և դադարում է գործելուց:

1874 թ. Մեծ Ղարափիխայում (այժմ՝ Վանաձոր) «արիական հայազգի զավակները» ստեղծում են «Հայրենիքի սիրո գրասենյակը» խմբակը: Մոտ մեկ տարի գործելուց հետո այս խմբակը ևս բացահայտվում է: Վերոհիշյալ երկու խմբակների անդամները միմյանց հետ կապեր էին ստեղծել: Իշխանություններին զայրացրել էր այն հանգամանքը, որ խմբակները նպատակ էին դրել ոչ միայն ազատագրել Արևմտահայաստանը, այլև հասնել ազգի երկու հատվածների միավորմանը:

Արևմտյան Հայաստանում առաջացած առաջին խմբակներից հայտնի է Վանի «Միություն և փրկություն» գաղտնի ընկերությունը: Խմբակի անվանումը հուշում է, որ նրա անդամներն ազգի փրկությունը տեսնում էին միավորվելու՝ միություն կազմելու մեջ: Ուստի միության անդամներից Հակոբ Կալոյանը և ուրիշներ կապեր են հաստատում արևելահայերի հետ, օգնության նամակներ հղում ռուսական իշխանություններին, որպեսզի «ռուսաց քաջարի և մեծագոր ազգը օգնի իրենց ազատվելու բարբարոսների ձեռքից»: Խմբակն իր մասնաճյուղերն է ունեցել Վանի նահանգի տարբեր բնակավայրերում և գործել է մոտ երկու տարի:

Ազատագրական կազմակերպությունները 1880-ական թթ.: Հայկական հարցի հանդես գալը նոր խթան է դառնում ազատագրական խմբակների ու կազմակերպությունների ստեղծման, դրանց գաղափարական հասունացման համար: Մ. Խրիմյանի, Գ. Սրվանձտյանցի, Նշանավոր ուսուցիչ Մ. Փորթուգալյանի և այլոց գաղափարական ազդեցությամբ հայահոծ Վան-Վասպուրականը դառնում է ազատագրական պայքարի նախապատրաստման գլխավոր դարբնոցներից մեկը: Վանում 1878-1879 թթ. ձևավորվում է «Սև խաչ» գաղտնի կազմակերպությունը, որոշ ժամանակ անց՝ նաև «Զինակիր»:

Այս խմբակների անդամների կարծիքով՝ իրավագուրկ ժողովրդին փրկելու միակ

ուղին զինված պայքարն էր: «Սև խաչի» կանոնադրությամբ՝ գաղտնիության սկզբունքը խախտողների, ազգի դավաճանների վրա «սև խաչ» պիտի դրվեր, այսինքն՝ նրանք դատապարտվելու էին մահապատժի: Կազմակերպությանն աջակցում էր Վանի ռուսական փոխհյուպատոս, հայազգի Կոնստանդին Կոնստանկյանը:

Վանի խմբակները հայրենասիրական թեմաներով դասախոսություններ էին կազմակերպում, բեմադրում ներկայացումներ, գաղտնի նախապատրաստվում զինական ելույթներին:

1880-ական թթ. սկզբին Աբդուլ Համիդ II-ը հայկական բարենորոգումների իրականացման փոխարեն դիմեց բացահայտ բռնությունների: 1880 թ. օգոստոսին Բարձր դռան հատուկ հրամանով արգելվեց «Հայաստան» անվան գործածությունը, հայկական դպրոցների ծրագրերից հանվեց «Հայոց պատմություն» առարկան, փակվեցին պարբերականներ, եղան ձերբակալություններ: Սակայն այդ քայլերն իրականում ավելի շիկացրին քաղաքական մթնոլորտը և նորանոր մարդկանց մղեցին դեպի զինված ելույթները:

1881 թ. մայիսին Կարինում Խաչապուր Կերեքյանի ջանքերով հիմնադրվեց ամենաազդեցիկ կազմակերպությունը՝ «Պաշտպան հայրենյացը»: Այն իր բուն նպատակները չբացահայտելու համար պաշտոնապես հանդես էր գալիս «Երկրագործական ընկերություն» անունով, իսկ իրականում զբաղված էր հայ ժողովրդի ապստամբական պայքարի կազմակերպմամբ: Համաձայն ընկերության անդամները, գաղտնիության սկզբունքի՝ չէին ձանաչում կազմակերպության ղեկավարներին և անդամներին մեծ մասին: Շփվում էին միայն իրենց տասնապետների հետ, որոնց հավատարմության երդում էին տվել:

«Պաշտպան հայրենյացի» շարքերը համալրեցին բազմաթիվ երիտասարդներ: Կազմակերպությունն ուներ սարք, որով

տպագրում և տարածում էր հայրենասիրական կոչեր, անդամության տոմսեր: Հայտնի է, որ տպագրված 2400 անդամատոմսից 400-ը ուղարկվել է Վան:

Կարինի կազմակերպությունը փորձել է իր մասնաճյուղերը ստեղծել կայսրության ողջ տարածքում՝ Վանից մինչև Կ. Պոլիս ու Ջեյթուն: Նրանց ղեկավարներից **Կարապետ Նշկյանը** զենք ու դրամական միջոցներ հայթայթելու նպատակով ուղարկվել է Արևելյան Հայաստան:

1882 թ. նոյեմբերի վերջերին թուրքական ոստիկանությունը պատահականորեն հայտնաբերում է միությունը, բանտարկում շուրջ 70 մարդու: Հաջորդ տարվա ապրիլին Կարինում տեղի է ունենում դատավարությունը, որին անձամբ հետևում էր սուլթան Համիդ II-ը: Դա փաստորեն քաղաքական առաջին դատավարությունն էր Օսմանյան կայսրությունում: Դատապարտված 40 հոգուց 5-ի նկատմամբ մահապատժի վճիռ կայացվեց: Սակայն, վախենալով հայերի ընթոստացումից, մահվան դատավճիռը (այդ թվում՝ Խ. Կերեքյանի և Կ. Նշկյանի նկատմամբ) փոխարինվում է երկարաժամկետ բանտարկությամբ:

«Պաշտպան հայրենյացը» խոր հետք է թողել Հայաստանի ազատագրության և պետականության վերականգնման պայքարի պատմության մեջ:

1882 թ. Մոսկվայում մի խումբ հայ ուսանողներ հիմնում են **«Հայրենասերների միությունը»**: Միությունը գաղտնի կերպով տպագրում է առաջին հայ քաղաքական լրագիրը՝ **«Ազատության ավետարար»** թերթը, որի փաստական խմբագիրը **Ներսես**

Արեկյանն էր: «Հայրենասերների միությունը» հայ ժողովրդին ուղղված կոչով հորդորում է հույս չդնել Եվրոպայի վրա, այլ Հունաստանի օրինակով ապստամբությամբ ազատագրվել թուրքական լծից: Կազմակերպությունը դադարում է գործելուց 1884 թ.:

1880-ական թթ. սկզբին Երևանում գործում էր **«Հայասեր-ազգասեր»** խմբակը: Այն ունեցել է մոտ 30 անդամ, փորձել է զենք առաքել «թուրքահայ եղբայրներին»: Հայոց լեզվի ու դպրոցի պահպանումը, Հայաստանը ցարական ու սուլթանական լծից ազատագրելը միության անդամները համարել են իրենց գլխավոր նպատակը: 1883 թ. Երևանում խուզարկություններ ու բանտարկություններ են կատարվում, խմբակի անդամներից շատերին աքսորում են:

1882-1883 թթ. Թիֆլիսում մի խումբ հայ երիտասարդներ՝ **Գ. Արծրունու** գլխավորությամբ, հիմնում են Հայկական հարցի լուծմամբ մտահոգ մեկ այլ գաղտնի խմբակ, որի անդամներին ոգեշնչում էին Բաֆֆին, Գ. Սունդուկյանը և ուրիշներ: Արևմտահայ գործիչների հետ կապերը սերտացնելու և քարոզչական աշխատանք տանելու նպատակով Արծրունու խմբակի ղեկավար անդամներից շատերն անցնում են Արևմտահայաստան: Այդ խմբակը գոյատևում մինչև 1886 թ.:

1880-ական թթ. ազգային-ազատագրական խմբակներ հիմնվեցին նաև այլ վայրերում: Դրանք մեծ աշխատանք տարան հայրենասիրական գաղափարների տարածման գործում, հող նախապատրաստեցին ազգային-քաղաքական կուսակցությունների ձևավորման համար:

Հարցեր և առաջադրանքներ

1. Ինչո՞վ էր պայմանավորված հայ քաղաքական մտքի վերելքը XIX դ. երկրորդ կեսին: Ի՞նչ փոփոխություններ կրեց ազատագրական պայքարի գաղափարախոսությունը 1860-ական թթ. կեսերից:
2. Ո՞վ էր զինված պայքարի մտայնության առաջնեկը: Ովքե՞ր իրենց ստեղծագործություններում արծարծեցին ազատագրական պայքարի գաղափարախոսությունը:

Ներկայացրե՞ք գեյթունցիների 1877–1878 թթ. ապստամբության ընթացքն ու հետևանքները:

3. Հիմնավորե՞ք ազատագրական խմբակների և կազմակերպությունների առաջացման անհրաժեշտությունը: Ինչո՞ւ էր կարևորվում հատկապես Արևմտյան Հայաստանի ազատագրության խնդիրը: Որո՞նք էին ազատագրական առաջին խմբակները. գնահատե՞ք նրանց գործունեությունը:
4. Ներկայացրե՞ք «Պաշտպան հայրենյաց» կազմակերպության գործունեությունը: Ուրիշ ի՞նչ խմբակներ ու կազմակերպություններ էին գործում 1880–ական թթ.: Ցույց տվե՞ք ազատագրական խմբակների և կազմակերպությունների նշանակությունը: Համեմատե՞ք ազատագրական խմբակների ու կազմակերպությունների գործունեությունը:

§ 4. ՀԱՅ ԱԶԳԱՅԻՆ ԿՈՒՍԱԿՑՈՒԹՅՈՒՆՆԵՐԸ

Կուսակցությունների առաջացման պայմանական պայմանները: Եվրոպական հասարակական մտքի ազդեցությամբ հայ մտավորական շրջանակները՝ մանկավարժներ, պարբերականների խմբագիրներ, գրական դեմքեր, միավորվում էին ազգային ազատագրության գաղափարի շուրջ: Նրանց ոգեշնչում էին արևմտահայ գինված պայքարի հերոսական կռիվների նորանոր դրվագները:

Հայ ազգային-քաղաքական շարժման աշխուժացմանը նպաստում էր այն հանգամանքը, որ Հայկական հարցը դարձել էր մեծ տերությունների հետաքրքրության առարկա: Սակայն սուլթանական վարչակարգը բարենորոգումների փոխարեն ավելի սաստկացրեց ազգային ու հասարակական ճնշումները: Ստեղծվեց մի վիճակ, երբ ազատագրվելու ակնկալիքներ ունեցող ժողովուրդը հայտնվեց ավելի ծանր վիճակում: Նման պայմաններում արևմտահայության լայն զանգվածներին մնում էր դիմել պայքարի բոլոր՝ խաղաղ ու զինված ձևերին, իսկ հասարակական-քաղաքական շրջանակներին՝ ուղղություն տալ այդ շարժմանը:

Հայաստանի տարբեր շրջաններում և գաղթավայրերում ձևավորված գաղտնի ազատագրական խմբակները հիմք դարձան 1880–ական թթ. կեսերից մարտական

ու գաղափարական ավելի հասուն ու կոուկառույցների՝ ազգային-քաղաքական կուսակցությունների առաջացման համար:

Արմենական կուսակցություն: Արդեն ասվել է, որ հայ ազատագրական շարժման նշանավոր կենտրոններից էր Վան քաղաքը, որտեղ գործող վարժարանների, հոգևոր-մշակութային հաստատությունների շուրջ համախմբվել էր երիտասարդ մտավորականների մի ողջ սերունդ: Նրանց գաղափարական ոգեշնչողներն էին *Խրիմյան Հայրիկը*, ուսուցիչ *Մկրտիչ Փորթուգալյանը* և երիտասարդ մտավորական *Մկրտիչ Ավետիսյանը* (Թերլեմեզյան)՝ «նշանավոր երեք Մկրտիչները»:

Մ. Խրիմյանի խորհրդով Մ. Փորթուգալյանը և նրա 12 սաները ստեղծում են մի միություն, որը կազմում է ապագա կուսակցության կորիզը: Վտանգավոր համարելով Փորթուգալյանի գործունեությունը՝ 1885 թ. մարտին իշխանությունները նրան վտարում են Վանից: Վերջինս հաստատվում է Ֆրանսիայի Մարսել քաղաքում, որտեղ հրատարակում է «*Արմենիա*» թերթը, զբաղվում հայրենասիրական գաղափարների տարածումով: Հայրենիքում Փորթուգալյանի համախոհներն իրենց գործունեությունը չեն դադարեցնում: Հեղափոխականների շրջանում մեծ հարգանք վայելող Մ. Ավետիսյանը

գաղտնի պայմաններում 1885 թ. Վան քաղաքում հիմնադրում է հայ ազգային կուսակցությունը՝ «Արմենական» անունով:

Մ. Փորթուգալյանը չի անդամակցում կուսակցությանը: Անկախ դրանից՝ նրա պնդումները, որ շարունակում էին լինել «Արմենիայի» ուղղությանը, իրենց շնորհիվ են «արմենականներ»:

Արմենականները պայքարում էին արևմտահայերին լուսավորելու և թուրքական բռնակալությունից ազատագրելու համար: Հայկական հարցի լուծումը նրանք համարում էին Եվրոպայի օգնության և համապատասխան ապստամբության հետ:

Արմենականների գործունեության մեջ կարևոր տեղ ուներ գենքի հայթայթման ու կոտակման, ժողովրդին համահայկական ապստամբության նախապատրաստելու գործը: Արմենականների մեջ շուտով ամբողջացավ Է գինված պայքարի մարտավարությանն անցնելու համոզումը: XIX դ. 90-ական թթ. սկզբին նրանք կողմնորոշվում են դեպի հայդուկային պայքարը, համագործակցում «Դաշնակցություն» կուսակցության հետ:

Արմենականների շարքերն արագորեն աճում են: Մինչև 1890-ական թթ. սկիզբը միայն Վանի վիլայեթում հիմնվում են մոտ 150-ից ավելի կազմակերպական խմբեր՝ մոտ 2 հազար անդամներով: Միաժամանակ Վանի և Շատախի գյուղերում ստեղծվում են շուրջ 90 մարտական խմբեր: Հատկանշական է, որ կուսակցությանը համակրում կամ անդամակցում են զգալի թվով կանայք:

Կուսակցության գաղափարները լայն արձագանք են գտնում Տարոնում, Բաղեշում, ինչպես և Անդրկովկասում, հեռավոր Եգիպտոսում, Բուլղարիայում ու ԱՄՆ-ում:

Արմենականները, լինելով հայրենի հողի վրա ստեղծված առաջին ազգային կուսակցությունը, ցուցադրեցին թուրքական բռնատիրության դեմ կազմակերպված քա-

ղաքական ու զինված պայքարի վառ օրինակներ և խոր հետք թողեցին հայ ազատագրական շարժման պատմության մեջ:

Հնչակյան կուսակցություն: XIX դարի 80-ական թթ. Եվրոպայում սովորող հայ ուսանողությունը կրում էր ժամանակի գաղափարական ազդեցությունը: Այդ շրջանում մեծ տարածում ուներ սոցիալիստական (ընկերվարական) գաղափարախոսությունը, որի գլխավոր բովանդակությունը արդար, իրավահավասար հասարակության ստեղծումն էր: Սակայն հայ երիտասարդությանը որքան էլ հրապուրիչ թվար սոցիալիզմը, հայության համար կենսական համարվող Հայկական հարցի լուծումը շարունակում էր մնալ առաջնային խնդիր: Ահա այսպիսի գաղափարական երկակի մթնոլորտում 1887 թ. օգոստոսին Շվեյցարիայում Ժնևի համալսարանի մի խումբ արևելահայ ուսանողներ՝ **Ավերիս Նազարբեկյանը** (Նազարբեկ), **Ռուբեն Խանազարը**, **Գաբրիել Կաֆյանը**, **Մարո Վարդանյանը** (Նազարբեկյան), ստեղծեցին հայ իրականության մեջ երկրորդ քաղաքական կուսակցությունը:

Հետևելով ռուս հեղափոխական Ա. Գերցենի «Կոլոկոլ» թերթի օրինակին՝ նրանք 1887 թ. վերջին հիմնադրած իրենց պաշտոնաթերթը կոչում են «**Հնչակ**», որից էլ շուտով կուսակցությունը ստանում է իր անունը: Հնչակյանները կրում էին ռուսական նարոդնիկության և Ժնևում գործող ռուս նշանավոր հեղափոխական Գ. Պլեխանովի «Աշխատանքի ազատագրություն» խմբակի գաղափարական ազդեցությունը: Ընդօրինակելով նարոդնիկների պայքարի ահաբեկչական ձևերը՝ հնչակյանները փորձում էին դրանք կիրառել Արևմտյան Հայաստանում ատելի թուրք և քուրդ պաշտոնյաների նկատմամբ: Նրանց հայացքներում առանձնակի տեղ ուներ սոցիալիզմի գաղափարը, որին հասնելու միջոցը նրանք համարում էին գյուղական համայնքը:

1888 թ. աշնանը «Հնչակ» թերթում հրատարակվում է կուսակցության ծրագիրը: Որպես հեռավոր նպատակ սահմանվում է մարդու կողմից մարդու շահագործման վերացումը և սոցիալիզմի կառուցումը, իսկ մոտակա խնդիր՝ հայրենիքի մեծագույն մասի՝ Արևմտյան Հայաստանի ազատագրումը թուրքական բռնապետությունից: Ապագա հայկական անկախ պետականության կազմում պետք է միավորվեին օսմանյան, ռուսական և պարսկական տիրապետությանը պատկանող հայկական հողերը: Փաստորեն հայ քաղաքական մտքի պատմության մեջ հնչակյաններն առաջինն էին, որ Հայկական հարցի լուծումը համարում էին ամբողջական հայրենիքում պետականության վերաստեղծումը:

1889 թ. Ռ. Խանազատի և Գ. Կաֆյանի ջանքերով ստեղծվում են Կարինի և Տրապիզոնի հնչակյան մասնաճյուղերը: Ապա կուսակցական կառույց է հիմնվում Կ. Պոլսում, որին անդամակցում են հայտնի գործիչներ *Միհրան Տառնապյանը, Համբարձում Պոյաճյանը* (Մեծն Մուրադ), նշանավոր գրող, հրապարակախոս *Արփիար Արփիարյանը*:

Ստեղծվում են կառույցներ Արևմտյան Հայաստանի գրեթե բոլոր նահանգներում, Աթենքում, Եգիպտոսում և այլուր: Կուսակցությունն իր գործունեության առանցքն է դարձնում հայդուկային շարժմանն աջակցելը: Հատկապես Սերաստիայի նահանգում ստեղծվում են հնչակյան հայդուկային խմբեր: Հնչակյանները կարևոր դեր են ունենում Սասունի 1894 թ. ինքնապաշտպանության, 1895 թ. «Բաբը Ալիի» ցույցի և հատկապես Զեյթունի 1895-1896 թթ. ապստամբության կազմակերպման գործում:

1896 թ. *Լոնդոնի* առաջին համագումարում հնչակյան կուսակցությունը պառակտվում է երկու թևի՝ սոցիալիստական և ազգային: Սոցիալիստական թևը՝ Ա. Նազարբեկյանի ղեկավարությամբ, որը կարևոր խնդիր էր համարում սոցիալական ազա-



Արփիար Արփիարյան

տագրությունը և սոցիալիզմի համար պայքարը, կազմում է փոքրամասնություն, իսկ ազգայինը՝ մեծամասնություն: Վերջիններս Ա. Արփիարյանի գլխավորությամբ հեռանում են կուսակցությունից և 1898 թ. հանդես գալիս «*Վերակազմյալ հնչակյաններ*» անունով: Իրենց ղեկավարի գլխավորությամբ ազգային թևի ներկայացուցիչներին հաճախ անվանում էին նաև «*Արփիարականներ*»: Հետագայում Նազարբեկյանի կողմնակիցները, որոնք դեմ էին սոցիալիզմի մասին կետը ծրագրից հանելուն, մեծ մասամբ հարում են սոցիալ-դեմոկրատական ուղղության կազմակերպություններին:

Հնչակյան կուսակցությունն իր խոշոր ավանդն է ունենում հայ ազգային-ազատագրական շարժման գործում:

Հայ հեղափոխական դաշնակցություն:

1880-ական թթ. երկրորդ կեսին հայ ազատագրական շարժման վերելքը, որը արդյունք էր նաև արդեն առկա ազգային կուսակցությունների գործունեության, տրամաբանորեն հանգեցնում է հակաթուրքական պայքարում ազատագրական ուժերի միավորման փորձերի: Այդ հարցում առանձնակի ջանքեր է գործադրում ռուս նարոդնիկական և եվրոպական սոցիալիստական գաղափարներով տոգորված արևելահայ

հեղափոխական երիտասարդությունը: Առկա գաղափարական տարակարծությունները հաղթահարելու նպատակով սկսվում են միավորիչ ժողովներ: Դրանց մասնակցում են «Երիտասարդ Հայաստան» կազմակերպության անդամներ, ազգային նարողներ, Գ. Արծրունու շուրջը համախմբված մտավորականներ, հնչակյաններ, մոսկվահայ ուսանողության ներկայացուցիչներ:

Օսմանյան իշխանությունների կողմից օրեցօր սաստկացող բռնությունների դեմ ընդհանուր ճակատ ստեղծելու, միավորվելու, միմյանց հետ «դաշնակցելու» հրամայականն այդ ուժերին ստիպում է առժամանակ մի կողմ դնել առկա գաղափարական վեճերը: 1890 թ. *հուլիս-օգոստոսին* Թիֆլիսում ընթացող հիմնադիր ժողովները հանգեցնում են հայ ազգային ավելի ազդեցիկ կուսակցության՝ «*Հայ հեղափոխականների դաշնակցության*» (ՀՅԴ) ստեղծմանը: Նորաստեղծ կուսակցության կորիզը *Քրիստիան Միքայելյանի* գլխավորած «Դրոշակ» խմբավորումն էր: Կուսակցության ձևավորման գործընթացում, որը շարունակվում է երկու տարի, առաջնակարգ դեր են կատարում Ք. Միքայելյանը, *Սիմոն Զախարյանը*, *Սյրեխան Զորյանը* (Ռուստում), *Խաչատուր Մայումյանը*, *Հովհաննես Լոռու-Մելիքյանը* և ուրիշներ:

1890 թ. սեպտեմբերին «Դրոշակ» թողացիկ թերթի անդրանիկ համարում հրապարակված հռչակագրով դաշնակցությունն Արևմտյան Հայաստանի քաղաքական և տնտեսական ազատագրությունն ազդարարում է իր գլխավոր խնդիրը:

Շարունակվում է կուսակցությանն անդամակցած տարբեր հոսանքների դիրքորոշումների հստակեցման գործընթացը: Սկսվում են հնչակյանների հետ միավորվելու բանակցությունները, որոնք ավարտվում են հաջողությամբ: 1891 թ. սկզբին կնքված համաձայնագրով Հնչակյան կուսակցությունը միանում էր ՀՅԴ-ին, «Հնչակ» թեր-

թը դառնում էր միացյալ կուսակցության տեսական, իսկ «Դրոշակը»՝ մարտական պաշտոնաթերթ: Ցավոք, շատ չանցած՝ Ավետիս և Մարո Նազարբեկյան ամուսինները «Հնչակում» տպագրած մի հայտարարությամբ ժխտում են միավորման փաստը, որից հետո կողմերն առանձնանում են իրարից:

Սակայն ՀՅԴ ձևավորման առաջին շրջանում կուսակցությունը ընդհանուր հեղափոխական պայթյսի պայմաններում կարողացավ իր կազմակերպական կառույցները ստեղծել Արևմտյան Հայաստանում, Կ. Պոլսում, Կիլիկիայում, Այսրկովկասում, Ռուսաստանում և Եվրոպայի տարբեր երկրներում: 1892 թ. հունիսին Թիֆլիսում հույժ գաղտնի պայմաններում սկսվեց ՀՅԴ առաջին ընդհանուր ժողովը՝ համագումարը:

Հաշվի առնելով, որ հայ ժողովուրդն իր հայրենիքում գտնվում է տարբեր երկրների տիրապետության տակ և սփռված է աշխարհով մեկ՝ կուսակցության կազմակերպական ձև ընտրվեց *ապակենտրոն սկզբունքը*: Դա նշանակում է, որ տարբեր վայրերի կազմակերպական կառույցները պիտի ունենային իրավիճակին համապատասխան գործելու ազատություն և կենտրոնացված սկզբունքով գործելի միայն գաղափարական հարցերում: Այդ սկզբունքը կարևոր նշանակություն ունեցավ կուսակցության շարքերն ամրապնդելու և տեղերից օգտակար նախաձեռնություններով հանդես գալու գործում: Ընդհանուր ժողովը կուսակցությունը վերանվանեց «*Հայ հեղափոխական դաշնակցություն*»:

1894 թ. «Դրոշակում» տպագրվեց ՀՅԴ ծրագիրը: «Նպատակ» բաժնում ասվում էր, որ ապստամբության ճանապարհով անհրաժեշտ է հասնել Արևմտյան Հայաստանի ազատությանը, որով այդ փուլում հասկացվում էր հայկական նահանգների ինքնավարության հաստատումը: «Միջոցներ» բաժինը նախատեսում էր ժողովրդի զինում, մար-

տական խմբերի ձևավորում, ապստամբական և ահաբեկչական գործողությունների իրականացում:

Ապակենտրոն սկզբունքի պայմաններում տարբեր կառույցների գործունեությունը համակարգելու համար ստեղծվեցին հատուկ մարմիններ՝ *բյուրոներ*՝ մեկը ԹԻՖլիսում, մյուսը Թավրիզում:

XIX դ. 90-ական թթ. կեսերին ՀՅԴ-ն դառնում է ազգային-քաղաքական ամենաազդեցիկ կուսակցությունը հայ իրականության մեջ և շուտով ծանրակշիռ դեր ստանձնում նաև արևելահայ ազգային-հասարակական պայքարի կազմակերպման գործում:

Այսպիսով՝ օսմանյան դժնդակ տիրապետությունից արևմտահայության ազատագրությունը արմենականները, հնչակյանները և դաշնակցականները համարում էին իրենց առաջնային խնդիրը: Ճիշտ է, անհավասար պայքարում կուսակցությունների համարձակ գործողությունները միշտ չէ, որ պսակվել են հաջողությամբ, սակայն դրանց շնորհիվ հնարավոր դարձավ որոշ չափով մեղմել ժողովրդի հարստահարումը, կազմակերպել նրա ինքնապաշտպանությունը, ուղղորդել ազատագրական շարժումները, պահպանել ազգային ոգին և սերունդներին նախապատրաստել նոր ու ավելի վճռական կռիվներին:

Հարցեր և ստուգադրանքներ

1. Ընդհանուր գծերով ներկայացրե՞ք պատմական այն իրականությունն ու պայմանները, որոնք ծնունդ տվեցին ազգային կուսակցություններին:
2. Որո՞նք էին Արմենական կուսակցության հիմնական տեսակետները: Համամիտ եք արդյոք այդ տեսակետներին:
3. Ի՞նչ գաղափարախոսության հետևորդներ էին հնչակյանները: Ի՞նչ գործունեություն ծավալեցին հնչակյանները: Երբ և ինչու՞ պառակտվեց կուսակցությունը: Ձեր կարծիքով՝ ովքեր էին ճիշտ. հիմնավորե՞ք ձեր պատասխանը:
4. Ո՞րն էր ՀՅԴ կուսակցության հիմնական նպատակը: Ի՞նչ դրույթներ ամրագրվեցին ՀՅԴ-ի ծրագրում: Ո՞րն էր ապակենտրոն սկզբունքի էությունը. գնահատե՞ք այն ու հիմնավորե՞ք դրա անհրաժեշտությունը:
5. Նշե՞ք կուսակցությունների ծրագրերի և գործունեության ընդհանրություններն ու առանձնահատկությունները:

ԳԼՈՒԽ 4. ԱԶԱՏԱԳՐԱԿԱՆ ՊԱՅԶԱՐԻ ԶԻՆՎԱԾ ՓՈԽԸ

§ 1. ԱԶԱՏԱԳՐԱԿԱՆ ՊԱՅԶԱՐԻ ՎԵՐԵԼՔԸ: ՀԱՅԴՈՒԿԱՅԻՆ ՇԱՐԺՈՒՄԸ

Հայդուկային շարժման ստուգացման պարզատները: Բեռլինի վեհաժողովում Թուրքիայից ստանալով որոշակի զիջումներ՝ մեծ տերություններն ամենևին մտադիր չէին նրա վրա ճնշում բանեցնել հայկական բարենորոգումները կատարելու համար: Օսմանյան կառավարությունը, օգտվելով առիթից, արևմտահայության նկատ-

մամբ սաստկացրեց բռնությունները: Քաղաքական հալածանքները հասան անսխադեպ չափերի, նոր թափ ստացավ արևմտահայությանը հողագրկելու, հայրենիքից դուրս մղելու և երկիրը ներգաղթող մահմեդականներով բնակեցնելու պետական քաղաքականությունը:

Մինչ հայ մտավորական շրջանակները

գրադված էին համիդյան վարչակարգին հակազդելու ուղիների որոնմամբ, արևմտահայ գյուղացին ինքնարուխ նախընտրեց պայքարի իր ձևը՝ անհատական-պարտիզանական, վրեժխնդրական ընդվզումը: Ինչպես ուշ միջնադարում թուրքահպատակ հունգար և սլավոնական ժողովուրդները, այնպես էլ այդ ժամանակահատվածում հայերը տարերայնորեն, անկազմակերպ դուրս եկան կենաց ու մահու կռվի՝ իրենց ապրելու իրավունքն ու արժանապատվությունը պաշտպանելու համար: Ազատագրական պայքարի այդ ձևը հայտնի է *հայդուկային* կամ *ֆիդայական շարժում* անունով:

Հայդուկները (հունգարերեն՝ հետևակ), *չեռնիկները* (Բալկաններում՝ տասնապետ) և *ֆիդայիները* կամ *ֆեդայիները* (արաբերեն՝ զոհ, ջան ֆեդա՝ ինքնազոհ) Արևմտյան Հայաստանում ժողովրդական վրիժառուներ էին: Նրանք երդվում էին ամբողջովին նվիրվել իրենց ժողովրդի պաշտպանությանն ու ազատագրությանը: Ջենքը ձեռքին՝ հեռանում էին լեռներն ու անտառները, անհատապես կամ փոքրիկ խմբերով իրականացնում պատժիչ գործողություններ ատելի թուրք և քուրդ պաշտոնյաների, ինչպես նաև դավաճան հայերի նկատմամբ:

Այս շարժման հանդես գալն Արևմտյան Հայաստանում հայ ժողովրդի քաղաքական և տնտեսական ծանր ու օրհասական վիճակի հետևանք էր, այսինքն՝ ուներ իրական պատճառներ: Այնպես որ անհիմն են այն թուրք պատմաբանների ու քաղաքագետների պնդումները, թե ֆիդայական շարժումը դրսից՝ Այսրկովկասից ներմուծված խորթ երևույթ էր, և դրա համար Օսմանյան կայսրությունում նախադրյալներ չկային:

Հայդուկային պայքարի առաջին քայլերը: Առաջին հայ ֆիդայական խմբերը հանդես են եկել 1880-ական թթ. կեսերին: Դրանց ղեկավարներից հայտնի են *Մարգար Վարժապետի, Արաբոյի, Ա. Աչըզբաշյանի* և այլոց անունները: Առաջին

հայդուկները հայերի նկատմամբ թուրքական իշխանությունների կողմից նոր բռնությունների առիթ չտալու նպատակով հաճախ ներկայացել են որպես քրդեր և հանդես եկել «*չեղունք*» կոչվող քրդական հակակառավարական ջոկատների կազմում: Դրանով նրանք փորձել են նաև համագործակցության եզրեր գտնել քրդերի հետ: Կեսարիայի շրջանում հայտնի «Մեծ չեղոյի» առաջնորդը խիզախ գործիչ *Թորոս Մառուկյանն* էր:

1880-ական թթ. վերջին գործող հայդուկային խմբերի մեջ մեծ հեղինակություն է վայելել ֆիդայական շարժման նահապետ *Արաբոյի* (Առաքել Մխիթարյան, 1863-1893) ջոկատը: Նա ծնվել է Սասունի *Կոռթեր* գյուղում: Սկզբում հանդես է եկել իբրև անհատ վրիժառու և 1885 թվականից «որպես քուրդ» զինված հարձակումներ է գործել թուրքական հարկահավաքների վրա: Թուրքերին հաջողվում է ձերբակալել Արաբոյին, սակայն նա կարողանում է փախչել Այսրկովկաս: 1892 թ. մտնելով դաշնակցության շարքերը՝ նա մասնակցել է կուսակցության առաջին ընդհանուր ժողովին՝ իբրև Սասունի ներկայացուցիչ: 1893 թ. Արաբոն 16 հոգով կրկին անցնում է Արևմտյան Հայաստան և, Գյալիսորի ձորում կռվի բռնվելով քրդերի ու թուրքերի դեմ, իր ընկերների հետ հերոսաբար զոհվում է: Երկար ժամանակ ժողովուրդը չի հավատացել իր սիրելի առաջնորդի մահվանը և սպասել է նրա վերադաձին՝ նոր առասպելներ հյուսելով հերոսի անվան շուրջ:

Շարժման վերելքը: Ֆիդայական շարժումը լայն թափ ստացավ հատկապես 1890-ական թթ., երբ ընկավ քաղաքական կուսակցությունների, մասնավորապես Դաշնակցության ազդեցության ու հսկողության տակ: Ուժեղ խմբեր են ստեղծվում Սասունում, Վանում և Սեբաստիայում: Ֆիդայիները երդվում էին. «*Այսուհետև իմ բարձր լինելու են Հայաստանի լեռները, իսկ քաղձալի երազանքը՝ հայրենիքի համար մեռնելը*»:



Աղբյուր Սերոբ

1890-ական թթ. սկզբներին մեծ համբավ ու ժողովրդականություն են ձեռք բերում հայդուկայետներ *Աղբյուր Սերոբը* (Սերոբ Վարդանյան), *Մեծն Մուրադը*, *Գևորգ Չավուշը*, *Հրայր Դժոխքը* (Արմենակ Ղազարյան), *Գուրգենը*, *Վազգենը* և ուրիշներ:

Աղբյուր Սերոբը (Աղբյուր՝ կյանք պարզևող) ծնվել է 1864 թ. *Խլաթի Սոխորդ* գյուղում: Պատանի տարիքում սպանում է մի քրդի և ընտանիքով ստիպված տեղափոխվում Կ. Պոլիս: 1891 թ. նա անցնում է Ռումինիա, այնտեղ մտնում դաշնակցության շարքերը: Սերոբը գալիս է Բաթում, ապա՝ Կարին, իսկ 1895-ին՝ հայրենի *Խլաթ*: Շուտով նա ստանձնում է Արևմտյան Հայաստանում գործող ֆիդայական ջոկատների ընդհանուր հրամանատարությունը և կարողանում է համիդյան կոտորածների օրերին հաջողությամբ կազմակերպել բազմաթիվ գյուղերի խաղաղ բնակչության ինքնապաշտպանությունը: Մի շարք մարտերում, հատկապես 1898 թ. հոկտեմբերի 20-ին նշանավոր *Բաքենի կռիվում* տարած հաղթանակների շնորհիվ Սերոբը դառնում է հայ ժողովրդի ազատարարի խորհրդանիշ: Նրան անվանում էին «Նեմրուդի հսկա» կամ «Ալան»: Դրանից անհանգստացած թուրքական իշխանությունները որոշում են ամեն գնով վերացնել Աղբյուր Սերոբին:

1899 թ., երբ Սերոբը Սասունի Գեյլեզուզան գյուղում էր, քուրդ ցեղապետ Բշարե *Խալիլն* իր գորաջոկատով շրջապատում է Սերոբի տունը, սպանում ֆիդայապետին: Սերոբի քաջարի կինը՝ *Սոսնն*, շարունակում է ամուսնու հայրենանվեր գործը: 1900 թ. Սերոբի հավատարիմ զինվորներ Գևորգ Չավուշն ու Անդրանիկը վրեժխնդիր են լինում թշնամուց՝ սպանելով Բշարե *Խալիլին* և կոտորելով նրան օգնած դավաճան հայի գերդաստանը:

Ֆիդայական շարժման հայտնի ղեկավարից է *Հրայրը*, որին թշնամին *Դժոխք* մականունն էր տվել: Նա ծնվել է 1864 թ. Սասունի *Ահարոնք* գյուղում, սովորել է Մշո Ս. Կարապետ վանքի դպրոցում, զբաղվել ուսուցչությամբ: Հրայրի կարծիքով՝ կուսակցությունները միայն միջոց են ժողովրդի ազատագրական պայքարը կազմակերպելու համար: Նա հույսեր չէր կապում նաև եվրոպական երկրների սին խոստումների հետ:

Հրայրը դեմ էր պարտիզանական, անհատական պայքարին և հաղթանակի հասնելու միակ ուղին համարում էր ժողովրդին համընդհանուր ապստամբության նախապատրաստելը: Նա զգալի աշխատանք է տարել հայ-քրդական դաշինք ստեղծելու ուղղությամբ: Հրայրի համոզմամբ՝ օսմանյան բռնատիրությունից ազատագրումը հնարավոր էր միայն կայսրության բոլոր ժողովուրդների համատեղ պայքարի շնորհիվ: Հրայր Դժոխքը եղել է Սասունի 1894 և 1904 թթ. ապստամբության ղեկավարներից:

Գևորգ Չավուշը ծնվել է 1870 թ. *Սասունի Մկղենք* գյուղում: Ծնողները նրան ուղարկում են *Մշո Ս. Առաքելոց վանք*՝ ուսանելու: Սակայն կյանքն ուրիշ դեր էր վերապահել Գևորգին: Տակավին երիտասարդ՝ նա Արաբոյի ջոկատում էր, ապա Միհրան Տամատյանի և Համբարձում Պոյաճյանի հետ ղեկավարում էր Սասունի ինքնապաշտպանական մարտերը: 1896 թ. փախչելով բանտից՝ նա միանում է Սերոբի ու Հրայրի ջոկատներին:

Ֆիդայական շարժման պայծառ դեմքերից է **Անդրանիկ Օզանյանը**։ Նա ծնվել է 1865 թ. **փետրվարի 25-ին Շապին Գարահիսար** քաղաքում, սովորել է տեղի **Մուշեղյան** վարժարանում։ Վրեժխնդիր է եղել հայատյաց քրդերից ու թուրքերից և տեղափոխվել Կ. Պոլիս՝ խուսափելով հետապնդումներից։ Սկզբում կռվել է Վազգենի ու Գուրգենի խմբերում, ապա նրանց հետ միացել Աղբյուր Սերոբին։ 1900 թ. Բշարե հալիին սպանելուց հետո Անդրանիկը մեծ համբավ է ձեռք բերել և դարձել ամենահայտնի ֆիդայապետներից մեկը։ 1906 թ. Անդրանիկը հեղինակել է հայդուկային պայքարի իսկական դասագիրք՝ **«Մարտական հրահանգներ»** հայտնի կանոնագիրքը։ Անդրանիկ Օզանյանը դարձել է ամենասիրված ժողովրդական հերոսներից մեկը։

Հայ ժողովուրդը տվել է հայդուկների մի ողջ համաստեղություն, որոնցից էին նաև **Սպաղանցի Մակարը**, **Վարդանը** (Սարգիս Մեիրաբյան), **Իշխանը** (Հովսեփ Արղության), **Նիկոլ Դունանը** (Նիկողայոս Տեր-Հովհաննիսյան) և ուրիշներ։

Հայդուկային շարժումը և կուսակցությունները։ Հայդուկային շարժումը 1890-ական թվականներից սերտորեն կապվում է ազգային կուսակցությունների գործունեության հետ։ ՀՅԴ գործիչները 1890 թ. սեպտեմբերին փորձում են համոզել Պետերբուրգի համալսարանի ուսանող **Սարգիս Կուկունյանին**՝ հրաժարվելու իր 78-հոգանոց զինված ջոկատով Կարսի մարզից Արևմտյան Հայաստան անցնելու արկածախնդրական մտադրությունից և ընտրելու պայքարի ավելի խոհեմ ձևեր։ Սակայն **սեպտեմբերի 22-ին** Կուկունյանի հայդուկ-կամավորներն անցնում են ռուս-թուրքական սահմանը, մարտի բռնվում թուրքերի ու քրդերի հետ և տալով զոհեր՝ կրկին նահանջում ռուսական տարածք՝ ընկնելով ռուս սահմանապահների ձեռքը։ Արշավանքը ձախողվում է, սակայն մեծ տպավորություն է թողնում։



Գևորգ Չավուշ

Հայդուկների գործունեության անբաժան մասն է դառնում նաև Արևելյան Հայաստանից ու Պարսկահայքից գնեքի տեղափոխումն Արևմտյան Հայաստան։ Ջինատար խմբերի երթուղիներից մեկն անցնում էր նշանավոր Դերիկի վանքով։ 1891 թ. Թավրիզում դաշնակցության հիմնադրած «Խարիսխ» զինագործարանը վերածվում է գնեքի արտադրության կարևոր կենտրոնի։ 1890-ականների սկզբին հայդուկների մի մասը հարում էր հնչակյաններին ու դաշնակցությանը, մասամբ՝ արմենականներին։ 1890-ական թթ. կեսերին հայդուկապետների մեծ մասն արդեն դաշնակցական էր, իսկ միավորված ջոկատները գլխավորապես գործում էին ՀՅԴ հովանու ներքո։ Հատկանշական է, որ հայդուկների մեջ հավասարապես կային և՛ արևմտահայեր, և՛ արևելահայեր։ Արևմտյան Հայաստանի ազատագրության գաղափարը միավորել էր հայ ժողովրդի երկու հատվածներին։

XIX դ. վերջին հայդուկները նորանոր էջեր գրեցին հայ ազատագրական պայքարի պատմության մեջ, կարևոր դեր կատարեցին հայկական կոտորածների ժամանակ ժողովրդի ինքնապաշտպանությունը կազմա-

կերպելու գործում: Նրանց պայքարը վերջնական արդյունքի չհանգեցրեց. անհատական պարտիզանական կոիվներով հնարավոր չէր հասնել ազգի ազատագրությանը:

Ֆիդայիների մեջ օրեցօր հասունանում էր համաժողովրդական ընդհանուր ապստամբության գաղափարը:

Հարցեր և առաջադրանքներ

1. Ներկայացրե՞ք պատմական այն ժամանակաշրջանը, որում առաջացավ հայդուկային շարժումը: Ովքե՞ր էին հայդուկները: Հայդուկային շարժման ծագման վերաբերյալ ի՞նչ տեսակետներ կան:
2. Որտե՞ղ և ե՞րբ են հանդես եկել ֆիդայական առաջին խմբերը: Ներկայացրե՞ք հայդուկների գործունեությունը 1880–ական թթ.:
3. Ե՞րբ և ի՞նչու վերելք ապրեց շարժումը: Ովքե՞ր էին նշանավոր հայդուկապետերը. ի՞նչ գիտեք նրանց մասին: Ուրիշ ի՞նչ հայդուկների գիտեք:
4. Ի՞նչ դրսևորումներով է արտահայտվել հայ ազգային կուսակցությունների և ֆիդայական շարժման կապը: Ի՞նչ նշանակություն ունեցավ Ս. Կուկունյանի արշավանքը: Ի՞նչ հետևանքներ ունեցավ հայդուկային շարժումը:

ԼՐԱՑՈՒՑԻՉ ՆՅՈՒԹ

Հասրիաձ Անդրանիկի «Մարտական հրահանգներից»

Ես չեմ, որ կիրավիրեմ ձեզ, արտասահմանյան հայ երիտասարդներ, այլ դժբախտ հայրենիքին հողն ու քարը իրենց արյունով ներկած մեր նահատակներն ու պաշտելի հերոսներն են, որ կոչ կրենեն ձեզի՝ զենքի, զինավարժության ու վրեժխնդրության: Լսեցե՞ք անոնց ձայնը, որ մեր կյանքի ձայնն է:

§ 2. ԱՐԵՎՄՏԱՀԱՅԵՐԻ ՅԵՂԱՄՊԱՆՈՒԹՅԱՆ ԹՈՒՐԲԱԿԱՆ ԾՐԱԳՐԻ ԻՐԱԳՈՐԾՄԱՆ ՍԿԻԶԲԸ

Արևմտահայերի ցեղասպանության արդյուխամիության ծրագիրը: Արդյու Համիդ II–ը ոչ միայն մտադիր չէր կենսագործել Բեռլինի վեհաժողովի 61–րդ հոդվածով ստանձնած բարենորոգումները, այլև ուղիներ էր փնտրում Հայկական հարցից ազատվելու համար: Սուլթանն առաջարկեց Հայկական հարցի լուծման ուրույն ճանապարհ՝ հայերի ֆիզիկական բնաջնջումը: Այդ ծրագիրն իրագործելու համար գործի դրվեցին և՛ գաղափարական, և՛ գործնական

միջոցներ: Իր հրեշավոր ծրագրին տերության մահմեդական բնակչությանը նախապատրաստելու համար նա պաշտոնական գաղափարախոսություն դարձրեց **պան-խալաֆիզմը** (համախալամականություն) և **պանթյուրքիզմը** (համաթյուրքականություն): Առաջինը ենթադրում էր իսլամադավան բոլոր ազգերի, երկրորդը՝ թյուրքալեզու ժողովուրդների միավորում օսմանյան Թուրքիայի դրոշի ներքո և սրբազան պատերազմ (ջիհադ) բոլոր անհավատների՝

գյավուրների դեմ: Թուրքիայի մեծ վեզիր *Քյամիլ փաշան* ցինկիորեն հայտարարում էր, որ Եվրոպայում իրենք, օձ սնուցելով, գրկվեցին Բուլղարիայից. որպեսզի նույնը տեղի չունենա Ասիայում, անհրաժեշտ է բնաջնջել հայությանը:

Հայ-քրդական հակամարտություն հրահրելու և Հայկական հարցի «լուծմանը» քրդերին մասնակից դարձնելու նպատակով սուլթանը 1891 թ. քրդական անհնազանդ ջոկատներից ստեղծեց մոտ 30 հեծելազնդեր, որոնք իր անունով կոչվեցին *համիդիե (համիդական)*: Համիդիեների ստեղծումով Բարձր դուռը լուծում էր երկու խնդիր՝ նախ քրդերին հեռու էր պահում հակալատարական գործողություններից և վերցնում իր հսկողության տակ, երկրորդ՝ ուղղորդում էր նրանց հայերի դեմ:

Այսպիսով՝ Օսմանյան կայսրության հայ և այլ քրիստոնյա ժողովուրդների կոտորածների դարավոր քաղաքականությունը 1890-ական թթ. սկզբից դրվեց *պետական մակարդակի վրա*: Խնդիր դրվեց ծրագրված կերպով բնաջնջել հայ ժողովրդին ու նրան գրկել իր հայրենիքից:

Սկզբում հայկական կոտորածները կրեցին տեղային բնույթ, ապա ընդգրկեցին ամբողջ Արևմտահայաստանն ու կայսրության տարածքը:

Ամենուր իշխանություններն սկսեցին մահմեդականներին գրգռել հայերի դեմ: Տարածվեցին կեղծ լուրեր, թե հայ բնակչությունը զինվում է և կայսրությունը կործանելու նպատակով նախապատրաստվում է ապստամբության: Այդպիսի խոշոր սադրանք կազմակերպվեց Կարինում 1890 թ. հունիսին: Եկեղեցու բակում գորբերը կրակ քացեցին ժողովրդի վրա և սպանեցին ու վիրավորեցին շուրջ 20 մարդու: Երկու օր անց Կարինի հայկական թաղամաս մտած կանոնավոր գորբերը խաղաղ բնակչության նոր ջարդեր իրականացրին:

Այդ հանցագործության, ինչպես և Հայ-

կական հարցի վրա մեծ տերությունների ուշադրությունը հրավիրելու նպատակով հնչակյանները 1890 թ. *հուլիսին* Կ. Պոլսի *Գում Գափու* թաղամասում կազմակերպեցին խաղաղ ցույց: Իշխանությունները չհապաղեցին առիթն օգտագործել «անհնազանդ» հայերին պատժելու համար: Սուլթանի պալատ շարժվող ցուցարարները հայտնվեցին ոստիկանության արձակած զնդակների տարափի տակ: Եղան նոր զոհեր ու ձերբակալություններ:

Կարինի և Գում Գափուի դեպքերը բողոքի ալիք առաջացրին հայության շրջանում, պայքարի մղեցին նորանոր երիտասարդների: Նոր թափ ստացավ հայդուկային շարժումը: Շուտով ամբողջ կայսրությունում սկսվեց հայկական հալածանքների անսխաղեպ ալիք: 1892-1893 թթ. տեղի ունեցան զանգվածային ձերբակալություններ: Բանտերը լցվեցին բազմաթիվ հայ գործիչներով: Իշխանությունները ջանքեր չխնայեցին հայդուկային շարժման նշանավոր դեմքերին վերացնելու համար: Արաբոյի նահատակվելուց հետո կախաղան բարձրացվեցին Մեծն Մուրադի եղբայր *Ժիրայրը* և Տարոնում մեծ հեղինակություն վաստակած *Մարգար վարժապետը*:

1894-1896 թթ. զանգվածային կոտորածները: Օսմանյան իշխանությունները 1894 թ. անցան զանգվածային կոտորածների կազմակերպմանը: Համիդական ջոկատները նետվեցին Արևմտյան Հայաստանի գյուղերի ու քաղաքների վրա: *Առաջին հարվածն ուղղվեց ազապարենչ Սասունի դեմ*: Ապստամբությունը ճնշվեց արյան մեջ: Գավառ ներխուժած զորքերը, համիդիե ջոկատներն ու զանազան ավազակախմբերը մինչև օգոստոսի վերջը կոտորեցին Սասունի 40 հայկական գյուղերի ավելի քան 10 հազար խաղաղ բնակիչների:

Իր գեկուցագրերից մեկում Ջեքի փաշան Սասունում ստեղծված վիճակի մասին գրում էր. «Մենք այնպես մաքրագործե-

ցինք այդ շրջանը, որ ապագայում այնտեղ (հուզումներ)... այլևս տեղի ունենալ չեն կարող»։ Կատարված գործողության համար Զեքի փաշան սուլթանից ստացավ շքանշան, իսկ քրդական չորս ցեղապետեր պարգևատրվեցին կառավարական մետաքսե դրոշներով։

Մեծ տերությունների ներկայացուցիչներից կազմված հանձնաժողով ուղարկվեց Սասուն՝ փաստահավաք աշխատանքով վեր հանելու ոճրագործության մանրամասները։ Սակայն ի պատասխան 1895 թ. մայիսյան բարենորոգումների ծրագիրը կատարելու վերաբերյալ տերությունների պահանջին՝ իշխանություններն իրականացրին հայերի գանգավաճային նոր կոտորածներ։

Սուլթանական կառավարությունը, անտեսելով եվրոպական երկրների կարծիքը, հայկական կոտորածներ իրականացրեց նաև մայրաքաղաքում։ 1895 թ. սեպտեմբերի 18-ին Կ. Պոլսում հնչակյանները կազմակերպեցին 4-հազարանոց խաղաղ ցույց։ Նրանք շարժվեցին կառավարության նստավայրը՝ *Բաբը Ալի*, «Մայիսյան բարենորոգումների» ոգով կազմած իրենց նախագիծը սուլթանին հանձնելու նպատակով։ Ցուցարարների վրա կրակ բացվեց, սկսվեցին նոր ջարդեր։ Կ. Պոլսում զոհվեց 2 հազար մարդ։

Կ. Պոլսի ջարդերի ալիքն անմիջապես տարածվեց գավառներում։ Հստակ երևում էր, որ կոտորածներն իրականացվում են կազմակերպված՝ ըստ նահանգների։ Նախ տեղերում ոտքի էր հանվում մահմեդական մոլեռանդ հոգևորականությունն ու նրան հետևող ամբոխը, ապա ջարդերին միանում էին քրդական ջոկատները, ոստիկանությունն ու զորքը։ Նույն սցենարը հետո գործում էր հարևան նահանգում, ուր տեղափոխվում էին համիդիներն ու զորքը։ Արդեն սեպտեմբերի վերջին գազազած ամբոխի ու զորքերի ջարդերի թիրախ դարձավ Տրապիզոնի և Բաբերդի, ապա գրեթե ամ-

բողջ Արևմտյան Հայաստանի հայությունը։ Տրապիզոնում բազմաթիվ հայերի նավերով դուրս բերեցին բաց ծով և ջրասույզ արեցին։ Այդ ոճրագործության տպավորության տակ աշխարհահռչակ ծովանկարիչ Հ. Այվազովսկին վրձնեց «Հայերի ջարդը Տրապիզոնում 1895 թ.», «Նավերի բեռնումը» և այլ կտավներ։

Հոկտեմբերի երկրորդ կեսին ջարդարարներն անցան հարևան Սեբաստիայի ու Խարբերդի նահանգներ, Մալաթիա, Եդեսիա։ Նոյեմբերին Դիարբեքիրի նահանգում տեղի ունեցած կոտորածներին զոհ գնացին նաև ասորիներ ու հույներ, ավերվեց ու կողոպտվեց շուրջ 120 հայկական գյուղ։ Բիթլիսի նահանգում իշխանությունները լուրեր տարածեցին, թե՛ քանի որ հայերը պատրաստվում են ավերել մզկիթները, անհրաժեշտ է արագացնել նրանց կոտորածները։ Երբ ոգևորված ամբոխը մի քանի ժամում կողոպտեց Մուշի հայկական խանութներն ու արհեստանոցները, թուրքական պաշտոնյաները դժգոհեցին իրենց հավատակիցներից, որ փոխանակ հայերին սպանելու, միայն զբաղված են թալանով։ Կողոպուտն ուղեկցվեց սպանություններով։

Հայ ազատագրական շարժումը սուլթան Համիդն օգտագործեց թուրքերին ավելի գրգռելու և հայերի բնաջնջման քայլերը խրախուսելու նպատակով։ 1896 թ. օգոստոսի երկրորդ կեսին Կ. Պոլսում կրկնված ջարդերին զոհ գնացին շուրջ 10 հազար հայեր։ Դրժելով եվրոպական հյուպատոսներին և հայերին տված խոստումը՝ Վանի 1896 թ. հունիսյան ինքնապաշտպանությունից հետո Պարսկաստան անցնող 1500 վանեցիներ նենգաբար շրջապատման ենթարկվեցին և կոտորվեցին։ Դրանից հետո իշխանություններն անցան Վանի նահանգի գյուղերին, որտեղ ջարդերի ժամանակ զոհվեց ևս 20 հազար մարդ։

Օսմանյան իշխանությունների լկտիությունը հասավ այնտեղ, որ, ի պատասխան

ոճրագործներին պատժելու վերաբերյալ եվրոպական տերությունների պահանջներին, կայսրության տարբեր վայրերում կազմակերպվեցին դատական նիստեր, որոնց ընթացքում սարքված կեղծ փաստաթղթերի հիման վրա մեղադրվեցին հայ գործիչները և դատապարտվեցին մահապատժի:

1890-ական թթ. օսմանյան Թուրքիայում ոչնչացվեց շուրջ 300 հազար հայ: Բազմահազար արևմտահայեր արտագաղթեցին տարբեր երկրներ, մոտ 100 հազար՝ Ռուսաստան, 200 հազար՝ Եվրոպա և Ամերիկա: Զարդերից խուսափելու նպատակով շատերն ընդունեցին իսլամ: Կոտորածների հետևանքով արևմտահայ բազմաթիվ գավառներ հայաթափվեցին և բնակեցվեցին թուրքերով ու քրդերով: Օսմանյան Թուրքիայում հայերի 1890-ական թթ. իրականացված զանգվածային բնաջնջումն աշխար-

հում առաջին ցեղասպանություններից էր (*գենոցիդ* — հունարեն *գենոս*՝ ցեղ, *ստի-* ներեն՝ *caedo* — սպանում եմ): *Ցեղասպանությունը մեկ ազգի կամ կրոնական համայնքի ամբողջական կամ մասնակի բնաջնջմանը նպաստակառնող գործողական մակարդակի ծրագիր և գործողություն է:*

Հայերի ինքնապաշտպանական կռիվները և մասամբ եվրոպական տերությունների միջամտությունը Համիդ II-ին թույլ չափեցին ավարտին հասցնել հայությանն ամբողջապես բնաջնջելու դիվային ծրագիրը: Սակայն պաշտոնական մակարդակի հասցված այդ քաղաքական ծրագիրը երբեք չհանվեց օրակարգից և հետագայում օգտագործվեց ոչ միայն սուլթանական վարչակարգի, այլև նրան փոխարինած թուրքական ազգայնամոլ մյուս ուժերի կողմից:

Հարցեր և առաջադրանքներ

1. Ի՞նչ քաղաքականություն էր վարում արքուլիամիոյան վարչակարգը 1880-ական թվականներին: Ներկայացրե՞ք պանիսլամիզմի և պանթյուրքիզմի էությունը: Ե՞րբ և ի՞նչ նպատակով ստեղծվեցին համիդիե գնդերը: Ի՞նչ քաղաքականություն որդեգրեց սուլթանական վարչակարգը 1890-ական թվականների սկզբից: Ի՞նչ իրադարձություններ տեղի ունեցան 1890 թ. Կարինում: Ի՞նչ ընթացք և հետևանքներ ունեցավ Գում Գափուի ցույցը:
2. Ներկայացրե՞ք 1894-1896 թթ. արևմտահայերի զանգվածային կոտորածների ընթացքը: Հիմնավորե՞ք, որ այդ ջարդերն ունեին կազմակերպված բնույթ: Ի՞նչ հետևանքներ ունեցան 1890-ական թթ. հայերի կոտորածները:

ԼՐԱՅՈՒՑԻՉ ՆՅՈՒԹ

**Քաղվածք Կ. Պոլսում ռուսական ռազմական գործակալի զեկուցագրից
(19 օգոստոսի, 1896 թ.)**

Կոստանդնուպոլսում երկու օրում սպանված են ավելի քան 5 500 անպաշտպան հայեր, ինչպես և շատ այլ քրիստոնյաներ: Հաստատապես ապացուցված է, որ ջարդերն իրականացրել են կառավարության կողմից նախապես կազմված ավագակախմբերը՝ ոստիկանական աստիճանավորների ղեկավարությամբ:

§ 3. ԱԶԱՏԱԳՐԱԿԱՆ ՊԱՅՔԱՐԸ 1894–1896 ԹՎԱԿԱՆՆԵՐԻՆ: ՀԱՅԿԱԿԱՆ ՀԱՐՑԸ ԵՎ ՏԵՐՈՒԹՅՈՒՆՆԵՐԸ

Սասունի 1894 թ. հեղուսամարտը: Հայկական կոտորածները շատ ավելի մեծ ծավալներ կրնդունեին, եթե արևմտահայությունը չդիմեր ինքնապաշտպանական գործողությունների: Ջանգվածային ջարդերի օրերին հայ ազգային կուսակցությունները, հայդուկային խմբերը կազմակերպեցին ինչպես դիմադրական մարտեր, այնպես էլ տարբեր վայրերում իրականացրին ապստամբական ու ահաբեկչական գործողություններ:

Բիթլիսի վիլայեթի լեռնային գավառներից Սասունը՝ 35 հազար հայ բնակչությամբ, շարունակում էր պահպանել իր կիսանկախ վիճակը: 1890–ական թթ. այն դարձավ ֆիդայական շարժման կենտրոններից մեկը: Երբ 1891–1892 թթ. համիդին ջոկատներն ու կանոնավոր զորքերը ներխուժեցին Սասուն, հանդիպեցին ուժեղ դիմադրության: Համոզված լինելով, որ թուրքական հարձակումները շարունակվելու են, հայդուկների նորանոր խմբեր տեղափոխվեցին Սասուն: Այստեղ էին Միհրան Տամատյանը, Մեծն Մուրադը, Հրայրը, Գևորգ Չավուշը և ուրիշներ:

Թուրքական իշխանությունները կարողացան ձերբակալել Մ. Տամատյանին և ավելի քան երկու տասնյակ սասունցիների: Մեծն Մուրադը ստանձնեց պաշտպանության ընդհանուր ղեկավարությունը:

Հայկական կոտորածներն անարգել իրագործելու համար Բարձր դուռը որոշեց նախ ճնշել Սասունի դիմադրական ներուժը: 1894 թ. ամռանը լեռնագավառի վրա շարժվեց **Ջեփի** փաշայի 12–հազարանոց զորքը՝ հրետանու ուղեկցությամբ: Նրան միացան այլ զորամասեր Դիարբեքիից, Էրզրումից, Երզնկայից, համիդին 3–հազարանոց մի զորագունդ և այլ բաշիբոզուկներ: Այս հսկա բանակի (ավելի քան 40 000) դեմ սասունցիները կռվեցին մոտ 2 հազար քաջերով՝ կայծքարե հրացաններով, դաշույններով ու կացիներով:

1894 թ. հուլիսին Շենիկի գյուղապետ **Գրգոյի (Գրիգոր Մոսեյան)** տանը հրավիրված ինքնապաշտպանական ժողովը հանձնարարականներ տվեց պաշտպանական գոտիների վերաբերյալ: Հուլիսի 27–ին թուրքերի ձեռնարկած զրոհը ենթարկվեց ուժեղ հակահարվածի: Օգոստոսի սկզբին թշնամին անցավ ավելի լայնածավալ հարձակման: Արյունալի մարտերից հետո պաշտպանները ստիպված թողեցին Գելիեզուզանը և քաշվեցին Անդոկ լեռան լանջերը: Մարտերից մեկում քաջարար զոհվեց Գրգոն, ձերբակալվեցին Մեծն Մուրադը և Չավուշը: Միայն **օգոստոսի վերջին** թշնամին կարողացավ մոտել Սասունի գյուղերը:

Ջեյթունի 1895–1896 թթ. ապստամբությունը: Հայերի ինքնապաշտպանական ուժը կոտրելու համար իշխանությունները կարևորում էին նաև Ջեյթունի հպատակեցումը: Այդ հանգամանքը լավ հասկանալով՝ հայ ազգային ուժերը, մասնավորապես հնչակյանները միջոցներ ձեռնարկեցին լեռնագավառն ամրացնելու ուղղությամբ: 1895 թ. ամռանը Ջեյթուն տեղափոխվեցին հնչակյան **Գարուն Աղասին** (Կարապետ Թուր–Սարգսյան), մշեցի հայդուկ **Մխն Շահենը** (Մխիթար Սեֆերյան) և ուրիշներ: Ապստամբության փաստական ղեկավար դարձավ **Նազարեթ Չավուշը** (Նորաշխարհյան):

75–ամյա **Նազար Շուրոյանի** և Աղասու գլխավորությամբ զեյթունցիները հոկտեմբերի սկզբներին սկսեցին ապստամբությունը: Մինչև հոկտեմբերի 16–ի լուսաբացը զինաթափեցին թուրքական 700–հոգանոց կայազորը, գրավեցին 600 հրացան, գերմանական 2 հրանոթ և մեծ քանակությամբ այլ զինամթերք: Զորանոցի վրա բարձրացվեց ապստամբների կարմիր դրոշը՝ «Ջեյթունի անկախ իշխանություն» վերտառությամբ: Կազմվեց Ջեյթունի ժա-



Պետր

մանակավոր կառավարություն՝ Աղասու նախագահությամբ:

1895 թ. նոյեմբերին Ջեյթունի վրա շարժվեց թուրքական երկու բանակ: Դեկտեմբերի սկզբին ընթացող անհավասար մարտերում հայերը ծանր կորուստներ պատճառեցին թշնամուն: Ապստամբների շարքերը մի պահ երերացին: Սակայն այդ պահին նմույզի վրա երևաց ալեգարդ իշխան Կարապետ Բասիկոյանը և, կոչ անելով կովկասին, վերջին շունչը, կարողացավ մարտիկներին գոտեպնդել ու կրկին տանել գրոհի: Անակնկալի եկած թշնամին, տալով ավելի քան հազար սպանված, նահանջեց:

Ուղղակի անհավատալի էր, որ զինամթերքի ու սննդամթերքի սուղ պայմաններում, չորս կողմից շրջապատված լեռնականները՝ շուրջ 4 ամիս շարունակում էին անհավասար կռիվը:

Ջեյթունի այս հերթական հերոսամարտի լուրը հասնում է նաև Եվրոպա: Մեծ տերությունների միջամտությամբ 1896 թ. հունվարի 30-ին Հալեպում կնքվում է հաշտություն: Կառավարությունը պարտավորվում է զորքերը հեռ քաշել Ջեյթունից, ներում շնորհել հայերին, ապահովել նրանց կյանքն ու գույքը: Ջեյթունում պետք է նշանակվեր եվրոպացի կառավարիչ, իսկ տեղական պաշտոնյաները լինելու էին հայեր: Այս լուրը

զիջումների դիմաց թուրքերը հնչակյան գործիչներից պահանջեցին զենքը հանձնել ու հեռանալ Ջեյթունից:

Ակնհայտ է, որ այս պայքարն ավարտվել էր ապստամբների հաղթանակով: Այս հաղթական պայքարի շնորհիվ տարածաշրջանը համեմատաբար քիչ տուժեց:

Վանի 1896 թ. հերոսական ինքնապաշտպանությունը: 1895 թ. աշնանը՝ հայկական կոտորածների օրերին, պաշտպանական կռիվների մեջ առանձնացավ Մալաթիայի հերոսամարտը: Եղիշն քահանա Խաչապրյանի գլխավորությամբ տեղի հայերը ջարդեցին թուրք ոստիկաններին և թուրքական խուժանին ու վտարեցին քաղաքից:

Ինքնապաշտպանական մարտեր տեղի ունեցան նաև Մուշում, Դիարբեքիրում, Շատախում, Ուրֆայում և այլուր:

Պաշտպանական կռիվների մեջ իր ուրույն տեղն ունի **Վանի 1896 թ. հերոսամարտը:** Իշխանությունները հունիսի 3-ին համիդիեական զնդերին հրահանգեցին ներխուժել Վանի հայկական թաղամասեր: Կազմվեց բոլոր ուժերի միասնական ճակատ՝ Մ. Ավերիսյանի գլխավորությամբ: Արմենականներին միացան հնչակյանները՝ Մարտիկի (Մարտիրոս Սարուխանյան), և դաշնակցականները՝ Պետրոյի (Ալեքսանդր Պետրոսյան) ղեկավարությամբ: Հնգօրյա մարտերում պաշտպանները մնացին անսասան: Սակայն հաշվի առնելով զինամթերքի պակասը, գյուղերից փախստականների օրեցօր ուժեղացող ներխուժի պատճառով ստեղծված անմխիթար վիճակը՝ վանեցիներն ընդունեցին Վանում անգլիական հյուպատոսի միջնորդությամբ թուրքերի առաջարկած զինադադարի պայմանները: Թուրքական կողմը խոստացավ զենքը վայր դնելու դիմաց թույլատրել ապստամբներին անարգել անցնել Պարսկաստան:

Սակայն հունիսի 8-ին, երբ 1500 վանեցիներ փորձեցին անցնել Պարսկաստան, սահ-

մանագլխին՝ Ս. Բարդուղիմեոս վանքից ոչ հեռու, նրանց վրա հարձակվեցին կանոնավոր զորքերն ու քրդական մագրիկ ցեղի հրոսակները: Փրկվեց միայն 30 մարդ: Զոհվեցին նաև Մ. Ավետիսյանը, Պետոն ու Մարտիկը:

Վանեցիների սպանող ծանր տպավորություն գործեց ամբողջ հայության վրա: Ազատագրական պայքարի մի խումբ գործիչներ որոշեցին կենսագործել Նիկոլ Դումանի մտքում հղացած գաղափարը՝ վրեժխնդիր լինել Վանի հերոսների արյան դիմաց: ՀՅԴ-ն հավանություն տվեց այդ ծրագրին և ձեռնամուխ եղավ դրա իրագործմանը: 1897 թ. *հուլիսի 25-ին* Հայաստանի տարբեր ծայրերից եկած շուրջ 250 հայդուկներ՝ Վարդանի, Իշխանի, Ն. Դումանի, Սևքարեցի Սաքոյի և այլոց գլխավորությամբ, անցան պարսկաթուրքական սահմանը և *Խանասորի* դաշտում անակնկալ հարձակվեցին քրդական մագրիկ ցեղի վրա և կոտորեցին շատերին: Այդ վրեժխնդրական գործողությունը հայ ազատամարտի պատմության մեջ մնաց Խանասորի արշավանք անունով:

1894-1896 թթ. համիդյան ջարդերի շրջանում դիմադրական մարտերի շնորհիվ բազմաթիվ վայրերում հնարավոր եղավ խուսափել զանգվածային ջարդերից, հարկադրել մեծ տերություններին քայլեր անելու կոտորածները կանխելու, բարեփոխումների խնդիրը կրկին արծարծելու ուղղությամբ:

Մայիսյան քարենորոգումների ծրագիրը: Եվրոպական տերությունները, որ մոռացության էին տվել Հայկական հարցը, կրկին հիշեցին համիդյան կոտորածների օրերին: Հերթական առիթը ներկայացավ Թուրքիայի վրա ձեռնում քանեցնելու համար:

Սասունի 1894 թ. դեպքերից հետո քրիտանական կառավարության պահանջով Համիդը ստիպված ընդունեց որոշում Սասունի դեպքերը հետաքննող հանձնաժողով կազմելու վերաբերյալ: Հանձնաժողովի կազմում ընդգրկվեցին Մեծ Բրիտանիայի, Ռու-

սաստանի և Ֆրանսիայի փոխհյուպատոսները, նաև թուրք զինվորականներ, որոնց սուլթանը հրահանգեց հետաքննել Սասունի «հայ ավազակների հանցագործ վարքը»:

Լսելով շուրջ 200 վկաների՝ 1895 թ. հուլիսին ներկայացրած իր եզրակացության մեջ հանձնաժողովն արձանագրեց, որ Սասունի շրջանում իրապես տեղի է ունեցել հայ բնակչության համատարած ջարդ՝ կանոնավոր թուրքական բանակի մասնակցությամբ: Սակայն հանձնաժողովի եզրակացությունը գործնական հետևանք չունեցավ, և մեղավորներն այդպես էլ մնացին անպատիժ:

Համաշխարհային հասարակայնության ձնշմամբ Անգլիան, Ֆրանսիան և Ռուսաստանը, օգտագործելով Սասունի ոճրագործության բացահայտման հանգամանքը, 1895 թ. *մայիսի 11-ին* սուլթանին հանձնեցին մի նախագիծ, որը ստացավ *Մայիսյան քարենորոգումների ծրագիր* անունը: Ծրագրի համաձայն՝ հայկական 6 նահանգներում (Կարին, Վան, Բիթլիս, Խարբերդ, Դիարբեքիր և Սեբաստիա) սուլթանի կողմից նահանգապետներ պիտի հաստատվեին միայն տեղական բնակչության համար ցանկալի մարդիկ՝ առանց ազգային ու կրոնական խտրականության: Եթե նահանգապետը մահմեդական էր, տեղակալը պետք է լիներ քրիստոնյա, և հակառակը: Գավառապետերին ևս պիտի նշանակեին սուլթանը: Հայաշատ գավառներում այդ պաշտոնը զբաղեցնելու էին քրիստոնյաները:

Եվրոպայի նոր միջամտությունները և դրանց հետևանքները: Եվրոպական բոլոր տերությունները պաշտոնապես հանդես էին գալիս հայկական կոտորածների դեմ և պաշտպանում էին քարենորոգումների ծրագիրը: Նրանց միջև նույնիսկ ընթանում էր յուրահատուկ մրցակցություն, թե ով է ավելի եռանդուն ջանքեր գործադրում հայերին պաշտպանելու համար:

Համոզված լինելով, որ մայիսյան ծրագիրը սուլթանի կողմից ձախողվելու է, Մեծ

Բրիտանիան Ռուսաստանին առաջարկեց ավելի գործուն միջոցներ կիրառել՝ ընդհուպ մինչև նեղուցներ նավատորմ մտցնելն ու Հայաստանում բարենորոգումները հսկող մշտական հանձնախումբ պահելը։ Ռուսաստանն ու Ֆրանսիան, զգուշանալով, որ նման քայլերը կարող են մեծացնել Մեծ Բրիտանիայի ազդեցությունը Թուրքիայում, դեմ արտահայտվեցին այդ առաջարկներին։

1895 թ. նոյեմբերին արդեն Ռուսաստանն առաջարկեց քննարկել տերությունների ռազմանավերը նեղուցներ մտցնելու հարցը։ Նրա համոզմամբ՝ դա կարող էր ազդեցություն գործել սուլթանի վրա և կանխել ինչպես կոտորածները, այնպես էլ երաշխիք դառնալ եվրոպացի դիվանագետների ու քաղաքացիների անվտանգության համար։ Դեկտեմբերի կեսերին եվրոպական երկրների ռազմանավերը Միջերկրական ծովից մտան Մարմարի ծով և ջարդարարների վրա ազդեցություն գործելու նպատակով ցուցադրաբար անցան նեղուցներով։ Սակայն նավերի հեռանալուց հետո կոտորածները կրկնվեցին։

Անկասկած, մեծ տերությունները և հատկապես այդ երկրների հայասեր հասարակական շրջանակները 1894–1896 թթ. քայլեր կատարել են հայկական ջարդերը կանխելու, բարենորոգումների ծրագիրը գործողության մեջ

դնելու, հայ գաղթականությանն օգնելու ուղղությամբ։ Սակայն այդ ջանքերը գործադրվեցին ոչ այնքան հայ ժողովրդի շահերի պաշտպանության, որքան սեփական երկրի համար Օսմանյան կայսրությունում նպաստավոր դիրքեր ապահովելու նպատակով։ Ազգիայի նպատակը Եգիպտոսում իր ազդեցության ամրապնդումն էր։ Ֆրանսիան ձգտում էր չվնասել Թուրքիայում կատարած իր ֆինանսական ներդրումները։ Ռուսաստանը ջանք չէր խնայում Արևմտյան Հայաստանում, սևծովյան նեղուցներում ու Բալկաններում Անգլիայի ուժեղացումը կանխելու համար։ Գերմանիայի ծրագրերում ուրվագծվում էր Բեռլին–Բաղդադ երկաթգծի շինարարության հեռանկարը, որի համար նա պատրաստ էր զոհաբերելու արևմտահայության այդ ծրագրի ձանապարհին կանգնած կենսական շահերը։

Ջուր էին հայ ազգային–քաղաքական մարմինների և գործիչների՝ եվրոպական ճնշումների միջոցով Հայկական հարցում հաջողության հասնելու հույսերը։ Առանձին դեպքերում կուսակցությունները հասկանում էին այդ միջամտությունների վտանգները, սակայն դարձյալ դրանք կրկնում էին՝ օսմանյան բռնատիրության դեմ միայնակ պայքարում «դաշնակիցներ» ձեռք բերելու ակնկալությամբ։

Հարցեր և առաջադրանքներ

1. Ովքեր կազմակերպեցին և գլխավորեցին 1894 թ. Սասունի հերոսամարտը։ Ներկայացրե՞ք այդ հերոսամարտի ընթացքը։
2. Ինչո՞ւ էին թուրքերը կարևորում Ջեյթունի հպատակեցումը։ Ներկայացրե՞ք 1895–1896 թթ. Ջեյթունի ապստամբության ընթացքը։ Ի՞նչ նշանակություն և հետևանքներ ունեցավ ապստամբությունը։
3. Ի՞նչ գիտեք Մալաթիայի հերոսամարտի մասին։ Ներկայացրե՞ք 1896 թ. Վանի հերոսամարտի ընթացքը։ Գնահատե՞ք Խանասորի արշավանքը։ Ի՞նչ նշանակություն ունեցան ինքնապաշտպանական մարտերը։
4. Ի՞նչ աշխատանքներ կատարեց Սասունի դեպքերը հետաքննող հանձնաժողովը։ Ներկայացրե՞ք բարենորոգումների Մալիայան ծրագրի բովանդակությունը. գնահատե՞ք այդ ծրագիրը։
5. Ի՞նչ վերաբերմունք ունեին մեծ տերությունները բարենորոգումների նկատմամբ։ Ի՞նչ քայլեր ձեռնարկեցին մեծ տերությունները հայերի ջարդերը կանխելու և բարենորոգումներ իրականացնելու ուղղությամբ։

§ 1. ՊԱՅՔԱՐ ՑԱՐԻՋՄԻ ՀԱԿԱՀԱՅ ՔԱՂԱՔԱԿԱՆՈՒԹՅԱՆ ԴԵՄ

Արևելյան Հայաստանի սոցիալ-տնտեսական դրությունը: Ռուսական կայսրությունում արդյունաբերական հասարակության ձևավորումն ու զարգացումը պայմանավորեցին Արևելյան Հայաստանի սոցիալ-տնտեսական կյանքի փոփոխությունները: Հաղորդակցության արդիական ուղիների շնորհիվ Արևելյան Հայաստանի գլխավոր քաղաքներն ու տնտեսական շրջանները կապվեցին միմյանց, ինչպես նաև Անդրկովկասի ու Ռուսաստանի տարբեր քաղաքների և շուկաների հետ:

Այս ամենի արդյունքում շոշափելի զարգացում ապրեցին Արևելյան Հայաստանի արդյունաբերությունն ու գյուղատնտեսությունը: Հատկապես մեծ էր պղնձի արդյունահանման աճը: Շուկայում պահանջարկ ունեին հայկական կոնյակը, բամբակը, մետաքսագործության և գորգագործության արտադրանքը:

Թեև զարգացում ապրեց նաև գյուղատնտեսությունը, սակայն այստեղ դեռ գերիշխում էին ավանդական տնտեսավարումը և համայնական հողատիրությունը: Այնուհանդերձ, հայկական գյուղը դանդաղորեն մուտք էր գործում շուկայական հարաբերությունների ոլորտ:

XX դ. սկզբին Ռուսաստանի զարգացած նահանգներում և ազգային հետամնաց երկրամասերում խորացան հասարակական հակասությունները, վերելք ապրեց ժողովրդավարական ու ազգային իրավունքների համար պայքարը: Հայության ազգային պայքարը գերակա էր մյուս խնդիրներից: Դրան նպաստում էր այն հանգամանքը, որ արևմտահայության ազատագրության պայքարում ներգրավված էին նաև արևելահայության կարող ուժերը: Այս ամենի հետևանքով դասակարգային պայքարը

հայկական միջավայրում երբեք էլ սուր դրսևորումներ չունեցավ:

Ռուսաստանի զաղութային քաղաքականությունը և հայ ժողովրդի պայքարը: Ռուսական միապետության զաղութային քաղաքականությունը հայերի նկատմամբ XX դ. սկզբին սրվեց: Դեռ նախորդ դարավերջին ցարիզմը Հայ առաքելական եկեղեցու իրավունքները սահմանափակելու և հայկական կրթական ու լուսավորչական հաստատությունների գործունեությունը լիովին վերահսկելու նպատակով որոշակի քայլեր էր կատարել: 1896 թ. 230 հայկական տարրական դպրոցներ եկեղեցու տնօրինությունից հանձնվել էին լուսավորության նախարարությանը, մայրենիով թույլատրվել էր միայն հայոց լեզվի ու կրոնագիտության ուսուցումը: Իրականում դա նշանակում էր հայկական տարրական դպրոցների վերացում: Հայ եկեղեցուն մնացել էին միայն թեմական դպրոցները:

Կովկասի կառավարչապետ Գ. Գոլիցինը կազմեց Հայ առաքելական եկեղեցու ունեցվածքի բռնագրավման ծրագիր: Ինչպես գիտեք, Հայոց եկեղեցու սեփականության իրավունքները ցարիզմի կողմից հաստատվել էին 1836 թ., և այդ ունեցվածքից ստացվող եկամուտների հաշվին էլ պահվում էին հայկական դպրոցները: Մի քանի անհաջող փորձից հետո Գոլիցինը կարողացավ համոզել Նիկոլայ II կայսրին ընթացք տալ իր կազմած ծրագրին: 1903 թ. հունիսի 12-ին այն հաստատվեց և օրենքի ուժ ստացավ: Հայ առաքելական եկեղեցու կալվածքները, գույքը, ավանդները փոխանցվում էին համապատասխան նախարարությունների տնօրինությանը: Եկեղեցու տնօրինմանն էին թողնվում այն հողերը, որոնց վրա կառուցվելու էին վանքեր ու եկեղեցիներ:

Ռուսական իշխանությունների այդ որոշումը մեծ վրդովմունք առաջացրեց հայության զրեթե բոլոր խավերի մեջ: Մայր աթոռն ու հայ ազգային ուժերը, հասկանալով Ռուսաստանի հետադիմական վարչակարգի ծրագրի ամբողջ վնասակարությունը, կազմակերպեցին ժողովրդի դիմադրությունը: Այդ նպատակով Թիֆլիսում ստեղծվեց «*Ինքնապաշտպանության կենտրոնական կոմիտե*», ուր վճռական դեր էր խաղում Ռուստոմը (Ստեփան Զորյան):

Ամենայն հայոց կաթողիկոս *Մկրտիչ Խրիմյանն* իր շուրջը համախմբեց հոգևորականներին: Նա փորձում էր համոզել կառավարությանը հետ կանգնել այդ քայլից, սակայն իշխանությունները չգիջեցին: Ուստի Մայր աթոռ Ս. Էջմիածինը սկսեց ոգևորել ազգային իրավունքների պաշտպանության համար մղվող շարժումը:

Հայ ժողովրդի պայքարը գնալով համատարած բնույթ ընդունեց: *Առաջին ցույցը* տեղի ունեցավ 1903 թ. *հուլիսի 29-ին Ալեքսանդրապոլում, սպա օգոստոսին՝ Երևանում, Ախալքալաքում, Գանձակում* (այստեղ տեղի ունեցավ առաջին զինված ընդհարումը, եղան գոհեր): Հետագայում հայերի ելույթներ ու կառավարական ուժերի միջև բախումներ եղան Թիֆլիսում, Բաքվում, Լոռիում, Նոր Նախիջևանում և այլուր:

Պայքարի ձևերից մեկն էլ դարձավ ռուսական հայատյաց պաշտոնյաների ահաբեկումը, որն իրականացնում էին ազգային-հեղափոխական կուսակցությունները: 1903 թ. հոկտեմբերին հնչակյանները Գ. Գոլիցինի դեմ մահափորձ կազմակերպեցին. հարձակվելով կառավարչապետի կառքի վրա՝ դաշույնի հարվածներ հասցրին նրան, սակայն վերջինս կենդանի մնաց: Հայերի հանդեպ հալածանքներն ավելի սաստկացան, հարյուրավոր մարդիկ ասորվեցին: Դիմելով վճռական գործողությունների՝ կառավարությանը հաջողվեց ավարտին հասցնել Հայոց եկեղեցու ունեց-



Ի. Վրոնցով-Դաշկով

վածքի բռնագրավման ծրագիրը: Սակայն դա ժամանակավոր հաջողություն էր:

Ցարիզմի հակահայ քաղաքականությունը ոտքի հանեց նաև հայության մյուս հատվածներին: Պոլսահայությունը՝ պատրիարք *Մաղաթիա արքեպիսկոպոս Օրմանյանի* գլխավորությամբ, բուռն գործունեություն ծավալեց արևմտահայերի շրջանում՝ ի պաշտպանություն Մայր աթոռի ավանդական իրավունքների: Իր բողոքն ու համերաշխությունը հայտնեց նաև Եվրոպայի ու Ամերիկայի գաղթավայրերի հայությունը: Եվրոպայի հայ ուսանողների միությունից ստացված հեռագիրն ավարտվում էր այսպիսի կոչով. «*Ցույց տանք աշխարհին, որ երկչոր, անզգա սարուկներ չենք, որ մենք ևս ընդունակ ենք դիմադրելու, երբ ուրնահարվում են մեր անկապրելի իրավունքները*»:

Հայության պայքարը շարունակվեց երկու տարի և ի վերջո պսակվեց հաջողությամբ: Հայերին առելի կառավարչապետը հեռացվեց պաշտոնից: 1905 թ. օգոստոսի 1-ին արդեն բոլորովին այլ քաղաքական իրավիճակում (սկսված ռուսաստանյան

առաջին հեղափոխության ժամանակ) Ռուսաստանի կայսրը չեղյալ հայտարարեց իր իսկ հաստատած հակահայ օրենքը: Այս գործում որոշ դեր ունեցավ նաև Կովկասի վերականգնված փոխարքայության նորանշանակ փոխարքա **Ի. Վորոնցով-Դաշկովը**: Հայ առաքելական եկեղեցուն վերադարձվեցին բռնագրավված հողերը, գույքը, դրամը, իսկ հայկական տարրական դպրոցները նորից հանձնվեցին եկեղեցու տնօրինությանը:

Հայ-թաթարական (ադրբեջանական)

ընդհարումները: Ցարական հետադիմական վարչակարգի հակահայ քաղաքականությունն ավելի վատթար դրսևորում ունեցավ ռուսաստանյան առաջին հեղափոխության տարիներին: Ժողովրդավարական այդ հեղափոխությունն սկսվեց 1905 թ. **հունվարի 9-ին**՝ կայսրության մայրաքաղաք Պետերբուրգում բանվորների խաղաղ ցույցի գնդակոծությամբ: Երկրի առաջադիմական ուժերի գերնպատակն էր տապալել ցարիզմը և երկրում հաստատել ժողովրդավարական կարգեր: Հեղափոխությունն աստիճանաբար ընդգրկեց ամբողջ Ռուսաստանը:

Հեղափոխական շարժման մեջ ներգրավվեցին նաև Արևելյան Հայաստանը և Կովկասի փոխարքայության մնացած տարածքները: Հեղափոխությունն աստիճանաբար հուժկու թափ էր հավաքում: Դա սարսափեցնում էր ցարական միապետությանը, որը երկրի հետագա արդիականացման ու քաղաքակրթական վերելքի գլխավոր խոչընդոտն էր:

Ռուսական միապետ Նիկոլայ II-ը, սակայն, մտադիր չէր հեշտությամբ գիջելու իր իրավունքները: Հեղափոխության ուժերը մասնատելու նպատակով ցարական իշխանությունները գործադրեցին բազմազգ կայսրության ժողովուրդների միջև կրոնական և ազգային թշնամանք հրահրելու հրեշավոր ծրագիրը: Անդրկովկասում այն ուղղվեց հայերի և տեղի թաթարների դեմ:



Նիկոլ Դուման

Ազգամիջյան կոիվը սկիզբ առավ **Բաքվում 1905 թ. փետրվարի 6-ին**: Բաքվի նահանգապետ **Մ. Նակաշիձեի** հրահրմամբ մի քանի օր անընդհատ տեղի ունեցան հայ-թաթարական ընդհարումներ: Իրենց «առաջնորդների» հեղինակությունն անվերապահորեն ընդունող մուսուլմանական հետամնաց խավերը հեշտությամբ էին ենթարկվում հարևան հայերին կոտորելու և նրանց ունեցվածքը թալանելու կոչերին: Խաղաղ հայ բնակչությունը առաջին օրերին անակնկալի եկավ և մեծ թվով զոհեր տվեց: Սակայն հայ բնակչությունը, նշանավոր հայդուկապետ **Նիկոլ Դումանի** գլխավորությամբ կազմակերպվեց և հակառակորդին արժանի հակահարված տվեց:

Ազգամիջյան բախումները տարածվեցին երկրամասի այլ նահանգներ: Փետրվարի 18-ին ընդհարումներ սկսվեցին **Երևանում**, ապա կրկնվեցին մայիսի վերջերին և սեպտեմբերին: Կատաղի ընդհարումներ եղան **Նախիջևանում**, **Գանձակի գավառում** և ընդհանրապես այն վայրերում, ուր հայ և թաթարական բնակչությունը շերտերնվեջ էր բնակվում: **Շուշիի**՝ օգոստոսի կեսերին սկսված կոտորածին արձագանքեց Բա-



Վարդան

քուն, որտեղ ընդհարումներն ուղեկցվում էին հայերին պատկանող նավթահանքերի և նավթագործարանների հորդեհմամբ:

Աշնանը Բաքվում նորից ազգամիջյան բախումներ եղան, ապա Թիֆլիս ու Արևելյան Հայաստանի գավառներ տեղափոխվեց ջարդերի նոր ալիք: Արյունալի ընդհարումները շարունակվեցին մինչև 1906 թ. *սեպտեմբերը*: Այդ ժամանակ ռուսական հեղափոխությունն անկում էր ապրում, և ցարական իշխանությունները որոշեցին, որ երկրամասում դրությունն ապակայունացնելու անհրաժեշտություն այլևս չկա: Ուստիև մոտ երկու տարի տևած հայ-թաթարական կոիվներն ավարտվեցին:

Արևելահայությունը ստեղծված պայմաններում ստիպված էր ապավինել սեփական ուժերին ու կազմակերպվել: Հայ բնակչության ինքնապաշտպանության ղեկավարումն իր ձեռքն էր վերցրել *Հայ հեղափոխական դաշնակցությունը*: Նիկոլ Դումանը Բաքվից հետո ղեկավարեց Երևանի նահանգի, *Վարդանը*՝ Ղարաբաղի, *Արմեն Գարուն*՝ Թիֆլիսի ինքնապաշտպանությունը: Կոիվներում աչքի ընկան *Քեռին*, *Սևաբունցի Սաքուն*, *Համազասպը*, *Դրոն*, *Հա-*

կոբ Կորոյանը, *Սմբարը*, *Մուրադը*, *Սեպուհը*, *Առաքելը* և շատ ուրիշներ: Կովկասի առավել հայատյաց գործիչների նկատմամբ դաշնակցությունը մահապատժի վճիռ կայացրեց: Դրոն Բաքվում սպանեց Մ. Նակաշիձեին: Նման պատժի արժանացան նաև Նախիջևանի հայերի կոտորածի կազմակերպիչ գեներալ Դ. Ալիխանով-Ավարսկին և այլ հակահայ պաշտոնյաներ:

Ինքնապաշտպանության կազմակերպման գործում զգալի ներդրում ունեցավ նաև *Հնչակյան* կուսակցությունը, որի կազմած խմբերը մասնակցեցին Նախիջևանի, Էջմիածնի, Զանգեզուրի և այլ գավառների հայության ինքնապաշտպանությանը: Այսպես՝ Զանգեզուրում էր մարտնչում *Փարամազի* (Մառթեոս Սարգսյան) խումբը: Այս դժոխսյին օրերին իրենց հայրենակիցներին օգնության էին շտապել արևմտահայերը: Արևելահայ և արևմտահայ ազատամարտիկներին մեկտեղել էր ազգային միասնության ու ազգապահպանության վեհ գաղափարը:

Այս ծանր ժամանակաշրջանում իր ժողովրդի կողքին էր և նրան ամեն կերպ աջակցում էր *Հայոց եկեղեցին*՝ *Ամենայն հայոց կաթողիկոս Խրիմյան Հայրիկի* գլխավորությամբ: Այնգարդ վեհափառը Թիֆլիսում քանակեց մուսուլմանների հոգևոր առաջնորդների հետ, սակայն հնարավոր չեղավ դադարեցնել բախումները: Դրանից հետո եկեղեցին սկսեց նաև նյութապես օգնել ինքնապաշտպանության կազմակերպման գործին և դրամ տրամադրեց գեներ ու զինամթերք գնելու նպատակով: Փոխարքայի հետ հանդիպման ժամանակ նա շեշտում է, որ իշխանությունների փաստացի անգործության պայմաններում հայերին այլ ելք չի մնացել, քան գեներ ձեռքին պաշտպանել իրենց կյանքն ու պատիվը:

Ազգամիջյան կոիվներից հետո հայ հասարակական-քաղաքական շրջանակներում սկսեցին արծարծել երկրամասի հայկական բնակավայրերը միավորելու և Ռուսաստանի



Քեօի

կազմում տարածքային ինքնավարություն ստեղծելու գաղափարը: Այս ճանապարհին քայլ կատարեց նաև Հայոց եկեղեցին: Կաթողիկոս Մկրտիչ Խրիմյանի նախաձեռնությամբ հրավիրվեց Ռուսաստանում ապրող հայերի **պարզամավորական Կենտրոնական ժողով**: Կենտրոնական ժողովը բացվեց 1906 թ. **օգոստոսի 17-ին էջմիածնի** ձեմարանի հիվանդանոցի մեծ դահլիճում. մասնակցում էին 46 պատգամավորներ: Ժողովի նախագահ ընտրվեց նշանավոր ազգային գործիչ **Սիմոն Զախարյանը**: Դաշ-

նակցության ավագ սերնդի ներկայացուցիչները, խոսելով ժողովի սահմանադիր փնեկումասին, բնավ չէին բացառում եկեղեցու դերը, այլ գտնում էին, որ այն կաթողիկոսի գլխավորությամբ պետք է դառնա ժողովրդի կամքը իրականացնող գործադիր մարմին: Կովկասյան իշխանության ներկայացուցիչները աշալուրջ հետևում էին ժողովի ընթացքին և, հեղափոխական տրամադրություններ նկատելով պատգամավորների ելույթներում, օգոստոսի 30-ին փակեցին ժողովը: Չնայած դրան՝ Կենտրոնական ժողովը իրավամբ կարելի է համարել հայկական պետականության ստեղծմանը միտված միջոցառում:

Ազգամիջյան բախման ժամանակ արևելահայությունը կրեց նյութական մեծ վնասներ ու մարդկային զգալի կորուստներ, սակայն անուրանալի է այդ կռիվների կարևոր նշանակությունը: Նախ՝ 1905-1906 թթ. հայությունը մարտական լուրջ փորձ ձեռք բերեց: Ավելի գերիշխող դարձավ հայ ժողովրդի երկու հատվածների միասնականության գաղափարը: Բարձրացավ հայերի վստահության աստիճանը. նրանք պատրաստ էին հակահարված տալու իրենց ոչբարյացակամ հարևաններին և պայքարելու սեփական իրավունքների ու գերակա նպատակների համար:

Հարցեր և առաջադրանքներ

1. Տնտեսության ո՞ր ճյուղերը զարգացում ապրեցին Արևելյան Հայաստանում: Ո՞րն էր արևելահայ իրականության գերակա խնդիրը:
2. Ի՞նչ քայլեր ձեռնարկեց Ռուսաստանը Հայոց եկեղեցու իրավունքները սահմանափակելու և կրթալուսավորչական գործունեությունը վերահսկելու նպատակով: Ձեր կարծիքով՝ ո՞րն էր 1903 թ. հունիսի 12-ի օրենքի իրական նպատակը: Ի՞նչ ավարտունեցավ հայության միահամուռ պայքարը:
3. Երբ է սկսվել ռուսաստանյան առաջին հեղափոխությունը. ո՞րն էր դրա նպատակը: Որո՞նք էին Անդրկովկասում ազգամիջյան բախումների պատճառները: Ներկայացրե՞ք հայ-թաթարական ընդհարումների սկիզբը և հետագա ընթացքը: Ովքե՞ր աչքի ընկան ինքնապաշտպանական կռիվներում: Ի՞նչ դիրքորոշում ունեին և ի՞նչ գործունեություն ծավալեց Հայոց եկեղեցին: Ձեր կարծիքով՝ ի՞նչ հետևանքներ ունեցան հայ-թաթարական ընդհարումները:

Ցարական հեղափոխության շրջանը:

Ռուսաստանյան առաջին հեղափոխության կարևորագույն նվաճումներից էր օրենսդիր ընտրովի մարմնի՝ Պետական դումայի ստեղծումը: Այսինքն՝ Ռուսաստանը գնում էր սահմանադրական միապետության հաստատման ուղիով: Սակայն երկրի միապետական-հետադիմական ուժերը այնքան էլ հսկված չէին այդ ընթացքին: 1906 թ. գարնանն ընտրված *Պետական առաջին դուման* ընդդիմադիր կազմ ուներ, և Նիկոլայ II-ը ցրեց այն: 1907 թ. *հունիսի 3-ին* նույն ճակատագրին արժանացավ նաև Պետական երկրորդ դուման: Փաստորեն այդ օրը տեղի ունեցավ պետական հեղաշրջում, որը համարվում է առաջին հեղափոխության ավարտ:

Հեղափոխության պարտությունից հետո զգալիորեն սահմանափակվեց դումայի դերը, երկրում հաստատվեց ոստիկանական խիստ հսկողություն, հալածանքների ենթարկվեցին առաջադիմական և հատկապես հեղափոխական ուժերն ու կուսակցությունները:

Այդ տարիներին ևս արևելահայության ուշադրությունը բևեռված էր արևմտահայերի ազատագրության պայքարին, սակայն Արևելյան Հայաստանում չդադարեցին սոցիալական ու ժողովրդավարական շարժումները:

1907 թ. գործադուլ սկսվեց Երևանի տպարաններում և կազմատներում, Կարսում տեղի ունեցավ զանգվածային ելույթ: Տնտեսական գործադուլներ տեղի ունեցան նաև Ալեքսանդրապոլում: Գյուղացիական հուզումներ բռնկվեցին Էջմիածնի, Երևանի, Նոր Բայազետի գավառներում: Իսկ Զանգեզուրի գյուղացիները 1908 թ. ամռանը զինված ելույթի դիմեցին. նրանք հող էին պահանջում: Միայն ոստիկանական ուժերի օգնությամբ է հաջողվում զսպել գյուղացիներին ու ձերբակալել շարժման ղեկավարներին:

Հետադիմության շրջանում մեծ թափ հավաքեց ռուսական մեծապետական շովինիզմը, ուժեղացավ ոչ ռուս ժողովուրդների ազգային-գաղութային ճնշումը: Ռուսական ծայրահեղ հետադիմական մամուլը հակահայկական հուժկու ալիք քարծրացրեց: Ցարական վարչակարգն իրականացրեց ազգային-քաղաքական գործիչների և հայ մտավորականության հալածանքներ ու բանտարկություններ: Հետադիմության շրջանն իսկական փորձություն էր հայ հեղափոխական կուսակցությունների ու առաջադիմական ուժերի համար:

«Դաշնակցության գործը»: Ուժեղացան ցարական կառավարության հետապնդումներն ու հալածանքները նաև դաշնակցության դեմ: Ռուսաստանում գործող դաշնակցական մարմիններն անցան ընդհատակ, շատ դաշնակցականներ ձերբակալվեցին ու բանտարկվեցին: Կուսակցության գործիչների մի մասը հարկադրված հեռացավ արտասահման: Մեկը մյուսի հետևից փակվեցին կուսակցության թերթերը, հրատարակչությունները, արհմիությունները, արգելվեցին հանրահավաքները:

Հիմնականում կեղծ մեղադրանքների, մատնությունների ու շինծու փաստերի հիման վրա դաշնակցության նկատմամբ 1908 թ. հարուցվեց դատական գործ: Դաշնակցական Միհրանը պահանջում էր կուսակցության ղեկավարությունից զրադվել միայն արևմտահայության հարցով: Միհրանը վտարվեց ՀՅԴ շարքերից: Նրա մատնությամբ մի քանի հարյուր մարդ ձերբակալվեց: Իր այդ քայլի համար Միհրանը սպանվեց:

Հետաքննությունը տարիներ տևեց: ՀՅԴ-ին ներկայացվեցին շինծու մեղադրանքներ: Ծայրահեղ հետադիմական ռուսական մամուլի էջերում շրջանառվում էին

դաշնակցության՝ իբր հակառուսական գործունեության, բռնի ուժի գործադրմամբ գոյություն ունեցող կարգերը տապալելու, Անդրկովկասը Ռուսաստանից անջատելու և այլ ծանր մեղադրանքներ:

Չորս տարում հարցաքննվեց և ձերբակալվեց 2 հազարից ավելի մարդ: 1912 թ. հունվար-մարտ ամիսներին Սանկտ Պետերբուրգում տեղի ունեցավ դատավարություն: Մեղադրվում էր 159 մարդ, այդ թվում՝ ճանաչված գործիչներ և մտավորականներ Ա. Ահարոնյանը, Հ. Օհանջանյանը, Ա. Սահակյանը, Ա. Գյուլխանդանյանը, Հ. Քաջազնունին, Ս. Տիգրանյանը, Հ. Թումանյանը, Ա. Իսահակյանը և ուրիշներ: Մեղադրվում էին նաև մի քանի հայ գործարարներ: Դատավարության ընթացքում բացահայտվեցին հետաքննության կեղծիքները: Այդ գործում իրենց անկողմնակալ մոտեցմամբ օգտակար դեր կատարեցին ռուս առաջադեմ փաստաբաններ Ա.Կերենսկին, Գ. Զարուդնին, Պ. Պերենբերգը և ուրիշներ:

Ի վերջո դատարանը նախատեսված խստագույն պատիժներից ստիպված էր հրաժարվել. 1912 թ. մարտի 19-ին հայտարարված դատավճռով անմեղ ճանաչվեց 94 մարդ: Տաժանակիր աշխատանքի դատապարտվեցին 4 մարդ՝ 4-6 տարի ժամկետով, մնացածներն՝ ավելի կարճ ժամկետներով: Տաժանակիր աշխատանքի դատապարտվածների թվում էր նաև Համո Օհանջանյանը, որը շղթայակապ աքսորվեց Սիբիր: Բժշկի մասնագիտության համար, որի կարիքը մեծ էր աքսորավայրում, նրան ազատեցին:

Ցարական կառավարության պատրաստած մեծ դատավարությունը, որ հայտնի դարձավ «Դաշնակցության գործ» անունով, դասվում է Ռուսաստանում տեղի ունեցած քաղաքական մեծ ու աղմկալի դատավարությունների թվին: Սակայն գործի համեմատաբար «խաղաղ» վերջաբանն ուներ իր պատճառները: Դա Ռուսաստանի ար-

տաքին քաղաքականության աշխուժացումն էր Բալկանյան երկրներում: Ռուսական կառավարությունը, հետամուտ լինելով իր նվաճողական ծրագրերին, մեղմեց վերաբերմունքը ՀՅԴ-ի հանդեպ և ստանձնեց Հայկական հարցի հովանավորությունը:

Ժողովրդավարական շարժման վերելքը աշխարհամարտի նախօրեին: Ռուսաստանի տնտեսությունը 1909-1910 թթ. նկատելի աշխուժություն ապրեց ու բռնեց վերելքի ուղին, որը շարունակվեց մինչև Առաջին աշխարհամարտի սկիզբը: Առանձնապես արագ զարգացավ երկրի ծանր արդյունաբերությունը, առաջադիմեց նաև գյուղատնտեսությունը, զարգացան շուկայական հարաբերությունները: Ռուսաստանը հաստատուն քայլերով դառնում էր արդյունաբերական երկիր: Տնտեսական աճն ակնբախ էր նաև ազգային երկրամասերում: Չնայած գաղութային իրավիճակին՝ Անդրկովկասում, այդ թվում նաև Արևելյան Հայաստանում նույնպես առաջընթաց արձանագրվեց:

Հայաստանում հեղափոխական շարժման վերելքը նշանավորվում է բանվորական և գյուղացիական մի շարք ելույթներով: 1910 թ. ամռանը գործադուլ են հայտարարում Ալավերդու պղնձաձուլական գործարանի մոտ 200 բանվորներ, նաև Երևան ու Ուլուխանլու (այժմ՝ Մախիս) կայարանների երկաթուղայինները: Հաջորդ տարի գործադուլ է բռնկվում Կողբի աղահանքերում: Բանվորների գործադուլներն առավելապես տնտեսական բնույթ ունեին: Հեռավոր Սիբիրում 1912 թ. ապրիլին Լենայի ոսկու հանքերի բանվորների գնդակոծումն ալեկոծեց ամբողջ Ռուսաստանը: Ի պաշտպանություն նրանց՝ երկրով մեկ ծավալվեցին քաղաքական գործադուլներ ու ցույցեր: Արևելյան Հայաստանում ևս տեղի ունեցան բողոքի ցույցեր, կազմակերպվեցին հանրահավաքներ Ալեքսանդրապոլում, Կարսում, Ալավերդում և այլ վայրերում:

Սակայն ի տարբերություն Ռուսաստանի կենտրոնի՝ Արևելյան Հայաստանում 1910–1914 թթ. տեղի ունեցած ժողովրդավարական շարժումները ցարական վարչակարգը կարողանում էր հեշտությամբ ճնշել:

Սկսված համաշխարհային պատերազմի պատճառով Ռուսաստանի ժողովրդավարացման համար մղվող պայքարը մի պահ դադար առավ:

Հարցեր և առաջադրանքներ

1. Երբ է ավարտվել ռուսաստանյան առաջին հեղափոխությունը: Ներկայացրե՞ք սոցիալական և ժողովրդավարական շարժումների ընթացքն ու հետևանքներն Արևելյան Հայաստանում:
2. Ի՞նչ քաղաքականություն էր վարում ցարիզմը ՀՅԴ-ի նկատմամբ: Ներկայացրե՞ք «Դաշնակցության գործի» էությունը, սկիզբն ու հետագա ընթացքը: Ի՞նչն հետագայում ցարիզմը փոխեց ՀՅԴ-ի նկատմամբ իր վերաբերմունքը:
3. Ի՞նչ փոփոխություններ կրեց Ռուսաստանի տնտեսությունը 1909–1910 թթ.: Ի՞նչ դրսևորումներ ունեցավ գործադուլային շարժումը Հայաստանում. ի՞նչ քնույթ ունեին դրանք:

§ 3. ԱՋԱՏԱԳՐԱԿԱՆ ՊԱՅԺԱՐԸ ԱՐԵՎՄՏՅԱՆ ՀԱՅԱՍՏԱՆՈՒՄ XX ԴԱՐԻ ՍԿԶԲԻՆ

Արևմտահայերի վիճակը: XX դարակզրին արդուկամիդյան վարչակարգը չդադարեցրեց իր հայահալած քաղաքականությունը: Օգտվելով մեծ տերությունների միջև եղած հակասություններից՝ Օսմանյան կայսրությունը հայկական նահանգներում, ըստ ստանձնած պարտավորությունների, բարենորոգումներ անցկացնելու փոխարեն ավելի սաստկացրեց իր ճնշումներն արևմտահայության նկատմամբ:


Իսկական չարիք էր հայկական հողերի վրա Կովկասից և Բալկաններից եկած մահմեդականների բնակեցումը, որ սկիզբ էր առել դեռևս 1877–1878 թթ. ռուս-թուրքական պատերազմից առաջ և հետևողականորեն շարունակվում էր: Վերաբնակեցված մահմեդականներից բացի, հայ գյուղացիության հողերը բռնազավթում էին թուրք և քուրդ ավատատերերը:

Հայերը նախկինի պես չունեին անձի և գույքի ապահովություն, զենք կրելու իրավունք: Հայդուկներ որոնելու պատրվակով ցանկացած հայկական գյուղ կարող էին

մտնել թուրքական զորքեր, քրդեր ու ոստիկաններ: Դրան հետևում էին ձերբակալությունները, կողոպուտն ու գազանությունները: Կառավարությունը հայկական գյուղերում տեղակայում էր զորքեր, որոնք, ապրելով հայերի հաշվին, պատուհաս էին դառնում նրանց համար:

Շարունակվող հայ ազգային-ազատագրական պայքարը որդեգրեց *նոր մարտավարություն*: 1898 թ. Թիֆլիսում գումարված երկրորդ ընդհանուր ժողովի որոշմամբ՝ ՀՅԴ-ն անցավ ընդհանուր ապստամբության համար Երկրի (Արևմտյան Հայաստան) ուժերի կազմակերպմանը: Արևմտյան Հայաստանում մարտական ուժերի և ռազմամթերքի կենտրոնացման վայրեր էին ընտրվել Վասպուրականն ու Սասունը:

Նման մարտավարություն ընդունեց նաև Հնչակյան կուսակցությունը: Հնչակյանները հանգանակված դրամով գնում էին զենք ու զինամթերք, ստեղծում զինված խմբեր և նախապատրաստվում համընդհանուր ապստամբության, որի կենտրոնը, ըստ նրանց



Ս. Առաքելոց վանք

ծրագրի, դառնալու էր Կիլիկիան: Այն դիտվում էր նաև որպես հայոց նոր պետականության վերականգնման օջախ: Դա բացատրվում էր Կիլիկիայի աշխարհագրական դիրքով, հատկապես Եվրոպայի հետ ունեցած ծովային կապով:

Այսպիսով՝ հայոց ազատամարտի առաջին պլան մղվեցին ժողովրդին կազմակերպելու, զինելու և նրան ընդհանուր ապստամբության նախապատրաստելու խնդիրը: Հին՝ ֆիդայական եղանակներով այդ խնդրի իրականացումը հնարավոր չէր: Անհրաժեշտ էր Արևելյան Հայաստանից ու այլ վայրերից զենքի ու զինամթերքի փոխադրության նոր ուղիներ ու ձևեր գտնել: 1900 թ. սկսած՝ զենքի փոխադրումն իրականացվում էր երեք հիմնական ուղղություններով՝ Ատրպատականից դեպի Վասպուրական, Կարս-Բասեն-Խնուս և Երևան-Ալաշկերտ-Խլաթ-Սասուն ուղիներով:

Ս. Առաքելոց վանքի կոիվը: Թուրքական կառավարությունը որոշել էր իսպառ վերացնել հայ ազատագրական պայքարը: Ստեղծվել էր ընդհանուր հուսահատական վիճակ:

Նման պայմաններում ազատագրական շարժման մեջ խիստ դժվարանում էր հին՝ հայդուկային պայքարի մարտավարության հաղթահարումը և դրանից փոփյն հրաժա-

րումը: Ընդհանուր ապստամբության կազմակերպման կողմնակիցները՝ **Հրայրը** (Սասուն-Տարոնում), **Վարդգեսը** (Վասպուրականում) և նրանց համախոհներն անդուլ աշխատանք էին տանում ժողովրդին վճռական ելույթի պատրաստելու համար: Իսկ հայդուկային պայքարի մարտավարության կողմնակիցներ **Անդրանիկը**, **Գևորգ Չավուշն** ու նրանց համախոհները փորձում էին պարտիզանական ու վրեժխնդրական ձեռնարկներով կանխել բռնությունները, ոգևորել ժողովրդին և նրան դուրս բերել հուսահատական վիճակից:

Այս իրադրությունում հայդուկային պայքարը որոշակի վերելք ապրեց: Ժողովրդի հոգեբանական վիճակն աստիճանաբար փոխվում էր: Կարևոր նշանակություն ունեցավ Աղբյուր Սերոբին սպանած բուրդ ցեղապետ Բշարե Խալիլի ահաբեկումը, որը բարձրացրեց Անդրանիկի և մյուս հայդուկների հեղինակությունը: Սակայն հայդուկային պայքարի ամենանշանավոր դրվագը **Ս. Առաքելոց** վանքի կոիվն էր:

Տարոնի ժողովուրդը, հավաքվելով Մշո առաջնորդարանի մոտ, պահանջում էր տիրող ծանր իրավիճակից որևէ ելք գտնել: Նշանավոր հայդուկ **Հակոբ Կուրոյանը** առաջ է քաշում զինված խմբով Առաքելոց վանք մտնելու և ինքնապաշարման դիմելու

գաղափարը: 1901 թ. *Նոյեմբերի 3-ին* Անդրանիկը 37 հայդուկների և 20 զինված գյուղացիների հետ մտնում է Մուշից հարավ-արևելք ընկած Ս. Առաքելոց վանք և այն վերածում ինքնապաշտպանական ամրոցի: Երեք օր անց սկսվում է կռիվը: Ինքնապաշտպանության օրերին վանքում գտնվողների թիվը հայդուկների հետ միասին հասնում է 140-ի:

Բիթլիսի նահանգապետը, որ ստանձնել էր թուրքական ուժերի հրամանատարությունը, բանակցություններ է սկսում հայդուկների պահանջներն իմանալու համար: Անդրանիկը, Գևորգ Չավուշն ու Հակոբ Կոտոյանը պահանջում են հետևյալը. ներում չնորհել քաղաքական բանտարկյալներին, զինաթափել ու պատժել հայկական գյուղերն ավերող քրդական զինված ավազակախմբերին, հայերին վերադարձնել նրանցից զավթված հողերը, վերացնել հայերից տուրք գանձելու քուրդ ցեղապետերի իրավունքը և այլն: Այս պահանջներից մասամբ բավարարվում է միայն առաջինը:

Կատաղի մարտերը վերսկսվում են: Պաշարվածների զինամթերքը սպառվում էր: Նոյեմբերի 27-ի գիշերը հայդուկները տեղացած ձյան պայմաններում, սպիտակ սավաններով փաթաթված, աննկատ հեռանում են վանքից:

Ս. Առաքելոց վանքի հերոսական կռիվը մեծ տպավորություն գործեց Տարոնի ու Սասունի հայության վրա, միաժամանակ արձագանք գտավ արտասահմանում: Հայդուկներն այդ միջոցով փորձեցին գրավել անգլիական ու ռուսական հյուպատոսների ուշադրությունը, որպեսզի նրանք հետամուտ լինեն հայկական բարենորոգումների իրագործմանը: Ոչ պակաս կարևոր էր այն վստահության ամրապնդումը, որ հայդուկները ժողովրդի շահերի անձնագոհ պաշտպաններն են:

Սասունի 1904 թ. ինքնապաշտպանությունը: Ս. Առաքելոց վանքի կռիվից հետո հայդուկային ելույթները գրեթե դադարեցին, և

շուրջ երկու տարի Արևմտյան Հայաստանում, հատկապես Սասունում և Վասպուրականում կազմակերպչական եռանդուն գործունեություն ծավալեցին *Հրայրը, Վահանը, Վարդգեսը*: Ընդհանուր ապստամբությունը նախատեսված էր սկսել 1905 թ. ամռանը: Այն պետք է ընդգրկեր Տարոնը, Բիթլիսը, Վասպուրականը և Կարինի որոշ շրջաններ:

Դա աննկատ չմնաց սուլթանական կառավարության հսկողությունից, որը 1902 թ. սկսեց ուժեր կենտրոնացնել Սասունի մատույցներում: Կովկասահայության շրջանում ծավալվում է Սասունին օգնելու շարժում: Այդ նպատակով վերադարձ է կատարվում զինված արշավախմբերի կազմակերպման գործելակերպին: Առաջինը *Թորգոմի «Մրրիկ»* ձիավոր խումբն էր, որը, դուրս գալով Կարսից և հաղթահարելով մեծ դժվարություններ, 1903 թ. ամռան սկզբներին անվնաս հասավ Սասուն՝ խիստ բարձրացնելով ժողովրդի տրամադրությունը: Սակայն մեկ տասնյակից ավելի հայդուկային խմբերից միայն այս մեկին էր հաջողվել հասնել Սասուն:

Ընդհանուր ապստամբության նախապատրաստումն իր ավարտին չհասավ: Թուրքական իշխանությունների նախահարձակ լինելու պայմաններում նախատեսված ապստամբության փոխարեն հայերը դիմեցին ինքնապաշտպանության: 1903 թ. աշնանը Սասունի հայտնի *Գեղինգուզան* գյուղում ստեղծվում է ինքնապաշտպանության ղեկավար մարմին՝ *Անդրանիկի* գլխավորությամբ:

1904 թ. հունվարին թուրքական զորքերը գրավում են Սասունի ճանապարհները՝ կտրելով այն Մուշից: Գարնան սկզբներին թուրքական 10-հազարանոց զորքն սկսեց իր առաջխաղացումը: Բացի կանոնավոր զորքերից, Սասունի դեմ դուրս բերվեցին նաև մի քանի հազար զինված քրդեր: Նրանց դիմագրավում էին միայն 200 փորձված հայդուկներ և շուրջ 1000 զինված սասունցիներ:

Ապրիլի 1-ին թշնամին հարձակվում է հարավային կողմից, որի պաշտպանությունը հանձնված էր **Գ. Չավուշին**: Թուրքերը երկու ուղղությամբ հարձակում են սկսում նաև հյուսիսային կողմից: Այդ ճակատի հրամանատարը **Հրայրն** էր: Թուրքական հեծելազորը, հանդիպելով հայերի համառ դիմադրությանը, ստիպված նահանջում է:

Թուրքական հրամանատարությունն առաջարկում է գեներ վայր դնել: Անդրանիկն ու Հրայրը պատասխանում են, որ գեներ վայր կդնեն 1895 թ. մայիսյան բարենորոգումների ծրագրի իրականացման դեպքում: Թշնամին վերսկսում է հարձակումը: Ապրիլի 13-ի կատաղի կռիվներում զոհվում է **Հրայրը**: Նրա մարմինը ընկերները հողին են հանձնում Գեղիեզուզանում՝ Աղբյուր Սերոբի կողքին: Անդրանիկի, Գևորգ Չավուշի և Սեբաստացի Մուրադի մարտիկների անձնուրաց գրոհները, սակայն, ստիպում են թշնամուն, մեծ կորուստներ տալով, դարձյալ նահանջել: **Գեղիեզուզան** գյուղի մոտ սկսվում է մեծ կռիվ: Ապրիլի 20-22-ը թշնամին, շարունակելով գրոհել, մեծ զոհերի գնով միայն կարողանում է գրավել հայկական դիրքերը: Հետո ընկավ նաև **Տալոռիկը**, սակայն դրանից հետո էլ կռիվները շարունակվում են մինչև մայիսի կեսերը:

Ապստամբության ղեկավարների համար պարզ էր, որ հնարավոր չէ երկար դիմադրել՝ բավարար գեներ ու զինամթերք չունենալու պատճառով: Սեբաստացի Մուրադը, 115 զինյալներով, Սասունի անգնն քնակչությանը և վիրավորներին իջեցնում է Մշո դաշտ և տեղավորում հայկական գյուղերում: Նրան հանձնարարվել էր նաև զինամթերք ձեռք բերել՝ պայքարը շարունակելու համար:


Թշնամին հաշվեհարդար է տեսնում Սասունում մնացած խաղաղ քնակչության նկատմամբ: Պահը հարմար գտնելով՝ սուլթանը ցանկանում էր տեղի հայությանը վերաբնակեցնել Մշո դաշտում, բայց ի վերջո տեղի տալով սասունցիների սպառնալիք-

ներին ու մեծ տերությունների հյուպատոսների միջամտություններին՝ հրաժարվում է այդ քայլից:

Սասունի անկումով, սակայն, պայքարը չդադարեց: Կռիվների ասպարեզ դարձավ նաև **Մշո դաշտը**: 1904 թ. **մայիս-հուլիս** ամիսներին, պարտիզանական մարտավարությանն ապավինելով, հայդուկները բազմաթիվ կռիվներ մղեցին թուրքական կանոնավոր ու անկանոն զորամասերի դեմ: Նրանց գործողությունները հատկապես ակտիվացան հուլիսին, երբ Վասպուրականից զինամթերքի զգալի պաշարով Սեբաստացի Մուրադը վերադարձավ: Սակայն հերոսական նոր մաքառումներն այլևս չկարողացան բեկում մտցնել դեպքերի աննպաստ զարգացման մեջ:

Ազատագրական պայքարի ղեկավարները, Մշո դաշտի հայությանը չփտանգելու մտահոգությամբ, վերջ տվեցին պարտիզանական գործողություններին և հայդուկներին հանեցին Տարոնից: Վասպուրականի ազատագրական պայքարի ղեկավարներ **Վահան Փափագյանի** (Կոմս) և **Իշխանի** (Նիկողայոս Պողոսյան) հետ խորհրդակցելուց հետո որոշվում է հայդուկներին դուրս բերել Երկրից: Հայդուկների մի մասը հաստատվեց Պարսկաստանում: Մյուսները գնացին Արևելյան Հայաստան ու Կովկասի փոխարքայության այլ շրջաններ, ուր, ինչպես գիտեք, հայ-թաթարական կռիվների ժամանակ նրանք կարևորագույն դեր խաղացին: Որոշվեց նաև կազմակերպական աշխատանքները շարունակելու նպատակով Գևորգ Չավուշին մի փոքր խմբով հետ ուղարկել Մուշ և Սասուն:

Սասունի 1904 թ. հերոսական ինքնապաշտպանությունն ավարտվեց պարտությամբ: Այն ցույց տվեց, որ մասնակի ընդհարումներով հնարավոր չէ լուծել արևմտահայության ազատագրման խնդիրը: Այդ ժամանակ ընդհանուր ելույթի համար դեռ պատրաստ չէր նաև Երկրում ուժերի ու



Սուլուխի կամուրջը
Արածանի գետի վրա

ռազմամթերքի կենտրոնացման երկրորդ շրջանը՝ Վասպուրականը:

Պայքարի շարունակումը 1905-1907 թվականներին: Հայ ազատագրական պայքարը բուն Երկրում կրկին նահանջեց՝ վերադառնալով ժողովրդի կազմակերպման և ապագա զանգվածային ելույթների համար ուժերի ու միջոցների կենտրոնացման մարտավարությանը:

Մինչ Արևմտյան Հայաստանում տարվում էր ուժերի կենտրոնացման աշխատանք, Կ. Պոլսում նախապատրաստվում էր մահափորձ արյունոտ սուլթան Աբդուլ Համիդի դեմ: Այն նախաձեռնել էր դաշնակցությունը: **Քրիստափոր Միքայելյանը** գլխավորեց այդ նպատակով ստեղծված խումբը: Սուլթանի ահաբեկումը և դրան հաջորդող գործողություններն Իգմիրում, ըստ ծրագրի, խառնաշփոթ վիճակ պետք է ստեղծեին Օսմանյան կայսրությունում և հանգեցնեին միջազգային միջամտության, որը կապահովեր նաև Հայկական հարցի դրական ընթացք: Սակայն Քրիստափորին վիճակված չէր անձամբ իրականացնել իր մտահղացումը. 1905 թ. մարտի 17-ին նա նահատակվեց Վիտոշ լեռան լանջերին՝ Սոֆիայի մոտ, նռնակներ փորձարկելիս: Այնուամենայնիվ, 1905 թ.

հուլիսի 21-ին մահափորձն իրականացվեց: Սակայն սուլթանը հրաշքով կենդանի մնաց. մզկիթից դուրս գալուց հետո նա մի պահ զրույցի էր բռնվել, և դա էլ փրկեց նրա կյանքը: Չնայած միջազգային մեծ արձագանքներին՝ ձեռնարկումն իր վերջնական նպատակին չհասավ:

1905 թ. հետո դաշնակցությունը վերջնականապես կողմնորոշվեց դեպի ընդհանուր ապստամբության կազմակերպումը: Սակայն Տարոնում և Սասունում էր Գ. Չավուշը, որը նոր քաղաքական ուղեգծի որդեգրման պայմաններում հայտնվել էր բարդ կացության մեջ: Հայդուկային պայքարը՝ որպես ազատության հասնելու միջոց, իրեն արդեն սպառել էր: Որոշվում է Գ. Չավուշին նույնպես ուղարկել Այսրկովկաս: Սակայն 1907 թ. **մայիսի 27-ին Սուլուխ** գյուղի մոտ տեղի ունեցած կռվում Գ. Չավուշը մահացու վիրավորվում է և զոհվում:

Այս ժամանակաշրջանում Վանում գտնվող **Արամ Մանուկյանը և Իշխանը** նախապատրաստվում էին գալիք իրադարձություններին: Սակայն թուրքական իշխանություններին հաջողվում է 1908 թ. մատնությամբ բռնագրավել Վանի գաղտնի պահեստների գնեքերի մի մասը, ձերբակալել Ա. Մանուկյանին:

Այսպիսով՝ XX դարասկզբին տեղի ունեցան հայդուկային պայքարի առանձին հե-

րոսական դրվագներ: Ազգային-ազատագրական պայքարը շարունակվում էր:

Հարցեր և առաջադրանքներ

1. XX դարասկզբին արևմտահայության հանդեպ ինչ քաղաքականություն էր վարում սուլթանական վարչակարգը: Ինչ մարտավարություն որդեգրեց հայ ազգային-ազատագրական շարժումը:
2. Ովքեր և ինչ աշխատանքներ էին տանում Տարոն-Սասունում և Վասպուրականում: Ներկայացրեք Մշո Ս. Առաքելոց վանքի կռվի սկիզբն ու ընթացքը. ինչ հետևանքներ այն ունեցավ:
3. Ե՞րբ էր նախատեսված սկսել ընդհանուր ապստամբությունը: Ինչո՞ւ նախատեսված ընդհանուր ապստամբությունը փոխարինվեց ինքնապաշտպանությամբ: Ներկայացրեք Սասունի ինքնապաշտպանության ընթացքը: Ձեր կարծիքով՝ ինչո՞ւ Սասունի ինքնապաշտպանությունն ավարտվեց պարտությամբ:
4. Ի՞նչ մարտավարությամբ էր ընթանում պայքարը 1904-1905 թթ.: Ի՞նչ էր նախաձեռնել ՀՅԴ-ն: Ի՞նչ գիտեք Ք. Միքայելյանի մասին: Ե՞րբ իրականացվեց ու ինչ ավարտ ունեցավ սուլթանի դեմ մահափորձը: Ի՞նչ փոփոխություն կրեց ՀՅԴ-ի մարտավարությունը 1905 թ. հետո:

§ 4. ԵՐԻՏԹՈՒՐՔԵՐԻ ՀԵՂԱՇՐՋՈՒՄԸ ԵՎ ԱՐԵՎՄՏԱՀԱՅՈՒԹՅՈՒՆԸ

Երիտթուրքերի հեղաշրջումը: XX դ. սկզբին աստիճանաբար ուժեղանում էր ինչպես կայսրության ժողովուրդների, այնպես էլ եվրոպական ազատական հայացքներ ունեցող թուրքական ընդդիմադիր ուժերի հակասուլթանական պայքարը: Հակահամիդյան շարժման մեջ ազդեցիկ դիրք ուներ երիտթուրքերի «*Միություն և առաջադիմություն*» կազմակերպությունը: Այն քաղաքական պայքարի ասպարեզ էր մտել 1890-ական թթ.՝ միդհատյան (1876 թ.) սահմանադրության վերականգնման և ազատության կարգախոսներով:

ՀՅԴ-ն, հարաբերություններ հաստատելով երիտթուրքերի հետ, անհրաժեշտ էր համարում սուլթանական բռնակալության դեմ պայքարում համագործակցել Օսմանյան կայսրությունում գործող հեղափոխական այլ ուժերի հետ: Դաշնակցությունն իր նոր ծրագրում (1907 թ.) ավելի ընդգծեց կուսակցության սոցիալիստական (ընկերավարական) գաղափարախոսությունը, իսկ ազ-

գային-քաղաքական պահանջների տեսակետից առաջադրեց Արևմտյան Հայաստանում (հայկական վեց վիլայեթներում) լայն ինքնավարության պահանջը:

1907 թ. **դեկտեմբերին Փարիզում** տեղի ունեցավ Օսմանյան կայսրության ընդդիմադիր ուժերի՝ երկրորդ համաժողովը: Նրանք առաջ քաշեցին Արդուլ Համիդի գահընկեցության, տերությունում գործող վարչակարգի արմատական փոփոխության և խորհրդարանի հաստատման պահանջները: Որոշվեց մինչև 1909 թ. զինված ապստամբության միջոցով տապալել համիդյան բռնատիրությունը և հաստատել սահմանադրական կարգեր: Այսպիսով՝ հայ ազատագրական ուժերը Արդուլ Համիդին ընդդիմադիր ուժերի հետ համատեղ պայքարի մեջ էին մտել իշխող վարչակարգը տապալելու և կայսրությունում սահմանադրական կարգեր հաստատելու համար:

Սակայն հեղաշրջումը կատարվեց ծրագրված ժամկետից շուտ: Մակեդոնիայի հար-

ցի սրման կապակցությամբ արդեն 1908 թ. **հուլիսին րեղի ունեցավ պեղական հեղաշրջում**: Շարժման կենտրոնը դարձավ Սալոնիկը, իսկ շարժիչ ուժը՝ թուրքական բանակը: Հուլիսի 23-ին երիտթուրք սպաները, գորթի գլուխն անցած, Մակեդոնիայից շարժվեցին Կ. Պոլիս՝ սուլթանից պահանջելով վերականգնել 1876 թ. չգործադրված սահմանադրությունը: Ահաբեկված սուլթանը հաջորդ օրը հրապարակեց հրամանագիր միդիադանի սահմանադրության վերականգնման մասին: Երկիրը **հռչակվեց սահմանադրական միապետություն**:

Հայերի ոչնչացման ծրագրի շարունակումը: Օսմանյան կայսրության հպատակ ժողովուրդները մեծ հույսեր էին կապել այս հեղաշրջման հետ: Մեծ էր ոգևորությունը նաև հայկական միջավայրում:

Աշխուժացավ հայ գրական շարժումը, առաջադիմեց կրթամշակութային կյանքը: Տարագիր և վտարանդի բազմաթիվ հայեր Այսրկովկասից ու այլ վայրերից վերադարձան Արևմտահայաստան: 1909 թ. սկզբներին արտասահմանից միայն Տարոն վերադարձավ 5 հազար մարդ: Հայերը նույնպես ճանաչվեցին օսմանյան տերության «իրավահավասար» քաղաքացիներ:

Շատ կարճ տևեց սահմանադրական կարգերի հռչակման հետ կապված ոգևորությունը: Սկզբում երիտթուրք առաջնորդները հմտորեն թաքցնում էին իրենց ազգայնամոլ էությունը՝ ներկայանալով որպես Օսմանյան կայսրությունում ապրող բոլոր ժողովուրդների իրավունքների պաշտպան: Ֆրանսիական հեղափոխությունից ընդօրինակված «**ազալություն, հավասարություն, եղբայրություն**» կարգախոսներն այդպես էլ մնացին թղթի վրա: Շուտով հայերին ու մյուս ազգերին համակեց լիակատար հիասթափությունը:

1908 թ. հեղաշրջումը չարդարացրեց հայ քաղաքական կուսակցությունների և գործիչների հույսերը: ՀՅԴ-ի շարքերում կային գոր-

ծիչներ՝ Ռուստոմը, Արամը, Իշխանը, Վռամյանը (Օ. Դերձակյան), Վ. Փափագյանը, ինչպես նաև Անդրանիկը և փորձառու շատ ֆիդայիներ, ովքեր վերապահ էին երիտթուրքական «հեղափոխության» նկատմամբ:

Իրականությունն այն է, որ երիտթուրքները ոչ միայն սահմանադրական քիչ թե շատ էական բարեփոխումներ չիրագործեցին, այլև ավելի վատթար կերպով շարունակեցին սուլթան Աբդուլ Համիդի որդեգրած հակահայ քաղաքականությունը:

Դրա առաջին ցայտուն քայլը կատարվեց երիտթուրքերի՝ իշխանության գալուց դեռ մեկ տարի չանցած: 1909 թ. **ապրիլին** կենտրոնի ու տեղական իշխանությունների թողտվությամբ **Ադանայի նահանգում** տեղի ունեցավ հայերի կոտորած: Սպանվեց 30 հազար հայ: Կիլիկիայի դեպքերը ցույց տվեցին, որ երիտթուրքերը որդեգրել են հայերի բնաջնջման արդուլիամիդյան պետական ծրագիրը:

Պակությունիզմը՝ պեղական քաղաքականություն: Հեղաշրջումից հետո՝ սկզբնական շրջանում, հայ ազատագրական ուժերը փոխել էին իրենց մարտավարությունը: Գնալով զիջումների՝ հայ քաղաքական կուսակցությունները ճանաչեցին օսմանյան Թուրքիայի տարածքային ամբողջականությունը՝ համապատասխան փոփոխություններ մտցնելով իրենց ծրագրերում: Դադարեցվեց ընդհատակյա գործունեությունը, ցրվեցին հայդուկային խմբերը: Օրակարգից հանվեց արևմտահայությանը ընդհանուր զինված ապստամբության նախապատրաստելու հարցը: Թվում էր՝ ստեղծվել է պատմական հնարավորություն՝ հաշտեցնելու երկու ժողովուրդներին և առանց արտաքին ուժերի միջամտության համատեղ որոնելու Արևմտյան Հայաստանի կարգավիճակի վերաբերյալ փոխադարձ ընդունելի տարբերակ:

Սակայն կյանքը ցույց տվեց, որ իշխանությանը տիրացած երիտթուրքերը պատրաստ չեն նման երկխոսության: XIX դ. կե-

սերից Օսմանյան կայսրության կառավարող շրջանների գլխավոր մտահոգությունը պետության փլուզման կասեցումն էր, կայսրության ամբողջականության պահպանումը: Այդ նպատակով կյանքի կոչվեցին բազմաթիվ հետադիմական գաղափարախոսություններ՝ օսմանիզմը, պանիսլամիզմը, ապա թուրքիզմը և պանթուրքիզմը:

Երիտթուրքական կուսակցության ու վարչակարգի ներքին և արտաքին քաղաքականության առանցքը դարձավ պանթուրքիզմը: Երիտթուրքերի ազգայնամոլական գաղափարախոսության գերնպատակն էր համախմբել թուրքալեզու բոլոր ժողովուրդներին մեկ միասնական թուրքական պետության՝ Մեծ Թուրանի մեջ: Ըստ էության՝ ստեղծվելու էր թուրքալեզու արևելյան կայսրություն, որն ընդգրկելու էր Բոսֆորից մինչև Չինաստան և Սառուցյալ օվկիանոս ընկած տարածքը:

Ընդունելով պանթուրքիզմի գաղափարախոսությունը՝ երիտթուրքերը գնացին ազգային հիմնախնդիրները, առաջին հերթին Հայկական հարցը ամենավայրագ ու բարբարոսական եղանակներով լուծելու ձևապարհով:

Հայ ազգային կուսակցությունների դիրքորոշումը: Երիտթուրքական հեղաշրջումը և դրան հաջորդած ժամանակաշրջանը իսկական փորձություն էր հայ ազգային-քաղաքական ուժերի համար: Իրադարձությունների զարգացմանը համընթաց փոխվում էին նրանց ծրագրերն ու մարտավարությունը: Քաղաքական ասպարեզ մտան նաև ազգային նոր կազմակերպություններ: Դրանցից էր 1908 թ. *հոկտեմբերի* վերջին Եգիպտոսի *Ալեքսանդրիա* քաղաքում ստեղծված *Հայ սահմանադրական ռամկավար կուսակցությունը*: Ռամկավար կուսակցությունն իր ծրագրում նշում էր, որ հեղափոխական կուսակցությունների գոյության անհրաժեշտություն այլևս չկա: Ռամկավարները գործում էին

գլխավորապես Վան-Վասպուրականում, որտեղ գրեթե բոլոր արմենականներն անդամագրվեցին այդ կուսակցությանը:

1908-1914 թթ. համարվում են հայ քաղաքական կուսակցությունների, մասնավորապես *Հայ հեղափոխական դաշնակցության* պատմության բարդ ու հակասական ժամանակաշրջաններից մեկը: Դաշնակցության գործունեությունն այդ ժամանակահատվածում մարտավարական տեսակետից կարելի է բաժանել երկու փուլի՝ 1908-1911 թթ. և 1912-1914 թթ.: Առաջին փուլում ՀՅԴ-ն համագործակցեց երիտթուրքերի կուսակցության ու թուրքական կառավարության հետ: Հրաժարվելով դրսի միջամտությունից՝ Հայկական հարցի լուծումը նա փորձեց կապել սահմանադրական միապետության ժողովրդավարացման հետ՝ որպես երկրի ներքին խնդիր: ՀՅԴ-ն իր քաղաքական մասնակցությունն էր բերել երիտթուրքերի հաղթանակին և սահմանադրության շրջանակներում օրինականորեն գործելու հնարավորություն ստացավ: Բանտերից ազատվեցին բոլոր քաղաքատարկյալները: 1908 թ. հոկտեմբերին բացվեց երկրի խորհրդարանը (մեջլիսը), որտեղ հայերը զբաղեցրին պատգամավորական 10 տեղ (230 տեղից):

Երկրորդ փուլում, երբ բացահայտվեց նոր իշխանության իրական դեմքը, ՀՅԴ-ն դադարեցրեց համագործակցությունը երիտթուրքերի հետ: Փաստելով արևմտահայության կացության աստիճանական վատթարացումը և կարևորելով ինքնապաշտպանության ուժեղացման անհրաժեշտությունը՝ ՀՅԴ-ի ղեկավարությունը հանձնարարեց մարմիններին և խորհրդարանի հայ պատգամավորներին բոլոր օրինական միջոցներով պայքարել կառավարության հակահայ քաղաքականության դեմ: Հայկական հարցի լուծումը դաշնակցությունը նորից կապեց մեծ տերությունների, առաջին հերթին՝ Ռուսաստանի աջակցության հետ: Սակայն

ՀՅԴ-ն, պայքարի նախորդ շրջանի փորձից ելնելով, առանձնապես մեծ հույսեր չէր կապում արտաքին ուժերի, օտար միջամտության հետ: Կուսակցության կառույցներն առանձին վայրերում ինքնապաշտպանության նպատակով ստեղծում էին ռազմամթերքի պահեստներ, զինավարժեցնում երիտասարդությանը, արտասահմանից գնեք ու զինամթերք էին գնում և գաղտնի տեղափոխում Արևմտյան Հայաստան:

1912 թ. մայիսին ՀՅԴ-ն պաշտոնապես հայտարարեց, որ խզում է իր բոլոր հարաբերությունները երիտթուրքերի հետ: Ի հակազդեցություն խզման՝ երիտթուրքերը, սկսեցին հայերին պաշտոնազրկել, բռնազավթել նրանց հողերը, մահմեդական մուլեռանդ ամբոխին գրգռել նրանց դեմ, ավելի հաճախ իրագործել բռնություններ ու սպանություններ:

1908 թ. հեղաշրջումից հետո *Հնչակյան* կուսակցության ղեկավարները վերադարձան Կ. Պոլիս: Նրանք հայտարարեցին, որ հրաժարվում են կայսրությունից Հայաստանի անջատման պահանջից, քանի որ տապալվել է բռնապետական վարչակարգը, և երկրում հաստատվել են սահմանադ-

րական կարգեր: Այդուհետ իրենք պայքարելու են հանուն բոլոր ազգերի համագործակցության: Սակայն երիտթուրքերի պանթյուրքական գաղափարներն ու հակահայկական քաղաքականությունը խիստ անհանգստացրին հնչակյաններին, առավել ևս, որ նրանք ենթարկվում էին հետապնդումների: 1912-1913 թթ. քաղկանյան պատերազմների ժամանակ, երբ կրկին վերաբացվեց Հայկական հարցը, երիտթուրքերը հնչակյաններին առաջարկեցին բանակցություններ սկսել հայկական վիլայեթներում բարենորոգումներ անցկացնելու շուրջ: Բայց հնչակյանները մերժեցին առաջարկը և բանակցություններ սկսելու նախապայման համարեցին Արևմտյան Հայաստանի ինքնավարության սկզբունքի ընդունումը:

Այսպիսով՝ հայ ազգային-քաղաքական կուսակցությունները համոզվեցին, որ երիտթուրքերը, պանթյուրքիզմը դարձնելով պետական քաղաքականության առանցք, շարունակում են հայերին ոչնչացնելու արդուհամիդյան ծրագիրը: Հայ ազատամարտի ղեկավար ուժերը նորից փոխեցին իրենց մարտավարությունը և վերսկսեցին պայքարը Հայկական հարցի լուծման համար:

Հարցեր և առաջադրանքներ

1. Ե՞րբ և ի՞նչ կարգախոսներով էր քաղաքական ասպարեզ իջել երիտթուրքերի կազմակերպությունը: 1907 թ. դեկտեմբերին Փարիզում կայացած համաժողովն ի՞նչ որոշումներ ընդունեց:
2. Ի՞նչ մարտավարություն ընտրեցին հայ ազատագրական ուժերը հեղաշրջումից անմիջապես հետո:
3. Ներկայացրե՞ք պանթյուրքիզմի էությունը և քաղաքական ծրագիրը: Ձեր կարծիքով՝ ինչո՞ւ տապալվեց հայ-թուրքական երկխոսության ու փոխզիջման պատմական հնարավորությունը:
4. Որո՞նք էին հայ քաղաքական կուսակցությունների և ուժերի ծրագրերի ու մարտավարության փոփոխության պատճառները 1908-1914 թթ.: Ե՞րբ և որտեղ է ստեղծվել Հայ սահմանադրական ռամկավար կուսակցությունը: Որո՞նք էին ՀՅԴ-ի գործունեության առանձնահատկությունները 1908-1914 թթ.: Ի՞նչ քաղաքականություն էին վարում հնչակյանները 1908 թ. հեղաշրջումից հետո: Համեմատե՞ք և գնահատե՞ք հայ ազգային կուսակցությունների դիրքորոշումն ու գործելակերպը 1908-1914 թթ.:

§ 5. ՀԱՅԿԱԿԱՆ ՀԱՐՑԸ 1912-1914 ԹՎԱԿԱՆՆԵՐԻՆ

Հայկական հարցի վերաբացումը:

1912 թ. ամռանը բալկանյան երկրները (Սերբիա, Բուլղարիա, Հունաստան, Չեռնոգորիա) ստեղծեցին ռազմական դաշինք՝ նպատակ ունենալով թուրքերին վերջնականապես դուրս մղելու իրենց տարածաշրջանից: Հոկտեմբերին նրանք պատերազմ սկսեցին օսմանյան Թուրքիայի դեմ (Բալկանյան առաջին պատերազմ):

Բալկանյան ժողովուրդների հաջողությունները ոգևորեցին արևմտահայությանը: Հայկական հարցի վերաբացման համար առաջացավ նպաստավոր իրավիճակ: Հատկապես մեծ դեր խաղաց տվյալ ժամանակահատվածում Ռուսաստանի բարյացակամ վերաբերմունքը: Պատահական չէ, որ ամրապնդվեց արևմտահայության ռուսական կողմնորոշումը:

1912 թ. սեպտեմբերին Թիֆլիսում հրավիրվեց հայ հասարակական տարբեր խավերի ներկայացուցիչների մասնակցությամբ ժողով: Հաջորդեցին ևս մի քանի նման ժողովներ, որոնց արդյունքում ստեղծվեց *Հայոց ազգային կենտրոնական բյուրոն* (հայտնի է որպես *Հայոց ազգային բյուրո*): Այս նորաստեղծ մարմնի գործունեության գլխավոր նպատակը եղավ Հայկական հարցի լուծմանը նպաստելը:

Ամենայն հայոց կաթողիկոս Գևորգ Ե-ն, արտահայտելով ամբողջ հայ ազգի իղձերը, 1912 թ. հոկտեմբերի 2-ին Կովկասի փոխարքա Ի. Վորոնցով-Դաշկովի միջոցով դիմեց ռուսական կայսրին՝ հայերին պաշտպանելու խնդրանքով:

Թուրքիայում կարճ ժամանակով իշխանության եկած «Ազգայություն և համաձայնություն» (*Հյուրիեթ վե իթիլաֆ*) կուսակցությունը, անհանգստանալով Ռուսաստանի հնարավոր միջամտությունից, փորձեց համաձայնություն ձեռք բերել հայերի հետ՝ առաջարկելով բարենորոգումների ծրագիր: Այն չէր ենթադրում եվրոպա-



Գևորգ Ե Սուրենյանց

կան հսկողություն, բացի այդ՝ տարածվելու էր հայկական վեց վիլայեթներից միայն չորսի վրա: Իթթիլաֆականներն իրականում ոչինչ չէին պատրաստվում անելու արևմտահայերի դրությունը բարելավելու համար:

Հայ ազգային կազմակերպություններն սկսեցին ավելի եռանդուն գործունեություն ծավալել: Կաթողիկոս Գևորգ Ե-ի՝ 1912 թ. նոյեմբերի 10-ի կոնդակով *Պողոս Նուբար փաշան* նշանակվեց Եվրոպայում կաթողիկոսի լիազոր ներկայացուցիչ: Նրա գլխավորությամբ ստեղծված *ազգային պարավիրակությունը* Լոնդոնի հաշտության խորհրդաժողովին ներկայացնելու համար հուշագիր պատրաստեց, որ նկարագրվում էր արևմտահայության ծանր վիճակը՝ Բեռլինի վեհաժողովից սկսած, և ընդգծվում բարենորոգումներ անցկացնելու անհրաժեշտությունը:

Հայոց կաթողիկոսը կրկին դիմեց Ռուսաստանի կայսրին՝ խնդրելով, որ Լոնդոնում ընթացող դեսպանաժողովում քննու-

թյան առնվի նաև Հայկական հարցը՝ հայկական 6 նահանգներում քարենորոգումներ անցկացնելու խնդիրը: Հայկական հարցը միջազգային խորհրդաժողովի օրակարգ մտցնելու խնդրով Կ. Պոլսի Հայոց ազգային ժողովի որոշմամբ պատրիարք **Հովհաննես Արշարունին** այցելեց Կ. Պոլսում մեծ տերությունների ղեսպաններին:

Մեծ Բրիտանիան, Ֆրանսիան և ԱՄՆ-ը գործնական որևէ քայլ չարեցին Հայկական հարցի վերաբացման համար: Ռուսները հայերին խորհուրդ տվեցին սպասել, մինչև որ Բալկանյան պատերազմից հետո Հայկական հարցի կապակցությամբ հրավիրվի առանձին խորհրդաժողով: Տվյալ իրավիճակում հայոց կաթողիկոսը հեռագրեց Փարիզ՝ Պողոս Նուբար փաշային հորդորելով նպաստավոր տրամադրություն ստեղծել եվրոպական դիվանագիտական շրջանակներում, որպեսզի Ռուսաստանը ստանձնի հայկական քարենորոգումների իրագործման նախաձեռնությունը:

Դիվանագիտական պայքարը: Ռուսաստանը, գիտակցելով Հայկական հարցի լուծման հետ կապված բարդությունները, Անտանտի իր դաշնակիցներ Մեծ Բրիտանիային ու Ֆրանսիային առաջարկեց միասնաբար գործել: Իր հերթին անգլիական կողմն առաջարկեց նախ խաղաղություն հաստատել բալկանյան պետությունների և Թուրքիայի միջև:

Այդ իրադրությունում երիտթուրքերը, որ կրկին իշխանության էին եկել, հրապարակ նետեցին ամբողջ կայսրության մեջ քարենորոգումներ իրականացնելու սեփական նախագիծը: Դիմելով բազմիցս փորձված միջոցի՝ երիտթուրքերը նպատակ ունեին խուսափել օտարերկրյա միջամտությունից և հայկական ինքնավարություն ստեղծելուց:

1913 թ. մայիսի 24-ին Ռուսաստանի արտգործնախարարությունը վեց տերությունների ուշադրությունը հրավիրեց Արևմտյան Հայաստանում խոստացված քարենորոգումների և դրանց իրագործման

անհրաժեշտության վրա: Միայն Ֆրանսիայի կառավարությունն առանց որևէ պայմանի կարգադրություններ ուղարկեց Կ. Պոլսում իր ղեսպանին: Եռյակ միության պետությունները քարենորոգումների գործը ձախողելու նպատակով ներկայացրին հետևյալ պայմանները՝ ա) պահպանել կայսրության տարածքային ամբողջականությունը, բ) թույլատրել թուրքական ներկայացուցչին մասնակցելու քննարկմանը:

Կազմվեց Անտանտի երկրների ղեսպանությունների մեկական ներկայացուցիչներից բաղկացած հանձնաժողով, որը, քննության առնելով Կ. Պոլսում ռուսական ղեսպանության թարգմանիչ **Անդրեյ Մանդելշտամի** կազմած նախագիծը, հունիսի 4-ին այն ներկայացրեց երեք երկրների ղեսպանների քննությանը: Մեծ Բրիտանիայի և Ֆրանսիայի ղեսպանները հավանություն տվեցին ռուսական նախագծին:

1913 թ. հունիսի 30-ին վեց տերությունների ղեսպանների մասնակցությամբ սկսվեց խորհրդաժողով: Հայկական հարցի քննարկումը ժամանակագրական առումով զուգադիպեց Բալկաններում սկսված նոր ճգնաժամին. **նույն օրը սկսվեց Բալկանյան երկրորդ պատերազմը:** Հայկական հարցի լուծման համար առաջացան միջազգային անբարենպաստ պայմաններ:

Ըստ Մանդելշտամի նախագծի՝ հայկական վեց նահանգներից՝ **Էրզրում, Վան, Բիթլիս, Դիարբեքիր, Խարբերդ, Սեբաստիա**, կազմվելու էր **մեկ նահանգ:** Այդ նահանգի գերագույն կառավարիչը՝ ընդհանուր նահանգապետը, պետք է լիներ թուրքահպատակ քրիստոնյա կամ եվրոպացի, որին տերությունների առաջարկությամբ նշանակելու էր սուլթանը: Ընդհանուր նահանգապետի ձեռքում էր կենտրոնացվելու երկրամասի գերագույն գործադիր իշխանությունը: Նահանգի ներկայացուցչական ժողովը կազմվելու էր հավասարապես մահմեդականներից և քրիստոնյաներից: Ազգային հավասարության սկզբունքը կի-

րառվելու էր նաև վարչական խորհուրդներում, դատարաններում և ոստիկանական մարմիններում: Թուրքերենը, հայերենը և քրդերենը ձանաչվելու էին որպես պաշտոնական լեզուներ:

Նահանգի տարածքում արգելվում էր բնակեցնել մուհաջիրներին: Խաղաղ պայմաններում զինապարտները ծառայությունն անցկացնելու էին նահանգի տարածքում: Քրդական հեծելազորը («համիդիեն») արձակվելու էր: Ընդհանուր նահանգապետի նախագահությամբ մի առանձին հանձնաժողով որոշելու էր այն պայմանները, որով հայերը հետ էին ստանալու իրենցից հափշտակված հողերը կամ դրանց դիմաց ստանալու էին փոխհատուցում:

Գերմանական, ավստրոհունգարական և իտալական դեսպանությունների ներկայացուցիչները հրաժարվեցին բարենորոգումների ռուսական նախագծի առանցքային դրույթներն ընդունելուց: Այսպիսով՝ 1913 թ. ամռանը Հայկական հարցը կրկին դարձել էր տերությունների դիվանագիտական պայքարի առարկա:

Գերմանական կառավարությունը պատրաստակամություն հայտնեց ռուսական կողմի հետ առանձին քննարկելու հայկական նահանգներում բարենորոգումներ իրականացնելու հարցը: Դրանից հետո տերությունների համաձայնությամբ տեղի ունեցան երկկողմ բանակցություններ: Ռուսական դիվանագիտությունը, ոչ մի աջակցություն չստանալով Մեծ Բրիտանիայից և Ֆրանսիայից, ստիպված էր գնալ փոխզիջման: 1913 թ. *սեպտեմբերի 10-ին* Կ. Պոլսում Ռուսաստանի դեսպան Մ. Գիրսը և Գերմանիայի դեսպան Հ. Վանզենհայսը Արևմտյան Հայաստանի համար կազմեցին 6 կետից բաղկացած բարենորոգումների ծրագիր: Այն նախատեսում էր կազմել երկու վարչական միավոր. առաջինը՝ Վան, Բիթլիս, Խարբեռլ, Դիարբեքիր, և երկրորդը՝ Երզրում, Սեբաստիա ու Տրապիզոն նա-

հանգներից: Դրանք ղեկավարվելու էին եվրոպացի երկու տեսուչների կողմից: Ծրագիրն ստացավ Մեծ Բրիտանիայի և Ֆրանսիայի կառավարությունների հավանությունը, սակայն սկզբից նեթ հանդիպեց թուրքերի դիմադրությանը:

Ռուս-թուրքական համաձայնագիրը:

1913 թ. հոկտեմբերի վերջերին գերմանական կողմը հրաժարվեց Արևմտյան Հայաստանի բարենորոգումների ծրագրի քննարկումներին անմիջականորեն մասնակցելուց: Բանակցությունների նոր փուլ սկսվեց ռուսական ու թուրքական կողմերի միջև: Վերջապես Ռուսաստանի և օսմանյան Թուրքիայի միջև կայացավ համաձայնություն: 1914 թ. *հունվարի 26-ին* ստորագրվեց Արևմտյան Հայաստանում բարենորոգումներ անցկացնելու վերաբերյալ ռուս-թուրքական համաձայնագիրը:

Ըստ համաձայնագրի հիմնական դրույթների՝ յոթ նահանգներից ձևավորվում էին երկու վարչական միավոր՝ Երզրում, Տրապիզոն, Սեբաստիա և Վան, Բիթլիս, Խարբեռլ, Դիարբեքիր կազմով: Դրանք կառավարվելու էին երկու օտարերկրյա ընդհանուր տեսուչների կողմից: Նրանք իրավունք էին ստանում նշանակելու և պաշտոնանկ անելու ապաշնորհ կամ օրինազանց պաշտոնյաներին: Հողային հարցերը պետք է վճռվեին տեսուչի անմիջական վերահսկողությամբ:

Եթե համեմատենք, կարող ենք նշել, որ ռուս-թուրքական համաձայնագիրը Բեռլինի պայմանագրի 61-րդ հոդվածից մեկ քայլ առաջ էր: Այն առավելություն ուներ նաև 1895 թ. բարենորոգումների մայիսյան ծրագրի նկատմամբ, որում խոսք չկար ինչպես հայկական մեկ կամ երկու նահանգներ ստեղծելու, այնպես էլ հայկական վիլայեթների համար քրիստոնյա կառավարիչ նշանակելու և այդ կապակցությամբ տերությունների համաձայնության մասին:

Նորություն էին նաև պաշտոնական հա-

րաբերություններում ազգային լեզուներին տեղ տալը, համայնքների՝ կրթության ծախսերին մասնակցելը, խաղաղ ժամանակ քնակության վայրում զինվորական պարտականությունները կատարելու վերաբերյալ կետը:

Հունվարի 26-ի համաձայնագիրը միաժամանակ մեկ քայլ հետ էր քարենորոգումների ռուսական սկզբնական ծրագրից: Կրճատվել էին հայերի իրավունքները: Դրանում չէր խտսվում Հայկական մարզի մասին, այլ հիշատակվում էր Արևելյան Անատոլիա, և այն պետք է բաժանվեր երկու մասերի: Այդ մասերի կազմում ընդգրկվում էին ինչպես հայկական, այնպես էլ ոչ հայկական նահանգների՝ մահմեդականներով բնակեցված շրջանները: Համիդիե զորագնդերը լուծարվելու փոխարեն փաստորեն պահպանվում էին:

Հայ հասարակության և քաղաքական ուժերի վերաբերմունքն այդ համաձայնագրին հակասական էր: Լավատես էր Նուբար փաշան, որը հույս էր հայտնում, թե արևմտահայությունն այսուհետ կապրի «արդարադատ և ապահով վարչության ներքո»: Կային նաև տրամագծորեն հակառակ գնահատականներ: Ոմանք էլ կարծում էին, որ թեև համաձայնագիրը Հայկական հարցի լուծումը չէ, սակայն ապագայում կարող է նպաստել հարցի լուծմանը: Ազգային կուսակցությունները հիմնականում հիասթափություն ար-

տահայտեցին ռուս-թուրքական համաձայնագրի կապակցությամբ: Գործնական առումով՝ ռուս-թուրքական համաձայնագիրը չէր ապահովում հայերի ոչ անձնական անվտանգությունը, ոչ էլ գույքի և սեփականության անձեռնմխելիությունը:

Երիտթուրքական կառավարությունը տարբեր պատճառներով ձգձգում էր բարենորոգումների իրագործումը: Հետաձգելու հարմար առիթ էր ընդհանուր տեսուչների ընտրության ու նշանակման հարցը: Վերջապես 1914 թ. ապրիլին տեսուչներ ընտրվեցին հոլանդացի դիվանագետ **Լ. Վեսթենենկը** և նորվեգացի գեղապետ **Ն. Հոֆը**: Վեստենենկը նշանակվեց Էրզրումի, Տրապիզոնի և Սեբաստիայի նահանգներն ընդգրկող մասի տեսուչ (նստավայրը՝ **Էրզրում**), իսկ Հոֆը՝ Վանի, Բիթլիսի, Խարբերդի և Դիարբեքիի նահանգներն ընդգրկող մասի տեսուչ (նստավայրը՝ **Վան**): Հոֆը նոր էր եկել Արևմտյան Հայաստան, իսկ Վեստենենկը դեռ չէր ժամանել, երբ սկսվեց Առաջին համաշխարհային պատերազմը: Օգտվելով առիթից՝ Թուրքիան չեղյալ համարեց բարենորոգումների ծրագիրը և կասեցրեց եվրոպացի տեսուչների աշխատանքը: Այսպիսով՝ հայկական բարենորոգումների հերթական ծրագիրը կրկին մնաց թղթի վրա:

Հարցեր և ստաշադրանքներ

1. Բալկանյան երկրների ռազմական դաշինքը դժբախտաբար ստեղծեցին և ինչ նպատակ էր հետապնդում: Ներկայացրե՞ք Հայկական հարցի վերաբացմանն ուղղված հայ ազգային և հոգևոր ուժերի գործունեության արդյունքները:
2. Հիմնական գծերով լուսարանե՞ք Հայկական հարցի լուծման շուրջ ծավալված դիվանագիտական պայքարը: Մեկնարանե՞ք և գնահատե՞ք Ա. Մանդելշտամի նախագծի կետերը: Համեմատե՞ք բարենորոգումների ռուսական և ռուս-գերմանական նախագծերը, նշե՞ք ընդհանրությունները և առանձնահատկությունները:
3. Ինչո՞ւ քանակությունների նոր փուլ սկսվեց ռուսական և թուրքական կողմերի միջև: Երբ է ստորագրվել ռուս-թուրքական համաձայնագիրը: Ինչ վերաբերմունք ունեին հայ հասարակությունը և քաղաքական ուժերը ռուս-թուրքական համաձայնագրի նկատմամբ: Երբ և ովքե՞ր ընտրվեցին տեսուչներ: Ինչո՞ւ չիրականացավ բարենորոգումների այդ ծրագիրը:

ԳԼՈՒԽ 6. ՀԱՅԱՍՏԱՆԸ ԵՎ ՀԱՅ ԺՈՂՈՎՈՐԴԸ ԱՌԱՋԻՆ ԱՇԽԱՐՀԱՍԱՐՏԻ ՏԱՐԻՆԵՐԻՆ

Հայոց պատմության մեջ Առաջին համաշխարհային պատերազմի տարիները մի առանձնահատուկ փուլ են կազմում: Մարդկային, նյութական և տարածքային ծանր կորուստների կողքին հայ ժողովրդին հաջողվեց այդ դժվարին ժամանակաշրջանի ավարտին վերականգնել անկախ պետականությունը՝ ստեղծել Հայաստանի Հանրապետություն պատմական հայրենիքի մի փոքր հատվածում:

§ 1. ԱՌԱՋԻՆ ՀԱՄԱՇԽԱՐՀԱՅԻՆ ՊԱՏԵՐԱԶՄԻ ԿՈՎԿԱՍՅԱՆ ՃԱԿԱՏԸ

Օսմանյան կայսրության և Ռուսաստանի ռազմաքաղաքական ծրագրերը Մերձավոր Արևելքում: Օսմանյան կայսրությունը միառժամանակ հետաձգում էր իր մուտքը համաշխարհային կռիվ թատերաբեմ: Նախորդ տարիներին սկսված ռազմական նախապատրաստությունները հնարավորինս ավարտուն տեսքի բերելու նպատակով երկրի իշխող վերնախավը օգոստոսի 1-ից հետո երեք ամիս շարունակ վարեց առերևույթ չեզոքության քաղաքականություն:

Երիտթուրքերի համար պատերազմը պատեհ առիթ էր՝ Ռուսաստանի և քաղկանյան երկրների հետ դարավոր «հաշիվները մաքրելու» համար: Գլխավոր պատճառը, որ դրդեց երիտթուրքերին ներքաշվելու պատերազմի մեջ, թուրք-ռուսական հակամարտությունն էր: Նրանք մտադիր էին Ռուսական կայսրությունում քնակվող թուրքալեզու, ինչպես նաև մահմեդական մյուս ժողովուրդներին օգտագործել ռուսների դեմ և ապագայում միավորել նրանց «Մեծ Թուրանի» մեջ: Պանթուրքական այդ ծրագրի իրագործման ճանապարհին լուրջ խոչընդոտ էին հայերն ու Հայաստանը: Հետևաբար Օսմանյան կայսրության՝ պատերազմի մեջ մտնելու նպատակներից էր նաև «հայկական խոչընդոտի» վերացումը: Ահա թե

Արդյունաբերական հասարակության ընդհանուր ճգնաժամի ծնունդ Առաջին աշխարհամարտը սկսվել է 1914 թ. հուլիսի 19-ին (նոր տոմարով՝ օգոստոսի 1-ին): Պատերազմն իր քնույթով անարդարացի, իմպերիալիստական էր: Ռազմական բախումն ընթանում էր մեծ տերությունների երկու խմբավորումների միջև, որոնք պայքարում էին հին աշխարհակարգը պահպանելու կամ փոփոխելու համար:

ինչու կռվկասյան ճակատը դարձավ ռուս-թուրքական հերթական կռիվ գլխավոր ռազմաբեմը:

Անտանտի հակառակորդ Գերմանիային հաջողվեց Թուրքիային ներգրավել իր դաշինքի մեջ՝ վերջինիս խոստանալով ամեն կարգի աջակցություն Ռուսաստանի, Մեծ Բրիտանիայի, Ֆրանսիայի դեմ պատերազմի ժամանակ: 1914 թ. օգոստոսի սկզբներին Թուրքիայի և Գերմանիայի միջև կնքվեց ռազմական գաղտնի դաշինք, իսկ գերմանական «Գեբեն» և «Բրեսլաու» խոշոր ռազմանավերը նեղուցներով մուտք գործեցին Սև ծով:

Ռուսաստանը ևս մեծ ակնկալիքներ ուներ ռուս-թուրքական հերթական պատերազմից: Ցարական ռազմաքաղաքական վերնախավը ձգտում էր ընդլայնելու իր ազդեցության ոլորտները՝ տեղ դառնալու սևծովյան նեղուցներին և Կ. Պոլսին, ազատորեն դուրս գալու դեպի Միջերկրական ծով, նվաճելու Արևմտյան Հայաստանը, ամրապնդելու իր դիրքերն Իրանում: Դա հնարավորություն կտար հաստատվելու Մերձավոր Արևելքի շահութաբեմ տարածաշրջանում:

Ռուսական իշխանությունները գրեթե համոզված էին, որ օսմանյան Թուրքիան 1915 թ. զարնանից շուտ չի համարձակվի պատերազմ սկսել Ռուսաստանի դեմ: Սա-

**ԿՈՎԿԱՍՅԱՆ ՌԱՋՄԱՃԱԿԱՏԸ ԵՎ
ՃԱԿԱՏԱՅԻՆ ԹԻԿՈՒՆՔԸ (1917 Թ. ՄԱՅԻՍ-ԴԵԿՏԵՄԲԵՐ)**



կայն հետախուզական տեղեկությունները վկայում էին, որ Կովկասյան ճակատում պատերազմը կարող է ծագել կանխատեսված ժամկետից ավելի վաղ:

Պարերազմի ընթացքը Կովկասյան ճակատում 1914-1916 թվականներին: Օսմանյան բանակի տեղաբաշխման պատկերը պատերազմի նախօրեին վկայում էր, որ թուրքական հրամանատարությունը Կովկասյան ճակատին վճռորոշ նշանակություն է տալիս: Այսպես՝ Անդրկովկասի և Իրանի ուղղությամբ կենտրոնացվել էր թուրքական 3-րդ բանակը, որի գլխավոր կենտրոնակայանը Էրզրումում էր, իսկ զինվորների ընդհանուր քանակը հասնում էր 300 հազար մարդու: Գերմանական երկու ռազմանավերը թուրքական ռազմանավերի հետ միասին 1914 թ. հոկտեմբերի 16-17-ը անսպասելիորեն հարձակումներ գործեցին ռուսական նավահանգիստներ Օդեսայի, Սևաստոպոլի, Թեոդոսիայի և Նովոռոսիյսկի վրա:

Ռուսաստանի պատասխանը չուշացավ: **1914 թ. հոկտեմբերի 21-ին** Նիկոլայ II-ը պաշտոնապես պատերազմ հայտարարեց Օսմանյան կայսրությանը: Փոխարքա, հետևագործի գեներալ Ի. Վորոնցով-Դաշկովը նշանակվեց մոտ 182-հազարանոց կովկասյան բանակի գլխավոր հրամանատար: 1914 թ. աշնան վերջին կովկասյան ճակատային գիծը Բաթումի մոտից հասնում էր մինչև Ուրմիա լճից արևելք ընկած վայրերը՝ կազմելով 720 կմ:

Կովկասյան ճակատի սկզբնական փուլի ամենանշանավոր իրադարձությունը Սարիղամիշի ճակատամարտն էր, որն ընթացավ **1914 թ. դեկտեմբերի 9-ից մինչև 1915 թ. հունվարի 5-ը:** Թուրքական երրորդ բանակը, որի հրամանատարությունն ստանձնել էր Էնվեր փաշան, կարողացավ գրավել Օլթին, Արդվինն ու Արդահանը, ընդհուպ մոտենալ Բաթումին և Կարս-Սարիղամիշի շրջանում դուրս գալ ռուսական զորքերի թիկունքը: Սակայն ռուս զինվորների ու հայ

կամավորների հերոսական կռիվների շնորհիվ օսմանյան 90-հազարանոց բանակը գլխովին ջախջախվեց: Հազիվ պրծնելով գերի ընկնելուց՝ Էնվերը ճողոպրեց դեպի Էրզրում, այնտեղից էլ՝ Կ. Պոլիս: Միայն 12 000 հոգի՝ օսմանյան զորքի մնացորդները, հասան Էրզրում. մնացած 78 հազարը սպանվեց, ցրտահարվեց կամ գերի ընկավ: Թվական մեծ գերակշռություն ունեցող օսմանյան բանակի ջախջախումն ի դերն հանեց երիտթուրքերի ռազմական ծրագիրը՝ Այսրկովկասի գրավումից հետո ներխուժել Հյուսիսային Կովկաս և Իրան:

1915 թ. գարնանը կովկասյան բանակի հրամանատարությունն առաջադրանք էր ստացել վճռական հարված հասցնելու Վանի ուղղությամբ:

Թուրքական զինվորական ղեկավարությունը կարողացավ վերականգնել իր 3-րդ բանակը, չնայած որ օսմանյան զորքերի մեծ մասն այդ ժամանակ կենտրոնացվել էր նեղուցների շրջանում առաջացած **Գալիպոլիի ճակատում:** Այդտեղ ապրիլից սկսվել էր անգլո-ֆրանսիական, այսպես կոչված, Դարդանելի օպերացիան՝ Կ. Պոլիսը գրավելու նպատակով:

Իրանի հյուսիսային շրջանում անցնելով հարձակման՝ թուրքերը հույս ունեին տեղի մահմեդական բնակչության օգնությամբ մաքրելու այդ տարածքը ռուսական զորամասերից, ինչպես նաև Իրանին ներգրավելու պատերազմի մեջ՝ ընդդեմ Ռուսաստանի: Օսմանյան կանտոնավոր ուժերը և տեղական թուրք-քուրդ-թաթարական խաժամուժը հաշվեհարդար տեսան Ատրպատականի հայերի նկատմամբ: 1915 թ. հունվարի դրությամբ այդ վայրերից մոտ 50 000 հայեր էին գաղթել Այսրկովկաս:

Ռուսաստանի կովկասյան բանակը 1915 թ. գարնանն ու ամռանը գրավեց Թավրիզը, Ուրմիայի շրջանը, Վանը: Շարժվելով Վանա լճի հարավային և արևմտյան ափերով՝ ռուսական զորամասերը, նրանց հետ միասին

նան հայկական կամավորական միացյալ զորամիավորը՝ Արարատյան գունդը, հասան Մուշի և Բիթլիսի մատույցները, բայց չկարողացան գրավել այդ շրջանները, թեև նշված քաղաքներից գտնվում էին 20–30 կմ հեռավորության վրա:

Անսպասելիորեն Վանի զորախումբը 1915 թ. հուլիսի 22–ին սկսեց նահանջել դեպի ռուսական պետության սահմանները: Այդ նահանջը կարճատև եղավ. ռուսական զորքը հուլիսի վերջին – օգոստոսի սկզբին վերստին նվաճեց նախկին դիրքերը Վանի նահանգում և Բայազետ–Մանազկերտի շրջանում, սակայն Բիթլիսի, Խնուսի, Մուշի և Սասունի գրեթե ամբողջ հայությունը կոտորվեց:

Ցարի հորեղբայր, մեծ իշխան Նիկոլայ Ռոմանովը 1915 թ. օգոստոսին նշանակվեց Կովկասի փոխարքա, միաժամանակ՝ կովկասյան բանակի գլխավոր հրամանատար:

Համալրումների շնորհիվ ամրապնդվելով՝ ռուսական բանակը 1915 թ. աշնանը առաջին անգամ Կովկասյան ճակատում թվական շոշափելի առավելություն ստացավ: Անգլո–ֆրանսիական իր դաշնակիցներին օգնելու նպատակով ռուսական հրամանատարությունը նախատեսված ժամկետից շուտ սկսեց Էրզրումի գրավման օպերացիան:

Ռուսական զորքերը ձմռան դաժան սառնամանիքի պայմաններում 1916 թ. *փետրվարի 16–ին* գրավեցին Էրզրումը: Իր ռազմաքաղաքական նշանակությամբ Էրզրումի գրավումը Կովկասյան ճակատում Ռուսաստանի ամենախոշոր հաղթանակն էր:

1916 թ. սկզբից մինչև ամառ ժամանակաշրջանում ռուսական զորքերը հաջորդաբար գրավեցին *Խնուս, Մուշ, Բիթլիս, Տրապիզոն, Դերջան, Երզնկա և Բաբերդ* քաղաքները: Նվաճելով Արևմտյան Հայաստանի գերակշռող մասը՝ Ռուսաստանն ամրացավ Մերձավոր Արևելքում: Ռազմաճակատի որոշ տեղամասերում գործող բանակի

կորպուսները խորացել էին ռուսական պետական սահմանից մինչև 600 կմ, իսկ ճակատային գծի երկարությունն արդեն կազմում էր 2500 կմ: Ռուսական զործող բանակի շտաբը 1916 թ. փետրվարին Կարսից տեղափոխվեց Էրզրում: Վերջինս դարձավ Թուրքիայից պատերազմի իրավունքով գրավված տարածքների ռազմավարչական կենտրոնը:

Սայքս–Պիկոյի համաձայնագիրը: Անգլիան և Ֆրանսիան, անհանգստանալով Կովկասյան ճակատում ռուսների տարած հաղթանակներից, փորձեցին կանխել Ռուսաստանի հնարավոր միայնակ մուտքը Կ. Պոլիս և նեղուցների գոտի: Այդ պատճառով էլ Անգլիան և Ֆրանսիան ձեռնարկեցին վերը նշված *Դարդանեղի օպերացիան*, որը, սակայն, անհաջող ավարտ ունեցավ: Դրանից հետո դաշնակիցները ծրագրեցին նախաձեռնությունն իրենց ձեռքը վերցնել Միջագետքի ուղղությամբ: Մի քանի ամիս ընթացած անգլո–ֆրանսիական գաղտնի բանակցություններն ավարտվեցին: Կողմերն ստորագրեցին Օսմանյան կայսրության ասիական տիրույթների բաժանման վերաբերյալ համաձայնություն: Այն հայտնի է *«Սայքս–Պիկոյի համաձայնագիր»* անունով (նախագիծը կազմել էին դիվանագետներ անգլիացի *Սայքսը* և ֆրանսիացի *Պիկոն*):

Համաձայնության նախնական տարբերակը 1916 թ. մարտի 9–ին Սայքսը և Պիկոն Պետրոգրադում հանձնեցին Ռուսաստանի արտաքին գործերի նախարար Սազոնովին: Փոխգիշումների գնալով՝ երեք կողմերը վերջնական տեսքի բերեցին Օսմանյան կայսրության տարածքների բաժանման սխեման: Ռուսաստանին էին անցնում նեղուցները և Կ. Պոլիսը, Արևմտյան Հայաստանի մեծագույն մասը և Հաբլարի շրջանը: Դրա դիմաց ռուսները համաձայնեցին Կիլիկիայի, Փոքր Հայքի և արաբական տարածքների անգլո–ֆրանսիական բաժանմանը: Այդ ամենից հետո

միայն՝ 1916 թ. մայիսի 16-ին, Անգլիայի և Ֆրանսիայի միջև կնքվեց վերոհիշյալ համաձայնագիրը:

Ռուսական բանակը 1916 թ. ամռան վերջին դուրս էր եկել դաշնակիցների հետ այդ համաձայնագրով որոշված տարածքային նվաճումների սահմանաբաժան գիծը և շատ քիչ փոփոխություններով այդ դիրքերում մնաց մինչև 1917 թ. վերջը:

Ռուսաստանի քաղաքականությունը Արևելյան Հայաստանի գրավված տարածքում: Ռուսական ռազմաքաղաքական իշխանություններն սկսեցին մեծ ուշադրություն հատկացնել Թուրքիայից նվաճված տարածքների վարչատնտեսական կյանքի և ձևակառույցին հուսալի թիկունքի կազմակերպման խնդիրների լուծմանը:

1916 թ. հունիսի 5-ին Նիկոլայ II-ը հաստատեց Թուրքիայից պատերազմի իրա-

վունքով գրավված մարզերի կառավարման ժամանակավոր կարգը: Արևմտյան Հայաստանի տարածքում ստեղծվեց հատուկ գնեռալ-նահանգապետություն՝ գնեռալ Պեշկովի գլխավորությամբ: Գրավված տարածքը բաժանվեց 29 շրջանների կամ օկրուգների, որոնք միավորվեցին չորս մարզերի մեջ՝ **Վանի, Խնուսի, Էրզրումի և Տրապիզոնի:**

Արևմտյան Հայաստանի մեծ մասի գրավումից հետո ռուսական կառավարությունը հայկական, բայց արդեն հայաթափված մարզերը պահելու և յուրացնելու գործում կարևորեց քրդերի դերը, ինչպես նաև ծրագրել էր հայկական տարածքը վերաբնակեցնել ռուս կազակներով: Ճիշտ է, այդ քաղաքականությունը սպասված արդյունքներ չտվեց, բայց մեծ հիասթափություն առաջացրեց հայերի մեջ: Իրավիճակը փոխվեց միայն 1917 թ. փետրվարից հետո:

Հարցեր և անաջադրանքներ

1. Վերհիշե՛ք Առաջին համաշխարհային պատերազմի պատճառները: Ներկայացրե՛ք Օսմանյան կայսրության և Ռուսաստանի ռազմաքաղաքական ծրագրերը Մերձավոր Արևելքում: Ինչո՞ւ Թուրքիան դարձավ Գերմանիայի դաշնակից:
2. Լուսաբանե՛ք պատերազմի ընթացքը և գլխավոր արդյունքները Կովկասյան ճակատում 1914–1916 թվականներին:
3. Երբ և ո՞ւմ միջև է կնքվել Սայքս–Պիկոյի համաձայնագիրը: Ներկայացրե՛ք Օսմանյան կայսրության՝ համաձայնագրով որոշված տարածքային բաժանման սխեման:
4. Ի՞նչ քաղաքականություն էր վարում ցարական կառավարությունը Արևմտյան Հայաստանի՝ պատերազմի իրավունքով գրավված տարածքում: Ձեր կարծիքով՝ ինչո՞ւ այն սպասված արդյունքներ չտվեց ռուսներին:

§ 2. ՀԱՅ ԿԱՄԱԿՈՐԱԿԱՆ ՇԱՐԺՈՒՄԸ

Ռուսաստանը և Օսմանյան կայսրությունը կարևոր նշանակություն էին տալիս պատերազմի պարագայում հայերին իրենց կողմը ներգրավելու խնդրին: Իսկ հայ ժողովրդի և նրա ղեկավար մարմինների առջև այն օրերին ծառացել էին դժվարին հարցեր՝ ի՞նչ դիրքորոշում բռնել, ի՞նչ գործելակերպի հետևել հայության, առաջին հերթին՝ արևմտահայության անվտանգությունն ապահովելու համար:

Կամավորական շարժումը: Կովկասի ռուսական իշխանությունը 1914 թ. աշնան սկզբներին դիմեց որոշակի քայլերի՝ հայերի վերաբերմունքը Թուրքիայի դեմ պատերազմի պարագայում պարզելու համար: Վորոնցով–Դաշկովի և Հայոց ազգային բյուրոյի ներկայացուցիչներ **Մեսրոպ Եպիսկոպոսի** (Ազգային բյուրոյի պատվավոր նախագահ, Վիրահայոց թեմի առաջնորդ), **Սամսոն Հարությունյանի** (բյուրոյի նախագահ),

Ալեքսանդր Խապիսյանի, Հակոբ Զավրյանի միջև տեղի ունեցած մի քանի հանդիպումների արդյունքում պարզվեցին կողմերի դիրքորոշումները: Հայոց ազգային բյուրոյի առաջադրած քաղաքական մերձավորագույն նպատակը հանգում էր Արևմտյան Հայաստանի ինքնավարության պահանջին:

Այդ օրերին կովկասահայության մեջ տիրում էր ընդհանուր ոգևորություն: Կազմակերպվում էին բազմահազարանոց հավաքներ, ցույցեր, երիտասարդությունը պահանջում էր ակտիվորեն մասնակցել պատերազմին, ստեղծել կամավորական ջոկատներ: Գրեթե ոչ ոք կասկած չուներ ռուսական բանակի արագ հաղթանակի հարցում:

Այսպիսի իրավիճակում Ազգային բյուրոն գլխավորեց հայ կամավորական շարժման կազմակերպչական աշխատանքները: Ստեղծվեց բյուրոյի **գործադիր** (կարգադրիչ) մարմինը՝ Հ. Արղությանի ղեկավարությամբ: Դրա մեջ մտան նաև Հ. Զավրյանը, Ն. Աղբալյանը, Արմեն Գարոն, Ա. Գյուլխանդանյանը, Ս. Վրացյանը, իսկ 1915 թ.՝ նաև Ռուստոմը:

Հայկական կամավորական խմբերը պետք է աջակցեին ռուսական զորամասերին: Կամավորական շարժման գլխավոր նպատակն էր ռուսական զորքի օգնությամբ իրականացնել հայկական նահանգների ու Կիլիկիայի ինքնավարության հաստատումը Ռուսաստանի հովանու ներքո:

Աստիճանաբար Թիֆլիսում կենտրոնացան հայդուկային պայքարի քաջարի հրամանատարներն ու մարտիկները: Կամավորներ էին գալիս Ռուսաստանի ամենատարբեր վայրերից, Բալկաններից և ԱՄՆ-ից:

Հայրենասիրական բուռն վերելքի պայմաններում 1914 թ. նոյեմբերի սկզբին արդեն ձևավորվել էին կամավորական չորս ջոկատներ: I ջոկատը Սալմաստում էր. հրամանատարն էր **Անդրանիկը**: I ջոկատի քաղաքական մասը և ռուսական հրամանատարության հետ կապերը վարում էր Հ. Զավրյանը:



Ալեքսանդր Խատեսյան

II ջոկատը կազմավորվեց Իզդիրում, հրամանատարն էր **Դրոն**, օգնականը՝ **Խեչոն** (**Խաչատուր Ամիրյանց**), սպայակույտի կառավարիչը՝ **Արմեն Գարոն**:

III ջոկատը **Համազասպի** հրամանատարությամբ ստեղծվեց Կաղզվանում: Սարիղամիշում ձևավորվեց IV ջոկատը՝ **Քեռու** գլխավորությամբ: III և IV ջոկատների քաղաքական մասի վարիչն էր **Ն. Աղբալյանը**:

Պահեստային ուժերի հիման վրա շուտով կազմավորվեց V խումբը՝ **Վարդանի** գլխավորությամբ:

Կարսի մարզում ձևավորեց մի նոր կամավորական խումբ՝ թվով VI-ը: Նորաստեղծ ջոկատի դրամական ապահովումը և կամավորների հավաքագրումն ստանձնեց Ս. Դ. Հնչակյան կուսակցությունը: 1915 թ. սկզբներին այն ուներ 500 մարտիկ. խմբի հրամանատարը և շտաբի պետն էր Ա. Զանփոլադյանը, իսկ հետագայում նրա օգնականը դարձավ Ամերիկայից ժամանած Պանդուխտը (Միքայել Սեֆերյան), սպայակույտի կառավարիչն էր Հ. Բժշկյանը:

1915 թ. ամռանը Հ. **Արղությանի** գլխավորությամբ ստեղծվեց VII ջոկատը՝ 1300-հոգանոց անձնակազմով: Նոյեմբերին կազմավորվեց պահեստային VIII ջոկատը՝ **Նիկոլ Աղբալյանի** ղեկավարությամբ:



Գևորգ Ե կաթողիկոսը օրհնում է հայ կամավորներին, 1915 թ. ապրիլ

Հայկական ջոկատների մասնակցությունը մարտական գործողություններին: Առաջինը դեպի ռազմի դաշտ շարժվեց Անդրանիկի խումբը 1914 թ. նոյեմբերի 5-ին: Հաջորդ օրը մեկնեց Դրոյի խումբը, մի քանի օր անց՝ նաև Համազասպի ու Քեռու խմբերը: Հայ կամավորները կռվի առաջին իսկ օրերից խիզախորեն և անձնուրացաբար էին մարտնչում օսմանյան զորքի դեմ:

Սարիղամիշի փայլուն հաղթանակից հետո հաստատված հարաբերական դադարի ժամանակամիջոցում հայկական ջոկատները հանգստանալու և համալրվելու նպատակով ձևակառույցին դիրքերից տեղափոխվեցին մոտակա թիկունք:

Կամավորական խմբերի գինավորական կենտրոնակայանը Թիֆլիսից տեղափոխվեց Երևան՝ ձևակառույցին ավելի մոտ, որով աճեց շարժման անմիջական ղեկավարման արդյունավետությունը: Դրոյի, Համազասպի և Քեռու խմբերը 1915 թ. ապրիլի սկզբին *Քանաքեռում* միավորվեցին խմբի հետ՝ կազմելով հայկական զորամիավորում՝

Արարատյան գունդը՝ Վարդանի գլխավորությամբ: Գնդի հեծյալ մասի պետ նշանակվեց Խեչոն: Արարատյան գունդը Երևան-Էջմիածին-Իգդիր ճանապարհով հասավ կռվի դաշտ: Ճանապարհին ամենուրեք հայ բնակչությունը խանդավառությամբ էր ընդունում և ուղեկցում կամավորներին, իսկ *Էջմիածնում* նրանց բարի մաղթանքի խոսքեր ասաց և օրհնեց կաթողիկոս Գևորգ Ե-ն: Բայագետ հասնելով՝ գունդը մտավ գեներալ Նիկոլանի զորաջոկատի կազմը, որն առաջադրանք էր ստացել հարձակվելու Վանի ուղղությամբ:

Վանի հայերի հերոսական պայքարը թուրք-թրդական զերակշիռ ուժերի դեմ սկսվել էր **1915 թ. ապրիլի 7-ին:** Սակայն հայերը երկար դիմակայել չէին կարող: Ապրիլի 24-ին հայոց գունդն անցավ հարձակման՝ Վանի պաշտպաններին օր առաջ օգնության հասնելու բոլորն ձգտումով: Տեղեկանալով այդ մասին՝ թուրքական զորքերը նահանջում են Վանից: Խեչոն և իր 150 հեծյալները, որպես առաջամարտիկներ, *մայի-*



Դրոն իր զինակիցներով

սի 5-ին մտան հայոց հինավուրց մայրաքաղաք, իսկ հաջորդ օրը Վան հասան մնացած հայկական ուժերը և ռուսական զորամասերը:

Արարատյան գունդը շուտով ազատագրեց նաև **Շաքախի և Մոկսի** շրջանները:

Այս նույն ժամանակահատվածում Անդրանիկի ջոկատը մի շարք հաղթական կռիվներ մղեց թուրքական ուժերի դեմ: Հատկապես նշանավոր էր նրա տարած փայլուն հաղթանակը **1915 թ. ապրիլի 16-18-ը** տեղի ունեցած **Դիրմանի ճակատամարտում**: Այնուհետև Անդրանիկն իր ջոկատով անցավ Վանի նահանգ և հունիսի վերջերին միացավ Արարատյան գնդին:

Կովկասյան բանակի կռիվող զորամասերի հետ շարունակելով հաղթարշավը՝ Արարատյան գունդը մոտեցավ Բիթլիսի և Մուշի սահմաններին: Սակայն 1915 թ. հուլիսին ռուսական զորքերն անսպասելի նահանջեցին: Ընդհանուր նահանջի ժամանակ Վանի ողջ հայ բնակչությունը գաղթեց կանոնավոր զորքի հետ: Ստիպված էին նահանջել նաև հայ կամավորական ուժերը: Օգոստոսի սկզբին ռուսական զորամասերը վերագրավեցին Վանը, իսկ հայ բնակչությունն սկսեց աստիճանաբար վերադառնալ հայրենի օջախները:

Վանի նահանջից հետո կամավորների շարքերը բավական նոսրացել էին. նրանց մի

մասը գնաց որոնելու ազգականներին: Միտժամանակ տիրած հիասթափությունից հետո կամավորական շարժումը կրկին թափ հավաքեց: Կամավոր մարտիկների ընդհանուր թիվը կռիվող յոթ ջոկատներում և պահեստի մեկ ջոկատում միասին 1915 թ. վերջին և 1916 թ. սկզբին հասավ **10 հազարի**: Հայ կամավորական զորամիավորները կրկին մեկնեցին ռազմի դաշտ և փառքով պսակեցին իրենց ու ազգի պատիվը:

Առաջին կամավորական ջոկատը կռվում էր Արճեշի շրջանում: 1916 թ. փետրվարի 7-ին **Անդրանիկն** իր 1500 կամավորներով և 200 հեծյալ կազակների աջակցությամբ, հարձակման անցնելով, գրավեց **Բիթլիսը**:

Դրոյի երկրորդ ջոկատը կռվեց Խնուս-Մուշի շրջանում. այդ ժամանակ նրա կազմում կար 1240 մարտիկ: 1916 թ. հունվարի 13-ին ջոկատը գրավեց **Խնուսը**, իսկ փետրվարի 2-ին մտավ **Մուշ**:

Երրորդ ջոկատը **Հանազասպի** հմուտ գործողությունների շնորհիվ մեծ հաջողությունների հասավ **Վանի**, ապա՝ **Խիզանի** շրջանում: 1916 թ. մարտի 11-ին նրա կամավորները գրավեցին Խիզանը և թուրքական գերությունից ազատեցին ջարդերից ողջ մնացած 5000 հայերի:

Չորրորդ և յոթերորդ ջոկատները մարտնչում էին թշնամու զորքերի դեմ Ուրմիայից հարավ ընկած ճակատային տեղամասում: **1916 թ. մայիսի 15-ին Ռևանդուզի** մոտ տեղի ունեցած արյունալի կռիվներից մեկում զոհվեց IV գնդի հրամանատար, նշանավոր հայդուկ **Քեռին**: Վարդանի ջոկատը 1916 թ. սկզբին Երևանից մեկնեց Ատրպատական, ուր և կռվում էր մինչև ամռան վերջերը: Էրզրումի գրավման կարևորագույն օպերացիային մասնակցեց նաև հայկական VI ջոկատը:

Շարժման նշանակությունը: Հայ կամավորական զորամիավորները կարևոր ավանդ ներդրեցին ռուսական կովկասյան զորքի տարած մի շարք փայլուն հաղթա-

նակների գործում: Հայ կամավորներն ստացան մոտ 500 Գեորգիայան խաչեր և մեդալներ, իսկ Գեորգիայան խաչի բոլոր չորս աստիճանները ստացան Դրոն, Ղազարը, Սմբատը: Հայ քաջարի կամավորներից մոտ 800 հոգի զոհվեց հայրենիքի ազատագրման համար մղվող պայքարում:

Կամավորական շարժումը հայ քաղաքական ուժերի և կազմակերպությունների կողմից ամենատարբեր գնահատականների է արժանացել: Անժխտելի է, որ այն Հայաստանի ազատագրության զինված պայքարի հաղթական ու փառավոր էջերից է: Անկախ այն հանգամանքից՝ կամավորական ջոկատները կատեղծվեին թե ոչ, երիտթուրքերը վաղորդք ծրագրել էին Հայաստանի և Օսմանյան կայսրության հայության ցեղասպանությունը:

Հայոց քաղաքական կյանքի ղեկավար ուժերը՝ *ՀՅԴ-ն ու Հայոց ազգային բյուրոն*, աշխարհամարտի դժվարին տարիներին ի վերջո որդեգրեցին հեռու գնացող մի ծրագիր: *Հայաստանի ինքնավարության* հաստատումը, ըստ դաշնակցության, պայքարի առաջին քայլն էր, որից հետո դրվելու էր *Հայաստանի անկախության հարցը*: Այդ ծրագրի մի մասն էր կազմում կամավորական ջոկատների միջոցով ապագա անկախ Հայաստանի ազգային բանակի հիմքերի ստեղծումը:

Անուրանալի է մեկ այլ կարևոր իրողություն ևս. հայ կամավոր զինուժի հետ միասին Հայաստանի ազատագրվող տարածք էր մուտք գործում ազգային վարչական կառույցը: 1915 թ. մայիսի 7-ին *Վանի նահանգապետ* նշանակվեց հայտնի քաղաքական-ազգային գործիչ *Արամ Մանուկյանը*: Արագ կազմակերպվեցին ազատագրված գավառների և Վան քաղաքի կառավարման մարմինները՝ նահանգային խորհուրդը, վարչությունը, կրթական և ոստիկանական տեսչությունները, քաղաքապետարանը, գավառային վարչությունը,



Արամ Մանուկյան

դատարանը և այլն: Ժամանակակիցներից մեկի քնորոշմամբ՝ *«Վանը, լռելյայն, բոլորի մեջ դառնում է հայոց առաջին մայրաքաղաքը, ուր կա հայ իշխանություն, հայ բանակ, հայ փառչական կազմ... Հայոց անկախության առաջին ճառագայթն է այս»*:

Կամավորական ջոկատների վերածումը կանոնավոր զինուժի: Հայ կամավորական շարժումը, այսպիսով, աստիճանաբար դուրս եկավ Ռուսաստանի «թույլատրելիության» շրջանակներից: Ռուսական իշխանությունները իրազեկ էին հայերի «ինքնավարական» և «անկախական» ծրագրերին: Դա եղավ հայկական ջոկատները լուծարելու գլխավոր պատճառը: Հայոց ազգային բյուրոն, սակայն, կարողացավ իրավունք ձեռք բերել ստեղծելու *հայկական վեց հրաձգային գումարտակներ*:

1916 թ. մարտ-օգոստոս ամիսներին տեղի ունեցավ կամավորական ութ ջոկատների վերակազմակերպումը վեց գումարտակների: Հայկական գումարտակների հրամանատարական կազմը և տեղաբաշխման պատկերը 1917 թ. հունվարի 1-ի դրությամբ այսպիսին էր. I գումարտակը (հրամանատար՝ գնդապետ Պ. Բեժանբեկ) Երզնկա-Դերջան տեղամասում էր, II գումարտակը (փոխ-

գնդապետ Ս. Սամարցյան)՝ Խնուս-Մուշում, V գումարտակը (գնդապետ Պ. Փիրումյան)՝ Վանում: Կովկասյան երկրորդ հեծյալ կորպուսի կազմում էին III, IV և VI գումարտակները (գնդապետ Ա. Տեր-Նիկողոսյան, փոխգնդապետներ Ա. Հովսեփյան և Մ. Մելիք-Մուրադյան), որոնք տեղակայված էին Ուրմիա լճից հարավ ընկած ճակատային

տեղամասում: Հայկական 6 գումարտակներում կար 5 719 մարտիկ:

Այսպես՝ Կովկասյան ճակատում երկու տարի մարտնչած հայ կամավորական զինուժը վերակազմավորվեց ազգային կանոնավոր մարտական ուժի, որն արժանիորեն շարունակեց կամավորների ռազմական տարեգրությունը:

Հարցեր և առաջադրանքներ

1. Ի՞նչ ակնկալիքներ ունեին հայերը սկսված աշխարհամարտից: Ինչպե՞ս սկիզբ առավ ու ծավալվեց կամավորական շարժումը: Առաջին փուլում ո՞ր ջոկատները կազմվեցին. թվարկե՛ք ջոկատների հրամանատարական կազմը:
2. Նշանավոր ի՞նչ ճակատամարտերի մասնակցեցին հայ կամավորները 1915–1916 թթ.: Ովքե՞ր աչքի ընկան:
3. Վերհանե՛ք հայ կամավորական շարժման նշանակությունը: Ի՞նչ դիրքորոշում կորդեգրեիք պատերազմի և կամավորական շարժման հարցում, եթե այն օրերի իրադարձությունների մասնակից լինեիք: Ի՞նչ համեմատություն կարող եք անել մերօրյա Արցախյան պայքարի հետ:
4. Ինչո՞ւ կամավորական ջոկատները վերածվեցին կանոնավոր զորամիավորների: Ներկայացրե՛ք դրանց հրամանատարական կազմը և տեղաբաշխումը:

ԼՐԱՑՈՒՑԻՉ ՆՅՈՒԹ

Դրոյի պարասխանը ցարին

Պատերազմի առաջին օրերին Կովկասի փոխարքայության կյանքում տեղի ունեցավ մի արտասովոր իրադարձություն. 1914 թ. դեկտեմբերի 8–ին Թիֆլիս ժամանեց Նիկոլայ II ցարը: Նույնիսկ խաղաղ ժամանակներում ռուսական միապետերը հազվադեպ էին այցի արժանացնում իրենց հպատակներին, իսկ այդժամ ցարը եկել էր Կովկաս՝ ոգևորելու տեղի ժողովուրդներին: Չորս օր Թիֆլիսում մնալուց հետո նա մեկնեց ճակատ, եղավ անգամ Սարիղամիշի ճակատային առաջավոր դիրքերում: Սակայն թուրքական զորամասերի առաջխաղացումը Սարիղամիշի ուղղությամբ հարկադրեց ցարին շտապ թողնել ճակատը, վերադառնալ Թիֆլիս, ապա հապճեպորեն մեկնել Պետրոգրադ... Փոխարքայության նստավայրում գտնվելու օրերին ցարն այցելեց նաև Թիֆլիսի քաղաքային հիվանդանոց՝ քաղաքապետ Ա. Խատիսյանի ուղեկցությամբ: Վերջինս ցարին տարավ այն հիվանդասենյակը, ուր պառկած էր Բայազետի կոիվներում վիրավորված Դրոն: Այցի մասնակից գեներալ Յուդենիչը փայլուն գնահատական է տալիս կամավորական երկրորդ ջոկատի հրամանատարին, որից հետո ցարը, շրջվելով դեպի Դրոն, հարցնում է. «Դուք որտեղ եք ստացել ձեր զինվորական կրթությունը»: Հետևում է պատասխանը. «Հեղափոխական գործի մեջ, Ձերդ մեծություն»: Նման պատասխանից ցարը մի պահ այլալվեց («հեղափոխություն» բառը միշտ էլ նրան սարսափեցնում էր), սակայն Դրոն կարողացավ շտկել իրավիճակը. «Մեր հեղափոխական գործը կատարվում էր Թուրքիայում»: Ռուսական ինքնակալը հանդարտվեց, ապա հայ ռազմիկի «շապկի վրա կպցրեց Գեորգիևյան խաչը»:

Ըստ Ա. Խատիսյանի հուշերի

§ 3. ՀԱՅՈՑ ՄԵՄ ԵՂԵՌԸ


Հայերի ցեղասպանությունը՝ երիտթուրքերի պետական քաղաքականություն: Ինչպես արդեն գիտեք, արևմտահայերի ցեղասպանությունը սկսվել էր արդուհամիդյան վարչակարգի կողմից: «Միություն և առաջադիմություն» կուսակցությունը ժառանգեց այդ ցեղասպանական քաղաքականությունը:

Եվրոպայից դուրս բշկելուց հետո թուրքերը գերխնդիր էին դարձրել թուրքական նոր հայրենիքի ստեղծումը: Եվ առաջին հերթին այդ «հայրենիքի» տարածքի մեջ ներառվեց Հայաստանը: Պատահական չէ, որ երիտթուրքերն ավելի կատարելագործեցին ու ընդլայնեցին հայերի ոչնչացման ծրագիրը՝ տարածելով այն նաև Արևելյան Հայաստանի և Իրանին ենթակա հայաբնակ շրջանների վրա: Իսկ այդ քաղաքական ուղեգիծը «Միություն և առաջադիմություն» կուսակցությունը հաստատել էր 1910-1911 թթ.

Սալոնիկում կայացած գաղտնի խորհրդակցությունների և ժողովների ընթացքում: Անհերքելի է այն փաստը, որ *արևմտահայերի ոչնչացման ծրագիրը պետականորեն մշակվել ու նախապարտադրվել էր օսմանյան Թուրքիայի կողմից մինչև Առաջին աշխարհամարտի մեջ սրաշրունապես մտնելը:* Հայերի բնաջնջումով, ըստ այդ ծրագրի, կփակվեր նաև Հայկական հարցը:

Հայերի ցեղասպանության պատճառների շարքում որոշակի դեր է խաղացել նաև տնտեսական գործոնը: Հայ արդյունաբերողներն ու դրամատերերն իրենց ձեռներեցության ու բնատուր տաղանդի շնորհիվ կարողացել էին խոշոր կապիտալ կուտակել: Հայերի բնաջնջմամբ թուրքերը հնարավորություն էին ստանում ազատվելու անցանկալի մրցակիցներից և տիրանալու նրանց ֆինանսական ու նյութական ունեցվածքին:

1909 թ. Կիլիկիայի ջարդերից փրկված մի խումբ հայեր



[illegible]

1914 թ. հոկտեմբերին Թալեաթի նախագահությամբ հրավիրվեց գաղտնի խորհրդակցություն: Կազմավորվեց հատուկ մարմին՝ *Երեքի գործադիր կոմիտե*, որի մեջ ընդգրկվեցին երիտթուրքերի կուսակցության առաջնորդներից *Նազրմը*, կուսակցության գաղափարախոս *Բեհսեդդին Շաքիրը* և լուսավորության նախարար *Միդհադ Շյուքրին*: Արտակարգ լիազորություններով օժտված կոմիտեին հանձնարարվեց անմիջապես կազմակերպել և իրականացնել կայսրության հայերի բռնագաղթն ու կոտորածները: Բ. Շաքիրի անմիջական ղեկավարությամբ ստեղծվեց «*Թեշքիլթար մահսուսե*» («*Հայուկ կազմակերպություն*») մարմինը: Այստեղ հիմնականում ընդգրկվեցին բանտերից ազատված և քրեական անցյալ ունեցող հանցագործներ: Եռյակի գործունեության հսկողությունը դրվեց ներքին գործերի նախարար Թալեաթ փաշայի վրա:

Մեծ եղեռնը: Հայերի ոչնչացման թուրքական պետական ծրագիրը աշխարհամարտի առաջին երկու տարիներին գործադրվեց ամբողջ արևմտահայության նկատմամբ: Հայոց ցեղասպանության այդ փուլը համայն մարդկությանը հայտնի է *Մեծ եղեռն* անունով:

Երիտթուրքական իշխանությունները հայերի բնաջնջման ծրագիրն իրականացրին քայլ առ քայլ: Սկզբնական ամիսներին հայերի կոտորածներ տեղի ունեցան ձակատային մերձակա գոտում, այդ թվում նաև Իրանին ու Ռուսաստանին ենթակա մի քանի շրջաններում, ուր ներխուժել էին թուրքական զորքերը: 1915 թ. հունվարի դրությամբ սահմանամերձ այդ շրջաններից Կովկասի փոխարքայության տարածք էր գաղթել 100 հազար հայ՝ խուսափելով ջարդերից:

Կայսրության հայ բնակչության բնաջնջումը դյուրացնելու նպատակով թուրքական իշխանությունները որոշում են նախ և առաջ վերացնել հայերի՝ կռվելու ունակ ներ-



Դեր-Էզ-Զորի ճանապարհին 1915 թ. ծնված մի հայ մանուկ, որը, կորցնելով իր ծնողներին, մեծացել է արաբ բեդուիների մոտ և միայն 1919 թ. գտել իր քրոջը:

ուժը: Զորահավաքի ընթացքում օսմանյան բանակ զորակոչվեցին 18–45 տարեկան ավելի քան 300 հազար հայեր: 1915 թ. փետրվարի 25-ի հրամանով արգելվում է հայ զինծառայողներին նշանակել հրամանատարական պաշտոններում, ծառայել ռուս-թուրքական ձակատային գծում: Այս հրամանով սկսվեց հայ զինվորների ճնշող մեծամասնության զինաթափումը: Թիկունքի աշխատանքային գումարտակների կազմում նրանց ստիպում էին կատարել ճանապարհներ, կամուրջներ, ամրություններ կառուցելու, բեռներ փոխադրելու և այլ ծանր աշխատանքներ:

Կայսրության հայկական նահանգներում և հայաբնակ շրջաններում կատարվող անօրինականությունները գաղտնի պահելու նպատակով օսմանյան իշխանությունները խոչընդոտներ և արգելքներ էին հարուցում դաշնակից ու չեզոք երկրների քաղաքացի-

ներին Արևմտյան Հայաստան և Փոքր Ասիա ուղևորվելու գործում: Արգելվում է թշնամի տերությունների լեզուներով և հայերենով նամակագրությունը: 1915 թ. ապրիլի 18-ին օսմանյան կառավարությունը հատուկ օրենքով արգելում է տերության քաղաքացիների մոտքն ու ելքը կայսրությունից: Փակվում են հայկական դպրոցները, արգելվում է հայկական մամուլի աշխատանքը:

Մյուս քայլով երիտթուրքերը նպատակադրվել էին վերացնել հայության ազգային, քաղաքական և հոգևոր ղեկավար ուժերին ու գործիչներին: Հայկական նահանգներ և հայաբնակ շրջաններ են ուղարկվում «Թեշքիլաթը մահսուսե»-ի անդամներ, որոնք պետք է ղեկավարեին տեղական իշխանությունների գործողությունները:

Առաջին ձեռքակալությունները տեղի են ունենում տակավին 1914 թ. *հոկտեմբերին*: Ջեյթունում դաժանորեն խոշտանգվելով սպանվում է *Նազարեթ Չափուշը*: Կալանվում են գյուղաքաղաքի ևս 60 և շրջակա գյուղերի 30 աչքի ընկնող հայ ներկայացուցիչներ: Ջնդեթ բեյը 1915 թ. ապրիլի սկզբներին դավադրորեն հաշվեհարդար է տեսնում Վանում մեծ հեղինակություն վայելող գործիչներ *Իշխասի, Վասմյանի* և այլոց հետ:

Հայ ղեկավար ուժերին ու մտավորականությանը գլխավոր և անապասելի հարվածը հասցվեց հենց կայսրության մայրաքաղաքում: 1915 թ. *ապրիլի II-ին* (նոր տոմարով՝ *ապրիլի 24-ին*) և հաջորդ մի քանի օրերին Կ. Պոլսում, վաղօրոք կազմված ցուցակների համաձայն, ռատիկանությունը, ըստ թուրքական պաշտոնական տվյալների, կալանեց 2 300-ից ավելի մարդ: Նրանց թվում էին օսմանյան խորհրդարանի պատգամավորներ Գրիգոր Զոհրապը, Վարդգեսը, բանաստեղծներ Դանիել Վարուժանը, Սիամանթոն, Ռուբեն Սևակը, երգահան Կոմիտասը, հրապարակախոսներ Նազարեթ Թազվորյանը, Սմբատ Բյուրատը, բժիշկ Նազարեթ Տաղավարյանը, հայտնի գիտնականներ և մշակույ-

թի այլ գործիչներ: Մայրաքաղաքից արքայազնից հայ մտավորականների մեծամասնությունը դաժանորեն սպանվեց Չանկրի, Չորումի և Այաշի ճանապարհին: Քչերը միայն փրկվեցին: Կ. Պոլսի կենտրոնական հրապարակներից մեկում 1915 թ. հունիսի 15-ին կախաղան բարձրացվեցին Հնչակյան կուսակցության 20 գործիչներ՝ Փարամազի գլխավորությամբ:

1915 թ. գարնանից սկսվեց ցեղասպանական մեծածավալ գործողությունը: Արևմտահայությունը ենթարկվեց համատարած կոտորածների, բռնի տեղահանության և արքայի: Առաջին հարվածը դարձյալ ուղղվեց Կիլիկիայի հայությանը: Մարտի վերջին սկսվել էր Ջեյթունի և գավառակի հայության բռնագաղթը, որտեղից արքայազնից 30 հազարից ավելի հայեր: Նրանց հետևեցին Լեռնային Կիլիկիայի մյուս բնակավայրերի հայերը: Նահանգապետ Ջնդեթի հրամանով կազմակերպվում է Վանի նահանգի հայերի կոտորածը, ավերվում են մոտ 400 հայկական գյուղեր:

1915 թ. ապրիլի 15-ին կայսրության նահանգային իշխանավորներին է ուղարկվում Թալեաթի, Էնվերի և Նազըմի կողմից ստորագրված հրամանը, որով հրահանգվում էր խստորեն գործադրել հայերի ոչնչացման ծրագիրը: Իսկ ով *«կընդդիմանա այս սրբազան և հայրենասիրական գործին և չի կատարի իր վրա դրված պարտականությունները կամ որևէ եղանակով կհորձի պաշտպանել կամ թաքցնել այս կամ այն հային, կճանաչվի հայրենիքի ու կրոնի թշնամի և դրան համապատասխան կպատժվի»*:

Երիտթուրքերի կառավարության հրամանի համաձայն՝ հայ տարագիրները բշվում էին Միջագետքի և Սիրիայի համակենտրոնացման ճամբարներ՝ Ռաս ու Այն, Դեյր-էզ-Ջոր, Ռաքքա և այլն: Երիտթուրքական իշխանությունները նաև զգալի տեղ էին հատկացնում հայերի, հատկապես երեխա-

ների մահմեդականացմանը: Հայերի ցեղասպանությունը շարունակվեց նաև հաջորդ տարվա ընթացքում: Թուրքական կառավարության հրամանով սկսվեց արտորվայրերում ողջ մնացած հայ տարագիրների մի մասի ոչնչացումը:

Այսպիսով՝ հայերի *Մեծ եղեռնը փաստացի սկսվեց 1914 թ. հոկտեմբերի վերջին և շարունակվեց մինչև 1916 թ. ամառը*: Արևմտյան Հայաստանում և կայսրության մյուս նահանգներում ապրող ավելի քան 2,5 միլիոն հայերից 1,5 միլիոնը դարձավ Մեծ եղեռնի զոհ: Երիտթուրքերն իրականացրին Հայաստանը հայազրկելու իրենց դիվային ծրագրի գլխավոր մասը:

Հայերի ինքնապաշտպանական մարտերը: Արևմտյան Հայաստանում և կայսրության հայկական այլ քնակավայրերում հայերը կարողացան կազմակերպվել ու զենքը ձեռքին պայքարել ջարդարարների դեմ:

Առաջին ինքնապաշտպանական կռիվները տեղի ունեցան **Վանի նահանգում**: Կատաղի մարտեր ընթացան **Շապսախ գավառում**: Տեղի մի քանի գործիչների ձերբակալությունը և նահանգում կատարվող բռնություններն ու ջարդերը ստիպում են շատախցիներին զենքի դիմել: Ստեղծվում է **զինվորական մարմին**, որի ղեկավար է ընտրվում **Բաղդիկ Սիմոնյանը**: Ապրիլի 1-ին սկսվեց գավառի կենտրոն **Թաղի** ինքնապաշտպանությունը: Չնայած ստեղծված բացառիկ ծանր իրավիճակին՝ հայերը չկորցրին ոգու արիությունը: Մայիսի 14-ին հայկական երկրորդ կամավորական ջոկատը Դրոյի հրամանատարությամբ մտավ Թաղ:



Վանի ինքնապաշտպանությունը 1917 թ.

Հզոր ինքնապաշտպանություն կազմակերպվեց **Վան քաղաքում**, ուր ապրում էր 22 500 հայ: Ջնդեր փաշան հստակ ասում էր, որ իր վերջնական նպատակը հայության ոչնչացումն է: Վանեցիներին այլ ելք չէր մնում, քան զինված պայքար մղել: 1915 թ. ապրիլի 5-ին Այգեհտան թաղամասում կազմվում է զինվորական մարմին: Սկզբում նրա կազմում էին **Արմենակ Եկարյանը, Կայծակ Առաքելը, Բուդլարացի Գրիգորը**: Հետագայում ընդգրկվում են

նաև **Փանոս Թերլեմեզյանը և Արամ Մանուկյանը**: Իսկ Քաղաքամեջ թաղամասի ինքնապաշտպանության կազմակերպման համար ստեղծվում է առանձին զինվորական մարմին՝ **Հայկակ Կոտրյանի** ղեկավարությամբ:

Վանի ինքնապաշտպանությունը սկսվեց **ապրիլի 7-ին** և տևեց մոտ մեկ ամիս: Ռուսական զորքի առաջխաղացումը ստիպեց թուրքերին նահանջել: **Մայիսի 5-ին** Վան մտան առաջին հայ կամավորները, իսկ մյուս օրը՝ Արարատյան զնդի մնացած մասը և ռուսական զորամասերը:

Վանի և ագատագրված շրջանների ժամանակավոր **նահանգապետ** նշանակվեց **Արամ Մանուկյանը**: Քաղաքը և ագատագրված գավառներն աստիճանաբար քնականոն հունի մեջ դրվեցին: Բայց ռուսական զորքի նահանջի պատճառով Վանի հայկական իշխանությունը դադարեց գործելուց: Այս փորձն ապարդյուն չանցավ. այն օգտագործվեց Ա. Մանուկյանի կողմից 1917 թ. վերջին և 1918 թ. առաջին կեսին Երևանի նահանգում:

1915 թ. գարնանից սկսվում է *Տարոնի* հայ բնակչության կոտորածը: Հունիսի 28-ին *Մուշի* հայությունը դիմում է ինքնապաշտպանության: Տեղի 12 հազար բնակիչներից բացի, *Մուշում ապաստան էին գտել* շրջակա հայկական գյուղերի 10 հազար բնակիչներ: Հուլիսին ռուսական բանակի անակնկալ նահանջը հնարավորություն տվեց թուրքերին նշանակալի ուժեր կենտրոնացնելու և կոտորելու Տարոնի հայությանը: Հայ մարտիկները Հ. *Կոպոյանի* գլխավորությամբ արիաբար մարտնչեցին մինչև վերջին փամփուշտը:

1915 թ. մարտից սկսած՝ թուրքական կանոնավոր բանակի ստորաբաժանումները և բրդական ջոկատները հարավից շարժվեցին դեպի *Սասուն*: Այստեղ կար մոտ 50 հազար հայ բնակչություն՝ ներառյալ այլ վայրերից ապաստանածները: Սասունի ինքնապաշտպանությունն իրականացնում էին 600 մարտիկներ: Մուշի հայության հետ հաշվեհարդար տեսնելուց հետո թուրքական հրամանատարությունն ազատված ուժերը տեղափոխեց Սասուն: Անդոկի և Ծովասարի լեռներում մարտերը շարունակվեցին մինչև օգոստոսի սկիզբը:

1915 թ. *հունիսի 3-ին* սկսվեց *Շապին-Գարահիսար* բաղաքի հայկական թաղամասի ինքնապաշտպանությունը: Տեղի ինքնապաշտպանությունը ղեկավարելու համար կազմակերպվում է Զինվորական խորհուրդ, որը գլխավորում է *Ղուկաս Տեովլեթյանը*: Որոշվում է դիմադրության վայր ընտրել բաղաքի հարևանությամբ գտնվող հինավուրց բերդը, ուր պատասպարվում են 5 հազարից ավելի հայեր: Հունիսի վերջին իրադրությունը դարձավ սպառնալից: Զինվորական խորհուրդը վճռում է՝ քանի դեռ սովը ուժասպառ չի արել մարդկանց, ձեռքով հակառակորդի պաշարումը: *Հունիսի 29-ի* ուշ գիշերը մոտ 1000 հոգուց բաղկացած հայերի ջոկատը գրոհում է թուրքական ուժերի վրա և ձեռքում շրջափակումը:

1915 թ. հուլիսի վերջերին երիտթուրքա-

կան իշխանությունները Միջերկրական ծովի հյուսիսարևելյան ափին ընկած *Սուտադիա* գավառակի հայությանը հրամայում են տարագրվել: Տեղի զուտ հայկական վեց գյուղերի 4 200-ից ավելի բնակիչներ վճռում են չենթարկվել այլ բարձրանալ մոտակա Մուսա լեռը: Կազմվում է ղեկավար մարմին՝ *Տիգրան Անդրեասյանի* ղեկավարությամբ: Օգոստոսի սկզբից սկսվում է հերոսական դիմադրությունը: Շրջափակման մեջ գտնվող հայերի համար փրկության միակ ելքը Միջերկրական ծովն էր, որտեղ պարենություն էին անում բրիտանական և ֆրանսիական ռազմանավերը: Սեպտեմբերի 5-ին ֆրանսիական «*Գիշեն*» հաժանավն անսպասելիորեն հայտնվում է Մուսա լեռան ափամերձ ջրերում: Կապ է հաստատվում նավապետի հետ, որը խտատանում է մի քանի օրից գալ օգնության: Սեպտեմբերի 10-ին հասնում է բաղձալի օգնությունը, իսկ երկու օր հետո սկսվում է հայերի տարահանումը: Փրկված 4 058 հայերը տեղափոխվում են Եգիպտոսի Պորտ Սաիդ քաղաքը:

Երիտթուրք ջարդարարների դեմ ինքնապաշտպանություն կազմակերպվեց նաև *Ուրֆայում* (Եդեսիա): Քաղաքի 100 հազար բնակչից 35 հազարը հայեր էին: *Սեպտեմբերի 29-ին* սկսվում է հերոսամարտը: Հայերին զենքի կոչելով՝ ղողանջում են Հայ առաքելական եկեղեցու զանգերը: Ինքնապաշտպանությունը կազմակերպելու և ղեկավարելու համար ստեղծվում է Զինվորական խորհուրդ՝ *Մկրտիչ Յոթնեղբայրյանի* գլխավորությամբ: Ուրֆացիները հերոսաբար դիմադրում են մինչև *նոյեմբերի կեսերը*:

Այսպիսով՝ հայերը կարողացան որոշ քաղաքներում և գյուղերում զինված դիմադրություն կազմակերպել, որի արդյունքում տասնյակ հազարավոր հայեր փրկվեցին: Իսկ Վանի հայության ինքնապաշտպանությունն ավարտվեց փայլուն հաղթանակով, և Վանի նահանգում թեև կարճատև, բայց գոյություն ունեցավ *ազգային տեղական իշխանություն*՝ *ապագա անկախության* ավերարարը:

Հարցեր և առաջադրանքներ

1. Երբ և որտեղ էր կայացվել հայերին բնաջնջելու երիտթուրքերի որոշումը: Պարզաբանե՞ք հայերի ցեղասպանության պատճառները: Ի՞նչ դեր է խաղացել երեքի կոմիտեն հայկական ջարդերի իրագործման մեջ:
2. Ներկայացրե՞ք Մեծ եղեռնի իրականացման փուլերը: Երբ սկսվեցին համատարած կոտորածներն ու տեղահանությունը: Ո՞ր շրջանին հասցվեց երիտթուրքերի առաջին հարվածը:
3. Թվարկե՞ք Արևմտյան Հայաստանի և կայսրության այն բնակավայրերը, որտեղ տեղի ունեցան ինքնապաշտպանական մարտեր: Նկարագրե՞ք ինքնապաշտպանական մարտերը և վերհանե՞ք դրանց պատմական նշանակությունը:

ԼՐԱՑՈՒՑԻՉ ՆՅՈՒԹ

Հարված երիտթուրքերի գաղութի խորհրդակցությունում Երեքի կոմիտեի անդամ Նազրմի եղայթից

Անհրաժեշտ է գործել արագ: Եթե բավարարվենք մասնակի կոտորածով, ինչպես եղավ 1909 թ. Ադանայում և այլ շրջաններում, ապա դա օգուտի փոխարեն վնաս կբերի, քանի որ վտանգ կստեղծենք արթնացնելու այն տարրերին, որոնց նույնպես մտադիր ենք վերացնել ճանապարհից՝ արաբներին և քրդերին: Հայ տարրը պետք է հիմքից արմատախիլ անել, որպեսզի ոչ մի հայ չմնա մեր հողում, և մոռացվի բուն այդ անունը: Հիմա պատերազմ է, այսպիսի հարմար առիթ այլևս չի լինի: Մեծ տերությունների միջամտությունն ու համաշխարհային մամուլի աղմկոտ բողոքները կմնան աննկատ, իսկ եթե նրանք իմանան էլ, կկանգնեն կատարված փաստի առաջ, և դրանով իսկ հարցը կսպառվի: Այս անգամ մեր գործողությունները պետք է հայերի համընդհանուր բնաջնջման բնույթ կրեն: ...Ես ուզում եմ, որ այս հողի վրա ապրի ու լիակատար տեր ու տնօրեն լինի թուրքն ու միայն թուրքը: ...Մեր երկիրը պետք է մաքրել ոչ թուրք տարրերից: Կրոնն ինձ համար իմաստ ու նշանակություն չունի: Իմ կրոնը Թուրանն է:

§ 4. ՀԱՅՈՑ ՑԵՂԱՍԴԱՆՈՒԹՅԱՆ ՃԱՆԱԶՄԱՆ ԳՈՐԾԵՆԹԱՅԻ ՍԿԻԶԸ

Մեծ եղեռնի հետևանքները: Մեծ եղեռնը ոչ միայն հայոց, այլև համաշխարհային քաղաքակրթության դեմ ուղղված ծանր ոճրագործություններից է: Հայերի ցեղասպանությունն իրագործվում էր ոչ միայն Արևմտյան Հայաստանում, այլև օսմանյան Թուրքիայի բոլոր հայաբնակ վայրերում: Բնաջնջումից մասնակիորեն փրկվեցին Կ. Պոլսի և Զմյուռնիայի հայերը: Դա բացատրվում

է այն հանգամանքով, որ այդ քաղաքներն ունեին միջազգային նշանակություն, և երիտթուրքերը զգուշանում էին օտարերկրացիների ներկայությունից:

Ցեղասպանության ծանրագույն հետևանքը մեր հայրենիքի մեծագույն մասի՝ Արևմտյան Հայաստանի հայաթափումն էր, հայերի հայրենազրկումը: Եղեռնից փրկված արևմտահայերը սփռվեցին աշխարհով մեկ:

Նրանց մի հատվածը՝ մոտ 250 հազար մարդ, հիմնականում կանաչ և երեխաներ, մնաց բուն երկրում և մահմեդականացվեց:

Ողջ մնացածների երկրորդ հատվածը գտնվում էր Միջագետքի արաբական անապատների աքսորավայրերում: 1916 թ. փետրվարի տվյալներով՝ հայ աքսորյալների թիվը շուրջ 600 հազար էր: Երիտթուրքերը հրամայեցին նրանց ևս ոչնչացնել: Արևմտահայ աքսորյալները նույն տարվա գարնանը ենթարկվեցին զարհուրելի ջարդերի, որոնց զոհ գնաց ավելի քան 300 հազար մարդ: Ժամանակակից թուրք պատմաբաններն ու քաղաքական գործիչները պատճառաբանում են, թե հայերի տեղահանությունը պատերազմական իրավիճակից բխած անհրաժեշտ միջոցառում էր: Սակայն արաբական անապատներ աքսորված արևմտահայ տարագիրների դաժան կոտորածները վկայում են, որ տեղահանության նպատակը հայ ժողովրդի բնաջնջումն էր:

Եղեռնից փրկված հայերի մի ստվար հատված՝ մոտ 300 հազար մարդ, ապաստան գտավ Արևելյան Հայաստանում և Անդրկովկասի տարբեր շրջաններում:

Ցեղասպանության հետևանքներից էր հայկական սփյուռքի ձևավորումը: Հարյուր հազարավոր հայեր ստիպված էին բնակություն հաստատել աշխարհի տարբեր երկրներում և սկսել մաքառումի, գոյատևման ու ազգապահպանության նորագույն տարեգրությունը:

Վիթխարի էր նաև հայ ժողովրդի նյութական կորուստը՝ առնվազն 20 միլիարդ ֆրանկ ոսկի: Ժամանակի համար սա ահռելի գումար էր. քավական է ասել, որ Առաջին համաշխարհային պատերազմի ընթացքում Թուրքիայի պատերազմական ծախսերը կազմել են ընդամենը 9-10 միլիարդ ֆրանկ: Հայերի բռնազաղթից հետո նրանց շարժական և անշարժ գույքն անցավ տեղական իշխանություններին կամ թալանվեց թուրքերի և քրդերի կողմից: Երիտթուրքերի պա-

րագլուխներից Թալեաթի լիտիությունը հասավ այնտեղ, որ ամերիկյան դեսպան Հ. Մորգենթաուին առաջարկեց հանձնել օսմանահպատակ հայերի ԱՄՆ-ի բանկերում պահվող ավանդները:

Ոչնչացվեցին կամ յուրացվեցին հայության ստեղծած պատմամշակութային արժեքները, քանի որ դրանք նյութական վկաներն էին մարդկության բնօրրաններից մեկում՝ Հայաստանում հազարամյակներ ապրած հայ ազգի: Թալանվեց նաև Հայ առաքելական եկեղեցուն պատկանող գույքը: Հայկական 2350 եկեղեցիներ և վանքեր ավերվեցին կամ կողոպտվեցին: Վերացվեցին 1500 հայկական դպրոց ու վարժարան: Ոչնչացվեցին 20 հազարից ավելի հայկական ձեռագրեր և հնատիպ գրքեր: Մշակութային ցեղասպանությունը շարունակվեց նաև հետագա տասնամյակներում: Այսօր էլ այն ընթացքի մեջ է ոչ միայն Թուրքիայում, այլ նաև Ադրբեջանում:

Եվ վերջապես՝ ցեղասպանությունը ծանր հետք է թողել հայության բոլոր սերունդների կենսագործունեության, բնավորության, ազգային նկարագրի և նպատակների ձևավորման վրա:


Տերությունների և միջազգային հանրության վերաբերմունքը: Առաջին աշխարհամարտը սանձազերծող տերությունները տարբեր կերպ արձագանքեցին հայոց Մեծ եղեռնին: Անտանտի երկրները, որ պատերազմի գաղափարական արդարացման նպատակով հռչակել էին, թե կռվում են ճնշված ազգերի՝ լեհերի, հայերի, հրեաների և այլոց ազատագրության համար, դատապարտեցին երիտթուրքերի կառավարության հանցավոր քաղաքականությունը: Ռուսական կողմի նախաձեռնությամբ *Մեծ Բրիտանիան, Ռուսաստանը և Ֆրանսիան* սկսված հայկական ջարդերի կապակցությամբ 1915 թ. մայիսի II-ին հանդես եկան բողոքի հայտարարությամբ: Անտանտի գլխավոր տերությունները նախազգու-

շացրին, որ պատասխանատվության են կանչելու թուրքական կառավարության անդամներին:

Հայկական նահանգներում և Օսմանյան կայսրության մյուս շրջաններում գործունեություն ծավալած ամերիկյան միսիոներներն իրենց հերթին միջազգային հանրությանը տեղեկացրին, թե իրականում ինչ է կատարվում հայերի հետ: ԱՄՆ-ը, որ այդ պահին դեռևս չեզոք երկիր էր, փորձեց ձնշում գործադրել թուրքական կառավարության վրա: 1916 թ. *փեյրուսարին* ԱՄՆ-ի կառավարությունն իր բողոքը հայտնեց հայերի նկատմամբ իրականացվող բռնությունների դեմ:

Մեծ Բրիտանիայի վարչապետ **Լ. Ջորջը** ասում էր, որ հաշտության պայմանագրով հայկական հողերը պետք է վերջնականորեն ազատագրվեն թուրքերից: 1916 թ. *անգլիացի պատրմաբան լորդ Ջ. Բրայսը* հրատարակեց փաստաթղթերի և նյութերի ժողովածու, հայերի կոտորածների մասին աշխատություն գրեց *անգլիացի հայտնի պատրմաբան Ա. Թոյնթին*:

Կայսերական Գերմանիան և Ավստրո-Հունգարիան, տեղյակ լինելով իրականացվող ջարդերի մասին, գործնական լուրջ քայլերի չդիմեցին կանխելու կամ արգելակելու իրենց դաշնակցի կողմից կատարվող եղեռնագործությունը: Եթե նման փորձեր էլ արվում էին, ապա դրանք անտեսվում էին երիտթուրք պարագլուխների կողմից: Հատկապես ազդեցիկ կարող էր լինել Գերմանիայի միջամտությունը, սակայն գերմանական պետական և քաղաքական շրջանակները, չնչին բացառությամբ, աջակցում էին երիտթուրքերին կամ անտարբեր կեցվածք էին որդեգրել: Հայապաշտպան գործունեություն ծավալեց *Գերմանա-հայկական ընկերության նախագահ, արևելագետ Յոհաննես Լեպիսուսը*, որի համար նա ենթարկվեց ձնշումների ու հարկադրված հեռացավ իր երկրից:



Ֆրիտյոֆ Նանսեն

Օսմանյան կայսրությունում տեղի ունեցող Մեծ եղեռնը դատապարտվեց ժամանակի հասարակական-քաղաքական և պետական նշանավոր շատ գործիչների կողմից՝ Ա. Ֆրանս, Ռ. Ռոլան, Ֆ. Նանսեն, Մ. Գորկի, Վ. Բրյուսով, Վ. Վիլսոն, Դ. Լյուդ Ջորջ, Ջ. Քերզոն, Ա. Բրիան, Ժ. Կլեմանսո, Հ. Մորգենթաու և շատ ուրիշներ: Նրանք այն որակեցին որպես XX դարի առաջին ցեղասպանություն: Բայց Մեծ եղեռնից շատ չանցած՝ մարդկությունը մի քանի տասնամյակ շարունակ մոռացության տվեց թուրքերի կատարած մեծ ոճրագործությունը:

«Ցեղասպանություն» հասկացությունը: XX դարի սկզբներին, երբ իրականացվում էր հայերի վերացման թուրքական պետական ծրագիրը, միջազգային իրավունքի մեջ դեռ ձևակերպված չէր «ցեղասպանություն» հասկացությունը: Միայն 1948 թ. *դեկտեմբերի 9-ին Միավորված ազգերի կազմակերպության* ընդունված *«Ցեղասպանության հանցագործությունները կանխելու և դրա համար պատժի մասին» կոնվենցիայում* տրվեց իրավական ձևակերպումը: Այս բանաձևի հիմքում ընկած էր լեհական հրեա, իրավաբան

Ռաֆայել Լեմկինի առաջարկած նախագիծը, որը կազմվել էր հայ ժողովրդի հետ 1915–1923 թթ. տեղի ունեցած իրադարձությունների վերլուծության հիման վրա:

Ըստ այդ հիմնարար փաստաթղթի՝ ցեղասպանություն են որակվում այն գործողությունները, որոնք կիրառվում են որևէ ազգի, ցեղային կամ կրոնական համայնքի լիակատար կամ մասնակի ոչնչացման նպատակով: **Հետևյալ հինգ գործողություններից յուրաքանչյուրը համարվում է ցեղասպանական գործողություն.**

1. խմբի կամ համայնքի անդամների սպանությունը, 2. նրանց մարմնական լուրջ վնասվածք կամ մրավոր խանգարում հասցնելը, 3. խմբի համար այնպիսի կենսապայմանների սրեղծումը, որոնց նպատակն է այդ խմբի մասնակի կամ լիակատար ոչնչացումը, 4. խմբի ներսում ծննդաբերության կանխման միջոցառումները, 5. երեխաների հանձնումը մարդկային մի խմբից մյուսին:

Անհերքելի իրողություն է, կասկածի տեղիք իսկ չի մնում, որ հայության նկատմամբ թուրքերը իրականացրել են ՄԱԿ-ի՝ ցեղասպանությունը որակող կոնվենցիայի բոլոր հինգ գործողությունները: Այդ կոնվենցիայով և հետագայում ընդունված միջազգային այլ փաստաթղթերով սահմանված են, որ այդօրինակ հանցագործությունները վաղեմության ժամկետ չունեն:

Հայոց ցեղասպանության միջազգային ճանաչման առաջին քայլերը: Հայոց ցեղասպանության միջազգային ճանաչման առաջին քայլեր պետք է համարել իրադարձությունների թարմ հետքերով պետությունների ղեկավարների, օրենսդիր ու գործադիր քարձրագույն մարմինների, քաղաքական ու հասարակական հայտնի գործիչների հայտարարությունները, բողոքների նոտաները, ելույթները:

Անտանտի երկրների 1915 թ. մայիսի 11-ի վերը նշված հայտարարության մեջ ասվում էր. «Նկարի ունենալով Թուրքիայի այս նոր

ոճիրները մարդկության ու քաղաքակրթության դեմ՝ դաշնակից կառավարությունները հրապարակավ հայտնում են Բարձր դռանը, որ իրենք այդ ոճիրների համար պատասխանատու պիտի համարեն օսմանյան կառավարության բոլոր անդամներին, ինչպես նաև այն պաշտոնյաներին, ովքեր մասնակից են եղել կոտորածներին»: Առաջին աշխարհամարտի ավարտից անմիջապես հետո, հաշվի առնելով համաշխարհային առաջադեմ հանրության կարծիքը և հետամուտ լինելով այս հարցում, Անտանտի երկրները երիտթուրքերին փոխարինած թուրքական նոր կառավարությունից պահանջեցին բացել դատական գործ:

1919 թ. հունվարին հիմնված ռազմական առյուծները դատական հետաքննության ենթարկեցին նախկին կառավարության ղեկավարներին, «Միություն և առաջադիմություն» կուսակցության կենտրոնական կոմիտեի անդամներին, Հատուկ կազմակերպության ղեկավարներին: Նրանք հայկական ջարդերի անմիջական կազմակերպիչներն ու իրականացնողներն էին: Հայերի կոտորածների վերաբերյալ մեղադրական հսկայական ապացույցներ հավաքվեցին:

Երիտթուրքերի ղեկավարներին հաջողվել էր նախքան Մուդրոսի գինադադարը ձողոպրել երկրից և ապաստան գտնել տարբեր երկրներում: Սակայն դա չազատեց նրանց պատասխանատվությունից: Դատավարությունն ընթացավ 1919 թ. ապրիլից մինչև հունիսը, իսկ վճիռն արձակվեց 1919 թ. հուլիսի 5-ին: Անգամ թուրքական դատարանը հարկադրված էր ընդունել երիտթուրքերի ծանր հանցանքները: Թալեաթը, Էնվերը, Ջեմալը և Նազմը հեռակա դատապարտվեցին մահվան: Հետագայում նման պատժի արժանացան նաև Բեհանդին Շաքիրը, Ջեմալ Ազմին և Նայիմ բեյը, իսկ շատ շատերն էլ դատապարտվեցին տարբեր ժամկետներով ազատազրկման:

Այսպիսով՝ **քաղաքական-իրավական**



Սողոմոն Թեհլերյան

լրեսանկյունից Հայոց ցեղասպանության ճանաչման առաջին լուրջ քայլը կատարել է հենց թուրքական կառավարությունը:

Երիտթուրքերի պարագլուխների դատավճիռը, սակայն, հնարավոր չեղավ ի կատար ածել, հանցագործները երկրից դուրս էին: Տեսնելով, որ թուրքական կառավարությունը և դաշնակից երկրները հետևողական չեն այդ հարցում՝ դատավճռի իրականացմանը ձեռնամուխ եղան անձնագրի հայ վրիժառուները: Նրանք գործում էին **ՀՅԴ կողմից 1919 թ. խիստ գաղտնի պայմաններում կրանքի կոչված «Նեմեսիս»** (Նեմեսիսը հին հունական դիցաբանության մեջ հատուցման աստվածուհին է) ծրագրի շրջանակներում:

1921 թ. մարտի 15-ին Բեռլինում Սողոմոն Թեհլերյանն իրականացրեց Մեծ եղեռնի ամենագլխավոր պատասխանատու Թալեթի մահապատիժը: Գերմանական դատարանը, հանգամանորեն և անաչառորեն քննելով հարցը, դրա հետ կապված նաև Հայոց ցեղասպանության հանգամանքները, Ս. Թեհլերյանին արդարացրեց և ազատ արձակեց:

1921 թ. դեկտեմբերի 6-ին Հռոմում Արշավիր Շիրակյանի գնդակից սպանվեց

Օսմանյան կայսրության նախկին վարչապետ Սայիդ Հալիմը:

1922 թ. ապրիլի 17-ին դարձյալ **Բեռլինում Արամ Երկանյանը և Արշավիր Շիրակյանն** իրականացրեցին Բեհանդդին Շաքիրի և Ջեմալ Ազմիի մահապատիժը:

1922 թ. հուլիսի 25-ին Պեարոս Տեր-Պողոսյանը, Արսաշես Գևորգյանը և Սյրեփան Մաղիկյանը Թիֆլիսում ի կատար ածեցին Ջեմալի մահապատիժը: Նույն թվականի օգոստոսին Միջին Ասիայում **Հակոբ Մելքումովի** գլխավորած զորամասերի դեմ մղված մարտերում զոհվեց էնվերը: Նազըմը ավելի ուշ՝ 1926 թ., կախաղան բարձրացվեց հանրապետական Թուրքիայի նախագահ Մուստաֆա Բեմալի դեմ կազմակերպված դավադրությանը մասնակցելու համար:

Այսպես իրականացվեց Հայոց ցեղասպանության գլխավոր պատասխանատուների դատավճիռը:

Երկրորդ աշխարհամարտից հետո Հայոց ցեղասպանության ճանաչման գործընթացը մտավ նոր հունի մեջ: Արդի փուլում աշխարհի երկու տասնյակից ավելի պետություններ ճանաչել ու դատապարտել են հայ ազգի հանդեպ թուրքական պետության կատարած ոճրագործությունը:

Մեր օրերում հայ-թուրքական հարաբերությունների ապագան մեծապես կախված է նրանից, թե արդյո՞ք թուրք ժողովուրդն իր մեջ ուժ կգտնի ճանաչելու և դատապարտելու Հայոց ցեղասպանությունը: Սակայն իրար հաջորդող կառավարությունների գործելակերպը, պետական ու քաղաքական գործիչների հայտարարությունները վկայում են, որ պաշտոնական Թուրքիայի դիրքորոշման հիմքում ընկած է ժխտողականությունը և ուրացումը: **Իսկ Մեծ եղեռնից փրկված հայերի սերունդները և ընդհանրապես ամբողջ հայությունը** շարունակում են **պայքարել ոչ միայն ճանաչման, այլև արժանի հարուցման և ամբողջական հայրենիքի վերականգնման համազգային նպատակի համար:**

Հարցեր և ստուգադրանքներ

1. Վերհաներ Հայոց ցեղասպանության հետևանքները:
2. Ներկայացրեք մեծ տերությունների վերաբերմունքը Մեծ եղեռնի նկատմամբ: Ի՞նչ վերաբերմունք ունեին ժամանակի հասարակական-քաղաքական և պետական նշանավոր գործիչները. ովքեր էին նրանք, ի՞նչ գիտեք նրանց մասին:
3. Երբ և ում կողմից է տրվել «ցեղասպանության» իրավական ձևակերպումը: Ըստ այդ փաստաթղթի՝ ո՞ր գործողություններն են որակվում որպես ցեղասպանություն: Ձեր կարծիքով՝ արդյո՞ք ընդգրկուն և համապարփակ են այդ ձևակերպումները: Ուրիշ ի՞նչ ժողովուրդներ գիտեք, որոնց նկատմամբ երբևէ իրականացվել է ցեղասպանություն:
4. Որո՞նք էին Հայոց ցեղասպանության միջազգային ճանաչմանը միտված առաջին քայլերը: Ի՞նչ ընթացք և ավարտ ունեցավ Մեծ եղեռնի կազմակերպիչների դատավարությունը: Ներկայացրեք և գնահատեք «Նեմեսիս» ծրագիրն ու դրա արդյունքները: Ձեր կարծիքով՝ ի՞նչ նշանակություն և հետևանքներ կունենա Հայոց ցեղասպանության միջազգային և Թուրքիայի կողմից ճանաչման գործընթացը:

§ 5. ՀԱՅ ԱԶԳԱՅԻՆ-ՔԱՂԱՔԱԿԱՆ ԿՅԱՆՔԻ ՎԵՐԵԼՔԸ 1917 Թ. ՓԵՏՐՎԱՐՅԱՆ ՀԵՂԱՓՈԽՈՒԹՅՈՒՆԻՑ ՀԵՏՈ

Նոր իշխանության ձևավորումը Այսրկովկասում: Առաջին համաշխարհային պատերազմի ընթացքում՝ 1917 թ. փետրվարի 27-ին, Ռուսաստանում տեղի ունեցավ հաղթական հեղափոխություն, որը վերջ դրեց միապետական կարգերին: Մարտի 2-ին ձևավորվեց **Ժամանակավոր կառավարություն**, որն էլ ստանձնեց բարձրագույն գործադիր իշխանության դերը Ռուսաստանում: Կառավարության նախագահ նշանակվեց իշխան Գ. Լվովը:

Հեղափոխական ալիքը մի փոքր ուշացումով հասավ Կովկաս, տարածվեց նաև Հայաստանում: Բոլորը ողջունում էին ժողովրդավարական հեղափոխությունը, պահանջում հաստատել իրական քաղաքացիական ազատություններ և իրավունքներ, մտցնել կարգուկանոն հասարակական կյանքի բոլոր բնագավառներում: Նոր կառավարության վարչական մարմինները աստիճանաբար հաստատվեցին նաև Կովկասի նախկին փոխարքայության սահմաններում: Ժամանակավոր կառավարությունը 1917 թ. մարտի 9-ին կազմեց երկրամասի

իշխանության նոր մարմին՝ **Անդրկովկասյան հայրուկ կոմիտեն (ԱՀԿ)**՝ Պետական IV դումայի կովկասյան հինգ պատգամավորներից: ԱՀԿ-ի նախագահն էր **Վ. Խառլամովը** (կաղետ), հայերից ընդգրկված էր **Մ. Պապաջանյանը** (կաղետ): Սակայն իր գործունեության ողջ ընթացքում ԱՀԿ-ն իրական իշխանություն չդարձավ և այդպես էլ հեղինակություն չվաստակեց Անդրկովկասում:

Ժամանակավոր կառավարությունը և Արևմտյան Հայաստանը: Պատերազմական առումով 1917 թ. ռուս-թուրքական ճակատում, բացառությամբ պարսկական հատվածի, նշանակալի իրադարձություններ տեղի չունեցան: Ապրիլի դրությամբ՝ Կովկասյան ձակառի (*դեն էջ III-ի քարտեզը*) հայկական հատվածում կռվում էր ռուսական բանակային հինգ կորպուս, իսկ պարսկական հատվածում՝ երկու կորպուս (միասին՝ 232 հազար զինվորական):

Ժամանակավոր կառավարությունն իր գոյության ողջ ընթացքում այդպես էլ վերջնականորեն չբացահայտեց իր ծրագիրը

Հայաստանի ապագայի հանդեպ, այնուհանդերձ այդ ուղղությամբ նրա կողմից արված որոշ քայլեր դրական հույսեր էին արթնացրել հայ քաղաքական շրջանակներում: Դեռևս 1917 թ. մարտին արտգործնախարար Պ. Մխչյուկովը նշել էր, որ Ռուսաստանի նոր իշխանությունն Արևմտյան Հայաստանի հարցում որդեգրելու է նոր մոտեցում, որը բխելու է նաև հայերի շահերից:

1917 թ. ապրիլի 26-ին հրապարակվեց ժամանակավոր կառավարության որոշումը Արևմտյան Հայաստանի և գրավված մյուս վայրերի կառավարման նոր ձևի հաստատման մասին: Առաջին անգամ պաշտոնապես ճանաչվեց և ձևակերպում ստացավ Օսմանյան կայսրությունից նվաճված տարածքի հայկական մասը՝ որպես վարչական առանձին միավոր՝ «Թուրքահայաստան» անվանումով:

Արևմտյան Հայաստանի և պատերազմի իրավունքով Թուրքիայից գրավված մյուս մարզերի ողջ տարածքի քաղաքացիական կառավարումն անմիջականորեն դրվեց ժամանակավոր կառավարության ենթակայության տակ: Մինչև Արևմտյան Հայաստանի կարգավիճակը վերջնականապես որոշելը՝ գրավված տարածքում ստեղծված երեք հայկական մարզերը (Էրզրում, Խնուս, Վան) կառավարվելու էին գեներալ-կոմիսարի և նրա երկու օգնականների միջոցով: Գլխավոր կոմիսար նշանակվեց գեներալ Պ. Ավերյանովը, քաղաքացիական գծով տեղակալ՝ Հակոբ Զավրյանը:

Ռուսական նոր իշխանությունը արմատականորեն փոխեց իր վերաբերմունքը Արևմտյան Հայաստանի և հայերի նկատմամբ և սկսեց հայկական մարզերում հայանպաստ քաղաքականություն իրականացնել: Դրա ցայտուն վկայությունն են Արևմտահայաստանի գեներալ-կոմիսարին վարչապետ Լվովի և նոր արտգործնախարար Տերեշենկոյի կողմից տրված գաղտնի «Ղեկավար հրահանգները» (1917 թ. մայի-



Անդրանիկ Օզանյան

սի 15-ի ստորագրությամբ): Ժամանակավոր կառավարությունը հրահանգում էր թույլատրել բոլոր հայերին, ովքեր «այս պատերազմի ժամանակ կամ էլ դրանից առաջ փախել են» այդ տարածքից, ինչպես նաև նախկին թուրքահայատակ հայերին վերաբնակվել հիշյալ մարզերում: Իսկ մինչև հատուկ որոշում կայացնելը, թուրքերին, լազերին, քրդերին, որոնք փախել էին թուրքական զորքի հետ, չթույլատրվեց վերադառնալ այդ մարզերը:

Արևմտահայերի ազգային խորհրդի արեղծումը: Անդրկովկասում ապաստան գտած մոտ 300 հազար արևմտահայ գաղթականությունը, ոգևորվելով ռուսական իշխանությունների նոր վերաբերմունքից և Ռուսաստանում հաստատված քաղաքական ազատությունների մթնոլորտից, սկսեց կազմակերպվել: Երևանում 1917 թ. մայիսի 2-11-ը կայացավ արևմտահայերի առաջին համագումարը, որին մասնակցում էին 80 պատգամավորներ և մոտ 400 հյուրեր: Քննարկված մի շարք կարևոր հարցերի՝ փախստականներին օգնելու, հայրե-

նիքում արևմտահայերի վերաբնակեցման, Հայաստանում ազգային վարչություն կազմակերպելու, Ռուսաստանում եղած արևմտահայ ռազմագերիներին (մոտ 3500 մարդ) ազատ արձակելու, հայկական մարզերի տնտեսության վերականգնման վերաբերյալ ընդունվեցին որոշումներ:

Ընտրվեց կենտրոնական ղեկավար մարմին՝ 15-հոգանոց *Արևմտահայ ազգային խորհուրդ*: Խորհրդի անդամներ դարձան Անդրանիկը, Սմբատը, Զապել Եսայանը, Լ. Շանթը, Սեպուհը, Վ. Փափազյանը և ուրիշներ: Արևմտահայ ազգային խորհրդի նախագահ ընտրվեց *Վահան Փափազյանը (Կոմս)*, իսկ պատվավոր նախագահ՝ *Անդրանիկը*:

Վանի, Խնուսի և Էրզրումի մարզերում կարճ ժամանակ անց ձևավորվեցին և սկսեցին գործել Արևմտահայ ազգային խորհրդի տեղական կազմակերպությունները: Ս. Վրացյանը գրում է. «Մի տեսակ արտահռչակյալ պետություն էր սրելովում՝ կենտրոնական և տեղական իշխանություններով: Ապագայում, երբ Թուրքահայաստանը դառնար ազատ, կառավարման մեքենան արդեն պարրասար էր»:

1917 թ. հայկական կազմակերպությունները մեծ գործ կատարեցին ավերված քնակավայրերը վերականգնելու և վերաբնակեցնելու ուղղությամբ: Աշնան վերջերին հայկական մարզերում մոտ 300 հազար հայ բնակչություն կար: Վերականգնվող հայկական մարզերում տեղի հայ բնակչությունից կազմակերպվում էին նաև ժողովրդական միլիցիայի ջոկատներ ու կամավորական խմբեր: Վանի մարզի տեղական զինված խմբերը ղեկավարում էին *Լևոն Շաղոյանը և Բուդաբացի Գրիգորը*: Բաբերդում ձևավորված ջոկատի պետն էր *Սեպուհը*, Երզնկայի ջոկատինը՝ *Սեբաստիան Մուրադը*, Խնուսի և Մուշի ջոկատները գլխավորում էին *Մանուկը և Մուշեղը*: Ալաշկերտի զինվորական շրջանի ոստիկանապետ էր

նշանակվել *Համազասպը*, իսկ ոստիկանական ջոկատի պետ՝ *Սմբատը*: 1917 թ. ամռան վերջին այդ բոլոր ջոկատներում կար մոտ 5 հազար մարդ: Նրանց թվաքանակն աստիճանաբար աճում էր՝ հուսալի հենարան դառնալով Հայաստանի վերաստեղծման նվիրական գործի համար:

Հայ քաղաքական կուսակցությունների գործունեությունը: Հայ ժողովուրդն օգտվեց Փետրվարյան հեղափոխության նվաճումներից: Ժողովրդավարական ազատությունների մթնոլորտում բուռն վերելք ապրեց հայ հասարակական կյանքը:

Պայքար ծավալվեց դպրոցների ազգայնացման, աշխարհիկ կրթության հաստատման համար: Հայ աշակերտությունն ու ուսանողությունը ներգրավվեցին ժողովրդավարական ու ազգային գործընթացների մեջ: Յուրաքանչյուր կուսակցություն ձգտում էր երիտասարդների միջոցով ուժեղացնելու իր շարքերը և քաղաքական ազդեցությունը:

Հայ հասարակական կյանքի կարևոր իրադարձություններից էր *հայ եկեղեցական համագումարը*, որը կայացավ *Էջմիածնում 1917 թ. հունիսի 12-25-ը*: Այն անդրադարձավ եկեղեցական բարենորոգումների խնդիրներին, Հայկական հարցին, հայոց ազգային խորհրդածողովի հրավիրման, կրթական և այլ հարցերի:

Հայ ազգային կուսակցությունները, սոցիալ-դեմոկրատական ու ազատական ուղղությունների ներկայացուցիչները քաղաքական նոր պայմաններում օրինական գործունեության հնարավորություն ստացան:

Հայ հեղափոխական դաշնակցությունը՝ հետամուտ եղավ ժողովրդավարական ու ազգային իրավունքների հաստատման համար պայքարին: Նա պահանջում էր գործնականում ապահովել ազգերի իրավահավասարությունը, ինքնորոշման իրավունքը, ազգային կրթական և մշակութային կյանքի ազատ զարգացման պայմաններ:

Դաշնակցության առաջնահերթ նպատակը Հայկական հարցի լուծման համար պայքարն էր: Ըստ ՀՅԴ առաջադրած նախագծի՝ Արևելյան Հայաստանը Վրաստանի և երկրամասի թաթարների հետ միասին կազմելու էր մեկ պետական-ինքնավար դաշնային միավոր՝ հանրապետական դաշնային Ռուսաստանի կազմում: Արևմտյան Հայաստանը լիովին ազատագրվելու էր թուրքական բռնակալությունից, իսկ անկախ Հայաստանի տարածքը կազմելու էին հայկական վեց նահանգները և Կիլիկիան: Հայաստանի «չեզոքությունը պետք է երաշխավորվեր միջազգայնորեն, թուրքական կառավարությունը պետք է հատուցեր հայերի վնասները»:

Մեծ էր դաշնակցության քաղաքական կշիռը նաև Հայաստանում ստեղծված հեղափոխական-քաղաքական մարմիններում՝ բանվորական, զինվորական և գյուղացիական պատգամավորների խորհուրդներում:

Հնչակյան կուսակցությունը, ողջունելով ռուսական հաղթական հեղափոխությունը, կոչ արեց աջակցելու ժամանակավոր կառավարությանը: Հնչակյաններն առաջին հերթին զբաղվեցին իրենց շարքերի համալրման և երկրամասում կուսակցական մարմինների ստեղծման գործով: Թիֆլիսում համախմբվեցին Մ. Նազարբեկյանը, Ռ. Խանազատը, Ա. Կիսուրը և ուրիշներ: Հնչակյան կուսակցությունը մի կողմից՝ պաշտպանում էր սոցիալիստական հեղափոխության գաղափարը, մյուս կողմից՝ կոչ էր անում շարունակելու պատերազմը մինչև հաղթական ավարտ: Այնուհանդերձ՝ Հնչակյան կուսակցության գործունեությունը հիմնականում կենտրոնացած էր Հայկական հարցի շուրջ: Արևմտյան Հայաստանի հարցի լուծումը համարում էին Թուրքիայից անջատ ինքնավար Հայաստանի ստեղծումը:

Երկրամասի հայ ազատական-ժողովրդավարական ուղղության ներկայացուցիչները համախմբվել էին «Մշակ» թերթի շուրջը:

Մշակականները կամ հայ կադետները փորձում էին նվաճել հայ քաղաքական կյանքի ղեկավարի դիրքը՝ այն խլելով դաշնակցությունից: 1917 թ. մարտին նրանք ստեղծեցին **Հայ ժողովրդական կուսակցությունը՝ ՀԺԿ**: Նորաստեղծ կուսակցության հռչակագրում նշվում էր, որ մինչև համառուսաստանյան Սահմանադիր ժողովի գումարումը չպետք է առաջադրվեն ազգային, տնտեսական, դասակարգային և կրոնական պահանջներ, որոնք կջլխառնեն Ռուսաստանի զանազան ազգերի ու դասակարգերի միության ուժը: Կուսակցությունը ղեկավարում էին Մ. Պապաջանյանը, Ս. Հարությունյանը և Հ. Առաքելյանը: ՀԺԿ-ն համարում էր, որ Հայկական հարցը պետք է լուծում ստանա միջազգային վեհաժողովում՝ համաձայն արևմտահայերի ձգտումների:

Հեղափոխությունից հետո երկրամասում քաղաքական լուրջ դեր ստանձնեց նաև **Սոցիալիստ հեղափոխականների (Էսեռներ) կուսակցությունը**: Այն մեծ ազդեցություն ուներ Կովկասյան ճակատում և երկրամասի քաղաքներում տեղակայված բանակային զորամասերում:

Քաղաքական լուրջ հակադրություն և պայքար էր ընթանում ռուսական սոցիալ-դեմոկրատիայի երկու թևերի՝ **բոլշևիկների ու մենշևիկների** միջև: Մենշևիկները խուսափում էին ազգային հարցի արծարծումից, սպասում էին աշխարհամարտի ավարտին: Իսկ բոլշևիկներն առաջ էին քաշում զբաղված բոլոր տարածքներից զորքերի դուրս քերման, տերությունների կազմում բռնությամբ պահվող երկրամասերին, ինչպես նաև նրանց գաղութներին ազատ ինքնորոշվելու հնարավորություն տալու պահանջներ:

Արևերասիայ ազգային խորհրդի արեժումը: Ռուսաստանի ազգային բոլոր երկրամասերում քաղաքական և հասարակական ուժերը ստեղծում էին համազգային տարաբնույթ կազմակերպություններ, որոնք

իրենց ձեռքն էին վերցնում ազգային կյանքի տնօրինումը: Այս միտումից անմասն չմնացին նաև հայերը:

Երկարատև նախապատրաստությունից հետո տեղի ունեցավ նաև արևելահայերի ներկայացուցչական համաժողովը՝ Հայոց ազգային համախորհրդակցությունը: Այն գումարվեց *Թիֆլիսում 1917 թ. սեպտեմբերի 29-ից մինչև հոկտեմբերի 13-ը*: Մասնակցում էին քաղաքական և հասարակական տարբեր կազմակերպությունների 228 պատգամավորներ, որոնց կեսից ավելին դաշնակցականներ էին: Բազմազան էր համախորհրդակցության քննարկած խնդիրների շրջանակը. հրատապ էին Անդրկովկասում տեղական ինքնակառավարման հաստատման, ճակատի պաշտպանության, պարենային և փախստականության գործերի մասին հարցերը:

Համախորհրդակցության ավարտից քիչ անց, ըստ նրա որոշման, ձևավորվեց նոր մարմին՝ 35 անդամներից կազմված *Ազգային ժողով*: Օրենսդրական իրավասություն ունեցող Ազգային ժողովն իր կազմից ընտրեց 15-հոգանոց գործադիր մարմին՝ *Հայոց ազգային խորհուրդ*: Խորհրդի նա-

խագահն էր *Ա. Մխարոնյանը*, քարտուղարը՝ Ն. Աղբալյանը: Ազգային խորհրդի անդամներից Ռուբենը, Ա. Գյուլխանդանյանը, Խ. Կարճիկյանը, Կ. Ղազազյանը դաշնակցականներ էին, Ս. Հարությունյանը, Մ. Պապաջանյանը՝ ՀԺԿ-ական, Լ. Աթաբեգյանը, Հ. Տեր-Օհանյանը՝ էսեռներ, Ա. Երզնկյանը՝ մենշևիկ, Ղ. Տեր-Ղազարյանը՝ հնչակյան, Տ. Բեկզադյանը, Ս. Մամիկոնյանը, Պ. Ջաքարյանը՝ անկուսակցականներ: Հայոց ազգային խորհրդի նստավայրը Թիֆլիսն էր: Կովկասի հայաբնակ քաղաքներում և Հայաստանի վարչական կենտրոններում ձևավորվեցին խորհրդի տեղական մարմիններ՝ Հայոց ազգային խորհուրդները: Ազգային քաղաքական նոր մարմինների ստեղծումով ավարտվեց Հայոց ազգային բյուրոյի (1912-1917 թթ.) գործունեությունը:

Երկարատև ջանքերի արդյունքում ստեղծված Հայոց ազգային խորհրդին բախտ էր վիճակված դառնալու հայության գործնական կյանքը տնօրինող մի կազմակերպություն, որի հիման վրա հետագայում ձևավորվեցին Հայաստանի Հանրապետության պետական մարմինները:

Հարցեր և ստաջադրանքներ

1. Ի՞նչ փոփոխություններ կատարվեցին Ռուսաստանում Փետրվարյան հեղափոխության արդյունքում: Ներկայացրե՞ք իրադրությունը Անդրկովկասում և Կովկասյան ճակատում:
2. Ի՞նչ քայլեր ձեռնարկեց Ժամանակավոր կառավարությունը Հայկական հարցի լուծման ուղղությամբ: Համեմատե՞ք հայերի նկատմամբ միապետական Ռուսաստանի և Ժամանակավոր կառավարության վարած քաղաքականությունը:
3. Ներկայացրե՞ք Արևմտահայերի ազգային խորհրդի ստեղծման նշանակությունը և արդյունքները: Հայաստանի վերականգնման նպատակով ի՞նչ քայլեր իրագործվեցին:
4. Ցույց տվե՞ք հայ քաղաքական կուսակցությունների դիրքորոշումն ու ծրագրերի փոփոխությունները պատմական նոր իրադրության մեջ: Համեմատե՞ք և մեկնաբանե՞ք հայ քաղաքական կուսակցությունների տեսակետները:
5. Լուսարանե՞ք Արևելահայ ազգային խորհրդի ստեղծման գործընթացը: Ի՞նչ նշանակություն ունեցավ Հայոց ազգային խորհուրդը: Փորձե՞ք համեմատել և գնահատել Արևելահայ և Արևմտահայ ազգային խորհուրդների գործունեությունը հետփետրվարյան ժամանակաշրջանում:

§ 6. ԲՈՒՇԵՎԻԿՅԱՆ ՀԵՂԱՇՐՋՈՒՄԸ ԵՎ ՀԱՅԱՍՏԱՆԸ

Իրադրությունը Այսրկովկասում և Կովկասյան ձակարում: 1917 թ. աշնանը Ռուսաստանում առաջացել էր համազգային ճգնաժամ: Բոլշևիկների կուսակցությունը Պետրոգրադում հաջողությամբ իրականացրած հեղաշրջման շնորհիվ 1917 թ. **հոկտեմբերի 25-ին** (նոր տոմարով՝ նոյեմբերի 7-ին) իր ձեռքը վերցրեց իշխանությունը: Բոլշևիկների առաջնորդ Վ. Լենինի գլխավորությամբ ստեղծվեց կառավարություն՝ **Ժողովրդական կոմիսարների խորհուրդը**: Ընդունվեցին հաշտության, հողի, Ռուսաստանի ժողովուրդների իրավունքների մասին օրենքները (դեկրետներ՝ հրովարտակներ): Այսպես սկիզբ դրվեց Ռուսաստանի պատմության խորհրդային շրջանին:

Անդրկովկասի գրեթե բոլոր քաղաքական ուժերը բոլշևիկյան հեղաշրջումը համարեցին դավաճանություն Փետրվարյան հեղափոխության և Ժամանակավոր կառավարության հռչակած ժողովրդավարական սկզբունքներին:

Ռուսաստանի կենտրոնում կատարված իշխանափոխությամբ Այսրկովկասում առաջացավ իշխանական ճգնաժամ: Այն հաղթահարելու նպատակով Թիֆլիսում 1917 թ. նոյեմբերին գումարվեց երկրամասի քաղաքական և ռազմական ուժերի ներկայացուցիչների խորհրդակցություն: **Նոյեմբերի 15-ին** կազմավորվեց գործադիր նոր մարմին, որը կոչվեց **Անդրկովկասյան կոմիսարիատ**, իսկ ԱՀԿ-ն լուծարվեց: Անդրկոմիսարիատի նախագահ ընտրվեց մենշևիկ **Ե. Գեգեչկորին**: Կոմիսարիատն Անդրկովկասի սոցիալ-դեմոկրատական և սոցիալիստական կուսակցությունների դաշինք էր, որին, որպես բացառություն, մաս կազմեցին նաև մուսուլմանների ոչ սոցիալիստական ուժերի ներկայացուցիչները՝ մուսավաթականները: Կոմիսարիատում գլխավոր պաշտոնները զբաղեցնում էին մենշևիկներն ու էսէռները: Անդրկոմիսարիատի 12 կոմիսար-



Երզնկա, 1917 թ.

ներից երեքը (Խ. Կարճիկյան, Հ. Օհանջանյան, Գ. Տեր-Ղազարյան) հայեր էին:

Ընդհանուր առմամբ՝ նոր գործադիր մարմինը չկարողացավ բարելավել երկրամասի իրավիճակը. հակառակը՝ ավելի վատացան ժողովրդի կենսապայմանները, անհամեմատ աճեց կյանքի և ունեցվածքի անապահով վիճակը, համատարած բնույթ ընդունեցին ավազակությունն ու կողոպուտը: Իսկ ազգամիջյան բախումների ալիքը հեղեղեց ողջ երկրամասն ու ռազմաճակատային թիկունքը: Յուրաքանչյուր ազգի գործերի տնօրինությունն աստիճանաբար անցավ իր ազգային խորհրդի ձեռքը, որով վերջնականապես անգորացավ, հեղինակազրկվեց Անդրկոմիսարիատը: Վերջինս ըստ էության դարձավ լոկ վրաց մենշևիկների կամակատարը:

Բոլշևիկյան հեղաշրջումից հետո Այսրկովկասում ձևավորվել էր ռազմաքաղաքական չափազանց բարդ իրադրություն: 1917 թ. նոյեմբերի 21-ին Անդրկոմիսարիատը հաշտության բանակցություններ սկսեց Թուրքիայի հետ և **դեկտեմբերի 5-ին Երզնկայում արտրագրվեց զինադադարի հառաձայնագիր**: Ռազմական գործողությունները դադարեցվում էին մինչև վերջնական հաշտության կնքումը:

Երզնկայի զինադադարից հետո կովկասյան ռուսական զորքերի հետքաշումը

ճակատային դիրքերից շատ արագորեն ընդունեց ռազմաճակատի տարերային փլուզման և զորքերի անկազմակերպ նահանջի բնույթ: Ռուս-թուրքական ճակատի մերկացմանը մեծապես նպաստեց Այսրկովկասում սրված ներքաղաքական և ազգամիջյան պայքարը:

Վրաց մենշևիկների, ինչպես նաև նրանց աջակից մուսուլմանական ուժերի որդեգրած գործելակերպը ծանր հետևանքներ ունեցավ: 1917 թ. դեկտեմբերի 1-ի տվյալներով ռուսական կովկասյան զորքի մարտակազմում առկա էր մոտ 158 հազար զինվորական, որից 102 հազարը Արևմտյան Հայաստանում էր, մնացածը՝ Իրանի տարածքում: Իսկ ուղիղ մեկ ամիս անց ճակատի հայկական հատվածի պաշտպանական դիրքերում մնացել էր ընդամենը 17 հազար մարտիկ:

Երկրամասում և ճակատում տիրող անմխիթար իրավիճակում, սակայն, իրենց կազմակերպվածությամբ և մարտական ոգով առանձնանում էին հայկական ազգային զորամիավորումները:

«Թուրքահայաստանի մասին» հրովարտակը: Դրսևորելով իր հետևողականությունը ազգերի ինքնորոշման իրավունքի ձևաչման հարցում՝ Խորհրդային Ռուսաստանի կառավարությունը 1917 թ. դեկտեմբերի 29-ին ընդունեց **«Թուրքահայաստանի մասին» հրովարտակը** (դեկրետը): Արևմտյան Հայաստանի վերաբերյալ դեկրետի նախագիծ կազմելու նպատակով դեռևս նոյեմբերին ստեղծվել էր հանձնաժողով, որի կազմում էին բոլշևիկներ Վառլամ Ավանեսյանը, Վահան Տերյանը, Սարգիս Լուկաշինը, ձախ Էսեռ Պոռոշ Պոռոշյանը (Պերճ Պոռոշյանի որդին), իսկ դեկտեմբերից՝ ՀՅԴ ներկայացուցիչ Ռոստոմը: Այդ հանձնաժողովն էլ կազմեց Արևմտյան Հայաստանի մասին հրովարտակի նախագիծը:

Պաշտպանելով պատերազմի ժամանակ գրավված հայկական մարզերի ինքնորոշ-

ման իրավունքը՝ ընդհուպ մինչև լիակատար անկախություն, բոլշևիկյան կառավարությունը կարծում էր, որ դրա իրագործումը հնարավոր է միայն մի շարք նախնական երաշխիքների պայմաններում: Նման երաշխիք էին համարվում ռուսական զորքերի դուրսբերումը Արևմտյան Հայաստանից, հայկական ժողովրդական միլիցիայի անհապաղ կազմավորումը և բռնագաղթված հայության վերադարձը հայրենի եզերք: **Սյունիան Շահումյանին**, որը դեկտեմբերի 16-ին նշանակվել էր **Կովկասի գործերի արտակարգ ժամանակավոր կոմիտար**, հանձնարարվում էր ամեն տեսակի օգնություն ցույց տալ գրավված մարզերի հայ բնակչությանը: Հրովարտակի դրական նշանակությունը թերևս այն էր, որ Խորհրդային Ռուսաստանը պաշտոնապես ձևաչմում էր հայ ժողովրդի ազատ ինքնորոշման և ազգային անկախ պետություն ունենալու իրավունքը:

Սակայն Ռուսաստանի և Քառյակ միության երկրների միջև 1917 թ. դեկտեմբերի սկզբներից ընթացող հաշտության բանակցությունների պայմաններում Արևմտյան Հայաստանի վերաբերյալ բոլշևիկյան այս հրովարտակը վերածվեց ձևական փաստաթղթի: Իսկ ռուսական զորքերի դուրսբերումը Արևմտյան Հայաստանից գրոյի էր հավասարեցնում այդ հրովարտակը. փաստացի դա նշանակում էր հայկական մարզերի վերադարձ օսմանյան Թուրքիային:

Արևմտահայ զորամիավորման արևոժումը: Երկրամասում և ռուս-թուրքական ճակատում ձևավորված ռազմաքաղաքական նոր իրադրությունը և բոլշևիկյան վերոհիշյալ հրովարտակը նպաստեցին, որ արևմտահայ զինուժի ստեղծման՝ դեռ ժամանակավոր կառավարության օրոք բարձրացված հարցը դրական ընթացք ստանա: Կովկասյան ռազմաճակատի ռուսական հրամանատարությունը, հանդես գալով համառուսաստանյան, ինչպես նաև մեծապե-

տական շահերի պաշտպանության դիրքերից, ձեռնարկեց քայլեր, որպեսզի պահպանի երեքամյա պատերազմում ռուսական զորքերի նվաճած բնագծերը Արևմտյան Հայաստանում: Այդ տեսանկյունից կովկասյան բանակի հրամանատարության դիրքորոշումը համընկնում էր հայության կենսական շահերին: Գլխավոր հրամանատար *Պրմուսկու 1917 թ. դեկտեմբերի 7-ի* գաղտնի հրամանի համաձայն՝ սկսվեց նվաճված մարզերի հայ բնակչությունից չորս գնդերի կազմավորումը:

Մի քանի օր անց Արևմտահայ խորհուրդը որոշում կայացրեց ստեղծել *արևմտահայ զորաբաժին* (դիվիզիա): Այս գործի համար կյանքի կոչվեց գործադիր նոր մարմին՝ *Հայաստանի ապահովության խորհուրդը*: Արևմտահայերից կազմակերպվող դիվիզիայի հրամանատար նշանակվեց *Անդրանիկ Օզանյանը*: Նրան շնորհվեց գեներալ-մայորի աստիճան: Հայկական դիվիզիան դրվեց Արևմտյան Հայաստանի գեներալ-կոմիսարի կենտրոնականի անմիջական ենթակայության տակ:

Հայկական հարցը Բրեստ-Լիտվսկի հաշտության բանակցություններում: Խորհրդային Ռուսաստանը յուրատիպ մոտեցումներ դրսևորեց արտաքին քաղաքականության բնագավառում՝ խզելով իր հարաբերությունները Անտանտի ծավալապաշտական տերությունների հետ: Սակայն Բրեստ-Լիտվսկում զինադադարի կնքումից հետո հաշտության բանակցություններ սկսեց Քառյակ միության ոչ պակաս ծավալապաշտական տերություն Գերմանիայի ու նրա դաշնակից երեք պետությունների հետ:

Այս ամենն ուներ գաղափարական հիմնավորում՝ հրահրել համաշխարհային սոցիալիստական հեղափոխություն և աշխարհամարտն ավարտել արդարացի հաշտության պայմանագրով: Բոլշևիկների համար Արևմտյան Հայաստանի խնդրի լուծումն ածանցյալ էր այդ ուտոպիական ծրագրին,

թեև Հայկական հարցը քննարկման առարկա էր բանակցությունների ողջ ընթացքում: Խորհրդային Ռուսաստանը նախ պարտավորվեց իր զորքերը դուրս բերել Ավստրո-Հունգարիայի, Օսմանյան կայսրության և Իրանի տարածքներից:

Բանակցությունների երկրորդ փուլում (1918 հունվար-փետրվար) գերմանական կողմը հրաժարվեց բոլշևիկների առաջ քաշած «հաշտություն առանց բռնակցումների և ռազմատուգանքների» սկզբունքը ընդունելուց: Փետրվարի 10-ին (նոր տոմարով) խորհրդային պատվիրակության նոր ղեկավար, արտաքին գործերի ժողկոմ *Լ. Տրոցկին* հայտարարեց հաշտության կնքումից հրաժարվելու և խորհրդային իշխանությանը ենթարկվող բանակի լիակատար զորացրման մասին: Գերմանական պատվիրակությունը համարեց, որ Տրոցկու կողմից հաշտության պայմանագիրը ստորագրելուց հրաժարվելը նշանակում է զինադադարի ընդհատում: Այդ հանգամանքից չհապաղեց օգտվել Քառյակ միությունը. Գերմանիան հարձակման անցավ Պետրոգրադի ուղղությամբ, իսկ թուրքական զորքը 1918 թ. փետրվարի 10-ին (նոր տոմարով) վերսկսեց պատերազմը Կովկասյան ձևակառույց:

Բանակցությունների ժամանակ գերմանական դաշինքի պատվիրակները ժողկոմ-խորհի ներկայացուցիչներից պահանջեցին ձանաչել Անդրկովկասի անկախությունը: Միաժամանակ անկախանալու խնդիր դրվեց նաև Անդրկովկասի կոմիսարիատի առջև: Կոմիսարիատն ընդունեց հակասական մի որոշում, որով երեք շաբաթ ժամանակ էր խնդրում, հարցի պատասխանը պետք է տար գումարվելիք Մեյմը: Իսկ թուրքական զորքերը շարունակում էին իրենց առաջխաղացումը և միաժամանակ հանդես գալիս անջատ հաշտության առաջարկով:

Շուրջ երեք ամիս տևած բանակցությունների արդյունքում 1918 թ. մարտի 3-ին (նոր տոմարով) *Բրեստ-Լիտվսկում* ստո-

րագրվեց հաշտության պայմանագիր հորհրդային Ռուսաստանի և Քառյակ միության երկրների միջև: Անտանտի նախկին անդամ Ռուսաստանը, անջատ հաշտություն կնքելով, դուրս եկավ Առաջին աշխարհամարտից:

Հաշտության 4-րդ հոդվածով և ռուս-թուրքական լրացուցիչ պայմանագրի համաձայն՝ օսմանյան Թուրքիային անցան Արևմտյան Հայաստանի ազատագրված մարզերը: Ռուսաստանը պարտավորվեց իր գործերը շուտափույթ դուրս հանել ոչ միայն Արևմտյան Հայաստանից, այլև Արդահանի, Կարսի, Բաթումի մարզերից: Ըստ լրացուցիչ պայմանագրի՝ Ռուսաստանը պարտավորվում էր նախկին պետական սահմանից որոշակի հեռավորության վրա գտնվող տարածքից հանել բոլոր ուժերը, գորացրել հայկական կամավորական ջոկատները, Կով-

կասում պահել ընդամենը մեկ դիվիզիա: Իսկ օսմանյան Թուրքիան իր բանակը պահելու էր պատերազմական վիճակում:

Այսպիսով՝ Բրեստի հաշտության պայմանագրով ոտնահարվեցին հայ ժողովրդի իրավունքները, քոլզնիկները գործարքի գնացին Ռուսաստանի երեկվա թշնամիների հետ, որպեսզի պահպանեն իրենց իշխանությունը: Երբ ստորագրվեց այդ չարաքաստիկ պայմանագիրը, ռուսական զորքն արդեն լքել էր Կովկասյան ձակառը, իսկ Կովկասի արտակարգ կոմիսար, Արևմտյան Հայաստանի իրավունքների «երաշխավոր» Շահումյանին չհաջողվեց հեռացող զորքը պահել երկրամասում: Վրաց ազգայնական մենշևիկները և պանթուրքիստ մուսավաթականները համատեղ պայքարեցին, որպեսզի երկրամասում հաստատվի իրենց գերիշխանությունը, և չստեղծվի անկախ մեծ Հայաստան:

Հարցեր և առաջադրանքներ

1. Ի՞նչ փոփոխություններ տեղի ունեցան Ռուսաստանում Հոկտեմբերյան հեղաշրջման արդյունքում: Ինչպե՞ս ընդունվեց այդ փաստը Այսրկովկասում: Ի՞նչ փոփոխություններ կատարվեցին երկրամասում:
2. Երբ կնքվեց և ի՞նչ էր նախատեսում Երզնկայի զինադադարը: Ներկայացրե՞ք և մեկնաբանե՞ք Կովկասյան ձակառի մերկացման գործընթացը. ի՞նչ գործոններով էր այն պայմանավորված:
3. Երբ է ընդունվել «Թուրքահայաստանի մասին» հրովարտակը, ովքե՞ր էին այն կազմել: Արդյո՞ք իրագործելի՞ էր այն. հիմնավորե՞ք ձեր պատասխանը: Ի՞նչ իրատեսական առաջարկներով կլրացնեիք հրովարտակը:
4. Ի՞նչ գործոններով էր պայմանավորված արևմտահայ զինուժի ստեղծումը: Ներկայացրե՞ք արևմտահայ գորամիավորման կազմավորման գործընթացը:
5. Ի՞նչ նոր մոտեցումներ ցուցաբերեց հորհրդային Ռուսաստանը արտաքին քաղաքականության մեջ: Ներկայացրե՞ք և մեկնաբանե՞ք Բրեստ-Լիտովսկի հաշտության քանակցությունները: Ի՞նչ հետևանքներ ունեցավ Բրեստ-Լիտովսկի պայմանագիրը: Գնահատե՞ք այն:

§ 7. ԻՐԱԴՐՈՒԹՅՈՒՆԸ ՀԱՅԱՍՏԱՆՈՒՄ ԵՎ ԱՅՐԿՈՎԿԱՍՈՒՄ (1918 Թ. ՀՈՒՆՎԱՐ-ԱՊՐԵԼ)

Իշխանության համար պայքարը երկրամասում: Հոկտեմբերյան հեղափոխությունից հետո Այսրկովկասում իշխանության համար կատաղի պայքար էր ընթանում, որն ընդունեց ավելի շատ ազգամիջյան, քան գաղափարական ու քաղաքական պայքարի երանգավորում:

Վրացի մենշևիկներն ու բոլշևիկները նպատակադրվել էին Կովկասում հաստատել վրացական գերիշխանություն: Երկրամասում ձևավորված վրաց-թաթարական դաշինքի համար առավել վտանգավոր մրցակից էր **դաշնակցությունը:** Նա էր տնօրինում կովկասյան ձակատում առկա և շարունակաբար ամրապնդվող միակ իրական ռազմական ուժը՝ ի դեմս Հայկական կորպուսի և Հատուկ հավաքական ջոկատի (այն ստեղծվել էր արևմտահայ դիվիզիայի հենքի վրա):

Ոչ պակաս վտանգ էին ներկայացնում նաև երկրամասի բոլշևիկների առաջնորդ Ս. Շահումյանը և նրա համախոհները: Բաբվից հետո բոլշևիկների համար օրակարգի խնդիր էր իշխանության գրավումը նաև Թիֆլիսում:

Այս իրավիճակում երկրամասի իշխանության կառուցվածքում տեղի ունեցավ փոփոխություն: Ռուսաստանի Սահմանադիր ժողովի տեղական պատգամավորներից կազմվեց երկրամասի օրենսդիր բարձրագույն մարմին՝ **Սեյմը**, որը սկսեց գործել 1918 թ. փետրվարի 10-ից: Սեյմի կազմում կար 36 մենշևիկ, 30 մուսավաթական, 27 դաշնակցական, 19 էսէռ և այլն: Սեյմի նախագահն էր մենշևիկ **Ն. Չխիճեն**, իսկ գործադիր մարմին՝ նորակազմ կառավարության նախագահը՝ Ե. Գեգեչկորին: Սեյմը չձանաչեց Ռուսաստանի խորհրդային կառավարությանը:

Ազմուկ բարձրացնելով իշխանությունը

Թիֆլիսում գրավելու հարցի շուրջ՝ երկրամասի մենշևիկների պարագլուխ Ն. Ժորդանիան Ս. Շահումյանին մեղադրեց դավադրության մեջ: Վերջինս, խուսափելով ֆիզիկական հաշվեհարդարից, մարտի սկզբներին վերադարձավ Բաքու:

Երկրամասում խորհրդային իշխանության հաստատման խնդիրը սերտորեն կապված էր նաև Արևմտյան Հայաստանի հարցի հետ: Ռուսական բանակի կողմից ռազմաճակատը լքելու իրավիճակում Շահումյանը դաշնակցությանն առաջարկեց միասնական ձակատով հանդես գալ ընդդեմ թուրքերի: 1918 թ. հունվարի սկզբներին Թիֆլիսում ՀՅԴ ներկայացուցիչներ Ռ. Տեր-Մինասյանը, Հ. Զավրյանը, Ա. Զամալյանը և հայ բոլշևիկներ Ս. Շահումյանը, Ս. Կասյանը, Դ. Շահվերդյանը այդ խնդրի շուրջ բանակցեցին: Այդ ընթացքում Երևանից ստացվեց Արամի, իսկ Բաբվից՝ Ռոստոմի կարծիքը: Նախատեսվում էր ստեղծել անկախ Արևմտյան Հայաստան, իսկ Կովկասում՝ հայկական ինքնավարություն: Բանակցող կողմերը համաձայնության եզրեր գտան, նույնիսկ մշակեցին համատեղ գործողությունների ծրագիր:

Միասնական հայկական ձակապ գործնականում սրեղծվեց Բաբվում, ուր Ռոստոմը, գեներալ Հակոբ Բագրատունին, Համազասպը, Սեբաստրացի Մուրադը և տեղի Հայոց ազգային խորհուրդը համագործակցեցին Ս. Շահումյանի գլխավորած Բաբվի խորհրդային իշխանության հետ: 1918 թ. սկզբներից թուրք-թաթարական ուժերի կողմից շրջափակվել էր Բաքու-Թիֆլիս երկաթուղին, որի հետևանքով ռուսական արևմտյան ձակատից զորացրված կամ Հայկական կորպուսում ծառայելու համար երկրամաս ժամանող հազարավոր հայ զինվորներ կուտակվեցին



Գեներալ Հակոբ Բագրատունի



Գեներալ Մովսես Սիլիկյան

Բաքվում: Ս. Շահումյանի և տեղի Հայոց ազգային խորհրդի միջև կնքված համաձայնությամբ հայկական 15-հազարանոց զինուժը միացավ Բաքվի կոմունայի զորքին: Հայկական զորամասերի շնորհիվ մինչև 1918 թ. սեպտեմբերի կեսերը թուրքերը չէին կարողանում գրավել Բաքուն:

Հայկական միասնական ձևակառույցի մյուս ուսանելի օրինակը տվեց Երևանի նահանգը:

Հայկական կանոնավոր զորքի արեղծումը: Դեռ ժամանակավոր կառավարության օրոք Հայոց ազգային խորհուրդը և Հայ զինվորական միությունը (ստեղծվել էր 1917 թ. մայիսին, Թիֆլիսում) մեծ աշխատանք էին տարել ազգային բանակային կորպուս ձևավորելու նպատակով: 1917 թ. հունիսին թույլատրվել էր հայկական վեց հրաձգային գումարտակները վերակազմավորել վեց գնդերի, իսկ հոկտեմբերին այդ գնդերից ստեղծվեցին հայկական երկու հրաձգային բրիգադներ:

Երկրամասում արմատապես փոփոխված քաղաքական պայմաններում հայ ազգային մարմիններին հաջողվեց ձեռք բերել բանակային կորպուս ստեղծելու իրավունք: Ռուսական բանակի գերագույն սպայակույտի 1917 թ. նոյեմբերի 16-ի հրամանով

Կովկասյան ձևակառույց սկսվեց կազմավորվել **հայկական կորպուսը:** Հրամանատար հաստատվեց **գեներալ Թովմաս Նազարբեկյանը**, իսկ **Դրոն** նշանակվեց գոյություն ունեցող և ստեղծվելիք հայկական բոլոր զորամասերի ընդհանուր **կոմիսար:**

Ռուսական ողջ բանակում այդ ժամանակ կար մոտ 120 հազար հայ զինվորական, որից 30 հազարը ռուս-թուրքական ձևակառույց էր: Հայ ազգային և զինվորական բոլոր կազմակերպությունները եռանդուն գործունեություն էին ծավալել հայ զինվորությանը դատարկվող Կովկասյան ձևակառույց կենտրոնացնելու նպատակով:

Հայոց ազգային խորհուրդը և Հայ զինվորական խորհուրդը (նախկին ՀԶՄ-ն) 1917 թ. դեկտեմբերի վերջերին Թիֆլիսից Երևան գործուղեցին **Արամ Մանուկյանին**՝ օժտելով նրան արտակարգ լիազորություններով: Երևանի Հայոց ազգային խորհրդի նիստում ունեցած ելույթում Արամը, անդրադառնալով ընթացիկ իրավիճակին, նշեց. «Ամեն ոք իր մասին է մտածում: Իր երկրի սահմաններից այն կողմ եթե նայող կա, նայում է միայն հանուն իր շահերի: Ոչ ոք ոչ մի մարդ չի ուղարկի քաղաքական ձևակառույց փուն գնացող ռուսներին փոխարինելու համար... Մենակ

ենք և պետք է ապավինենք միայն մեր ուժերին՝ թե՛ ձակարկը պաշտպանելու և թե՛ երկրի ներսում կարգ հաստատելու համար»։ Երևանի ազգային խորհուրդն ընտրեց արտակարգ լիազորություններով օժտված **Հասարակ կոմիտե**՝ երեքամյա ժամկետով։ Հատուկ կոմիտեի նախագահ ընտրվեց Մ. Մուսինյանը, անդամներ՝ Արամը, Ա. Աստվածատրյանը և ուրիշներ։

Հայկական կորպուսի ձակատային և պահեստային զորամասերի կազմավորման գլխավոր վայր դարձավ Երևանի նահանգը։ 1918 թ. հունվարի երկրորդ կեսին Երևան ժամանեց գեներալ Մովսես Միլիկյանը և ստանձնեց կորպուսի առաջին դիվիզիայի զորամասերի ու սպայակույտի ձևավորման ղեկավարությունը։ Երևան եկավ նաև Դրոն։

Միմյանց հետ սերտորեն համագործակցելով՝ Արամը, գեներալ Միլիկյանը և Դրոն շոշափելի գործ կատարեցին։ Հայկական զորամասերի զգալի մասը հարկադրված էր զբաղվել նահանգի մուսուլմանների խռովությունները ձնելով և Ալեքսանդրապոլ-Ջուլֆա երկաթուղու ապաշրջափակմամբ։ Այդ ամենի հետևանքով առաջին դիվիզիայի մի շարք գնդեր և սպայակույտը մնացին տեղում գամված։ Ձակատային տեղամաս չկարողացավ տեղափոխվել նաև կորպուսի երկրորդ դիվիզիայի (հրամանատար՝ գեներալ Մ. Արեշյան) սպայակույտը։ Այն կայանեց Ալեքսանդրապոլում, ուր 1918 թ. փետրվարի 25-ին Թիֆլիսից հասավ նաև Հայկական կորպուսի սպայակույտը։

Պարերազմի վերականգնումը։ Արդեն գիտեք, որ Բրեստի հաշտության բանակցությունների շրջանում օսմանյան Թուրքիան, օգտվելով իր հզոր դաշնակից Գերմանիայի աջակցությունից և հետևելով նրա օրինակին, Կովկասյան ձակատում խախտեց գինադադարը։ Թուրքական զորամասերը 1918 թ. հունվարի 28-ին (նոր տոմարով՝ փետրվարի 10) անցան ձակատային գիծը Երզնկայի ուղղությամբ և հարձակվեցին


հայկական ուժերի վրա։ Համառ դիմադրությունից հետո զորքը և հայ բնակչությունը նահանջեցին դեպի Էրզրում։

Գնահատելով Էրզրումի ռազմավարական նշանակությունը՝ Հայոց ազգային և Հայաստանի ապահովության խորհուրդները Անդրանիկին նշանակեցին տեղի պաշտպանական շրջանի ղեկավար։ Փետրվարի 10-ին Անդրանիկը ժամանեց Էրզրում, ինչը ոգևորեց քաղաքի և շրջանի հայ բնակչությանը։ Սակայն **Էրզրումը** պահել հնարավոր չեղավ. **փետրվարի 27-ին** այն անցավ թուրքերի ձեռքը։

Էրզրումի անկումից հետո հայկական մյուս զորամասերը նահանջեցին նաև Խնուսից, Մանազկերտից ու Ալաշկերտից, իսկ մարտի վերջերին նաև Վանի շրջանից։ օսմանյան Թուրքիան սկսեց անմիջապես սպառնալ Արևելյան Հայաստանին։ Մեր հայրենիքի արևմտյան մասը հնարավոր չեղավ պաշտպանել նախ և առաջ Խորհրդային Ռուսաստանի քրեստյան պարտվողական քաղաքականության և մենշևիկների ու մուսավաթականների հակահայկական դաշինքի պատճառներով։

Երբ սկսվեց թուրքական զորքի հարձակումը, հայկական կանոնավոր զորամասերի համալրումը դեռ չէր ավարտվել, իսկ նրանց զգալի մասն էլ ձակատային թիկունքում էր։ Այդ պատճառով դեռևս սակավաթիվ հայկական ուժերը չկարողացան միայնակ պահել 400 կմ երկարությամբ ձակատային գիծը (նախկինում այն պահում էին ռուսական հինգ կորպուսներ) և սկզբնական շրջանում անհաջողության մատնվեցին։

Հայկական զորքի վերակազմակերպումը։ Թշնամու առաջխաղացման պայմաններում տեղի ունեցավ հայկական ռազմական ուժերի վերակազմակերպում։ 1918 թ. մարտի 1-ին Հայկական կորպուսի և Հատուկ հավաքական ջոկատի միավորումից ստեղծվեց **Առանձին հայկական կորպուսը՝ Թ. Նազարբեկյանի հրամանատարա-**



Հովհաննես Քաջազունի

րությունը: Նույն օրը Նազարբեկյանը միաժամանակ նշանակվեց Արևմտյան Հայաստանից մինչև Սև ծով ձգվող ճակատի գլխավոր հրամանատար՝ փոխարինելով ապաշնորհ գեներալ Օդիշեղիձեին:

Անդրանիկը ձևավորեց նոր ջոկատ՝ Հայկական առանձին հարվածային զորամասը, որի կազմը շատ արագ հասավ 3500-ի:

Առանձին հայկական կորպուսի շարքերը շուտով համալրեցին նաև փոքրաքանակ ռուսական, էստոնական, հունական և այլ ազգային ջոկատներ, տարբեր ազգությունների սպաներ և զինվորներ:

Ջորավար Նազարբեկյանն իր կորպուսի զորամասերով զբաղեցրեց ճակատի ամենամեծ տեղամասը՝ Օլթիից մինչև Մակու-Նախիջևան հատվածը: Վրացական կորպուսին հանձնարարվեց պաշտպանել Օլթի-Բաթում հատվածը:

Գոյություն ունեին նաև հայկական այլ զորամասեր, որոնք տարբեր պատճառներով դուրս էին մնացել Առանձին հայկական կորպուսի կազմից: 1918 թ. մայիսի սկզբներին Կովկասյան ճակատում ռուսական զորքին փոխարինած հայկական զորքի թիվը հասնում էր 42-43 հազարի: Դրանից մոտ 25 հազարը Առանձին հայկական կորպուսի կազմում գտնվում էր ռազմական գործողությունների թատերաբեմում, 15 հազարը Բաքվի կոմունայի զորքերի կազմում էր, իսկ 2-3 հազարը՝ Իրանի տարածքում:

Անդրկովկասի անջադուրմ Ռուսաստանից: Անդրկովկասի Սեյմը չճանաչեց Բրեստ-Լիտովսկի հաշտության պայմանագիրը և որոշեց օսմանյան Թուրքիայի հետ առանձին բանակցություններ վարել: Սեյմի հաստատած պատվիրակության նախագահն էր Ա. Չխենկելին: Հայերից դրա կազմում ընդգրկված էին Հ. Քաջազունին և Ա. Խաչիսյանը: Բանակցությունների վայր ընտրվեց արդեն թուրքերի կողմից գրավված Տրապիզոնը:

Բանակցությունները որոշ ընդմիջումներով ընթացան 1918 թ. մարտի 1-ից մինչև ապրիլի 1-ը: Հենց սկզբից ակնհայտ դարձավ օսմանյան Թուրքիայի զավթողական կեցվածքը: Թուրքերը պնդում էին Բրեստ-Լիտովսկի պայմանների ճանաչումը և Անդրկովկասի անկախության հռչակումը: Իսկ դա հակասում էր հաշտության՝ Սեյմի կողմից հաստատված հիմնադրույթներին: Ինչ վերաբերում է Արևմտյան Հայաստանի ինքնավարության հարցին, ապա թուրքերն այն համարում էին Թուրքիայի ներքին խնդիր և կտրականապես դեմ էին դրա քննարկմանը: Անդրկովկասի Սեյմն ընդհատեց բանակցությունները և **ապրիլի 1-ին** երկրամասը հայտարարեց ռազմական դրության մեջ: Փաստորեն դա նշանակում էր **պարտերազմի հայտարարում Թուրքիային:**

Թուրքական զորամասերն անցան 1914 թ. պետական սահմանը և շուտով գրավեցին Բաթումը: Վրացական կորպուսը, որ այդ պահի դրությամբ արդեն ուներ 10-12 հազար մարտիկ, շատ թույլ կռիվող դուրս եկավ: Իսկ Այսրկովկասի թաթարները և պանթյուրքիզմով առաջնորդվող նրանց ղեկավար մուսավաթականները բացահայտ թշնամական դիրք էին բռնել հայերի հանդեպ:

Ռազմաքաղաքական ծանր դրության մեջ **Ալեքսանդրապոլում 1918 թ. ապրիլի 6-8-ը** տեղի ունեցավ հայ ազգային-քաղաքական կազմակերպությունների ներկայացուցիչների խորհրդակցություն: Այն նվիր-

ված էր ճակատի պաշտպանության, Անդրկովկասի անկախության և այլ կենսական հարցերի քննարկմանը: Խորհրդակցության մասնակիցների մեծամասնությունը հանդես եկավ Անդրկովկասն անհապաղ անկախ հռչակելու թուրքական պահանջի դեմ:

Սակայն Սեյմը, ուր գերակշռում էր վրաց-թաթարական խմբավորումը, 1918 թ. ապրիլի 9(22)-ին հայտարարեց Ռուսաստանից երկրամասի անջատման ու անկախության հռչակման մասին: Ստեղծվեց

Անդրկովկասի Ժողովրդավարական Դաշնային Հանրապետությունը: Հաստատվեց նոր կառավարություն՝ Ա. Չխենկելու գլխավորությամբ, որը հրամայեց ամբողջ ճակատի երկայնքով դադարեցնել ռազմական գործողությունները: Որոշվեց Բաթումում վերսկսել Թուրքիայի հետ բանակցությունները:

Անդրկովկասի անջատումը Ռուսաստանից ավելի սանձարձակ դարձրեց թուրքերի գործողությունները:

Հարցեր և առաջադրանքներ

1. Ցույց տվե՞ք Հոկտեմբերյան հեղաշրջումից հետո երկրամասում ձևավորված քաղաքական պայքարի գլխավոր առանձնահատկությունը: Երբ սկսեց գործել Սեյմը: ՀՅԴ-բոլշևիկներ բանակցությունների արդյունքում ինչ որոշվեց միասնական հայկական ճակատ ստեղծելու ուղղությամբ: Ձեր կարծիքով՝ ինչո՞ւ այն ամբողջապես հնարավոր չեղավ իրականացնել:
2. Երբ ձեռք բերվեց հայկական կորպուս կազմավորելու իրավունքը: Ռուսական բանակում որքան հայ զինվորական կար, դրանցից որքանն էր ռուս-թուրքական ճակատում: Ինչ լիազորություններով էր օժտված Երևանի Հատուկ կոմիտեն:
3. Ձեր կարծիքով՝ ինչո՞ւ Անդրանիկը նշանակվեց Էրզրումի պաշտպանական շրջանի ղեկավար: Ինչո՞ւ հնարավոր չեղավ պահել Արևմտյան Հայաստանը:
4. Ո՞ր ուժերից ձևավորվեց Առանձին հայկական կորպուսը: Ձեր կարծիքով՝ ինչո՞ւ հայկական կորպուսը համալրվեց նախկին ռուսական բանակի այլազգի զինվորականներով:
5. Ո՞րն էր Տրապիզոնի բանակցությունների ձախողման գլխավոր պատճառը: Ձեր կարծիքով՝ ինչո՞ւ անդրկովկասյան գործը անհաջողության մատնվեց պատերազմի սկզբնական շրջանում: Ինչո՞ւ էր Թուրքիան պահանջում Անդրկովկասը անջատել Ռուսաստանից: Ինչ որոշում կայացրեց հայ ազգային քաղաքական ուժերի՝ Ալեքսանդրապոլում տեղի ունեցած խորհրդակցությունը:

§ 8. 1918 թ. ՄԱՅԻՍԵԱՆ ՀԵՐՈՍԱՄԱՐՏԵՐԸ

Թուրք-անդրկովկասյան պայքերագմի վերաձումը թուրք-հայկականի: Առաջին աշխարհամարտի Կովկասյան ճակատում ընթացող պատերազմի ավարտական փուլում հայ ժողովուրդը և նրա ռազմական ուժերը մնացել էին միայնակ թուրքական բանակի, թուրք, թուրք և թաթար ավազակախմբերի դեմ, որոնք հարվածում էին թե՛

ճակատից, թե՛ թիկունքից: Երեքշաբաթյա համառ մարտերից հետո՝ 1918 թ. ապրիլի 10-ին, թուրքական զորամասերը գրավեցին **Սարիղամիշը**, այնուհետև ուղղություն վերցրին դեպի Կարս: Անդրկովկասի կառավարությունն ընդունեց թուրքական հրամանատարության պայմանները և համաձայնվեց դատարկել Կարսի մարզը, գործերը

հետ քաշել մինչև Ախուրյան գետը: **Ապրիլի 12(25)-ին*** Կարսն առանց դիմադրության հանձնվեց թուրքերին: Այդ կարևորագույն հենակետի կորուստը ռազմավարական խոշոր սխալ էր: Անդրկովկասի նոր կառավարության նախարարներ Ա. Սահակյանը, Հ. Քաջազնունին և Ա. Խատիսյանը Սեյմի ապրիլի 12-ի նիստում բողոքեցին և սպառնացին դուրս գալ կառավարության կազմից: Սակայն դա չփոխեց իրավիճակը:

Օսմանյան Թուրքիան օգտվեց ստեղծված ռազմաքաղաքական իրադրությունից իր պանթուրքական ծրագիրն առաջ տանելու համար: Բանակային երեք կորպուսներից ստեղծված 50-հազարանոց թուրքական «Կարս» զորամիավորումն առաջադրանք էր ստացել նվաճելու ամբողջ Արևելյան Հայաստանը, հասնելու Բաքու, Դաղստան և Հյուսիսային Իրան:

Անդրկովկասի իշխանությունները վերսկսեցին թուրքերի հետ հաշտության բանակցությունները, որոնք այս անգամ ընթացան **Բաթումում 1918 թ. մայիսի 11-ից հունիսի 4-ը**: Թուրքերը պահանջեցին իրենց տնօրինմանը հանձնել Կարս-Ալեքսանդրապոլ-Ջուլֆա երկաթուղին:

Մայիսի 14-ի լույս 15-ի գիշերը թուրքերը վերջնագիր ներկայացրին Ալեքսանդրապոլում տեղակայված հայկական զորքի հրամանատարությանը՝ պահանջելով երեք ժամվա ընթացքում հանձնել քաղաքը և զորքը 25 կմ հեռացնել երկաթուղուց: Ալեքսանդրապոլի քերդապահ զորքի թիվն անցնում էր 6 հազարից, կար 100 զնդացիր և 134 հրանոթ: Չսպասելով վերջնագրի պատասխանին՝ թուրքերը սկսեցին հարձակումը և առանց լուրջ դիմադրության գրավեցին քաղաքը:

Թուրքական կանոնավոր բանակի դեմ մայիս ամսին առաջին լուրջ դիմադրական մարտերը տեղի ունեցան **Ջավախքում և Շիրակում**:

* 1918 թ. ապրիլի 18-ից Այսրկովկասում ներդրվեց նոր տոմարը. այդ օրը համարվեց մայիս 1: Այդուհետ ամսաթվերը տրված են նոր տոմարով:

Ախալքալաքում դեռ 1918 թ. հունվարին սկսվել էր հայկական կորպուսի տեղի հրաձգային գնդի կազմավորումը: Մայիսի 7-ին թուրքերը Ջավախք ներխուժեցին հարավ-արևմուտքից: Ախալքալաքի գավառի հայկական ջոկատները կազմակերպեցին դիմադրություն: Հայերը հատկապես համառ դիմադրություն ցուցաբերեցին **Սաթխաս** գյուղի մատույցներում: Հայկական ուժերն ապահովեցին գավառի բնակչության տեղափոխումը հարևան շրջաններ: Թուրքական զորամասերը շրջափակել էին նաև **Ախալցխան**: Ախալցխայի հայկական գումարտակը և շրջանի հայ ու վրացի բնակչությունը դիմեց ինքնապաշտպանության: Այն գլխավորում էր Ախալցխայի քաղաքապետ և Հայոց ազգային խորհրդի նախագահ **Զորի Զորյանը**: Թուրքերին այդպես էլ չհաջողվեց գրավել Ախալցխան, մարտերը շարունակվեցին մինչև հունիսի 6-ը:

1918 թ. թուրք-հայկական պատերազմի վաղ էջերից է **Շիրակի գոյամարտը**: Այստեղ ձևավորվեց դիմադրական ճակատ: Տեղի բնակչությանը միացան Շիրակի և Արագածոտնի գյուղերում ապաստանած արևմտահայ հազարավոր գաղթականներ: Մայիսի 5-ին Տարոնի 500 կամավորները **Սասունցի Մանուկի և Մուշեղի** գլխավորությամբ գրավեցին **Ներքին Թալինի** բերդը: Նրանք կարողացան Արագածի լեռնագանգվածը մաքրել քրդերից ու թաթարներից, ինչը մեծ դեր խաղաց Սարդարապատի հաղթանակի գործում: **Մայիսի 16-27-ը Շիրակում՝ Սոգյություի (Սառնաղբյուր) ճակատում**, հայկական ուժերը հաղթական կոիվներ մղեցին թուրքերի դեմ:

Սարդարապատի և Բաշ Ապարանի ճակատամարտերը: Ալեքսանդրապոլի գրավումից հետո թշնամու զորքը մտավ Արարատյան դաշտ և ուղղություն վերցրեց դեպի Երևան: Տեղում հայ բնակչությունը և **Սիլիկյանի գլխավորած Երևանյան զորախումբը** կարողացան համախմբվել և

վճռական մարտեր մղել թշնամու դեմ: Դեռ 1918 թ. մարտի 24-ին Երևանի Հայոց ազգային խորհրդի կողմից *Արամը հաստատվել էր Երևանի նահանգի դիկտատոր*: Որոշ ժամանակ անց ձևավորվեց *վարիչների մարմինը*, որի նախագահը և զինվորական գործերի վարիչը նույնպես Արամն էր:

Թշնամու հայտնվելն Արարատյան դաշտում սկզբում առաջ քերեց խուճապ և տարերային գաղթ: Ա. Մանուկյանը գնաց Վաղարշապատ և Ամենայն հայոց կաթողիկոսին առաջարկեց, որ վերջինս տեղափոխվի Բյուրական: *Գևորգ Ե Սուրենյանցը*, սակայն, հրաժարվեց:

Մայիսի 19-ին սկսվեց թուրքերի առաջխաղացումը դեպի Սարդարապատ-Երևան: Նրանց 5-րդ դիվիզիան ներխուժեց Սուրմալու: Նպատակն էր Կարակալայի ու Մարգարայի կամուրջներով դուրս գալ Երևանյան գործախմբի թիկունքը: Որոշ դիմադրությունից հետո հայկական ուժերը նահանջեցին դեպի Իգդիր: Հաջորդ օրը Իգդիրի ջոկատը Մարգարայի կամրջով նահանջեց դեպի Արաքսի ձախ ափը և միացավ Սարդարապատի ջոկատին: Պայթեցվեցին վարարած Արաքսի վրայի կամուրջները, և Սուրմալուն գրաված թուրքերը կտրվեցին Սարդարապատի ռազմաբեմից:

Երևանյան գործախմբի կազմում այդ պահի դրությամբ կար մոտ 10 հազար մարտիկ, որից *Սարդարապատի ուղղությամբ կռվում էր 5500-ը*: Սիլիկյանի սպայակույտը տեղակայված էր Վաղարշապատում՝ Գևորգյան ձեմարանի շենքում: Միայն երկաթգծի երկայնքով հարձակվող թշնամին ուներ 6 հազար կանոնավոր զորք և 1500 քրդական հեծնազոր:

Սարդարապատ կայարանի մոտ մայիսի 21-ին տեղի ունեցավ կատաղի մարտ: Հայկական ուժերը նահանջեցին՝ հանձնելով Սարդարապատ կայարանն ու գյուղը: Գնենրալ Նազարբեկյանը Ղարաբլիսայից



Սարդարապատի ջոկատի հրամանատար
Դանիել Բեկ-Փիրումյան

Մ. Սիլիկյանին կարգադրեց Էջմիածնի շրջանում կենտրոնացնել հայկական ուժերը և հակահարձակման միջոցով կանխել թուրքերի առաջխաղացումը դեպի Երևան:

Գնդապետ *Դանիել Բեկ-Փիրումյանը* իր զորամասերին նախապատրաստեց հակահարձակման: Մարտից առաջ կրակոտ ձառ ասաց *Գարեգին եպիսկոպոս Հովսեփյանը*: *Մայիսի 22-ի* առավոտյան ժամը վեցին հայկական զորքը հարձակման անցավ: Հաջորդ օրը հայկական զորքը հետ գրավեց Սարդարապատը:

Առաջին հաղթանակը մեծ ոգևորություն առաջացրեց բնակչության ու զորքի մեջ: Մ. Սիլիկյանն իր սպայակույտով մշակեց թուրքերի շրջապատման և ջախջախման ծրագիր: Պատերազմի ճակատային այս հատվածում գործող հայկական ուժերը միավորվեցին Սարդարապատի ջոկատի մեջ՝ գնդապետ Դ. Բեկ-Փիրումյանի հրամանատարության ներքո: Մայիսի 23-ից Սիլիկյանն իր մարտակազմի մի մասն ուղարկեց Բաշ Ապարանի ճակատ: Սարդարապատի ջոկատում մնացել էին գնդապետ Պավել Բեկ-Փիրումյանի՝ մահապարտների 5-րդ գունդը, հեծյալ երկու գնդեր, Թոռոցիկ Հովսեփի և Պանդուխտի հեծյալները (1000 ձիավոր),

աշխարհագրայինների նորակազմ վաշտերը (ավելի քան հազար կովոդ) և այլ զորամասեր:

Սարդարապատի ճակատամարտի օրերին՝ մայիսի 22-ից մինչև 28-ը, թշնամին կորցրեց 3500 սպանված և նահանջեց մոտ 60 կմ: Փոխգնդապետ **Կարապետ Հասան-փաշայանի** ղեկավարությամբ ստեղծված գունդը (800 կովոդ) հարվածեց հակառակորդի թիկունքին: Թուրքերը խուճապահար անցան Ախուրյանի արևմտյան ափը: Առջևում Ալեքսանդրապոլն ու Կարսն էին:

Մայիսի 29-ին թուրքերը կարողացան հակահարձակում ձեռնարկել Արագած կայարանի վրա, տեղի ունեցան թեժ կռիվներ: Այդ օրը գեներալ Սիլիկյանը հանդես եկավ Ալեքսանդրապոլը գրավելու կոչով, սակայն հաջորդ օրը Նազարբեկյանի հրամանով հարձակումը կանգնեցվեց, իսկ **հունիսի 2-ից դադարեցվեցին** ռազմական գործողությունները ճակատային գծի երկայնքով:

Այսպիսով՝ Սարդարապատի ճակատամարտն ավարտվեց հայկական զորքի փայլուն հաղթանակով: Թուրք-հայկական պատերազմում թշնամին կրեց առաջին խոշոր պարտությունը:

Մյուս վճռական ճակատամարտը տեղի ունեցավ **Բաշ Ապարանի** ճակատային հատվածում: Մայիսի 20-ին գրավելով Համամլուն՝ թուրքական 39-րդ դիվիզիան, որն ուներ 9-10 հազար կովոդ, Ղարաքիլիսայի փոխարեն շարժվեց դեպի Բաշ Ապարան: Նրա նպատակն էր դուրս գալ Աշտարակ-Եղվարդ-Կոտայք գիծը և Քանաքեռի գրավմամբ փակել օդակը Երևանի շուրջ:

Գեներալ Սիլիկյանը Երևանյան զորախմբի ուժերից 5 հազար հոգու ուղարկեց Բաշ Ապարանի ճակատային հատվածը պահելու համար: Ջոկատի հրամանատար նշանակվեց **Դրոն**: Մայիսի 23-ին նա հասավ ռազմական գործողությունների վայր, տվեց առաջին հաղթական մարտը: Մայիսի 26-ին թուրքական զորամասերն անցան ընդհանուր հարձակման: Կատաղի մարտե-



Սարդարապատի ճակատամարտին նվիրված հուշահամալիր

րը Բաշ Ապարանի ճակատում շարունակվեցին մինչև **մայիսի 29-ը**: Ի վերջո հայկական ուժերը պարտության մատնեցին թշնամուն, որի զորամասերը նահանջեցին դեպի հյուսիս և արևմուտք: **Բաշ Ապարանի հաջողությունը հայոց զորքի երկրորդ խոշոր հաղթանակն էր:**

Ղարաքիլիսայի հերոսամարտը:

Թուրք-հայկական պատերազմի վճռական տեղամասերից էր **Ղարաքիլիսայի ճակատը**: Ալեքսանդրապոլի անկումից հետո գեներալ Նազարբեկյանը գեներալ Արեշյանին հրամայել էր կանգնեցնել թուրքերի առաջխաղացումը դեպի Ղարաքիլիսա, սակայն դա իրագործել չհաջողվեց: Թուրքերը, օգտվելով հայկական զորամասերի նահանջից, մայիսի 20-ին գրավեցին **Ջաջուրը**, ապա մահմեդական անկանոն զորախմբերի օգնությամբ՝ **Վորոնցովկան**: **Մայիսի 22-ին** Առանձին հայկական կորպուսի հրամանատարը և սպայակույտը գաղթականության հետ տեղափոխվեցին **Դիլիջան**: Անդրանիկը, ում հանձնարարված էր պահել Ղարաքիլիսայից հյուսիս ընկած հատվածը, հետ մղելով թուրքական երեք հարձակում, գաղթականության հետ անցավ Դսեղ: Թուրքական հեծելազորն առաջացավ դեպի Համամլու:

Դիլիջանում, ստանալով Սարդարապատի առաջին հաղթանակի լուրը, ժողովուրդն ու հայկական զորամասերը ոգևորվում են: Եկեղեցու բակում տեղի է ունենում բազմամարդ հանրահավաք:

Մայիսի 25-ին կազմակերպվում է Ղարաբաղիսայի ճակատը: Հայկական կողմն ուներ 7 հազար զինվոր ու սպա, 20 գնդացի, 12 հրանոթ: Այստեղ էին հայկական կորպուսի 2-րդ գունդը, գնդապետ Ն. Ղորղանյանի երկու հազար հեծյալները և այլ զորամասեր: Այդ բոլոր ուժերը ներկայացնում էին կորպուսի առաջին դիվիզիան, որի հրամանատար նշանակվեց գնդապետ Ա. Բեյ-Մամիկոնյանը: Ղարաբաղիսայի ճակատում կռիվը թուրքերն ունեին 10 հազար զինվոր ու սպա, 40 գնդացի, 70 հրանոթ:

Առաջինը մարտի նետվեց **Գ. Նժդեհը**. մայիսի 25-ին նա իր 40 հեծյալներով հարձակվեց թշնամու 100 հեծյալների ու հետևակի մեծ ուժերի վրա: Այդպես սկսվեց Ղարաբաղիսայի հերոսամարտը: Մայիսի 26-ին Ա. Բեյ-Մամիկոնյանին հաջողվեց շրջանցել թուրքերի աջ թևը. թշնամին նահանջեց: Ն. Ղորղանյանի միաժամանակյա հարձակման շնորհիվ ոչնչացվեց 200 թուրք զինվոր: Զորքի հետ պայքարի էին դուրս եկել շրջակա գյուղերի բնակիչները, ինչպես նաև կարսեցի, շիրակցի և արևմտահայ հազարավոր գաղթականներ: Սակայն **մայիսի 28-ին** թուրքերն ընդհանուր

հարձակման անցան և երկու օր անց գրավեցին Ղարաբաղիսան, իսկ խաղաղ բնակչությունը զանգվածային կոտորածի ենթարկվեց: Առանձին հայկական կորպուսի սպայակոյտը հարկադրված էր Դիլիջանից տեղափոխվել Ներքին Ախտա (ներկայիս՝ Հրազդան):

Ղարաբաղիսայի ճակատամարտը կարևոր նշանակություն ունեցավ: Թուրքերը, կրելով մեծ կորուստներ, այլևս չչարունակեցին հարձակումը Դիլիջան-Ղազախ ուղղությամբ: Հակառակորդը փոխեց իր հարձակման ուղղությունը դեպի Շուշի-Թիֆլիս: Այս ճակատամարտը նույնպես ապացուցեց, որ բարձրացել է հայ ժողովրդի մարտական ոգին և դիմադրական ներուժը:


Մայիսյան ճակատամարտերի պարմական նշանակությունը: Դժվարին և օրհասական պայմաններում, եղեռնի և պատերազմի պատճառած մարդկային, նյութական և հոգևոր մեծ կորուստներից դեռևս ուշքի չեկած հայությունը 1918 թ. կարողացավ ազգովին ինքնակազմակերպվել:

Առաջին աշխարհամարտի Կովկասյան ճակատի բովանդակությունը ապրիլի սկզբից վերաճել էր թուրք-հայկական զինված հակամարտության: Թուրք-հայկական պատերազմի վճռական փուլում հայությունը համախմբվեց և արժանի հաղթանակներ



Գարեգին Նժդեհն իր զինակիցներով

ՀԱՅ ԺՈՂՈՎՐԴԻ 1918 Թ. ՄԱՅԻՍՅԱՆ ՀԵՐՈՍԱՄԱՐՏԵՐԸ



տարավ: Սարդարապատի, Բաշ Ապարանի և Ղարաքիլիսայի հերոսական ճակատամարտերը, Շիրակի և Զավախքի դիմադրական մարտերը հարստացրին մեր պատմության ռազմական տարեգրությունը նոր սխրանքներով ու անուններով:

Այս հերոսամարտերի շնորհիվ բնաջնջումից փրկվեց արևելահայությունը, ինչպես և եղեռնից մազապուրծ հարյուրհազարավոր արևմտահայեր:

Հայկական կանոնավոր զորքի ու նրան աջակցող աշխարհագրային ուժերի մղած ռազմական հաջող գործողությունները ստիպեցին թուրքական կողմին Բաթումի բանակցություններում մեղմացնել իրենց պահանջները և նորաստեղծ Հայաստանի Հանրապետության հետ 1918 թ. հունիսի 4-ին կնքել հաշտության պայմանագիր:

Մայիսյան ճակատամարտերում ձեռք բերած հաջողություններն արդյունք էին հայ ժողովրդի տարբեր հատվածների, խավերի, ռազմական ու քաղաքական մարմինների միջև հաստատված միաբանության: Հայ ժողովրդի երկու խոշոր հատվածների քա-

ջարի զավակները, համախմբվելով մեկ զորքի մեջ, կռվեցին իրենց հայրենիքի, հարազատ ժողովրդի ֆիզիկական գոյության ապահովման, Հայաստանի ազատության և անկախության համար:

Մայիսյան հերոսամարտերով դրվեց ամբողջական հայրենիքի վերականգնման ճանապարհի սկիզբը:

Այսպիսով ռազմաքաղաքական գործընթացների բերումով հայ ազգային-քաղաքական ղեկավար ուժերը ստանձնեցին Առաջին համաշխարհային պատերազմի Կովկասյան ճակատի պաշտպանության ծանր առաջադրանքը, իսկ նորահռչակ հայկական պետությունը դարձավ աշխարհամարտի մասնակից կողմ: Հետագայում այս հիմքի վրա է, որ Հայաստանի Հանրապետությունը կարողացավ իրավական (դե յուրե) ձանաչում ստանալ Անտանտի երկրների կողմից, մասնակցել հաշտության խորհրդածողովին և, վերջապես, իր տարածքային ու քաղաքական իրավունքները ձևակերպել Սերի պայմանագրով:

Հարցեր և ստուգադրանքներ

1. Ներկայացրե՛ք Կովկասյան ճակատում իրավիճակը Առաջին աշխարհամարտի ավարտական փուլում: Ի՞նչ առաջադրանք էր ստացել թուրքական «Կարս» զորամիավորումը: Վերհանե՛ք Զավախքի և Շիրակի դիմադրական մարտերի նշանակությունը:
2. Ձեր կարծիքով՝ ինչո՞ւ Ամենայն հայոց կաթողիկոս Գևորգ Ե-ն հրաժարվեց Բյուրական տեղափոխվելուց: Ներկայացրե՛ք Սարդարապատի ուղղության ռազմական գործողությունները: Վերհանե՛ք Սարդարապատի ճակատամարտի ռազմական նշանակությունը: Նկարագրե՛ք Բաշ Ապարանի ճակատամարտի ընթացքը և արդյունքները:
3. Ինչպիսի՞ն էր ուժերի հարաբերակցությունը թուրք-հայկական պատերազմի Ղարաքիլիսայի ճակատում: Նկարագրե՛ք Ղարաքիլիսայի հերոսամարտի ընթացքը, վերհանե՛ք նրա նշանակությունը:
4. Ներկայացրե՛ք թուրք-հայկական պատերազմի արդյունքները: Ձեր կարծիքով՝ ինչո՞ւ հայկական զորքը միայնակ պատերազմեց թուրքական զորքի դեմ Առաջին աշխարհամարտի Կովկասյան ճակատում: Վերհանե՛ք Մայիսյան հերոսամարտերի պատմական նշանակությունը:

ԳԼՈՒԽ 1. ՄՇԱԿՈՒՅԹԸ XVII ԴԱՐԻ ԵՐԿՐՈՐԴ ԿԵՍԻՆ ԵՎ XIX ԴԱՐԻ ԱՌԱՋԻՆ ԿԵՍԻՆ

§ 1. ՄՇԱԿՈՒԹԱՅԻՆ ՁԵՌ-ՔՔԵՐՈՒՄՆԵՐԸ

XVII ԴԱՐԻ ԵՐԿՐՈՐԴ ԿԵՍԻՆ ԵՎ XVIII ԴԱՐՈՒՄ

Հայկական մշակույթի զարգացման պայմանները: Մշակույթի զարգացման համար նոր ժամանակների սկզբնական փուլում հայրենիքից դուրս՝ գաղթօջախներում, առաջացել էին նպաստավոր պայմաններ:

Առավել մեծ ծավալ է ընդունում գրատուրությունը, մասնավորապես թարգմանական և ազգային աշխարհիկ աշխատությունների տպագրությունը: Հանդես են գալիս հրապարակախոսական աշխատություններ, որոնք քննարկման են դնում հայրենիքի ազատագրության անհրաժեշտության և ուղիների հարցը:

Գաղութահայության հայացքն ու ուշադրությունն ավելի մեծ չափով է ուղղվում դեպի հայրենի երկիր: Մշակութային նախորդ կենտրոններին ավելանում են ռուսահայ և հնդկահայ կենտրոնները: Կարևոր դեր է ստանձնում Հայ եկեղեցին:

XVIII դարի հայ գրական-հրապարակախոսական ու քաղաքական մտքի, առաջադիմական մտածողության ձևավորման և տարածման, սահմանադրական հանրապետության ստեղծման գաղափարական հիմնավորման գործում կարևոր դերակատարում ունեցավ Մադրասի դպրոցը:

Դպրոցները: XVII դարի երկրորդ կեսին հայկական մշակութային օջախները, պահպանելով հայոց ազգային ավանդույթները, միաժամանակ առավել սերտորեն էին առնչվում եվրոպական քաղաքակրթության նվաճումների հետ, որը քարերար ազդեցություն էր գործում հայ մշակույթի հարստացման վրա:



Հովհաննավանք

XVII-XVIII դարերում, չնայած քաղաքական ծանր իրավիճակին ու մեծամեծ կորուստներին, Հայաստանում ոչ միայն փորձել են շարունակել նախորդ դարաշրջանների կրթական ավանդույթները, այլև օգտագործվել են նոր հնարավորություններ: Հայաստանի բուն տարածքից դուրս՝ հայկական համայնքներում ևս, աշխուժացավ կրթական գործը, որ պայմանավորված էր նաև հայկական գաղթօջախների ստվարացմամբ:

XVII դարում գիտակրթական աշխույժ գործունեություն են ծավալում **Հովհաննավանքի և Բաղեշի Ամիրդոլու** վանքի դպրոցները:

XVII դարի դպրոցական կյանքի կարևոր կենտրոն էր նաև Նոր Զոդան: Այնտեղ հաշատուր Կեսարացու ջանքերով հիմնված դպրոցն իր գոյության տարիներին տվել է ավելի քան 250 շրջանավարտ, որոնց թվում են Ոսկան Երևանցին, մեր կաթողիկոսներից շատերը և ուրիշ անվանի գործիչներ:

Այս դարոցը ևս եղել է գրչության կարևոր կենտրոն, ունեցել իր մատենադարանը:

Տպագրությունը: Հայ տպագրությունը նոր փուլ նախանշեց XVII-XVIII դարերի հայկական մշակույթի զարգացման բնագավառում: Առավել նշանավոր և արդյունավետ էր Ամստերդամում հիմնադրված տպարանը: Այն ավելի լիարժեք սկսում է գործել 1664 թ.՝ *Ոսկան Երևանցու և Կառսպետր Անդրիանցու* համատեղ ջանքերի շնորհիվ: Աստվածաշնչի ամբողջական նկարագրող ու հատուկ խնամքով իրականացված տպագրությունը խոշոր նվաճում էր: Ոսկան Երևանցին ունեցավ նաև աշակերտներ, որոնք նույն ոգով նվիրվեցին տպագրության միջոցով լուսավորության տարածման գործին:

1695 թ. Ամստերդամում հրատարակվում է կիսագնդերի աշխարհագրական մի մեծադիր քարտեզ՝ «Համատարած աշխարհացոյց»-ը: Քարտեզը փորագրական արվեստի նշանավոր գործ էր: Նույն տարում հրատարակվում է նաև Մովսես Խորենացու «Հայոց պատմությունը», այնուհետև՝ Ղուկաս Վանանդեցու կազմած գիրքը չափերի ու կշռի մասին: Ամստերդամի հայկական տպարանը գոյատևում է մինչև 1717 թ.:

XVII-XVIII դդ. հայկական գրահրատարակչությունը մեծ առաջադիմություն է արձանագրում Կ. Պոլսում: 1677 թ. այստեղ տպարան է հիմնադրում *Երեմիա Չելեպի Բեմուրճյանը*: Կ. Պոլսում առաջին անգամ լույս է տեսնում Գրիգոր Նարեկացու «Մատենան ողբերգութեան» հռչակավոր երկը:

XVIII դարը հայ տպագրության համար դարձավ ծաղկման շրջան: Հայերեն գրքեր էին տպագրվում Կ. Պոլսում, Զմյուռնիայում, Հոռոմում, Լիվոռնոյում, Վենետիկում, Պետերբուրգում, Նոր Նախիջևանում, Աստրախանում, Մադրասում, Կալկաթայում, Էջմիածնում, որոնք միաժամանակ վերածվել էին հայ մշակույթի նշանավոր կենտրոնների:

Հայ տպագրության մեջ մեծ է *Մխիթարյան միաբանության* հրատարակչական գործունեության նշանակությունը: Հրատարակվեց Մխիթար Սեբաստացու կազմած քերականությունը, որը գրված էր թուրքախոս դարձած հայերին կրկին հայոց լեզու սովորեցնելու համար:

Հնդկահայոց մեջ տպագրության սկզբնավորումը պայմանավորված էր օտարի լծից հայ ժողովրդի ու Հայաստանի ազատագրության գործի կազմակերպման մտահոգությամբ:

Հայ տպագրության մեծ և շրջադարձային նշանակության նվաճում էր *Սիմեոն Երևանցի կաթողիկոսի* (1763-1780) նախաձեռնությամբ տպարանի ստեղծումը (1771): Այստեղ լույս են տեսնում Սիմեոն Երևանցու մի շարք աշխատություններ: Կաթողիկոսը նախաձեռնում և 1776 թ. իրականացնում է Էջմիածնում թղթի արտադրության գործարան կառուցելու գործը:

XVII-XVIII դարերում տպագրական գործի զարգացմամբ խորանում էր տպագրիչների մասնագիտական պատրաստվածությունը, ավելանում էին հայազգի տոհմիկ տպագրիչների թիվը: Կ. Պոլսում մեծ համբավ ուներ *Արապյանների* գերդաստանը: Պողոս Արապյանը Հերակլ II թագավորի հրավերով Կ. Պոլսից ժամանեց Վրաստան և 1781-1783 թթ. Թիֆլիսում իրականացրեց վրաց տպարանի վերակառուցման, նոր տպատառեր ստեղծելու ու տեղացի աշակերտներ պատրաստելու գործը:

Այսպիսով՝ XVII-XVIII դդ. հայ գրատպությունն ունեցավ մեծ առաջընթաց, հոգևոր ու աշխարհիկ բովանդակությամբ լույս ընծայվեց ավելի քան հազար անուն գիրք:

Առաջին հայ պարբերականը: Հնդկաստանի տարբեր քաղաքներում հաստատված հայ բնակչության աշխույժ հասարակական կյանքը կազմակերպելու և ուղղորդելու անհրաժեշտությունը առաջադրեց

նան պարբերական ունենալու պահանջ: 1794–1796 թթ. Մադրասում **Հարություն Շմավունյանի** նախաձեռնությամբ և հենց իր տպարանում լույս ընծայվեց հայոց առաջին պարբերականը՝ **«Ազդարարը»**: Այն ուներ քաղաքական, տնտեսական և լուրերի բաժիններ: Նրանում տպագրվում էին նաև բանավիճային ու պատմական բնույթի հոդվածներ:

Հայ ժողովրդին աշխարհում տեղի ունեցող իրադարձությունների մասին տեղեկություններ հաղորդելու նպատակով 1799 թ. Վենետիկի Մխիթարյան միաբանությունը Ղուկաս Ինձիճյան վարդապետի խմբագրությամբ սկսեց հրատարակել **«Տաքսիցություն»** պարբերականը (1799–1802): Այն ամփոփում էր քաղաքական, պատերազմական, եկեղեցական անցուդարձերի մասին լուրեր և հրատարակվում էր ժողովրդին հասկանալի լեզվով:

Պարսնագիտությունը: XVII դարի երկրորդ կեսից առավել զարգացում ստացավ նաև հայոց պատմագրությունը: Պատմիչներից նշանավոր էր **Առաքել Դավրիժեցին**, որի հեղինակած **«Գիրք պարսնությունացը»** իր ժամանակաշրջանի կարևորագույն աղբյուրներից է: Նույն դարի երկրորդ կեսին են ստեղծագործել **Զաքարիա Քանաքեղացին**, **Երեմիա Չելեպի Բեռմուրճյանը**, որոնց պատմագիտական աշխատություններում լուսաբանվել են ոչ միայն բուն Հայաստանի, այլև Օսմանյան կայսրության մեջ ու Պարսկաստանում տեղի ունեցած իրադարձությունները:

XVIII դ. ստեղծված կարևոր պատմագիտական երկերից են **Եսայի Հատան-Ջալալյանի «Համառոտ պարսնություն Աղուանից»**, **Աբրահամ Երևանցու «Պարսնություն պարսերազմաց»**, **Սրեփանոս Շահումյանի «Պարսնություն Դավիթ բեկին»** և այլ աշխատություններ: Շարունակվում էին նաև մանր ժամանակագրություններ կազմելու ավանդույթները, որոնց մի



Աստվածամայրը մանկան հետ.
Նաղաշ Հովնաթանյան,
Էջմիածնի Մայր տաճար, XVII դ.

մասը շատ արժեքավոր տեղեկություններ էր պարունակում Հայաստանում տեղի ունեցած իրադարձությունների մասին:

Հայ իրականության համար դարակազմիկ նշանակություն ունեցավ **Միքայել Չամչյանի «Պարսնություն Հայոց»** եռախատոր աշխատության տպագրությունը (1784–1786): Այն, ինչպես խորենացու **«Հայոց պատմությունը»**, ամբողջական պատկերացում էր տալիս հայ ժողովրդի անցած ուղու մասին: Չամչյանի աշխատությունը հայ ժողովրդի զավակներին հաղորդում էր արժանապատվության ու ազգային ինքնագիտակցության հզոր լիցքեր: Այն թարգմանվել է նաև այլ լեզուներով: Միքայել Չամչյանի աշխատությունը մեծապես խթանել է հայ պատմագիտական մտքի զարգացմանը:

Գեղարվեստական գրականությունը: XVII–XVIII դդ. կարևոր նվաճումներ են ար-

ձանագրվում նաև գեղարվեստական գրականության բնագավառում: Այդ ժամանակ չափածո ստեղծագործություններով հայտնի են դառնում *Պեղորու Ղափանցին, Նաղաշ Հովնաթանը, Սայաթ-Նովան* և ուրիշներ: Նաղաշ Հովնաթանը ոչ միայն բանաստեղծ էր, այլև նկարիչ, երաժիշտ: Նա մշակութային մեծ ժառանգություն թողած Հովնաթանյան տոհմի հիմնադիրն էր:

Սայաթ-Նովան (Հարություն Սայադյան) սիրված բանաստեղծ ու երաժիշտ էր ոչ միայն թիֆլիսյան լայն շրջաններում, այլև նրա սահմաններից դուրս: Նա թեև ապրում էր Թիֆլիսում, սակայն ստեղծագործում էր երեք լեզուներով: Նրա երգերը տոգորված էին սիրո, արդարության, ճշմարտության, ազնվության գաղափարներով: Իր երգերում նա դատապարտում էր անազնվությունը, սոցիալական անհավասարությունը և պաշտպանում մարդկային արժանապատվությունը:

Արվեստը: XVII դ. երկրորդ կեսը և XVIII դ. արդյունավետ եղան արվեստի ու ճարտարապետության բնագավառում:

Հայ արվեստագետներն ստեղծագործում էին ոչ միայն բուն Հայաստանում, այլև հայկական գաղութներում: Մինչև այսօր իրենց ճոխությամբ հիացնում են Նոր Զուղայի հայոց պալատների ու բնակարանների որմնանկարները: Նոր Զուղայից հայկական պատվիրակության կազմում ժամանելով Մոսկվա՝ այնտեղ իր ստեղծագործական ուղին շարունակեց նշանավոր նկարիչ *Ասրվաձառուր Սալթանյանը*, որին ռուս-



Սիրիլա (մարգարեուհի).
Բողան Սալթանով, XVII դ.

ները թարգմանաբար անվանեցին **Բողան Սալթանով**: Արվեստի նշանավոր կոթող էր հայ արհեստավորների պատրաստած «Ալմաստե գահը», որը Նոր Զուղայի հայկական պատվիրակությունը նվիրաբերեց Ռուսաստանի Ալեքսեյ ցարին: Այն այժմ պահվում է Մոսկվայի զինապալատում:

Հայաստանում կառուցվում էին բազում եկեղեցիներ ու վերականգնվում թուրք-պարսկական պատերազմի տարիներին ավերվածները: Վերանորոգչական լուրջ աշխատանքներ ծավալվեցին Մայր աթոռ Սուրբ Էջմիածնի վանքում, որի ներքին հարդարումներն ու որմնանկարներով նկարագարողումներն իրականացվեցին Հովնաթանյանների կողմից:

Հարցեր և առաջադրանքներ

1. Որո՞նք էին հայկական մշակույթի զարգացմանը նպաստող հիմնական պայմանները Նոր շրջանի սկզբում:
2. Այս ժամանակաշրջանի ի՞նչ կրթօջախներ գիտեք. համառոտ ներկայացրե՞ք այդ դպրոցները:
3. Ի՞նչ նշանակություն ունեցավ հայ տպագրության սկզբնավորումը: Ներկայացրե՞ք Ոսկան Երևանցու գործունեությունը և ներդրումը հայ մշակույթում: Ի՞նչ նշանակություն ունեցավ Ամստերդամի տպարանը հայ տպագրության պատմության մեջ:

Պատրաստե՛ք քարտեզ, որտեղ նշված լինեն այն քաղաքները, որտեղ հայերեն գրքեր են տպագրվել XVII–XVIII դարերում:

4. Ի՞նչ գիտեք առաջին հայ պարբերականի մասին:

5. XVII–XVIII դդ. ի՞նչ պատմիչներ գիտեք. ի՞նչ աշխատություններ են գրել և ի՞նչ իրադարձություններ են նկարագրել: Հայ իրականության մեջ ի՞նչ նշանակություն ունեցավ Մ. Չամչյանի աշխատությունը:

6. Ովքեր էին XVII–XVIII դդ. հայտնի հայ քանաստեղծները: Ի՞նչ գիտեք նրանց ստեղծագործություններից: Ո՞վ էր XVIII դ. ամենանշանավոր քանաստեղծ–երգիչը. թվարկե՛ք նրա երգերից:

7. Ի՞նչն է վկայում նշված ժամանակաշրջանում արվեստի զարգացման մասին: Ո՞վ էր Բոգդան Սալթանովը:

§ 2. ՀԱՅ ՄՇԱԿՈՒՅԹԸ XIX ԴԱՐԻ ԱՌԱՋԻՆ ԿԵՍԻՆ

Մշակույթի զարգացման պայմանները: XIX դարի առաջին երեսնամյակին հայ ժողովրդի կյանքում տեղի ունեցան քաղաքական խոշոր իրադարձություններ: Ռուս–պարսկական և ռուս–թուրքական պատերազմներից հետո գրեթե ամբողջ Արևելյան Հայաստանի անցումը Ռուսաստանին արմատապես փոխեց տարածաշրջանի աշխարհաքաղաքական իրավիճակը: Հայության մի խոշոր զանգված, փրկվելով ֆիզիկական քնաջնջման վտանգից, հաղորդակից դարձավ ռուսական հասարակական համակարգին, առաջադիմական մշակույթին ու գիտությանը: Այդ հանգամանքը նկատելիորեն ուժեղացրեց հայ գործիչների գաղթավայրերից գիտամշակութային օջախները հետզհետե հայրենի հողի վրա տեղափոխելու ձգտումները:


Ցավոք, նույն ժամանակաշրջանում Արևմտյան Հայաստանի կյանքում դրական տեղաշարժեր տեղի չունեցան: Դա էր պատճառը, որ հայ մշակութային կյանքը հիմնականում դեռ շարունակում էր զարգանալ հայկական գաղթօջախներում՝ Հնդկաստանում, Մոսկվայում, Պետերբուրգում, Նոր Նախիջևանում, Ղրիմում, Աստրախանում, Կ. Պոլսում, Վենետիկում, Նոր Ջուղայում և այլուր:

Դպրոցական կյանքի վերելքը: Դպրոցը դարեր շարունակ հայ մշակույթի զարգացման գործում ունեցել է առաջնակարգ դեր: XIX դ. առաջին կեսին տարրական, հոգևոր–ծխական դպրոցների կողքին ստեղծվում են բարձրագույն ուսումնական հաստատություններ, որոնք իրենց կրթական բարձր մակարդակով շուրջ մեկ դար վերածվում են հայ մտավորականության պատրաստման իսկական դարբնոցների:

Նոր՝ աշխարհիկ դպրոցներին անցնելու կենսական պահանջը դարասկզբին գաղութահայ վաճառականական դասի առանձին ներկայացուցիչների, առաջադեմ գործիչների մղում է այդօրինակ դպրոցների ստեղծման գործին:

Աստրախանի մտավորականների ջանքերով 1810 թ. հիմնվում է **Աղաքաբյան դպրոցը**: Այն հատկապես մեծ ճանաչում է ձեռք բերում մեկ տասնամյակ անց՝ Սերովբե Պատկանյանի՝ տեսուչ եղած ժամանակ:

Ռուսաստանում ազդեցիկ դիրքեր ունեցող հողատեր և արդյունաբերող Լազարյանների (Լազարյաններ) նշանավոր տոհմի ներկայացուցիչ **Հովհաննես Լազարյանի** կտակի համաձայն՝ 1815 թ. **Մոսկվայում** բացվում է **Լազարյան ճեմարանը**: Այն դառնում է ամբողջ Ռուսական կայսրու-



Ներսիսյան դպրոց

թյան միակ արևելագիտական բարձրագույն ուսումնական հաստատությունը, որտեղ պատրաստվում են պարսկերենի, թուրքերենի և արաբերենի բարձրակարգ մասնագետներ: Սակայն ճեմարանը նախ և առաջ վերածվում է հայագիտական խոշոր կենտրոնի, որտեղ սովորելու էին գալիս ոչ միայն Ռուսաստանից, այլև Արևմտյան Հայաստանից, Պարսկաստանից, հեռավոր Հնդկաստանից ու այլ վայրերից: Ճեմարանականները լեզուներից զատ ուսումնասիրում են նաև բնական գիտություններ, քժկագիտություն և այլ առարկաներ: Ճեմարանի տպարանում, բացի հայագիտական հարուստ գրականությունից, լույս են տեսնում գրքեր՝ եվրոպական ու արևելյան 13 լեզուներով:

Վիրահայոց թեմի առաջնորդ Ներսես Աշտարակեցին 1824 թ. հիմնում է հայկական ուսումնարան, որը շուտով հռչակվում է *Ներսիսյան դպրոց* անունով: Շուրջ մեկ դար այս հաստատությունն իր շուրջն է համախմբում արևելահայ գրական-հասարակական միտքը, բազմահազար մասնագետներ պատրաստում հայոց դպրոցների, մամուլի ու մշակույթի այլ բնագավառների համար:

1837 թ. Երևանում և 1838 թ. Շուշիում բացվում են թեմական դպրոցներ: Սկզբնական շրջանում այստեղ սովորում էին միայն հոգևորականների, հետագայում նաև՝ աշխարհականների զավակները:

XIX դ. առաջին կեսին Վենետիկում գործում էին նշանավոր Ռափայելյան, Զմյուռնիայում՝ Մեսրոպյան, Կ. Պոլսում՝ Խաչատուրի, Սկյուտարի դպրոցները, Կալկաթայում՝ Մարդասիրաց ճեմարանը և այլն: Արևմտյան Հայաստանում գործող կրթօջախներից համեմատաբար ծանաչված էին Վանի և Էրզրումի դպրոցները: 1830-ական թթ. ստեղծվեցին Ախալցխայի Կարապետյան և Ախալքալքի Մեսրոպյան դպրոցները: Հայ երիտասարդությունը կրթություն էր ստանում նաև եվրոպական համալսարաններում:

Գիտություն: XIX դ. սկզբին Վենետիկի Մխիթարյան միաբանության անդամ *Ղուկաս Ինձիճյանը* հանդես է գալիս բազմաթիվ պատմաաշխարհագրական աշխատություններով: Նա ամենայն մանրամասնությամբ անդրադառնում է հին և նոր Հայաստանի նահանգների, բնակավայրերի, դրանց բնակչության ու տեղագրության հարցերին:

Վիեննայում լույս տեսած «*Տիեզերական պարմության*» երկհատորյակը, որը հայերենով գրված համաշխարհային պատմության առաջին ձեռնարկն էր, մեծ ճանաչում է բերում պատմաբան *Տոմասի Գաթրոճյանին*: Հեղինակն արժարժում է նաև հայոց պատմության բազմաթիվ հարցեր:

Հայագիտության խնդիրներով սկսում են գրադվել նաև եվրոպացի գիտնականները: Գերմանացի լեզվաբանները ձեռնամուխ են լինում հայերենի՝ որպես հնդեվրոպական հնագույն լեզուներից մեկի ուսումնասիրությանը: Ֆրանսիացի *Մարի Բրունն* և ուրիշներ հետազոտում են հայ մատենագիրների գործերը, դրանք հրատարակում եվրոպական լեզուներով: 1809 թ. Պետերբուրգում ռուսերենով լույս է տեսնում Խորենացու «Հայոց պատմությունը»: Ռուս պատմաբան *Սերգեյ Գլինկան* գրում է «*Հայ ժողովրդի պատմության պետություն*» աշխատությունը:

Ահռելի աշխատանք է կատարվում քառաբանագրության քննազավառում: 1836–1837 թթ. Մխիթարյանները հրատարակում են «*Նոր քաղցիրը Հայկազեան լեզուի*» մեծածեղ քառաբանը: Ռուսաստանի և Արևմտյան Եվրոպայի համալսարաններում բացվում են հայագիտական ամբիոններ: Հայագիտությունը դառնում է միջազգային գիտություն:

Հայ մշակույթի զարգացմանը մեծ նպաստ է բերում նորաստեղծ հայ մամուլը: Դարի առաջին կեսին հրատարակված 40 անուն պարբերականներից նշանավոր էին «*Բազմավեպը*» (Վենետիկ), «*Ազգասերը*» (Կալկաթա), «*Լրո գիրը*» (Կ.Պոլիս), «*Կովկասը*», «*Արարատը*» (Թիֆլիս) և այլն: 1843 թվականից առաջօր տպագրվող «*Բազմավեպը*» հայ մամուլի ամենաերկարակյաց պարբերականն ու ծանրակշիռ գրական, գիտական ու գեղարվեստական հանդեսներից մեկն է:

Գրականություն: XIX դ. առաջին կեսը նշանավորվեց գրական լեզվում գրաբարից աշխարհաբարին անցմամբ: Պոլսահայ բարբառի հիմքի վրա սկսեց ձևավորվել

գրական արևմտահայերենը, իսկ Արարատյան բարբառը կազմեց աշխարհաբար արևելահայերենի հիմքը: Սակայն այդ գործընթացն այնքան էլ արագ տեղի չունեցավ: Շատերը շարունակեցին ստեղծագործել ուկեղենիկ գրաբարով: Այն մնաց Հայ առաքելական եկեղեցու պաշտոնական լեզուն:

Ժամանակաշրջանի հայտնի գրող–մանկավարժ *Հարություն Արամյանը* (1796–1834) քնարերգու քանաստեղծ էր, սովորել և աշխատել էր ժամանակի նշանավոր դպրոցներում: Նրա՝ տեսուչ աշխատած տարիներին Ներսիսյան դպրոցը վերածվեց հայ կրթական կյանքի կենտրոնի:

Մեսրոպ Թադիսայանը (1803–1858) հանրագիտակ մտավորական էր՝ քանաստեղծ, պատմաբան, խմբագիր, մանկավարժ, ջերմ հայրենասեր: Նրա ջանքերով 1846 թ. Կալկաթայում բացվել է հայ իրականության մեջ առաջին *երկսեռ* դպրոցը: Թադիսայանը «Ճանապարհորդութիւն ի Հայս» աշխատության մեջ զարգացնում է այն միտքը, որ ազգի փրկությունը զաղթօջախներում չէ, ուստի ժամն է բռնելու հայրենադարձության բաղձալի ճանապարհը:

XIX դ. լուսավորական շարժման և գրական կյանքի ամենաակնավոր դեմքը *Խաչատուր Աբովյանն* է (1809–1848): Նա առաջին հեղինակն էր, որ կոտրելով միջնադարյան մտածողության պատենշը, համարձակվեց գեղարվեստական երկեր գրել աշխարհաբարով՝ դրանով չնսեմացնելով գրաբարի դերը հայ ժողովրդի կյանքում: Աբովյանն իրավամբ դարձավ հայ նոր գրականության հիմնադիրը:

Խ. Աբովյանը ծնվել է Քանաքեռում, սովորել Էջմիածնում, եղել Ներսիսյան դպրոցի առաջին սաններից, Էջմիածնի Մայր աթոռի թարգմանը: 1829 թ. սեպտեմբերին *Դորպատի* (այժմ՝ Տարտու) համալսարանի պրոֆեսոր *Յ. Պարրոյի* հետ եղել է Արարատի գագաթն առաջինը նվաճած արշավախմբի կազմում: 1830–1835 թթ. սովորել է

Դորպատում: Տիրապետել է մի քանի լեզուների: Թիֆլիսում և Երևանում զբաղվել է մանկավարժությամբ: Արժանացել է հեղինակ է և՛ արձակ, և՛ չափածո ստեղծագործությունների, ունի ազգագրական, փիլիսոփայական տնտեսագիտական բնույթի աշխատություններ: Քաջածանոթ է եղել եվրոպական գրականությանն ու փիլիսոփայությանը:

Հայրենասեր գործիչն ու լուսավորիչը հայ-ռուսական զինակցության ջերմ պաշտպան է, ուստի ողջունում է ռուսական զորքերի մուտքը Հայաստան: Միաժամանակ, կյանքի վերջին շրջանում մեծ հումանիստը անձնական ծանր ողբերգություն է ապրում, երբ իր հայրենիքը կրկին տեսնում է խավարամիտ մարդկանց իշխանության ներքո: 1848 թ. ապրիլի 2-ին չքացահայտված հանգամանքներում ևս, Արժանյանը անհետ կորչում է: Սակայն նրա ակոսած ուղին հետագա սերունդների համար առաջադիմության ճանապարհ է հարթում:

Արվար: XIX դ. առաջին կեսին հայ կերպարվեստը թևակոխում է նոր փուլ: Այս շրջանում շարունակում են ստեղծագործել Հովնաթանյանների համբավավոր տոհմի ներկայացուցիչները: Ասպարեզ է իջնում տոհմի չորրորդ սերնդի ներկայացուցիչ՝ դիմանկարիչ *Մկրտում Հովնաթանյանը*, ապա՝ նրա որդիները՝ *Հակոբն ու Աղաթոնը*:

Հայտնի նկարիչ *Սյունիանու Ներսիսյանը* Պետերբուրգի գեղարվեստի ակադեմիայում սովորել է Աղաթոն Հովնաթանյանի հետ: Նրան ճանաչում են բերում Մ. Մաշտոցի, Ս. Պարթևի, Ա. Տեր-Ղուկասյանի, Վ. Բեիրութովի դիմանկարները, «Խնջույք Քուռ գետի ափին» գեղանկարը:

Որոշակի աշխուժացում է ապրում թատերական կյանքը: 1827 թ. վերջին Երևանի բերդում բեմադրվում է *Ա. Գրիբոյեդովի «Խելքից պարուհա»* պիեսը հեղինակի ներկայությամբ: 1836 թ. դրամատուրգ *Գալուստ Ընդունազանյանը*, որը հետագայում երկու անգամ ընտրվում է Թիֆլիսի քա-



Սյունիանու Ներսիսյան.
«Խնջույք Քուռ գետի ափին»

ղաքագլուխ, թատերական շենքի վերածած իր երկհարկանի տանը բեմադրում է հայ և օտար դրամատուրգների պիեսներ: Այդ յուրահատուկ թատրոնը հայտնի էր «Ընդունազանյան դարբաս» անունով:

Հայ հոգևոր երաժշտության անաղարտության պահպանման ու զարգացման գործում նշանակալից ավանդ է ունեցել պոլսահայ *Համբարձում Լիմոնձյանը* (1769–1839): Նրա ամենամեծ ծառայությունը 1815 թ. հայկական նոր ձայնագրության ստեղծումն էր: Լիմոնձյանը կարողանում է միջնադարյան հայ երգարվեստի նմուշները, որոնք գրի էին առնված հայկական հատուկ նոտաներով՝ խազերով, վերծանել, դրանք հարմարեցնել եվրոպական գծային նոտաներին և փրկել կործանումից:

Կ. Պոլսում հայերը լուրջ հաջողություններ են ունենում տպագրության, նոր տառատեսակների ձուլման բնագավառում: Շուտով *Պողոս Արապյանը* դառնում է Օսմանյան կայսրության ամենանշանավոր տպագրիչը, սուլթանի տպարանի տեսուչը: Նա ստեղծում է հայկական, թուրքական և վրացական տառատեսակներ:

XIX դ. առաջին կեսի մշակույթը հող է նախապատրաստում նույն դարի երկրորդ կեսի և XX դ. սկզբի հայ ազգային-մշակութային զարթոնքի աննախադեպ վերելքի համար:

Հարցեր և առաջադրանքներ

1. Որո՞նք էին հայ մշակույթի զարգացման պայմանները XIX դ. առաջին կեսին: Ինչո՞ւ էր հայ մշակույթը շարունակում զարգանալ հիմնականում գաղթօջախներում: Թվարկե՞ք XIX դ. առաջին կեսին գործած նշանավոր ուսումնական հաստատություններ:
2. Ի՞նչ ձեռքբերումներ արձանագրվեցին գիտության մեջ: Թվարկե՞ք նշված ժամանակաշրջանի գիտության հայ նշանավոր ներկայացուցիչների (նաև դասագրքում չնշվածների). ինչո՞վ են նրանք նշանավոր:
3. Ներկայացրե՞ք XIX դ. առաջին կեսի գրականության և արվեստի նշանավոր գործիչներին, գնահատե՞ք նրանց ներդրումը հայ մշակույթի զարգացման գործում:

ԳԼՈՒԽ 2. XIX ԴԱՐԻ ԵՐԿՐՈՐԴ ԿԵՍԻ ԵՎ XX ԴԱՐԻ ՍԿԶԲԻ ՍՇԱԿՈՒԹԱՅԻՆ ՎԵՐԵԼՔԸ

§ 1. ՀԱՅ ՄՇԱԿՈՒՅԹԻ ԿԵՆՏՐՈՆՆԵՐԸ: ԿՐԹԱԿԱՆ ՀԱՄԱԿԱՐԳԸ

Հայ մշակույթի վերելքի նախադրյալները: XIX դ. երկրորդ կեսին և XX դ. սկզբներին արդյունաբերական հասարակության քաղաքակրթական նվաճումների հետ անմիջական շփումը, դրանց մի մասի յուրացումն ու համադրումը ազգային ավանդական արժեհամակարգի հետ ապահովեցին հայ մշակույթի առաջընթացը բուն Հայաստանում և մերձավոր հայաբնակ շրջաններում ու հայկական գաղթավայրերում:

Ժամանակի առաջադիմական գործընթացները՝ Եվրոպայի հեղափոխական գաղափարախոսություններն ու շարժումները, գիտության, տեխնիկայի ու արվեստի զարգացման արդյունքներն արևելահայ ու արևմտահայ մշակույթի վերելքի կարևոր նախադրյալներ էին:

Ռուսաստանում արդյունաբերական հասարակության ձևավորումն ու զարգացումը, ժողովրդավարական ու սոցիալիստական գաղափարներն ու շարժումները, ռուսական հզոր գրականությունն ու արվեստը էական ազդեցություն ունեցան արևելահայության մշակութային առաջընթացի վրա:

XIX դ. երկրորդ կեսին մշակութային կյանքում նախաձեռնությունն անցնում է եվրոպական կրթություն ստացած երիտա-

սարդ մտավորականությանը, որը բերում է նոր աշխարհընկալում և տարածում առաջադիմական գաղափարներ: Արևմտահայ և արևելահայ մտավորական նոր սերունդը գերակա խնդիր է հռչակում ժողովրդի մեջ լուսավորության տարածումը, ազգային ինքնագիտակցության վերելքի ապահովումը, ազատության ու արդարության գաղափարների իրագործման համար պայքարելու պատրաստ սերունդների դաստիարակումը:

Հայ գաղթավայրերը ևս մշակութային կարևոր կենտրոններ էին: Մեծ դեր կատարեցին Վենետիկի և Վիեննայի Մխիթարյան միաբանության գործիչները: Անուրանալի են նրանց ջանքերը հայոց պատմությունը և մշակույթը եվրոպական ազգերին ծանոթացնելու և եվրոպական մշակույթը հայությանը հասանելի դարձնելու գործում:

Մշակութային կյանքի վերելքին նպաստեց հայ քաղաքական ու հասարակական կազմակերպությունների գործունեությունը: Հայկական առաջին քաղաքական խմբակներն ու կազմակերպություններն իրենց կարևոր խնդիրն էին համարում ժողովրդին առաջադիմական գաղափարներով կրթելը: Հետագայում արդեն ազգային



Երևանի Ս. Հռիփսիմեի անվան օրիորդաց
գիմնազիայի շենքը

կուսակցությունները և սոցիալ-դեմոկրատական ու ազատական ուժերն իրենց գործունեությունն ուղղորդեցին նաև ազգային մշակույթի պահպանման ու զարգացման գործին:

Կրթական համակարգը: Հայ մտավորականության առաջադեմ ուժերը, քաղաքական-հասարակական շրջանները մեծ կարևորություն էին տալիս ժողովրդի լուսավորության գործին: XIX դ. երկրորդ կեսից կրթական գործը բուռն վերելք է ապրում նաև Արևելյան Հայաստանում՝ չնայած ցարական վարչակարգի հարուցած դժվարություններին:

Կրթական կյանքում կարևոր նորություն էր աշխարհիկ սկզբունքի դերի աճը: Աստիճանաբար ներդրվեցին ուսուցման առաջադիմական մեթոդներ, աշխարհականացվեցին դասավանդվող առարկաները:

Արևելահայությունն ուներ *երկու տեսակի դպրոց՝ պետական և ազգային*: Պետական դպրոցներում ուսուցման պարտադիր լեզուն ռուսերենն էր: Աստիճանաբար աճեց պետական դպրոցների թիվը: Դրանց շարքում աչքի ընկան *Երևանի գալատալին և Հռիփսիմյան իգական գիմնազիաները*: Կարևոր դեր ուներ նաև *Երևանի ուսուցչական սեմինարիան*:

Ամենայն հայոց կաթողիկոս Գևորգ Դ-ն Էջմիածնում ստեղծեց ուսումնական հանձնաժողով, որի խնդիրն էր դպրոցներ բացել բոլոր գյուղերում: Հայկական ծխական դպրոցներին վերաբերող կանոնների համա-



Երևանի ուսուցչական սեմինարիայի շենքը, 1920 թ.

ձայն՝ ժողովրդին կրթելու հիմնական հաստատություն դարձավ եկեղեցական-ծխական տարրական դպրոցը: Այստեղ դասավանդում էին կրոն, հայերեն և ռուսերեն, վալեյազրություն, թվաբանություն, երգեցողություն, նաև տրվում էին նախնական գիտելիքներ աշխարհագրությունից, բնագիտությունից, պատմությունից: Հայկական գրեթե բոլոր քնակավայրերում բացվում էին տարրական դպրոցներ, որոնք մեծապես օգնում էին ժողովրդի մեջ գրագիտության տարածմանը:

Բացվեցին նաև իգական ուսումնական հաստատություններ, որոնք կյանքի կոչելու գործում մեծ է *Պերճ Պոռչյանի* ավանդը: Նրա անմիջական ջանքերով 1864 թ. *Շուշում* և 1866 թ. *Երևանում* բացվեցին իգական դպրոցներ: Այսպիսի դպրոցներ բացվեցին նաև Ալեքսանդրապոլում և Թիֆլիսում:

Արևելահայ կրթական համակարգում մեծ նշանակություն ձեռք բերեց 1874 թ. կաթողիկոս Գևորգ Դ-ի նախաձեռնությամբ Էջմիածնում բացված հոգևոր ճեմարանը: Թեև ճեմարանի գլխավոր խնդիրը հոգևորականներ պատրաստելն էր, այն դարձավ հայագիտական խոշոր կենտրոն, որտեղ կրթություն են ստացել և դասավանդել XIX դ. երկրորդ կեսի և XX դարասկզբի հայ մշակույթի, գիտության և ազգային ու հասարակական բազմաթիվ նշանավոր գործիչներ: Իրենց բեղմնավոր գործունեությունն էին շարունակում Թիֆլիսի Ներսիսյան դպրոցը, Մոսկվայի Լազարյան ճեմարանը:

Այսրկովկասում հայկական դպրոցների թիվը 1885 թ. կազմում էր 270, որոնցից 41-ը՝ իգական: Այդ նույն ժամանակ Ռուսաստանի բարձրագույն ուսումնական հաստատություններում սովորում էր մոտ 300, իսկ եվրոպական երկրներում՝ մոտ 200 հայ ուսանող:

Արդեն 1914–1915 ուսումնական տարում Այսրկովկասում կար 400 հայկական եկեղեցական դպրոց՝ 31 հազարից ավելի աշակերտով: Դպրոցներ կային նաև Ռուսաստանի հայաբնակ վայրերում:

Օսմանյան կայսրության կազմում ապրող արևմտահայությունը կրթության ոլորտում դանդաղ, քայց հաստատուն քայլեր էր կատարում: Կ.Պոլսի Հայոց ազգային ժողովին կից ստեղծվեց ուսումնական խորհուրդ, որը 1864 թ. ընդունեց ազգային վարժարանների կանոնադրություն:

Ավելացավ կրթական հաստատությունների թիվը բուն հայրենիքում: 1857 թ. *Վարազա վանքում Մկրտիչ Խրիմյանը բացեց Ժառանգավորաց* վարժարանը: Նման մի դպրոց Գ. Սրվանձտյանցի ջանքերով բացվում է Տարոնի Ս. Կարապետի վանքում:

Արևմտյան Հայաստանում հատկապես կարևորվում էր ուսուցիչներ պատրաստող դպրոցների բացումը: 1878 թ. *աշանը Վանում* հիմնվեց «*Վարժապետանոցը*», որի տեսուչն էր մանկավարժական գործունեությամբ մեծ հռչակ վայելող Մ. Փորթուզալյանը: Վանում գործող ուսումնական նշանավոր հաստատություններից էին նաև Երկրագործական ու Երամյան վարժարանները:

Կարինի ուսումնական հաստատությունների մեջ ամենահռչակավորը 1881 թ. բաց-

ված Սանասարյան միջնակարգ վարժարանն էր: Ուսուցիչների մեծ մասը մեծահարուստ Մկրտիչ Սանասարյանի միջոցների հաշվին բարձրագույն կրթություն էր ստացել Գերմանիայում՝ Լայպցիգի համալսարանում:

1889 թ. Կ. Պոլսի մերձակա Արմաշի վանքում բացվեց դպրեվանք, որը բարձրագույն հոգևոր ուսումնական հաստատություն էր և արևմտահայերի համար ունեցավ նույն նշանակությունը, ինչ Գևորգյան ճեմարանն՝ արևելահայերի կյանքում:

Ճիշտ է, կրթական ոլորտը լայնորեն ծավալվում էր հայկական նահանգներում ու կայսրության հայաբնակ վայրերում, սակայն արևմտահայության 80 %-ը կազմող գյուղացիության չնչին մասին էր միայն դա հասանելի: Այդուհանդերձ դպրոցական կյանքը բռնել էր վերելքի ուղին: XX դ. սկզբին Արևմտյան Հայաստանում կար 800 հայկական դպրոց՝ 82 հազար աշակերտով:

Կրթական գործը ծավալվում էր նաև հայկական գաղթավայրերում: Գործում էին բազմաթիվ նշանավոր ուսումնական հաստատություններ, որոնցից աչքի էր ընկնում 1870 թ. Վենետիկի Ռափայելյան ու Փարիզի Մուրադյան վարժարանների միավորմամբ ստեղծված *Մուրադ-Ռափայելյան* վարժարանը:

Հայկական մշակույթը, չնայած հայության երեք հիմնական հատվածների տնտեսական, սոցիալ-քաղաքական կյանքի յուրահատուկ պայմաններին, պահպանեց իր ինքնատիպությունն ու միասնությունը, կարևոր դեր խաղաց ազգային համախմբման և ժողովրդի լայն շերտերի մեջ առաջադիմական գաղափարների տարածման գործում:

Հայրեր և առաջադրանքներ

1. Որո՞նք էին հայ մշակույթի վերելքը պայմանավորող գործոնները: Որո՞նք էին XIX դ. երկրորդ կեսի և XX դ. հայ մշակույթի նշանավոր կենտրոնները:
2. Հիմնավորե՞ք ժողովրդի լուսավորության և գրագիտության տարածման կարևորությունը: Ի՞նչ փոփոխություններ տեղի ունեցան կրթական կյանքում: Ի՞նչ տեսակի դպրոցներ կային Արևելյան Հայաստանում. ի՞նչ էին դասավանդում այդ դպրոցներում: ԹՎարկե՞ք այդ ժամանակաշրջանի նշանավոր ուսումնական հաստատությունները: Փաստերով հիմնավորե՞ք, որ դպրոցական կյանքը վերելք էր ապրում:

§ 2. ԲՆԱԿԱՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐԻ ԶԱՐԳԱՑՈՒՄԸ

XIX դ. վերջին և XX դ. սկզբին աննախընթաց զարգացում ապրեցին համաշխարհային գիտությունն ու տեխնիկան: Արտադրության, հաղորդակցության և սպասարկման ոլորտներում ու կենցաղում գիտատեխնիկական նվաճումների ներդրումն արմատապես փոխեց մարդկանց աշխարհայացքն ու ապրելակերպը: Այս գործընթացին անմասն չմնացին նաև հայ գիտնականները:

Բնական գիտությունները: Հայկական պետականության բացակայության պայմաններում հայ գիտնականների մեծ մասն ապրում և աշխատում էր հայրենիքի սահմաններից դուրս:

Նշանավոր երկրաբան, բյուրեղաքեմիկոս **Անդրեաս Արծրունին** (1847–1898) սովորել է Դորպատի և Գերմանիայի մի քանի համալսարաններում: Նա ուսումնասիրել է Ուրալի օգտակար հանածոների հանքավայրերը, հետազոտել Կովկասի և Հայաստանի մի շարք տեղանքներ՝ Սևանի ափերը, Ղարաքիլիսայի և Լոռու շրջանները: Ա. Արծրունին ժամանակակից երկրաքեմիա գիտաճյուղի հիմնադիրն է: Նա հայտնի հրապարակախոս Գ. Արծրունու եղբայրն էր, «Մշակ» թերթում տպագրում էր հոդվածներ, երազում էր աշխատել հայրենիքում:

Ճանաչված քիմիկոս **Զակուն (Հակոբ) Չամչյանը** (1857–1922) իր գիտամանկավարժական գործունեությունն սկսել է Հռոմի համալսարանում, ընտրվել է Պադուայի և Բոլոնիայի համալսարանների պրոֆեսոր: Նա համարվում է ժամանակակից օրգանական լուսաքիմիայի հայրը: Զ. Չամչյանի անունն է կրում Բոլոնիայում նրա նախագծով կառուցված քիմիական ինստիտուտը:

Ֆիզիկայի ասպարեզում XX դ. կարևոր հայտնագործություններից մեկը՝ տարածության մեջ պատկերներ հաղորդելու համակարգի մշակումը, կապված է **Հովհաննես Ադամյանի** (1879–1932) անվան հետ: Նա աշխատել է Բեռլինում, Պետերբուրգում,

խորհրդային իշխանության տարիներին՝ նաև Երևանում: 1907 թ. Բեռլինում իրագործել է 600 կմ հեռավորության վրա գունավոր պատկեր հաղորդելու առաջին փորձը և դրել գունավոր հեռուստատեսության հիմքը: Գունավոր հեռուստատեսության զարգացումը հետագայում ընթացել է Հ. Ադամյանի մշակած համակարգով:

Աստղագիտության բնագավառում հռչակվել է վեներիկցի հետազոտող **Խորեն Սինանյանը**: Ս. Ղազար կղզու հայկական աստղադիտարանում 1894 թ. նա է առաջինը հայտնաբերել Յուպիտերի վեցերորդ արբանյակը:

Հայ գիտնականները մեծ ներդրում են ունեցել նաև կենսաբանական գիտությունների բնագավառում: Իր գործունեությամբ աչքի է ընկել արևմտահայ բժիշկ և գյուղատնտես **Նազարեթ Տադավարյանը**: Նա 1885–1887 թթ. Կ. Պոլսում հրատարակել է առաջին գիտական հայ պարբերականը՝ «Գիտական շարժում» խորագրով:

Երևանում բժշկասանիտարական գործի հիմուտ կազմակերպիչ էր **Լևոն Տիգրանյանը**: Նրա ջանքերի շնորհիվ Երևանի հայկական դպրոցներում մտցվում են առողջապահության և մարմնամարզության դասեր:

Հայ բժիշկների փայլուն համաստեղության մեջ իր ուրույն տեղն ունի **Մարգար Առուստամովը**: Ցարական կառավարությունը նրան աքսորել է Աստրախան: 1892 թ. այստեղ բռնկված խուլերայի համաճարակի ժամանակ նա անգնահատելի օգնություն է ցուցաբերել հիվանդներին և պայքարել համաճարակի տարածման դեմ: Մ. Առուստամովը թողել է նաև գիտական հետազոտություններ:

ԱՄՆ Փենսիլվանիայի համալսարանում ճանաչված ռենտգենաբան էր **Միհրան Ղասարյանը**: Ռենտգենաբանությանը նվիրված նրա աշխատություններն այժմ էլ որպես դասագիրք են օգտագործվում ԱՄՆ բժշկական ինստիտուտներում:

Ֆիզիոլոգիայի քննագավառում մեծ գործ են կատարել ռուս մեծ գիտնական Ի. Պավլովի սան և հետևորդ *Լևոն Օրբելին*: Լ. Օրբելին, զարգացնելով Պավլովի ուսմունքը, դարձել է էվոլյուցիոն ֆիզիոլոգիայի հիմնադիրը:

Հայագիտությունը: Այս ժամանակաշրջանում առանձնակի զարգացում ապրեց հայագիտությունը: Հայոց լեզվի, գրականության, պատմության, մատենագիտության, Հայաստանի աշխարհագրության հետազոտության ասպարեզում բեղմնավոր գործունեություն էին ծավալել Մխիթարյան միաբանության անդամները:

Հայագիտական աչքի ընկնող աշխատանքներ կատարվեցին Ռուսաստանում և Եվրոպայում գործող համալսարանական կենտրոններում:

XX դ. սկզբին հայ լեզվաբանության բուն վերելքը կապված է լեզվաբանների նոր սերնդի ներկայացուցիչների՝ *Սյր. Մալխասյանի, Մ. Արեղյանի, Հ. Աճառյանի, Գ. Ղափանցյանի* բեղուն գործունեության հետ:

Այս ժամանակաշրջանում հայագիտությունը խոշոր հաջողությունների հասավ նաև Եվրոպայում: Ականավոր արևելագետ *Մարի Բրունն* տեղափոխվում է Ռուսաստան և արդյունավետ գործունեություն ծավալում հայոց պատմության ու բանասիրության ուսումնասիրության քննագավառում:

Լուրջ առաջընթաց են ապրում հայ լեզվաբանությունը և բանասիրությունը: XIX դ. վերջին և XX դ. սկզբին ընդհանուր լեզվաբանության ականավոր ներկայացուցիչներ և հմուտ հայերենագետներ *Հ. Հյուբշմանը և Ա. Մեյեն* ճշտում են հայերենի տեղը հնդեվրոպական լեզվաընտանիքում, որպես նրա առանձին ճյուղ:

Ռուսաստանում կովկասագիտության երախտավորը *Նիկողայոս Մաուն* է (1864–1934): Նա իր գիտական գործունեությունն սկսել է որպես հայ մատենագրության պատմաբան: Ռուսումնասիրել է էջմի-

ածնի և Սևանի մատենադարանների հայկական ձեռագրերը, հիմնավորապես զբաղվել Անիի պեղումներով (1893–1917 թթ., ընդմիջումներով), որի գիտական ուսումնասիրությունների ամփոփումն էր «Անի» աշխատությունը: 1915–1916 թթ. Ն. Մառի ջանքերով փրկվեցին հայոց մշակույթի բազմաթիվ հուշարձաններ:

Հայ փիլիսոփայական միտքը: Մինչև XIX դ. վերջերը հայ փիլիսոփայական միտքն առավելապես լուսավորական բնույթ ուներ: Գոյություն ունեին երկու հիմնական ուղղություններ՝ կրոնական և աշխարհիկ կամ պահպանողական և լուսավորական: Այս երկու ուղղությունների միջև ընթացող հիմնական բանավեճը և գաղափարական պայքարը խղճի ազատության հնարավորության ու անհրաժեշտության, բնական օրենքի, մարդկանց և ազգերի ազատության ու իրավահավասարության հիմնահարցերի շուրջ էր:

Կրոնական ուղղության ներկայացուցիչները՝ *Խ. Աշրգյանը, Հ. Տերոյենցը (Չամուռճյան), Մ. Օրմանյանը* և ուրիշներ, փորձում էին հաշտեցնել գիտությունը և կրոնը: Պաշտպանելով հավատի գերակայությունը բանականության նկատմամբ՝ նրանք շեշտում էին հայ եկեղեցու անփոխարինելի դերը ազգի պատմության մեջ և սերունդների կրթության գործում:

Մ. Օրմանյանը խղճի ազատության՝ լուսավորականների փառաբանած սկզբունքը համարում էր ազգը պառակտող գաղափար: Նա պնդում էր, որ ազգի միասնության սկզբունքը հակառակ է խղճի ազատությանը: Օրմանյանը գրում էր, որ օսմանյան կառավարության որոշմամբ ստեղծված հայ կաթոլիկ և բողոքական համայնքները հայ հասարակության արհեստականորեն անջատված մասերն են, և նման քաժանումը տկարացնում է ազգը:

Աշխարհիկ-լուսավորական թևի ներկայացուցիչները՝ *Ս. Նազարյանց, Մ. Նալ-*

բանդյան, Ա. Գաբազյան, Ս. Պալասանյան և ուրիշներ, քննադատում էին իրենց դարն ապրած կրոնաստվածաբանական հայացքները, գիտությունը հակադրում էին կրոնին: Նրանք գիտության և լուսավորության մեջ էին տեսնում հասարակական առաջընթացի, ազգային հիմնախնդիրների լուծման միակ ճանապարհը:

Հայ լուսավորական իմաստասերները կարևորում էին փիլիսոփայության նշանակությունը հասարակության հոգևոր կյանքի զարգացման գործում: Նրանց կարծիքով՝ փիլիսոփայությունը պետք է ծառայեցնել ազգային կենսական հարցերի լուծմանը: Հետազոտելով քաղաքակրթությունների, հասարակական կյանքի զարգացման օրինաչափությունները՝ նրանք ցույց էին տալիս այն ուղիները, որոնք կարող են ապահովել ազգային առաջընթացը և նախադրյալներ ստեղծել հայկական պետականության վերականգնման համար:

Ս. Նալբանդյանն այն տեսակետին էր, որ չնայած Կանտը, Հեգելը և ուրիշ մեծ փիլիսոփաներ խոշոր ավանդ են ներդրել փիլիսոփայության զարգացման գործում, սակայն նրանք լուծում էին առաջին հերթին իրենց ազգային խնդիրները: Ըստ Նալբանդյանի՝ քանի որ նրանց փիլիսոփայությունը չէր բխում հայության շահերից, ուստի անիրագործելի էր:

Ս. Պալասանյանի պատմափիլիսոփայության համաձայն՝ հասարակական առաջընթացի նպատակը (պատմության իմաստը) ոչ թե համասեռ մարդկության ձևավորումն է, այլ ազգերի ինքնության պահպանման և մարդու ազատության ձեռքբերումը: Դրա հիմքն ու խթանիչը ազգային ինքնագիտակցությունն է:

Ժամանակի հայ փիլիսոփայական մտքի բնորոշ կողմերից է գիտապաշտական ուղղվածությունը: Ըստ այդմ՝ փիլիսոփայությունը մասնավոր գիտություններին տալիս է ճշմարտության բացահայտման մեթոդաբանություն:

Այս թևի նշանավոր ներկայացուցիչն է Գաբուսը Կոստանյանը (1840-1898), որի փիլիսոփայական հայացքներն արտահայտված են նրա «Մեթոդի վրա» աշխատության մեջ: Նրա կարծիքով՝ գիտական հայտնագործությունների բուռն դարաշրջանում, որի ականատեսն էր, գիտության և կրոնի միջև չի կարող որևէ ընդհանրություն լինել: Գիտությունը միավորել է մարդկությանը և մեծ դեր է խաղում հասարակության բարոյական, իրավական, սոցիալական և տնտեսական հարաբերությունների կարգավորման գործում:

Կրոնական և աշխարհիկ ուղղությունների միջև մրցակցությունը նպաստեց հայկական միջավայրում փիլիսոփայական գաղափարների տարածմանը: Իսկ XX դ. սկզբից հայ փիլիսոփայությունն սկսում է զարգանալ ժամանակի փիլիսոփայության գլխավոր ուղղություններին համահունչ:

Այդ ժամանակ հայ փիլիսոփայության մեջ տարածում գտավ պոզիտիվիստական (դրապաշտական) ուղղությունը, որի խոշորագույն ներկայացուցիչն էր Երվանդ Ֆրանգյանը (1878-1928): Նրա կարծիքով՝ յուրաքանչյուր գիտություն ունի իր մասնագիտական փիլիսոփայությունը (օրինակ՝ պատմության փիլիսոփայություն, բնության փիլիսոփայություն), իսկ ընդհանուր փիլիսոփայությունը դրանց հիմնական դրույթները միացնում է մեկ ամբողջական, տրամաբանորեն հիմնավորված համակարգի մեջ: Ֆրանգյանը չի ընդունում հասարակական կյանքի և պատմության բացատրության իդեալիստական (գաղափարապաշտական) և մատերիալիստական (նյութապաշտական) տեսությունները: Նա պաշտպանում է պատմական ռեալիզմի (իրապաշտության) տեսությունը: Ըստ դրա՝ պատմական գործընթացը մի ամբողջություն է, որին մասնակցող յուրաքանչյուր տարր և ուժ ունի իր տեղն ու դերը: Դրանք բոլորը պատմական գործընթացում շաղկապված են

«իրարպատկանելիությամբ և փոխազդեցությամբ», սակայն տվյալ դարաշրջանում կարող է գերակշռել, ավելի վճռորոշ դեր խաղալ այս կամ այն տարրը: Ֆրանգյանն իր փիլիսոփայական սկզբունքներն օգտագործեց դաշնակցության գաղափարախոսությունը հիմնավորելու համար:

Հայ փիլիսոփայական մտքի մեջ XX դարասկզբին ամրակայվեց նաև մատերիալիստական մարքսիստական ուղղությունը: Վերջինիս հետևորդները համոզված էին, որ մարքսիզմը «միակ ճշմարիտ» տեսությունն

է, դրա միջոցով հնարավոր է բացատրել բնության, հասարակության և մտածողության զարգացման օրինաչափությունները: Բոլշևիկյան հայտնի տեսաբան Ս. Շահումյանի համոզմամբ՝ պատմական գործընթացի շարժիչ ուժը նյութական արտադրությունն ու դասակարգային պայքարն են: Պետությունն իր հերթին դասակարգային տիրապետության կազմակերպություն է: Նա ազգային հարցի արմատական լուծումը կապում էր կապիտալիստական հասարակարգի վերացման հետ:

Հարցեր և ստաշադրանքներ

1. Թվարկե՛ք XIX դ. երկրորդ կեսի և XX դ. սկզբի բնական գիտությունների հայ ներկայացուցիչներին: Ինչո՞վ են նրանք նշանավոր: Աշխատանքը ներկայացրե՛ք աղյուսակի տեսքով:
2. Ու՞րքե՛ր էին այդ ժամանակաշրջանի նշանավոր հայագետները: Ի՞նչ գործերով են աչքի ընկել: Աղյուսակի տեսքով ներկայացրե՛ք նշանավոր հայագետների գործունեությունը:
3. Ի՞նչ թեմաներ էին շոշափում հայ փիլիսոփայական մտքի ներկայացուցիչները: Ժամանակաշրջանի ի՞նչ հայտնի հայ իմաստասերներ գիտեք: Ներկայացրե՛ք նրանց հայացքները:

§ 3. ՊԱՏՄԱԳԻՏՈՒԹՅՈՒՆԸ

Պատմագիտական մտքի վերելքի առաջադրյալները: XIX դ. վերջին և XX դ. սկզբներին հումանիտար գիտությունների շարքում առանձնակի վերելք ապրեց հայ պատմագիտական միտքը: Ժամանակի առաջադիմական գաղափարախոսությունները, ազատական ու հեղափոխական շարժումները մեծ ազդեցություն ունեցան նրա զարգացման համար: Վերանայվեցին մինչ այդ գերիշխող հայացքները, հաղթահարվեց հայոց պատմության լուսաբանման կրոնաաստվածաբանական մոտեցումը:

Կարևոր դեր խաղացին նաև պատմագիտությանն օժանդակող գիտաճյուղերի՝ մատենագիտության, աղբյուրագիտության, հնագիտության, ազգագրության, դրամագիտության ձեռքբերումները:

Աստիճանաբար գիտական կյանք մուտք գործեցին դարաշրջանի առաջադիմական գաղափարներով տոգորված և մասնագիտական կրթություն ստացած ուսումնասիրողներ: Նրանք ժամանակի պատմագիտության ձեռքբերումների հիման վրա հետազոտեցին հայոց պատմության հիմնախնդիրները:

Հայ պատմագիտության պահպանողական թևը ձգտում էր ազգային ինքնագիտակցության եկող հայ ժողովրդի մեջ հետաքրքրություն սերմանել անցյալի պատմական իրողությունների հանդեպ և ժողովրդի մեջ բորբոքել հայրենասիրական ոգի:

XIX դ. 80–90–ական թթ. ազատական ուղղության պատմագիտության ներկայացուցիչները սկսեցին նորովի վերլուծել

պատմական երևույթներն ու իրադարձությունները, հասարակական հարաբերությունները:

Ազգային և սոցիալ-դեմոկրատական կուսակցությունների գործունեության ծավալմանը զուգընթաց սկիզբ է առնում ու զարգանում կուսակցական պատմագիտությունը:

Պատմագիտության զարգացումը:

XIX դ. երկրորդ կեսի հայ պատմագիտության մեծավաստակ դեմքերից է Մխիթարյան միաբանության ներկայացուցիչ **Ղևոնդ Ալիշանը** (1820-1901): Իր ամբողջ կյանքում երբեք Հայաստանում չեղած Ղևոնդ Ալիշանը գրեց բազմահատոր հայագիտական աշխատություններ, որոնցից առանձնապես նշանավոր են միջնադարյան Հայաստանի առանձին «աշխարհներին» նվիրված գործերը: Կոչ անելով հայությանը «գեներն ի ձեռին» ազատագրել հայրենիքը՝ նա ապագա Հայաստանի հասարակական-քաղաքական կառուցվածքը բնորոշել է որպես լուսավորյալ միապետություն: Նա հետևել է ժամանակին մեծ համարում ստացած այն հայեցակետին, ըստ որի՝ մարդկային հասարակության զարգացման հիմնական գործոնը աշխարհագրական դիրքն է: Իր աշխատություններում նա այդ սկզբունքի հիման վրա էլ ներկայացրել է Հայաստանի պատմությունը: Ղ. Ալիշանն իր գիտական հսկայական ժառանգությամբ (ավելի քան 45 հատոր) մեծապես նպաստել է ազգային գիտության զարգացմանը:

Ժամանակի ճանաչված գիտնականներից էր Մոսկվայի Լազարյան ձեմարանի պրոֆեսոր **Մկրտիչ Էմինը** (1815-1890): Նա իր բազմաթիվ աշխատություններում անդրադարձել է հայ առասպելաբանության հարցերին, հրատարակել մի շարք մատենագիրների երկերի բնագրերը: Էմինը ռուսերեն է թարգմանել և հրատարակել Մովսես Խորենացու «Հայոց պատմությունը» և միջնադարի ուրիշ հայ պատմագիրների զանազան աշխատություններ:



Ղևոնդ Ալիշան

Հայ պատմիչների երկերի հրատարակումն ու դրանց գիտական մեկնաբանությունը, պատմական տարաբնույթ աղբյուրների վերհանումն իրական պայմաններ ստեղծեցին հայ ժողովրդի ամբողջական պատմությունը գրելու համար: Այդ ուղղությամբ մեծ է **Անրոն Գաբազանի** ներդրումը: Նրա «Քննական պատմություն հայոց» ուսումնասիրությունն ընդգրկում է հայ ժողովրդի ծագումից մինչև V դ. ավարտն ընկած ժամանակաշրջանը: Նա հասարակական առաջադիմության վճռական ուժ է համարում լուսավորությունը:

Հայ ազատագրական շարժման կողմնորոշման և Հայկական հարցի հետազոտությամբ աչքի ընկավ **Ալեքսանդր Երիցյանը** (1841-1902): Նա ուսումնասիրել է XIX դ. հայ հասարակական-քաղաքական ու գրական-մշակութային նշանավոր գործիչների կյանքն ու ստեղծագործությունը: Ա. Երիցյանի աշխատանքի գլուխգործոցը «Ամենայն Հայոց կաթողիկոսությունը և Կովկասի հայք XIX դարում» երկհատոր ուսումնասիրությունն է:

Ուշագրավ է **Սրբափանոս Պալասանյանի** «Պատմութիւն Հայոց» աշխատությունը: Այն շուրջ քառորդ դար որպես դասագիրք է ծա-

էր հայ ժողովրդի պատմական անցյալի, միջնադարյան բազում հիմնահարցային երևույթների մեկնաբանությունը:

Հայ ազատագրական շարժման հիմնահարցերին ու պատմությանը նվիրված ուսումնասիրություններ են կատարել ՀՅԴ պատմագրության ներկայացուցիչներ *Ալևոնին, Միքայել Վարանդյանը (Հովհաննիսյան), Սիմոն Զախարյանը* և ուրիշներ:

Հայ ազատագրական մտքի քաղաքական կողմնորոշումների լուսաբանման հարցերում ուշագրավ տեսակետներ է արտահայտել գրող և հրապարակախոս, պատմա-

բան, հասարակական և մշակութային գործիչ *Արշակ Զոպանյանը*: Նա համոզված էր, որ հայ ժողովուրդը միայն իր ուժերով չի կարող թոթափել թուրքական տիրապետության լուծը, պարտադրված է գտնելու դաշնակիցներ:

XX դ. առաջին տասնամյակների հայ պատմահասարակագիտական մտքի ներկայացուցիչների շարքում պատվավոր տեղ ունի *Ալեքսեյ Զիվկեզովը*: Նրա «Թուրքահայաստանի ապագան» (ռուսերեն) մենագրությունը նվիրված էր Հայկական հարցի դիվանագիտական պատմությանը:

Հարցեր և առաջադրանքներ

1. Ինչ գործոններով էր պայմանավորված հայ պատմագիտական մտքի զարգացումը:
2. Ովքեր էին այս ժամանակաշրջանի հայ պատմագիտության նշանավոր ներկայացուցիչները: Վերհանձնե՞րանց հայացքները և ներդրումը:
3. Հայ հասարակական-քաղաքական գործիչներից ովքեր են պատմագիտության խնդիրների վերաբերյալ տեսակետներ արտահայտել և ուսումնասիրություններ գրել. մեկնաբանե՞րանց տեսակետները:

§ 4. ԳՐԱԿԱՆՈՒԹՅՈՒՆԸ ԵՎ ՄԱՄՈՒԼԸ

Գրական հիմնական ուղղությունները: XIX դ. երկրորդ կեսին և XX դ. սկզբներին բուռն վերելք է ապրում նաև հայ գրական կյանքը: Ամրագրվում է «գրականությունը կյանքի հայելին է» բանաձևը:

XIX դ. կեսերին հայ գրականության մեջ գերիշխող էր կլասիցիզմը: Այս ուղղության գրողների երկերում ներթողվում էին հայրենասիրությունը, անձնավիրությունը, առաքինությունը, առաջադրվում էր հայրենիքի ազատության գաղափարը: Հայ կլասիցիզմի գլուխգործոցն *Արսեն Բագդասյունու* «Հայկ դյուցազն» (1858 թ.) վիպերգն է:


Նշված ժամանակաշրջանում կլասիցիզմին հաջորդում են նոր ուղղություններ՝ ռոմանտիզմ և ապա ռեալիզմ: Զուգահեռաբար ձևավորվում է հայ նոր գրականությունը՝ արևելահայ և արևմտահայ հատվածներով:

Փոխվում է գրական երկերի նյութը և լեզուն:

Հայ գրողների նոր սերնդի մեջ առանձնանում է *Միքայել Նալբանդյանը*: Նա դարձավ հայ գրական քննադատության հիմնադիրը: Ըստ Մ. Նալբանդյանի՝ մինչև հիմա մենք եղել ենք կրոնական ազգ, այժմ պետք է դառնանք քաղաքացիական հասարակություն:

XIX դ. 50–60–ական թթ. գրականության խոշոր նվաճումը կարելի է համարել վեպի ծնունդը: *Խ. Աբովյանի* «Վերք Հայաստանի»–ից հետո *Պերճ Պողոսյանի* «Սոս և Վարդիթեր», *ԲաքՖու* «Սալբի» ստեղծագործությունները հիմք են դնում հայոց ազգային վիպասանությանը:

Ժամանակի ազգային ոգու արտահայտիչը պոեզիան էր: *Մկրտիչ Պեշկոբաշյանի* «Եղբայր եմք մեք», *Սմբատ Ըսահազիզի*



Հովհաննես Թումանյան, Պերճ Պողոսյան,
Նազարուս Աղայան

«Երագ», Մ. Նալբանդյանի «Մանկության օրեր», Նահապետ Ռուսինյանի «Կիլիկիա», Ռաֆայել Պարկանյանի «Արաքսի արտասուներ» բանաստեղծություններն ազգային-հայրենասիրական ոգու ռոմանտիկական արտահայտություններ են:

Հասարակական զարգացումն ուղեկցվում է ազգային ինքնագիտակցության վերելքով՝ օրակարգի խնդիր առաջադրելով ազգային ազատագրության գաղափարը:

Հայ մեծ գրող ԲաժՖին Նոր հուն բացեց ազգային միասնության մեջ: «Մամվել», «Դավիթ բեկ», «Խաչագողի հիշատակարանը», «Ջալալեդդին», «Խենթը», «Կայծեր» վեպերում նա ստեղծեց գաղափարատիպեր, որոնք կոչված էին քարոզելու ազգային ազատագրության գաղափարը և զինված պայքարը՝ որպես փրկության միակ ուղի:

Հայ գրականությունը XIX դ. վերջին ռոմանտիզմից անցում է կատարում ռեալիզմին: Ասպարեզ է գալիս բանաստեղծների նոր սերունդ՝ Հովհաննես Հովհաննիսյան, Հովհաննես Թումանյան, Ավետիք Իսահակյան և ուրիշներ:

Արձակի նոր սերնդի ականավոր դեմքերն էին Մուրացանը, Շիրվանզադեն, Գրիգոր Զոհրապը, Նար-Դուր, Վրթանես Փափագյանը, Լևոն Շանթը, Երվանդ Օսյանը և ուրիշներ:

XX դարասկիզբը բեկում է նշանավորում հայ գեղարվեստական մտածողության մեջ: Դասական ռեալիզմը տեղի է տալիս արդիապաշտ ուղղություններին՝ նատուրալիզմ (քնապաշտություն), սիմվոլիզմ (խորհրդապաշտություն), նեոռոմանտիզմ (նորվիպապաշտություն)՝ փոխակերպելով արվեստի ու գրականության կառուցվածքային ու ոճական համակարգը: Փոխվում է նաև գրականության հերոսը: Գեղջուկին ու կալվածատիրոջը փոխարինում են հեղափոխականը, քաղցնեին, մտավորականը, բանվորը:

Ասպարեզ է գալիս բանաստեղծների նորագույն սերունդը՝ Սիսանյան, Վահան Տերյան, Դանիել Հարություն, Միսաք Մեծարենց: Թատերգության մեջ նոր ուղղություն է նշանավորում Լևոն Շանթը: Հայ սիմվոլիզմի հիմնադիր Վ. Տերյանին մեծ ճանաչում է բերում «Մթնշաղի անուրջներ» բանաստեղծությունների ժողովածուն:

Մամուլը: Արդյունաբերական քաղաքակրթության քննադրիչ կողմերից էր տեղեկության արագ հավաքման, մշակման ու տարածման երևույթը: Այդ ասպարեզում յուրահատուկ դեր էր վերապահված մամուլին: Այն XIX դ. երկրորդ կեսի և XX դ. սկզբների զանգվածային լրատվության կարևորագույն միջոցն էր: Ի տարբերություն այս շրջանում հայության տնտեսական ու սոցիալական կյանքի՝ հայկական մամուլը՝ որպես ազգային մշակույթի նոր և ինքնատիպ բնագավառ, զարգանում էր ժամանակի արդիական պահանջներին համընթաց:

Հիշյալ ժամանակաշրջանում Հայաստանի երկու հատվածներում ու հայկական գաղթավայրերում քանակապես ու որակապես աճում է հայկական մամուլը: Միայն XIX դ. երկրորդ կեսին հիմնադրվել է 250 թերթ ու հանդես:

Հայ մամուլը հատկապես ծաղկում ապրեց արևմտահայ ու արևելահայ հասարակական կյանքի երկու գլխավոր կենտրոններում՝ Կ. Պոլսում և Թիֆլիսում:

Վենետիկի «Բազմավեպ» և Վիեննայի «Հանդես ամսօրյա» պատմաբանասիրական պարբերականները շարունակում են լույս տեսնել մինչև օրս: Այս հանդեսները կարևոր գործ էին անում հայոց պատմության ուսումնասիրության բնագավառում, հրատարակում էին բազմաթիվ սկզբնաղբյուրներ, հայ պատմիչների գործեր:

Դարի կեսերի ամենանշանավոր պարբերականը 1858–1864 թթ. Մոսկվայում հրատարակված «Հյուսիսափայլն» էր, որի խմբագիրն ականավոր հրապարակախոս, հայագետ և արևելագետ *Սյրեխանու Նազարյանցն* էր:

Ժամանակի հասարակական կարծիքը ձևավորելու առումով հսկայական դեր ուներ 1872 թվականից Թիֆլիսում լույս տեսնող ազատական ուղղության «Մշակ» թերթը: Դրա հիմնադիրն ու երկարամյա ղեկավարն էր նշանավոր հրապարակախոս *Գրիգոր Արծրունին*: Թերթը հանդես էր գալիս հետադիմության և պահպանողականության դրսևորումների դեմ, հետևողականորեն պաշտպանում էր Հայ դատը, առաջ էր քաշում սուլթանական լծի դեմ ուղղված զինված ապստամբության ծրագրեր:

Հայկական միջավայրն աստիճանաբար ներառվում էր արդյունաբերական հասարակության տարբեր գործընթացների մեջ: Մասնավորապես Արևելյան Հայաստանում ու Կովկասում աճում էին քաղաքները, փոխվում էին մարդկանց կենցաղավարությունն ու բարքերը: Տեղի էր ունենում գյուղացիության արտահոսք դեպի քաղաք՝ աշխատանքի ու փողի «թագավորություն»՝ փոխելով երկրամասի ժողովրդագրական պատկերը: «Օրեցօր զարգացող հասարակական կյանքը, — գրում էր Ա. Շիրվանզադեն, — առաջին պլանի վրա էր քաշում հարցեր,

որոնք պահանջում էին իրենց մանրամասն ուսումնասիրությունն ու լուրջ մշակումը մամուլի էջերում»: Այսպիսով՝ մամուլն աստիճանաբար ձեռք բերեց հասարակական կարևոր դերակատարություն:

XIX դ. վերջին և XX դ. առաջին երկու տասնամյակներում Թիֆլիսում, Կ. Պոլսում, Սանկտ Պետերբուրգում, Փարիզում, Վենետիկում և այլուր հայերեն, երբեմն նաև օտար լեզուներով հրատարակվում էին գրական–գեղարվեստական պատկերազարդ շաբաթաթերթեր ու ամսագրեր՝ «Տարազ», «Անահիտ», «Կոունկ», «Գրականության և արվեստի բանբեր», «Գեղարվեստ» և այլն, որոնց էջերում լուսաբանվել են նաև արվեստի խնդիրներ:

Հայ մամուլի պատմության մեջ նոր երևույթ էր կուսակցական թերթերի ու ամսագրերի հրատարակումը: Դրանցում լուսաբանվում էր ժամանակի հասարակական կյանքն՝ իր բազմաբնույթ խնդիրներով ու մտահոգություններով, հասարակական–քաղաքական զարգացումների ծրագրային բացատրություններով: Կուսակցական մամուլը գաղափարական թեժ պայքարի, տարբեր ուղղությունների միջև մրցակցության և բախման թատերաբեմ էր:

Հնչալյանների հրատարակած պարբերականներից աչքի էին ընկնում «Հնչակը», «Գաղափարը», «Երիտասարդ Հայաստանը»: Հիմնական թեմաներն էին ազգային–ազատագրական պայքարը, Հայկական հարցը և սոցիալիզմը:

Դաշնակցության պարբերականների մեծ մասը հրատարակվում էր Թիֆլիսում և Արևելյան Հայաստանի խոշոր քաղաքներում: Առաջին պաշտոնաթերթ «Դրոշակը» հիմնադրվել է Թիֆլիսում, ապա տեղափոխվել Ժնև (Շվեյցարիա): Դարասկզբին սկսեցին լույս տեսնել տասնյակ նոր թերթեր ու հանդեսներ, որոնցից մեծ տարածում և ազդեցություն ունեին «Ալիք», «Ազատամարտ», «Հորիզոն» պարբերականները:

Կովկասի փոխարքայության սահման-

ներում սկզբնավորվեց ու աճեց նաև սոցիալ-դեմոկրատական ուղղության հայկական մամուլը: Հայ բոլշևիկների պարբերականներից էին «Պրոլետարիատի կռիվը», «Պայքարը», «Բանվորի կռիվը»:

XX դ. սկզբներին հայկական մամուլը մե-

ծապես աճեց, հրատարակվող պարբերականների թիվը կազմեց շուրջ 1000 անուն:

Մամուլն ասորիճանաբար դարձավ հասարակական կյանքի մշտական բաղադրիչը, որն էական դեր էր խաղում հասարակական մրաժողություն ձևավորելու գործում:

Հարցեր և ասուցադրանքներ

1. Ի՞նչ ուղղություններ կային հայ գրականության մեջ: Ներկայացրե՛ք այդ ուղղությունների նշանավոր ներկայացուցիչներին. թվարկե՛ք նրանց ստեղծագործություններից: Դրանցից ի՞նչ եք կարդացել: Ո՞ր ստեղծագործությունը կամ ո՞ր հեղինակն եք նախընտրում. ինչո՞ւ:
2. Ի՞նչ դեր էր խաղում մամուլը ժամանակի հասարակական կյանքում: Որտե՞ղ և ի՞նչ նշանավոր պարբերականներ էին հրատարակվում: Համառոտ ներկայացրե՛ք հայ կուսակցական մամուլը: Ներկայումս հրատարակվող հայ կուսակցական մամուլի ի՞նչ պաշտոնաթերթեր գիտեք:

§ 5. ԱՐՎԵՍԸ ԵՎ ՃԱՐՏԱՐԱԴԵՏՈՒԹՅՈՒՆԸ

Կերպարվեստ: XIX դ. երկրորդ կեսին և XX դ. սկզբին անսախաղեպ վերելք ապրեց հայ կերպարվեստը: Եվրոպական կենտրոնների գեղարվեստի ակադեմիաները, քարձրագույն ուսումնարանները կամ գեղարվեստական մասնավոր կրթարաններն ավարտած հայ գեղանկարիչները հեղինակեցին քարձրարվեստ գործեր:

Հայկական մշակույթին փառք ու ճանաչում բերեցին աշխարհահռչակ ծովանկարիչ Հ. Այվազովսկին, Վ. Սուրենյանցը, Գ. Բաշինջաղյանը, Ս. Աղաջանյանը, Մ. Սարյանը, Փ. Թերլեմեզյանը, Ե. Թադևոսյանը, Հ. Գյուրջյանը:

Հ. **Այվազովսկին**, որին համաշխարհային ճանաչում բերեց «Իններորդ ալիք» կտավը, հայտնի է նաև հայկական թեմաներով վրձնած գեղանկարներով («Սևանա լիճ», «Խրիմյան Հայրիկը Էջմիածնում», «Նոյը իջնում է Արարատից», «Հայերի ջարդը Տրապիզոնում» և այլն):

XIX դ. վերջին հայ գեղանկարչության մեջ մինչև այդ բացառիկ նշանակություն

ունեցող դիմանկարի ժանրն իր տեղը զիջեց բնանկարին: Հայ ազգային բնանկարի հիմնադիրը Պետերբուրգի գեղարվեստի ակադեմիայի սան **Գևորգ Բաշինջաղյանն** է: Նա իր կտավները հարստացրել է գուներանգների նուրբ անցումներով, որոնք նրա բնանկարներին հաղորդել են թարմություն («Զանգեզուր», «Դեպի Արագած տանող ճանապարհը», «Արարատ» և այլն):

Իր բնանկարներում իմպրեսիոնիզմին է հարել **Եղիշե Թադևոսյանը**: Նա զբաղվել է նաև կենցաղային ժանրով, դիմանկարով, վրձնել կրոնական և պատմադիցաբանական կտավներ («Գրիգոր Լուսավորչի տեսիլքը», «Ս. Հովհաննես» և այլն):

Այդ շրջանի հայ նկարչությունը, այդ թվում նաև բնանկարը, գեղարվեստական նոր որակ, արդիական շունչ և ազգային շեշտված դիմագծեր է ձեռք բերել հատկապես **Մարտիրոս Սարյանի** (1880–1972) գործերում:

Ոչ միայն կենցաղային, այլև պատմական նկարի ձևավորման ու զարգացման



Գևորգ Բաշինջադյան.
«Մ. Նազար կղզին գիշերով», 1892

գործում քացառիկ դեր է խաղացել **Վարդգես Սուրենյանցը** (1860–1921): Արդեն 1890–ական թթ. նկարչի ստեղծած աշխատանքներում արձագանք են գտել սուլթանական Թուրքիայում տեղի ունեցած հայկական կոտորածները: Վ. Սուրենյանցն անդրադարձել է նաև առասպելական շրջանի պատմությանը՝ ստեղծելով այնպիսի գլուխգործոցներ, ինչպիսիք են «Շամիրամն Արա Գեղեցիկի դիակի մոտ» ու «Մալումն» մեծադիր կտավները:

Նոր շրջանի հայ քանդակագործության հիմնադիրներից է Հռոմի գեղարվեստի ակադեմիայի շրջանավարտ, պոլսահայ վարպետ **Երվանդ Ոսկանը**: Շոշափելի է նաև քանդակագործ **Անդրեաս Տեր-Մարտիրոսի** ներդրումը: Նրա կերտած՝ Խաչատուր Աբովյանի հուշարձանը նոր շրջանի հայ կերպարվեստի առաջին կոթողային քանդակն է:

Թալարուն: XIX դ. կեսերին սկզբնավորվում ու զարգանում է հայկական արհեստավարժ թատրոնը: Կ. Պոլսում 1861 թ. կազմվեց առաջին մշտական խումբը՝ **Պեպրոս Մաղաքյանի** ղեկավարությամբ: Այն կոչել են «Արևելյան թատրոն»: Երկրորդ թատրոնը բացվում է Թիֆլիսում 1863 թ.: Այս թատրոններ են ստեղծվում նաև Ալեքսանդրապոլում, Վանում և Երևանում:

Արևմտահայ միջավայրում ներշնչվում են

եվրոպական ռոմանտիզմով ու պատմական թեմաներով, իսկ արևելահայ միջավայրում՝ ռուսական ռեալիզմով, բարքերի կատակերգությամբ ու հասարակական թեմաներով:

1868 թ. Կ. Պոլսում Հ. Վարդույանի գլխավորությամբ ստեղծվում է թատերական երկրորդ կազմակերպությունը, որը հանդես էր գալիս հայերեն ու թուրքերեն ներկայացումներով: Պ. Մաղաքյանի թատրոնը, սկզբունքորեն հակառակ լինելով թուրքերեն ներկայացումներին, մրցակցության մեջ մտավ Հ. Վարդույանի հետ և իր շուրջը համախմբեց ամենաօժտված դերասաններին, որոնց թվում՝ **Պեպրոս Աղամյանին** (1849–1891) և **Սիրանույշին** (1857–1932):

Հայ թատրոնը հայտնվում է Թիֆլիսի հասարակական և մշակութային կյանքի կենտրոնում: Այստեղ հրավիրված պոլսահայ դերասանները՝ Պ. Աղամյան և ուրիշներ, իրենց խաղացանկով մեծացնում են հասարակության հետաքրքրությունը թատրոնի հանդեպ: Փայլում է Պ. Աղամյանի տաղանդը, 1880–ական թթ. բեմում նա էր կենտրոնական դեմքը: Նա ելույթներ է ունենում նաև Մոսկվայում, Սանկտ Պետերբուրգում, Օդեսայում և Ռուսաստանի այլ քաղաքներում:

Հայ թատերական արվեստն աչքի է ընկնում դերասանական վառ անհատականություններով և հարուստ ու քաղաքական խաղացանկով: Ժամանակի հայ թատրոնի քեմական մշտական առաջնուիին էր Սիրանույշը: XX դարասկզբի հայ բեմի առաջատարը **Հովհաննես Արեղյանն էր**:

XX դարասկզբին նոր որակ է ձեռք բերում թատերական քննադատությունը՝ հանձնելու **Շիրվանզադեի և Լևոն Քալանթարի**: Վերջինիս հողվածներով հայ իրականության մեջ սկզբնավորվում է թատերագիտությունը:

Երաժշտություն: Այս նույն ժամանակահատվածում հայ երաժշտական մշակույթն արձանագրում է մեծագույն նվաճումներ: Ձևավորվում է երգահանային արվեստը: Միջ-

նադարյան հոգևոր երաժշտությունը դառնում է լուրջ ուսումնասիրության առարկա:

Տ. Չուխասջյանը հայ առաջին երգահանն է և հայ օպերային արվեստի հիմնադիրը: Նրա «Արշակ Բ» օպերան (1868 թ.) ոչ միայն հայ, այլև ամբողջ Մերձավոր Արևելքի երաժշտական մշակույթի պատմության մեջ օպերային ժանրի առաջին նմուշն է:

Կ.Պոլսում 1861 թ. ստեղծվեց առաջին կամերային (սենեկային) նվագախումբը **Գրիգոր Մինասյանի** ղեկավարությամբ, իսկ 1888–1896 թթ. երգահան, ջութակահար և նվագավար **Հասրություն Մինասյանը** ստեղծեց և ղեկավարեց սիմֆոնիկ նվագախումբ:

XIX դ. երկրորդ կեսի կարևորագույն ձեռքբերումներից է արևելահայ երգահանային դպրոցի հիմնադրումը, որի հեղինակը **Քրիստափոր Կարա-Մուրզան** է: Նշանավոր երգահան **Մավրա Երնայանի** շնորհիվ հայ հոգևոր երգը դարձավ բազմաձայն ու ներհյուսվեց երգահանային արվեստին:

Ձևավորվեց հայ գուսանական (աշուղական) ազգային դպրոցը՝ **Ջիվանու** (Սերովբե Լևոնյան) գլխավորությամբ: Հայ գուսանական դպրոցն իր առջև խնդիր դրեց ստեղծագործելու միայն գրական հայերենով, սահմանելու խմբերի գործունեության ներքին կանոններ, հավատարիմ մնալու ստեղծագործության երգարվեստի առավել ազգային ակունքներին ու հրաժարվելու արևելյան ազդեցությունից:

Հ. Լիմոնձյանի ստեղծած ձայնագրության նոր համակարգը կատարելագործվեց, համալրվեց նոր նշաններով, ապա դրվեց հայ հոգևոր երգը նոտագրելու և աղավաղումներից փրկելու խնդիրը: Այդ գործը փայլուն շարունակություն գտավ ի դեմս հանձարեղ **Կոմիտասի**: XX դ. սկզբին նա բուռն գործունեություն ծավալեց և տարիներ շարունակ զբաղվեց հայ ժողովրդական ու հոգևոր երգերի նշագրմամբ, հետազոտությամբ և ժողովրդականացմամբ:



Սիրանույշը «Կամելիազարդ տիկինը» պիեսի Մարգարիտայի դերում

Հայ ազգային օպերայի առաջընթացի ճանապարհին նշանակալի քայլ էր **Արմեն Տիգրանյանի** «Անուշ» օպերան, որը 1912 թ. բեմադրվեց Ալեքսանդրապոլում և մեծ ժողովրդականություն ձեռք բերեց:

Ճարտարապետություն: Արևելյան Հայաստանի առաջընթացն արդյունաբերականացող Ռուսական կայսրության կազմում նպաստեց հայ քաղաքաշինության զարգացմանը: Եթե Արևմտյան Հայաստանի քաղաքները XIX դ. փաստորեն մնացին անփոփոխ, ապա Արևելյան Հայաստանում քաղաքներն էական վերակառուցման ենթարկվեցին: Երևան, Ալեքսանդրապոլ, Գորիս, Նոր Բայազետ քաղաքների կառուցապատումն իրականացվեց ըստ գլխավոր հատակագծերի: Դրա շնորհիվ Հայաստանի քաղաքներում ներդրվեց հատակագծման ժամանակակից համակարգ:

Երևանի վերակառուցումն սկսվեց ըստ քաղաքի զարգացման՝ 1856 թ. կազմված առաջին գլխավոր հատակագծի: Քաղաքի տարերային կառուցապատումը փոխարինվեց հարուստ քաղաքացիների առանձնատներով, վարչական և հասարակական երկու-երեքհարկանի քարե շենքերով ձևավորված փողոցների ուղղանկյունաձև ցանցով:

Վաղարշապատի կենտրոնական մասը Էջմիածնի Մայր աթոռի շինարարական գործունեության ծավալման շնորհիվ կառուցապատվեց մի շարք կոթողային շենքերով, որոնց թվում էին Գևորգյան ձեմարանը, նոր վեհարանը, մատենադարանը, աստղադիտարանը:

Արդյունաբերական հասարակությունը ասպարեզ հանեց Հայաստանի համար նոր շենքեր՝ դրամատոներ (բանկեր), եվրոպական տիպի հյուրանոցներ, թատրոններ ու խանութներ, ռեստորաններ և այլն:

Հայկական կապիտալը, որ գործում էր հիմնականում հայրենիքի սահմաններից դուրս, մեծ դեր խաղաց Թիֆլիսի և Բաքվի կառուցապատման ու զարգացման գործում: Բազմազգ բնակչություն ունեցող Թիֆլիսում հայերի թվաքանակը գերակշռող էր, որի պատճառով քաղաքագլուխն ավանդաբար հայ էր ընտրվում: Քաղաքում կար 24 հայկական եկեղեցի: Քաղաքի կենտրոնի ճարտարապետական կերպարում կարևոր էին հայկական թատրոնների շենքերը, հայ մեծահարուստների առանձնատները, առևտրական տները:

Թիֆլիսում գործող նշանավոր հայ ճարտարապետներից էին **Գաբրիել Տեր-Միքելյանը**, **Ս. Սարկիսյանը**, **Հովհաննես Քաջազնունին**, **Ն. Բակը** և ուրիշներ: Նրանց կառուցած կոթողային շենքերն կառուցված էին այդ ժամանակաշրջանում Եվրոպայում և Ռուսաստանում տարածված ոճերով: Այդ շենքերը մասնագիտական

քարձր մակարդակի շնորհիվ բռնել են ժամանակի բնությունը և այսօր Թբիլիսիի կենտրոնի լավագույն կառույցներն են:

Աճեց ու արդիական տեսք ստացավ նաև Ռուսաստանի նավթարդյունաբերության կենտրոն Բաքուն: Հայ նավթարդյունաբերողներ և գործարանատերեր Մանթաշյանի, Ղուկասյանի, Միրզոյանի և այլոց միջոցներով XX դ. սկզբին այդտեղ կառուցվեցին ոչ միայն արդյունաբերական և բնակելի շինություններ, այլև խոշոր հասարակական շենքեր: Թիֆլիսում ստեղծագործող հայ ճարտարապետները Բաքվում ևս ծանրակշիռ ներդրում ունեցան քաղաքի կենտրոնի կառուցապատման գործում: Նշանակալից է Գ. Տեր-Միքելյանի նախագծով և նեոկլասիցիզմի (նորդասականության) ոճով կառուցված՝ հասարակական ժողովարանի ակումբը (այժմ՝ Բաքվի ֆիլիարմոնիայի շենքը): Ն. Բակը մոդեռն ոճով կառուցեց բազմաթիվ շենքեր, որոնցից Բաքվի կենտրոնի ճարտարապետության մեջ առավել նշանակալից են Մայիլովի հայկական թատրոնի (այժմ՝ Բաքվի օպերայի և բալետի թատրոն) և երկաթուղային կայարանի շենքերը:

Այսպիսով՝ հայ ճարտարապետությունը զարգացավ ժամանակի արդիական նվաճումների ու ազգային ավանդույթների համադրման ոգով: Այս փուլի ձեռքբերումները նախադրյալներ ստեղծեցին XX դ. հայկական ճարտարապետության վերածնության համար:

Հարցեր և առաջադրանքներ

1. Թվարկե՛ք կերպարվեստի տարածված ուղղությունները: Ի՞նչ նշանավոր հայ կերպարվեստագետներ գիտեք. նշե՛ք նրանց գործերը:
2. Ներկայացրե՛ք հայ արհեստավար թատրոնի պատմությունը և նշանավոր ներկայացուցիչներին: Ի՞նչ դեր է խաղացել թատրոնը հայ իրականության մեջ:
3. Ի՞նչ ձեռքբերումներ արձանագրվեցին հայ երաժշտական արվեստում: Ովքե՛ր էին նշանավոր ներկայացուցիչները. նրանց դ՛ր գործերին եք ծանոթ:
4. Ի՞նչով էր պայմանավորված քաղաքաշինության զարգացումը: Ներկայացրե՛ք Հայաստանի քաղաքների կառուցապատման և ճարտարապետական դիմագծի փոփոխման գործընթացները: Ի՞նչ նշանավոր ճարտարապետներ էին գործում այդ շրջանում:

**ԳԼՈՒԽ 3. ՀԱՅԿԱԿԱՆ ԳԱՂԱՎԱՅՐԵՐԻ ԴԵՐԸ
ՀԱՅԱՊԱՀՊԱՆՈՒԹՅԱՆ ԵՎ ՄՇԱԿՈՒՅԹԻ
ԶԱՐԳԱՑՄԱՆ ԳՈՐԾՈՒՄ
(XVII դ. ԵՐԿՐՈՐԴ ԿԵՍ – XX դ. ՍԿԻԶԲ)**

Նոր շրջանում հայ ժողովրդի մի սովոր հատված շարունակում էր գոյատևել իր պատմական հայրենիքից դուրս: Այս պատմափուլում իրենց կենսունակ գոյությունը

պահպանեցին դեռևս միջնադարից եկող շատ գաղութներ: Դրանց զուգահեռ Ռուսաստանում, Եվրոպայում ձևավորվեցին հայկական նոր գաղթավայրեր:

§ 1. ՄԱՒԱՅԻ ԵՎ ԱՖՐԻԿԱՅԻ ՀԱՅԿԱԿԱՆ ԳԱՂՈՒԹՆԵՐԸ

Սիրիա և Լիբանան: XIX դ. սկզբներին հայերն աշխույժ համայնքներ ունեին Հալեպում, Անտիոքում, Լաթաքիայում, Բեյրութում և այլ բնակավայրերում: Օսմանյան կայսրության կազմում գտնվող այդ տարածաշրջանում գերիշխում էին կյանքի ու կենցաղի միջնադարյան ձևերը:

Նշանակալից էր այս գաղթավայրերի առևտրական գործունեությունը: Բեյրութի Գալուստ Կյուլպենկյան հիմնարկությունը Բաքվից ներմուծում էր Ծովյանովի և Մանթաշովի ընկերության նավթի արտադրանքը, միաժամանակ արտահանում հացահատիկ:

Այս երկրների հայկական գաղութները գրկված էին մշակույթը լայնորեն զարգացնելու հնարավորությունից: Դպրոցներից նշանավոր էին Հալեպի Ներսիսյան վարժարանը և տակավին 1749 թ. կառուցված Զմմառի վանքի կաթոլիկ դպրոցը: Կային մշակութային կազմակերպություններ՝ Հալեպի Ռուբինյան միությունը (1840), Ուսումնասիրաց ընկերությունը (1880), Դպրոցական միությունը (1894) և այլն:

XX դ. սկզբներին հիմնվեցին հայկական պարբերականներ («Աղբյուր», «Հայ ձայն», «Տարագիր»), ստեղծվեցին թատերախմբեր, երգչախմբեր:

Կուսարանդնուպոլիս: Նոր ժամանակներում աճեց Կ. Պոլսի հայության դերը: Հայոց պատրիարքը դառնում է արևմտահայության հոգևոր կյանքի, ինչպես նաև ամենաբարձր պաշտոնյան օսմանյան Թուրքիայում:

Այս շրջանում ամիրաների ձեռքում էին կենտրոնացած առևտուրն ու արհեստագործությունը: Մեծ չափերով ընդարձակվել էր հայերի առևտրատնտեսական գործունեությունը:

Պոլսահայ մշակույթն իր բոլոր ճյուղերով բուռն զարգացում ապրեց հատկապես XIX դ. երկրորդ կեսին:

Ճարտարապետ-կառուցողներից նշանավոր էր Պալյան գերդաստանը, որի ներկայացուցիչները կառուցեցին բազմաթիվ գեղեցիկ շինություններ: Այնտեղ գործում էին հարյուրավոր ուսումնական հաստատություններ, 80-ի հասնող տպարաններ, հրատարակվում բազմաքանակ պարբերականներ: Բուռն վերելք էին ապրում թատերական արվեստը, գրականությունը: Արևմտահայության կյանքի բոլոր ասպարեզներում Կ. Պոլիսը դարձավ լիարժեք ու զարգացած կենտրոն:

Զմյուռնիա (Իզմիր): XIX դ. սկզբին այստեղ բնակվում էին 12 հազար, իսկ XX դ. սկզբին՝ շուրջ 30 հազար հայեր: Այստեղ արհեստներից տարածված էին ոսկերչությունը, գորգագործությունը, մետաքսագործությունը և այլն: Առևտրի ծավալմանը մեծապես նպաստում էր աշխարհագրական հարմար դիրքը: Առևտուրը հիմնականում հայերի և հույների ձեռքում էր:

Զմյուռնիան ևս հայ մշակույթի ճանաչված կենտրոն էր: Այստեղ կային կրթական հաստատություններ, որոնցից նշանավոր էր *Մեսրոպյան վարժարանը*: Քաղաքում հրատա-

րակվում էին հայկական պարբերականներ: Հայ համայնքն ուներ մշակութային մի շարք ընկերություններ: Զմյուռնիայում էին ապրում ու գործում արևմտահայ նշանավոր գործիչներ, գրողներ ու հրապարակախոսներ:

1919–1922 թթ. թուրքերի կողմից կազմակերպված զանգվածային կոտորածների ու արտագաղթի հետևանքով Զմյուռնիայում հայ բնակչություն այլևս չմնաց:

Իրան: Հայաստանի հարավարևելյան հարևան Իրանում հայ բնակչությունն ստվարացավ հատկապես շահ Աբասի կազմակերպած մեծ բռնագաղթի և Նոր Զուղայի հիմնադրման հետևանքով: Պարսից շահը ձգտում էր հայերի միջոցով շենագնելու երկիրը: XVIII դ. Իրանի հայ գաղութը թուլանում է, և հայերը բռնում են գաղթի ճանապարհը:

Հետագայում հայ բնակչությունը ստվարացավ և XX դ. սկզբներին հասնում էր 180 հազարի: Հայերը բնակվում էին գերագանցապես երկրի հյուսիսային մասում՝ Թավրիզում, Խոյում, Մակուում, Մալմաստում և այլ վայրերում:

Իրանի հայ գաղթավայրերի բնակչությունը գործուն մասնակցություն է ունեցել երկրի հասարակական-քաղաքական և մշակութային կյանքին: Այդ շրջանում Անգլիայում, Ֆրանսիայում, Ավստրիայում պարսկական դեսպանները հայեր էին: Անգլիայի դեսպան *Մեյքոն խանը* Լոնդոնում հրատարակում է «*Ղանուն*» («*Օրենք*») պարբերականը, որը ժողովրդավարական, սահմանադրական գաղափարներ քարոզող առաջին ամսագիրն էր պարսկական իրականության մեջ: 1905–1911 թթ. հակաավատատիրական հեղափոխական շարժմանը հայերն ակտիվ մասնակցություն ունեցան: Եփրեմ խանը դարձավ սահմանադրական շարժման առաջնորդներից մեկը: Հայերը երկրի քարձրագույն մարմնում՝ մեջլիսում, երկու պատգամավոր ունեին: Նրանք ստեղծեցին Ազգային խորհուրդ, որը միջնորդի դեր էր կատարում քարձ-

րագույն իշխանությունների և հայ համայնքների միջև:

Ազգային մշակույթի պահպանման ու զարգացման գործում էական նշանակություն ունեին մայր հայրենիքին մոտ գտնվելու հանգամանքը և նրա հետ ունեցած սերտ կապերը:

Հնդկաստանի հայկական գաղութները: Գլխավորապես Պարսկաստանից կատարվող գաղթի հետևանքով մի շարք ծովափնյա քաղաքներում՝ Սուրաթ, Ագրա, Մադրաս, Կալկաթա, Բոմբեյ, XVII–XVIII դդ. ձևավորվում են հայկական համայնքներ:

Հնդկահայ շրջաններում զարգացում ապրեց հայ մշակույթը: Մի շարք քաղաքներում (Մադրաս, Կալկաթա, Բոմբեյ) հիմնադրվեցին հայկական տպարաններ: Իսկ Մադրասում XVIII դ. 70–80-ական թթ. մի խումբ հայրենասերներ հիմնում են ազատագրական հայտնի խմբակը: Հնդկահայերը կապերը չէին կտրել մայր հայրենիքից: Նրանց կողմից մշակվում և տարածում է գտնում այն համոզումը, որ հայ ժողովրդի միավորումը պետք է տեղի ունենա Արևելյան Հայաստանում:

Լուսավորություն տարածելու կարևոր ձեռնարկում էր Կալկաթայում 1821 թ. *Մարդասիրաց ճեմարանի* բացումը: Դպրոցն ուներ նաև գիշերօթիկ բաժին ուրիշ երկրների հայ համայնքների երեխաների համար: Ճեմարանում դասավանդել են Մեսրոպ Թադիսյանը և ճանաչված այլ դեմքեր:

Հնդկահայ համայնքները XIX դ. կեսերից թուլանում և կորցնում են իրենց նշանակությունը:

Եգիպտոս: Միջազգային տարանցիկ առևտրի շնորհիվ XVIII դ. տեղի հայ համայնքներում կյանքն աշխուժացավ: Մուհամեդ Ալիի կառավարման ժամանակ (XIX դ. առաջին կես) ամբողջ երկրի հետ վերելքի ուղի բռնեցին նաև հայ գաղթօջախները: Սկսվեց հայերի գաղթը դեպի Եգիպտոս:

Հայ ազգաբնակչության թվաքանակը XIX դ. սկզբին հասնում էր հազիվ 3 հազարի, իսկ XX դ. սկզբներին՝ արդեն 15 հազարի:

Եգիպտահայերն աչքի ընկան նաև երկրի քաղաքական կյանքում: Հիշատակության արժանի են **Նուբար փաշան, Առաքել Ապրոյանը, Հակոբ Արթինը, Պողոս Նուբարը**: Նուբար փաշան, որը մի շարք բարձրաստիճան պաշտոններ էր վարել, հեղինակեց նաև դատական բարեփոխումները: Նրա որդու՝ Պողոս Նուբարի ջանքերով 1906 թ. հիմնադրվեց համազգային նշանավոր կազմակերպություն՝ **Հայկական բարեգործական ընդհանուր միությունը**:

Եգիպտահայերն ունեցել են մշակութա-

յին աշխույժ կյանք, որը եվրոպական մշակույթի ազդեցությամբ առաջադիմել է: Հայկական դպրոց Կահիրեում հիմնվել է 1828 թ., իսկ Ալեքսանդրիայում՝ 1851 թ.: Հայկական դպրոցների թիվը XX դ. սկզբներին հասավ II-ի, որոնցում ուսանում էր շուրջ 1600 աշակերտ: Հայկական համայնքներում կային գրադարաններ, ակումբ-ընթերցարաններ, մշակութային ընկերություններ: Առաջին հայ պարբերականը՝ «Արմավենին», հրատարակվել է 1865 թ-ից Ալեքսանդրիայում, 1889 թ-ից լույս է տեսնում «Նեղոս» շաբաթաթերթը: Հետագայում հիմնվեցին բազմաթիվ այլ պարբերականներ:

Հարցեր և առաջադրանքներ

1. Սիրիայի և Լիբանանի ո՞ր քաղաքներում կային հայ համայնքներ: Ինչո՞վ էին զբաղվում հայերը:
2. Ի՞նչ փոփոխություններ կատարվեցին պոլսահայ գաղութում նոր ժամանակներում: Պոլսահայ ճարտարապետների ի՞նչ նշանավոր գերդաստան գիտեք: Որտեղ է Զմյուռնիան (Իզմիրը): Նշե՞ք փաստեր, որոնք վկայում են քաղաքում հայ կրթամշակութային աշխույժ կյանքի մասին:
3. Ինչի՞ հետևանքով ստվարացավ Իրանի հայ բնակչության թիվը: Ի՞նչ հասարակական-քաղաքական նշանավոր հայ գործիչներ կային Իրանում:
4. Հնդկաստանի ո՞ր քաղաքներում են ձևավորվել հայկական համայնքներ: Հայաստանի ազատագրության, հայ մշակույթի, լուսավորության պատմության մեջ ի՞նչ ներդրում են ունեցել հնդկահայերը: Երբ և ինչո՞ւ իրենց նշանակությունը կորցրին հնդկահայ համայնքները:
5. Երբ և ո՞ւմ օրոք մեծացավ հայերի հոսքը Եգիպտոս: Որքան էր եգիպտահայերի թիվը XIX-XX դարերում: Թվարկե՞ք եգիպտահայ նշանավոր գործիչների:

§ 2. ՌՈՒՍԱՍՏԱՆԻ, ԵՎՐՈՊԱՅԻ ԵՎ ԱՄՆ-Ի ՀԱՅԿԱԿԱՆ ԳԱՂՈՒԹՆԵՐԸ

Ռուսաստանի համայնքները: Ռուսաստանի հայկական գաղութները հիմնվել են XVIII դարում: Ռուսական պետությունը երկրի գրեթե անմարդաբնակ հարավային տափաստանները բնակեցնելու և տնտեսապես յուրացնելու քաղաքականություն էր վարում: Արտոնություններ էր տալիս այն օտարերկրացիներին, որոնք կրնակվեին այնտեղ:

Օգտվելով կառավարության ընձեռած հնարավորությունից՝ բազմաթիվ հայեր գաղթեցին Ռուսական կայսրության սահմանները և հիմնեցին համայնքներ:

Տնտեսական կյանքի պայմանները նպաստում էին տարբեր երկրներից, հատկապես Արևմտյան Հայաստանից հայերի՝ **Ղրիմ** գաղթելուն, որը 1783 թ. միացվել էր

Ռուսաստանին: Նշանավոր առևտրականներից շատերն ունեին ընդարձակ կալվածքներ: Գաղութում աշխույժ էր նաև մշակութային կյանքը: Ղարասուրազարում 1815 թ. բացվում է առաջին դպրոցը, ապա դպրոցներ են հիմնվում Հին Ղրիմում, Թեոդոսիայում, Եվպատորիայում: XX դ. սկզբներին Ղրիմի թերակղզում կար հայկական տարրական 9 դպրոց՝ 250 աշակերտներով:

XVIII դ. **Աստրախանը** Ռուսաստանի մետաքսի և բամբակեղենի արտադրության հիմնական կենտրոնն էր, որում ևս նշանակալի էր հայերի դերը: 1717 թ. Աստրախանը դարձել էր Ռուսաստանում քնակվող հայության թեմական կենտրոնը: Դարի վերջին քառորդում թեմի առաջնորդ Հովսեփ Արղությանը լայն գործունեություն ծավալեց հայկական գաղութների կյանքում: Աստրախանի հայերը ևս օգտվում էին առանձնաշնորհներից: Կառավարությունը թույլատրեց (1746 թ.) հիմնել հատուկ հայկական դատարան կամ ռաթիաուզ, որը հայերի ինքնավարության մարմինն էր: Ռաթիաուզը վարում էր դատական գործերը, հետևում հարկերի գանձմանը, իրագործում ոստիկանական պարտավորություններ և ներկայացնում համայնքի շահերն իշխանությունների առջև:

Աստրախանի հայկական գաղութն ուներ մշակութային ուրույն կյանք: Վաճառական **Նիկողայոս Աղաբաբյանը** 1810 թ. հիմնադրեց իր անունը կրող դպրոց: 1816 թ. լույս տեսավ «**Արևելյան ծանուցմունք**» շաբաթաթերթը, որը ռուսահայ առաջին պարբերականն էր:

Մոսկվայում հայկական համայնք ձևավորվեց XVII դ. երկրորդ կեսին: Մոսկվայում և ապա Պետերբուրգում հաստատված Լազարյանները մեկ դարից ավելի կարևոր դեր կատարեցին բոլոր ռուսահայ գաղութների կյանքում:

Պետերբուրգի հիմնադրումից (1703 թ.) մի քանի տարի անց հայերն սկսեցին բնակություն հաստատել այնտեղ: Ռուսաստանի

նոր մայրաքաղաքի աճող դերի հետ մեկտեղ ավելանում էր նաև այնտեղի հայ բնակչությունը: 1779 թ. քաղաքի կենտրոնում բացվում է Ս. Կատարինե հայկական եկեղեցին:

Ռուսաստանի մայրաքաղաքների հայ համայնքների ինքնավարությունն իրականացնում էր եկեղեցական խորհուրդը, որի անփոփոխ ղեկավարն էին Լազարյանները: Եկեղեցական խորհուրդը համազգային գիտակրթական և լուսավորական լայն գործունեություն ծավալեց:

Հյուսիսային Կովկասում հայկական գաղութներ են հիմնվել XVIII դարում: Հայերը 1735 թ. բնակություն են հաստատում նորակառույց Ղզլարում, իսկ մի քանի տասնամյակ անց՝ 1763 թ., Մոզդոկ սահմանային ամրոցում: Հետագայում ձևավորվեցին Եկատերինոդարի (այժմ՝ Կրասնոդար), Մայկոպի, Ստավրոպոլի և այլ քաղաքների հայկական համայնքները: Չերքեզահայերը 1839 թ. **հիմնեցին Արմավիրի** հայկական գաղութը: Այստեղ ևս հայերին թույլատրվում էր դատ ու դատաստան վարել ազգային սովորությունների և իրավական նորմերի հիման վրա:

Նոր Նախիջևանը (այժմ՝ Դոնի Ռոստով) Ռուսաստանի ամենից խոշոր հայկական գաղութն էր: 1778 թ. Ղրիմի հայաշատ վայրերից գեներալ Ա. Սուվորովի գլխավորությամբ գաղթեցվում են 12600 հայեր: Նրանք հասնում են Դոնի տափաստան և հիմնադրում Նոր Նախիջևան քաղաքը: Նոր Նախիջևանի գաղութը նշանակալի դեր ունեցավ հայ մշակույթը պահպանելու և զարգացնելու գործում: Գաղութում գործում էին մշակութային, լուսավորական, բարեգործական կազմակերպություններ, իրատարակվում թերթեր, գրքեր: Հայության գրական-մշակութային կյանքում մեծ էր Մ. Նալբանդյանի, Ռ. Պատկանյանի և այլ գործիչների դերը:

Եվրոպայի հայ գաղթավայրերը: Միջին դարերում բավականաչափ հայեր էին բնակվում **Բուլղարիայում:** Հայկական հա-

մայնքները ձևավորվում էին հատկապես XVII–XVIII դդ. Վառնայում, Սոֆիայում և այլ քաղաքներում: 1877–1878 թթ. ռուս–թուրքական պատերազմի արդյունքում Բուլղարիան ազատագրվեց թուրքական լծից և բռնեց զարգացման ուղի: Պատմական այդ իրադարձությունն էական նշանակություն ունեցավ նաև հայ համայնքների համար: Աշխուժացավ հայերի մշակութային կյանքը: Բացվեցին հայկական դպրոցներ: 1912 թ. Բալկանյան պատերազմի ընթացքում սկսված կամավորական շարժման ժամանակ *Գարեգին Նժդեհը և Անդրանիկը* կազմակերպեցին 230 հայ երիտասարդներից կազմված ջոկատ: Հայկական վաշտը քաջաբար կռվեց թուրքական ուժերի դեմ և աչքի ընկավ մի շարք ճակատամարտերում: Բուլղարահայ համայնքները երկարակյաց են և, թեպետ թուլացած, գոյատևում են մինչև այժմ:

Ֆրանսիայի քաղաքներում հայերը գերազանցապես առևտրով էին զբաղվում և փոքր համայնքներ ունեին: Մեծ էր Ֆրանսահայերի մշակութային գործունեությունը: Փարիզի արևելյան լեզուների վարժարանի հայերենի դասընթացը 1811 թ. Շահան Ջրպետյանի ջանքերով վերածվեց հայագիտական ամբիոնի: Ամբիոնը օտարներին ծանոթացնում էր հայ մշակույթին և պատմությանը:

XIX դ. կեսերից Ֆրանսիան դառնում է հայ մշակույթի զարգացման օջախներից մեկը: Փարիզում 1846 թ. հիմնադրված *Սամվել Մուրադյան վարժարանը* 1870 թ. տեղափոխվում է Վենետիկ և միանում Ռաֆայելյան վարժարանին: Մուրադ–Ռաֆայելյան վարժարանը երկար տասնամյակների արդյունավետ գործունեություն ունեցավ: Փարիզում սովորող հայ ուսանողները հիմնեցին (1849 թ.) «Արարատ» ընկերությունը:

Ֆրանսիայում հրատարակվում էին շուրջ երեք տասնյակի հասնող թերթեր, որոնք պարբերաբար արձարծում և քաղաքակիրթ

աշխարհի առաջ բարձրացնում էին Հայկական հարցը: Ֆրանսահայ հանդեսներից առավել նշանակալի էր «Անահիտ» ամսագիրը: Մեծ էր հանդեսի խմբագիր *Արշակ Չուպանյանի* դերը եվրոպացիներին հայոց պատմությանն ու մշակույթին ծանոթացնելու գործում:

Հայկական համայնքներն *Անգլիայում* ձևավորվել են XIX դ. 30–ական թթ., երբ Կ. Պոլսի հայ վաճառականները բնակություն հաստատեցին այնտեղ: Հայերը 1870 թ. Մանչեստրում կառուցում են առաջին եկեղեցին:

Հայ բնակչության գերակշիռ մասը մտավորականությունն էր: Հայ մտավորականներից *Արփիսար Արփիարյանը, Լևոն Բաշալյանը, Երվանդ Օրբանը* և ուրիշներ անգլիական պաշտոնական շրջանների ուշադրությունը հրավիրում էին Հայկական հարցի վրա:

Անգլիայի հայկական համայնքներում ուրույն տեղ ուներ մշակույթը: Տակավին 1736 թ. Լոնդոնում թարգմանաբար հրատարակվում են հոբենացու «Հայոց պատմությունը» և Շիրակացու «Աշխարհացույցը»: Լոնդոնում և Մանչեստրում հրատարակվեցին «Համայնք», «Հնչակ», «Մարտ» և այլ պարբերականներ: Լ. Բաշալյանի և Ա. Արփիարյանի խմբագրությամբ հրատարակվում էր «Նոր կյանք» հանդեսը, որն ազգային–քաղաքական խնդիրների հետ լայն տեղ էր տալիս գեղարվեստական գրականությանը: Նույնպիսի ուղղվածություն ուներ նաև *Մինաս Չերազի*՝ Լոնդոնում հրատարակած «Արմենիա» ամսաթերթը:

Ամերիկայի Միացյալ Նահանգների հայկական համայնքը: 1870–ական թթ. առաջին հայ համայնքներն են ձևավորվում Նյու Յորքում, Վուսթերում, Բոստոնում: Վուսթերը դառնում է ԱՄՆ–ի արևելյան նահանգների հայության կենտրոնը: Այնտեղ կառուցվեց (1891 թ.) Ս. Փրկիչ անունով հայկական առաջին եկեղեցին: ԱՄՆ–ի հայ բնակչության թվաքանակը XX դ. սկզբին

հասնում էր 20 հազարի: Համագաղութային որևէ կազմակերպություն չկար, դրա փոխարեն ձևավորվել էին հայրենակցական բազմաթիվ միություններ:

Մինչև 1902 թ. Ամերիկայի թեմը ենթարկվում էր Կ. Պոլսի հայոց պատրիարքությանը, հետագայում անցնում է Էջմիածնի իրավասությանը: Այնտեղ հիմնվում են տարաբնույթ միություններ, ընկերություններ: Կարևոր դեր էր կատարում Հայկական բարեգործական ընդհանուր միությունը, որը շուրջ 20 մասնաճյուղ ուներ: Ամերիկահայության

շրջանում քաղաքական կազմակերպություններից բավականաչափ աչքի են ընկել Հնչակյան և ՀՅԴ կուսակցությունները:

Գաղթավայրերի կյանքում մեծ էր մամուլի դերը: Առաջին հայ պարբերականն «Արեգակ» (1888 թ.) ամսաթերթն էր, ապա հրատարակվում են «Արարատ», «Հայք», դաշնակցության «Հայրենիք» պարբերականները:

Ամերիկահայ գաղութները ստվարացան և եռանդուն գործունեություն ծավալեցին նորագույն շրջանում:

Հարցեր և ասուշադրանքներ

1. Երբ են հիմնվել Ռուսաստանի հայկական գաղութները, ինչո՞վ էր դա պայմանավորված: Կրթական-լուսավորական կյանքում ինչ ձեռքբերումներ ունեցան Ղրիմի և Աստրախանի հայերը: Երբ են ձևավորվել Մոսկվայի, Պետերբուրգի և Հյուսիսային Կովկասի հայկական համայնքները: Ո՞րն էր և որտե՞ղ էր Ռուսաստանի հայկական ամենախոշոր գաղութը. երբ է այն հիմնադրվել:
2. Պատմական ո՞ր իրադարձության շնորհիվ աշխուժացան Բուլղարիայի հայ համայնքները: Ներկայացրե՞ք ֆրանսահայ համայնքի կրթամշակութային կյանքը: Երբ և ինչպե՞ս են ձևավորվել հայկական համայնքներն Անգլիայում. ինչո՞վ էին զբաղվում հայերը:
3. Երբ և ո՞ր քաղաքներում են ձևավորվել ԱՄՆ-ի առաջին հայ համայնքները: Ո՞րն էր ԱՄՆ-ի արևելյան նահանգների հայության կենտրոնը: Ի՞նչ պարբերականներ էին հրատարակում ամերիկահայերը:

Բ ՄԱՍ



ՀԱՅԱՍՏԱՆԸ ՆՈՐԱԳՈՒՅՆ ՇՐՋԱՆՈՒՄ

1918 թ. մայիսի վերջին Արևելյան Հայաստանում թուրքական զորքերի դեմ հայ ժողովրդի տարած փառահեղ հաղթանակներով կյանքի է կոչվում հայկական անկախ պետականությունը՝ Հայաստանի Հանրապետությունը։ Այդ պատմական բեկումնային իրադարձությամբ բացվում է Հայոց պատմության նորագույն ժամանակաշրջանի առաջին էջը։

Հայոց պետականությունը ծնվում է ռազմաքաղաքական ու սոցիալ-տնտեսական ծանրագույն պայմաններում։ 1918 թ. աշնանից երկրում ծայր են առնում սովն ու համաճարակները, հատկապես ծանրանում է բազմահազար արևմտահայ գաղթականների վիճակը։ Սակայն կարճ ժամանակում հաջողվում է կազմավորել իշխանության մարմիններ, սկսվում է բանակաշինության գործընթացը, մի շարք պետությունների հետ հաստատվում են դիվանագիտական հարաբերություններ, հետզհետե աշխուժանում է երկրի մշակութային կյանքը։

Համաշխարհային պատերազմում Օսմանյան կայսրության կրած պարտությունից և երկրամասից թուրքական զորքերի հեռանալուց հետո աստիճանաբար ընդարձակվում է Հայաստանի Հանրապետության տարածքը։ Պետականության կայացման գործընթացը տեղի է ունենում հայկական մի շարք գավառների (Արցախ, Զանգեզուր, Նախիջևան-Շարուր, Ախալքալաք, Լոռի և այլն) նկատմամբ հարևան հանրապետությունների մշտական ոտնձգությունների, հաճախ նաև նրանց հետ ռազմական բախումների պայմաններում։ Արցախի և Զանգեզուրի հայության հերոսական պայքարի շնորհիվ այդ երկրամասերը նախ պահպանում են իրենց անկախությունը, ապա ի վերջո մաս կազմում Հայաստանի Հանրապետության։

1920 թ. օգոստոսի 10-ին Ֆրանսիայի Սեր քաղաքում կնքվում է դաշնագիր պատերազմում պարտված Օսմանյան կայսրության և հաղթանակած Անտանտի երկրների միջև։ Պայմանագիրը Հայաստանի կողմից ստո-

րագրում է հայկական պատվիրակության նախագահ Ավետիս Ահարոնյանը։ Այդ փաստաթղթով լուծում էր ստանալու Հայկական հարցը։ ՀՀ տարածքը կազմելու էր ավելի քան 160 հազար քառ. կիլոմետր՝ իր մեջ ընդգրկելով Վանի, Բիթլիսի, Էրզրումի և Տրապիզոնի նահանգները։ Փաստորեն իրականություն էր դառնալու հայ ժողովրդի միացյալ Հայաստան ստեղծելու դարավոր երազանքը։ Սակայն քեմալաթլիզիկյան գործակցության հետևանքով ոչ միայն չի իրագործվում այդ արդարացի պայմանագիրը, այլև 1920 թ. դեկտեմբերի 2-3-ին կործանվում է Հայաստանի Հանրապետությունը։

Հայաստանի առաջին Հանրապետության հիմքի վրա ստեղծվում է Խորհրդային Հայաստանը։ Խորհրդային իշխանության իրականացրած քաղաքական ու տնտեսական բռնությունների հետևանքով 1921 թ. փետրվար-ապրիլ ամիսների ընթացքում երկիրը հայտնվում է քաղաքացիական պատերազմի բովում։ Նույն ժամանակ՝ մարտի 16-ին, Մոսկվայում կնքված խորհրդաթուրքական պայմանագրով Հայաստանն ունենում է տարածքային խոշոր կորուստներ՝ զրկվելով ոչ միայն Արևմտյան Հայաստանից, այլև Արևելյան Հայաստանի մի շարք տարածքներից։

Հայաստանի առաջին հանրապետության գործունեությունն անհետևանք չի մնում։ Իր գոյության առաջին տարիներին, հատկապես մինչև 1922 թ. Անդրդաշնության և ԽՍՀՄ-ի կազմի մեջ մտնելը, ՀՍԽՀ-ն պահպանում է իր հարաբերական ինքնիշխանությունը, ազգային պետության որոշ հատկանիշներ։ Որքան էլ քաղաքական համակարգով ՀՍԽՀ-ն տարբերվում էր Առաջին հանրապետությունից (գուրկ էր անկախ քաղաքականություն իրականացնելու, ժողովրդավարական արժեքներ կրելու ու կիրառելու հնարավորություններից), այն պետականության որոշակի դրսևորում էր և երաշխիքներ էր ապահովում հայ ժողովրդի ազգային անվտանգության, տնտեսական ու մշակութային զարգացման համար։

ԳԼՈՒԽ 1. ԵՐԿՐԻ ՆԵՐՔԻՆ ԿՅԱՆՔԸ

§ 1. ՀԱՅԿԱԿԱՆ ՊԵՏԱԿԱՆՈՒԹՅԱՆ ԶԵՎԱԿԱՆՈՒՄՆ ՈՒ ԱՄՐԱՊԵՏՈՒԹՅԱՆ

Հայաստանի Հանրապետության հռչակումը: Ազգային անկախ պետականությունը ծնվեց պատմական դժվարին պայմաններում: Արդեն գիտեք, որ 1918 թ. մայիսին թուրքական զորքերը ներխուժել էին Արևելյան Հայաստան և Այսրկովկաս: Անդրկովկասյան դաշնային հանրապետության վրաց-թաթարական մեծամասնությունը առանձին հաշտության եզրեր էր փնտրում թուրքերի հետ: Հայերի համար մի աղոտ հույս էր մնացել՝ գերմանացիների պաշտպանությունը: Գերմանիայի ներկայացուցիչ Ֆոն Լոսովի խորհրդով Հայոց ազգային խորհրդի ներկայացուցիչներ Հ. Օհանջանյանն ու Ա. Զուրաբյանը մեկնեցին Բեռլին:

Մայիսի 26-ին գումարվեց Անդրկովկասյան Սեյմի վերջին նիստը, որը վրացիների պնդումով ընդունեց նրա լուծարման մասին որոշում: Այդ օրը հռչակվեց Վրաստանի անկախությունը:

Նույն օրը գումարվեց Հայոց ազգային խորհրդի նիստ, որտեղ, չնայած բողոքներին ու դժգոհություններին, Վրաստանի անկախությունն ընդունվեց որպես կատարված փաստ: Միաժամանակ Ազգային խորհուրդն իր վրա վերցրեց հայկական շրջանների նկատմամբ ժամանակավոր կառավարության գործառույթներ:

Իսկ երբ մայիսի 27-ին հայտարարվեց «Արևելակովկասյան մուսուլմանական հանրապետության» (ԱԿՄՀ) անկախության մասին, որն, ի դեպ, հենց այդ ժամանակ առաջին անգամ իրանական Ատրպատականի անունով պայմանականորեն կոչվեց

«Ադրբեջան», Հայոց ազգային խորհուրդը հակվեց դեպի Հայաստանի անկախության հայտարարությունը:

Անկախության խնդիրը քննարկվեց Հայոց ազգային խորհրդում *մայիսի 28-ին*: Այդ օրը պետք է պատասխան տրվեր նաև Բաթումում թուրքերի կողմից հայկական պատվիրակներին ներկայացված վերջնագրին, որովհետև հաջորդ օրը լրանում էր վերջնագրի ժամկետը: Բոլորն քննարկումներից հետո **Հայոց ազգային խորհուրդը վճռեց հռչակել Հայաստանի անկախությունը:** Միաժամանակ որոշվեց Հայաստանի (որպես անկախ պետության) նոր պատվիրակություն ուղարկել Բաթում՝ թուրքերի հետ հաշտության պայմանագիր կնքելու նպատակով:

1918 թ. *մայիսի 30-ին* Թիֆլիսի մամուլում *Նիկոլ Աղբալյանի* ձևակերպումով հրապարակվեց Հայոց ազգային խորհրդի կոչը, որտեղ ասվում էր. «Անդրկովկասյան քաղաքական ամբողջության լուծումով և Վրաստանի ու Ադրբեջանի անկախության հռչակումով սրբեղծված նոր կացության հանդեպ Հայոց ազգային խորհուրդն իրեն հայտարարում է հայկական գաղառների գերագույն և միակ իշխանությունը՝ որոշ ծանրակշիռ պարզառոտությամբ թողնելով մոփիկ օրերում կազմելու հայոց ազգային կառավարություն: Ազգային խորհուրդը ժամանակավորապես սրանձնում է կառավարության բոլոր գործառույթները հայկական գաղառների քաղաքական-վարչական ղեկը վարելու համար»:

Այսպիսով՝ Հայաստանի Հանրապետության հռչակման օրը եղավ մայիսի 28-ը: Այդ օրը մտել է ազգային տոնացույցի մեջ որպես սրբազան օրերից մեկը: Հայաստանի առաջին հանրապետության հռչակումը հայոց պատմության նորագույն ժամանակաշրջանի կարևոր իրադարձություններից է: Վերականգնվեց վաղուց կորսված անկախ պետականությունը:

Բաթումի պայմանագիրը: Բաթումում 1918 թ. մայիսի 11-ին վերսկսված բանակցություններում թուրքական պատվիրակությունը գլխավորում էր Խալիլ բեյը, իսկ անդրկովկասյան պատվիրակությունը՝ կառավարության նախագահ Ա. Չխենկելին: Մասնակցում էին նաև խնամատարության նախարար **Հովհ. Քաջազնունին** և ֆինանսների նախարար **Ա. Խաչիրայանը**:

Թուրքերի համար անսպասելի Բաթում ժամանեց նաև գերմանական պատվիրակությունը՝ գեներալ Ֆոն Լոսովի գլխավորությամբ՝ Անդրկովկասում կայսերական Գերմանիայի շահերը պաշտպանելու նպատակով: Ֆոն Լոսովը պնդում էր, որ Թուրքիան բավարարվի Բրեստ-Լիտովսկի հաշտության պայմանագրի շրջանակներով և դրանից դուրս տարածքային պահանջներ չներկայացնի:

1918 թ. մայիսի 30-ին Հայոց ազգային խորհրդի պատվիրակները հասան Բաթում և նամակով դիմեցին Խալիլ բեյին՝ առաջարկելով սկսել բանակցություններ Հայաստանի ու Թուրքիայի միջև: Հայ պատվիրակները տեղեկացրին, որ իրենք հանդես են գալիս հայկական գավառների նկատմամբ գերագույն իշխանություն հաստատած Հայոց ազգային խորհրդի անունից: Եթե մայիսի 27-ին Խալիլ բեյը հայտարարում էր, թե Հայոց ազգային խորհրդին չի դիմել և դիմել չի կարող, քանի որ այդպիսի մարմին չի ձևաչափում, ապա մայիսյան հերոսամարտերում հայկական զորքի սխրանքի ու Հայաստանի փաստացի անկախություն հայտարարելու մասին գրավոր հավաս-

տում ստանալուց հետո ստիպված եղավ նստել բանակցությունների:

Դրանք ընթանում էին հայերի համար խիստ աննպաստ պայմաններում: Խալիլ բեյը պնդում էր իրենց նախագծի ընդունումը՝ ղենելով նաև Բաքվից հայկական ուժերը դուրս բերելու պահանջ: Հայկական կողմը առաջ էր քաշում Ազգային խորհրդի մշակած ծրագիրը: Միաժամանակ թուրքերը խուսափում էին հայ-վրացական և հայ-ադրբեջանական սահմանների հարցը քննելուց՝ դրանք թողնելով երեք պետությունների փոխադարձ համաձայնությանը:

1918 թ. հունիսի 4-ին Բաթումում ստորագրվեց հայ-թուրքական հաշտության պայմանագիր: Դրանով օսմանյան կառավարությունն ընդունեց և ձանաչեց Հայաստանի անկախությունը:

Բաթումի հաշտության պայմանները Հայաստանի համար չափազանց ծանր էին: Թուրքիան զավթեց ոչ միայն Արդվինը, Կարսը, Արդահանը, Օլթին, Կադզվանը, Ախալքալաքը, Ախալցխան, այլև ամբողջ Սուրմալուի գավառը, Ալեքսանդրապոլի և Էջմիածնի գավառների երեք քառորդը, Երևանի և Էջմիածնի գավառների կեսը, Շարուր-Դարալագյազի մեկ հինգերորդ մասը: Թուրքերին էր մնում Ալեքսանդրապոլը, երկաթուղին՝ մինչև Ջուլֆա: Պայմանագիրը գործեց մի քանի ամիս:

Իշխանության մարմինների արեղծումը: Հայաստանի անկախության հռչակումից հետո Հայոց կենտրոնական ազգային խորհուրդն իր վրա վերցրեց օրենսդիր և զործադիր իշխանության մարմինների ստեղծումը:

Մինչ նորակազմ կառավարությունը Թիֆլիսից կժամաներ հայոց պետության մայրաքաղաք Երևան, տեղում պետական կառույցներ ստեղծելու և կարգուկանոն հաստատելու ուղղությամբ մեծ աշխատանք էին կատարել Երևանի հայոց ազգային խորհուրդն ու ժողովրդի կողմից դիկտատոր ձևաչված **Արամ Մանուկյանը**:

Բարձրագույն օրենսդիր իշխանությունը, որը կոչվեց *Հայաստանի խորհուրդ* (հետո՝ խորհրդարան), ձևավորվեց Թիֆլիսի, ինչպես նաև Երևանի հայոց ազգային խորհուրդների հիմքի վրա (46 մարդ)։ Նրա կազմում կային 18 դաշնակցականներ, 6-ական մարդ ՀԺԿ, Սոցիալ-դեմոկրատական և Սոցիալիստ-հեղափոխականների կուսակցություններից և մահմեդականներից։ Խորհրդի անդամներից 38-ը հայեր էին, մյուսները՝ այլազգիներ։

Բարձրագույն գործադիր իշխանությունը՝ կառավարությունը, կոչվում էր մինիստրների խորհուրդ, հետագայում՝ նախարարների խորհուրդ։ 1918 թ. հունիսի 7-ին Հայոց ազգային խորհուրդը (13 կողմ և 2 դեմ) կառավարության նախագահ (վարչապետ) ընտրեց *Հովհաննես Քաջազնունու*։ Նա մասնագիտությամբ ճարտարապետ էր, ուներ պետական գործունեության փորձ։ Կռալիցիոն սկզբունքով կառավարության կազմի ձևավորումը չհաջողվեց, և ՀՀ առաջին կառավարության մեջ հիմնականում ընդգրկվեցին ՀՅԴ ներկայացուցիչներ։

1918 թ. հուլիսի 17-ին ՀՀ կառավարությունը և Հայոց կենտրոնական ազգային խորհուրդը Թիֆլիսից ժամանեցին մայրաքաղաք Երևան։

Օգոստոսի 1-ին Երևանի քաղաքային ակումբի շենքում բացվեց Հայաստանի խորհրդի անդրանիկ նիստը։ Հայաստանի խորհրդի նախագահ ընտրվեց *Ավետիք Սահակյանը*։

Անդրանիկ կառավարության մեջ մտան ՀՅԴ 4 գործիչներ՝ Հ. Քաջազնունի՝ նախարար-նախագահ, Ա. Խատիսյան՝ արտաքին գործերի նախարար, Ա. Մանուկյան՝ ներքին գործերի նախարար, Խ. Կարճիկյան՝ ֆինանսների նախարար, և երկու անկուսակցական՝ գորավար Հ. Հախվերդյան՝ զինվորական նախարար, և Գ. Պետրոսյան՝ արդարադատության նախարար։

Խորհրդարանի հավանությանն արժանացավ կառավարության ծրագիրը։ Առաջ-




Կառավարության նստավայրը Երևանում
1918-1920 թթ.

նահերթ էր սահմանադիր ժողովի հրավիրումը երկրի հիմնական օրենքը՝ Սահմանադրությունն ընդունելու համար, սակայն այն հրավիրել չհաջողվեց։ Հարկավոր էր լուծել գաղթականության, պարենավորման, ֆինանսների, հաղորդակցության, բանակի ստեղծման, ազգամիջյան ներքին խռովությունների հնազանդեցման, սահմանային վիճելի խնդիրները և այլն։

1919-1920 թթ. ժողովրդավարական հիմունքներով ընտրությունների միջոցով ներդրվեցին համայնքային ինքնավարություններ՝ *զեմսովոները*, քաղաքներում և գավառներում։ Ընտրովի էին նաև գյուղական տանուտերերի պաշտոնները։ Տեղական իշխանությունների այս ամբողջ համակարգը ենթակա էր ներքին գործերի նախարարությանը, որն էլ իրականացնում էր երկրի կառավարման ամբողջ գործը։

1920 թ. մայիսին հանրապետության տարածքը բաժանվեց վարչական 4 *նահանգների*՝ *Արարատյան, Շիրակի, Վանանդի և Սյունյաց*։ Այդ ժամանակ ՀՀ տարածքը հասավ շուրջ 70 *հազար քառ. կիլոմետրի*՝ 2 *մլն* բնակչությամբ։

Կարևոր էր երրորդ իշխանության՝ դատաիրավական մարմինների ու արդարադատության կայացումը։ 1918 թ. դեկտեմբերի 6-ին ընդունվեց երդվյալ ատենակալների դատարանի հիմնելու մասին օրենքը։



1920 թ. կեսերին սկսեցին գործել այդ հիմունքներով կազմակերպված՝ Երևանի, Շիրակի և Կարսի շրջանային դատարանները: Դատավարությունը կատարվում էր հայերենով:

Ազգային պետության հաստատման կարևոր պայմանը և երաշխիքը հայերենի՝ որպես պետական լեզվի ճանաչումն էր: Պետական լեզվի մասին օրենքը, որը ստորագրել էր խորհրդարանի փոխնախագահ Լևոն Շանթը, ընդունվեց 1919 թ. *դեկտեմբերի 26-ին*: Իսկ 1920 թ. *մայիսի 30-ին* օրենք ընդունվեց պետական լեզուն չտիրապետող պաշտոնյաներին աշխատանքից ազատելու պայմանների մասին: Բացառություն էր արվում միայն այն սպաներին, որոնց ազատումը կվնասեր բանակաշինությանը:

Ընդունվեցին պետական խորհրդանիշները՝ դրոշը, զինանշանը և օրհներգը: Որոշվեց, որ պետական դրոշը լինելու էր եռագույն՝ կարմիր, կապույտ, նարնջագույն: Գործնականում դժվար եղավ նարնջի գույն ապահովելը, ուստի այն փոխարինվեց դեղինով:

Զինանշանի մասին օրենքը հաստատվեց 1920 թ. *հուլիսի 23-ին*: Նրա հեղինակներն էին ճարտարապետ, ակադեմիկոս *Ալեքսանդր Թամանյանը* և նկարիչ *Հակոբ Կոչոյանը*:

ՀՀ-ում որպես օրհներգ գործածվում էր «*Մեր հայրենիք*» հայրենասիրական երգը, որի երաժշտության հեղինակն էր *Բաբսեղ Կանաչյանը*:

Առաջին հանրապետության դրոշը, զինանշանը և օրհներգը նույնությամբ այսօր Հայաստանի երրորդ հանրապետությունը դարձրել է իր խորհրդանիշները:

Հունիսի 21-23-ը տեղի ունեցան ՀՀ խորհրդարանի ընտրությունները: Դրանք անցկացվեցին համամասնական (կուսակցական) ընտրակարգով: Ընտրություններին մասնակցելու իրավունք ունեին 20 տարին լրացած քաղաքացիները՝ առանց սեռի, ազգության և կրոնական խտրականության, ընդհանուր, գաղտնի, հավասար, ուղղակի քվեարկությամբ: Ընտրվեց խորհրդարանի 80 անդամ (այդ թվում՝ 3 կին), որից 72-ը ՀՅԴ անդամներ էին, 4-ը՝ ԷսԷՄ, 1-ը՝ անկուսակցական, 2-ը՝ թուրք-թաթար, 1-ը՝ եզիդ:

Ազգային բանակը: Զինված ուժերը յուրաքանչյուր պետության անվտանգության կարևոր միջոցն են: Դա առավելապես վերաբերում է Հայաստանի Հանրապետությանը, որը ծնվեց պատերազմի բովում, և որին վիճակված էր կռիվներով պաշտպանել իր գոյությունը:

1918 թ. սեպտեմբերին հրաման արձակվեց Առանձին հայկական կորպուսը դիվիզիայի վերակազմավորելու մասին: Հայկական դիվիզիայի հրամանատար նշանակվեց գեներալ *Մովսես Սիկիկյանը*:

Անդրանիկը մի քանի ամիս անց միայն կազմացրեց իր զինվորական ուժերը, որոնք հանրապետության ռազմական ուժերի համակարգից դուրս էին: 1919 թ. նա Ամենայն Հայոց կաթողիկոսի միջոցով գեներալ հանձնեց Հայաստանի կառավարությանը և հեռացավ արտասահման: Արտասահմանում նա շարունակեց իր ազգանպաստ գործունեությունը:

Աստիճանաբար վերացվում էին նաև

հիմնականում արևմտահայերից կազմված ոչ կանոնավոր ռազմական ուժերը: Այդուհանդերձ, դրանց մի մասը պահպանվեց և մասնակցեց թուրք-թաթարական խռովությունների և 1920 թ. մայիսյան ապստամբության ճնշմանը:

Թուվմաս Նազարբեկյանին հանձնվեց բանակի սպարապետությունը: Հայաստանի զինված ուժերում 1920 թ. սկզբին կար 4 առանձին բրիգադ՝ 9 գնդով, զինվորական միլիցիայի մեկ գունդ և 2 գումարտակ, մեկ հեծյալ բրիգադ՝ 2 գնդով, ավիաշոկատ (Կարսում), 2 զրահագնացք և այլ ուժեր:

1920 թ. սեպտեմբերին Սևանա լճի վրա գործարկվեց «Աշուր Երկաթ» ռազմանավը: Հայկական բանակում կար նաև եզդիների ստորաբաժանում: Կազմակերպվեց փամփուշտների արտադրություն: Հայոց բանակը հիմնականում սպառագինվեց անգլիական զենքով ու զինամթերքով:

Թուրք-հայկական պատերազմի ժամանակ հայկական բանակը հասավ իր առավելագույն չափերին: Հայաստանն ուներ 10 գնդից բաղկացած շուրջ 40-հազարանոց բանակ, որից մարտական ուժերի թիվը կազմում էր 25 հազար զինվորական:

Հարցեր և առաջադրանքներ

1. Ի՞նչ որոշումներ կայացվեցին Ազգային խորհրդի մայիսի 28-ի նիստերում: Երբ և ո՞ւմ ձևակերպումով հրապարակվեց Հայոց ազգային խորհրդի կոչը:
2. Ներկայացրե՞ք Բաթումի բանակցությունների արդյունքները: Բաթումի հաշտության պայմանագիրը ի՞նչ հետևանքներ ունեցավ:
3. Ներկայացրե՞ք ՀՀ առաջին կառավարությունը: Ի՞նչ խնդիրներ էին ծառացած ՀՀ առջև. որի լուծումն էր, ձեր կարծիքով, առաջնային. ինչո՞ւ: Ներկայացրե՞ք տեղական ինքնակառավարման համակարգը: Երբ և ի՞նչ վարչամիավորների բաժանվեց ՀՀ-ն: Որքան էր կազմում ՀՀ տարածքը և բնակչությունը:
4. Ներկայացրե՞ք ՀՀ դատական համակարգը: Ի՞նչ նպատակ էր հետապնդում հայերենի՝ որպես պետական լեզվի ձանաչումը: Ինչպե՞ս ձևավորվեց ՀՀ բարձրագույն օրենսդիր մարմինը և ազգային ու կուսակցական ինչ կազմ ուներ:
5. Ինչո՞ւ էր անհրաժեշտ զինված ուժերի ստեղծումը: Համառոտ ներկայացրե՞ք ՀՀ ազգային բանակի ստեղծման պատմությունը: Ի՞նչ զորատեսակներ ուներ և ի՞նչ զինատեսակներով էր զինված հայկական բանակը:

§ 2. ՍՈՑԻԱԼ-ՏՆՏԵՍԱԿԱՆ ԵՎ ՔԱՂԱՔԱԿԱՆ ԿՅՈՒՄԸ

Սոցիալ-տնտեսական կացությունը:

Համաշխարհային պատերազմի պատճառով խիստ տուժել էր հանրապետության տնտեսությունը: Թուլացել էին երկրի թե՛ ներքին, թե՛ արտաքին տնտեսական կապերը:

1919 թ. գյուղատնտեսության համախառն արտադրանքը նախապատերազմյան՝ 1913 թ. համեմատությամբ կրճատվել էր 6 անգամ, ցանքատարածությունները՝ 3 անգամ: Գյուղացին զրկվել էր գյուղատնտեսական գործիքներից, չուներ սերմացու: Գյուղում արևմտահայ գաղթականության

առկայությունն ավելի էր խորացնում չքավորության պատկերը:

Սպառման շուկաների փակման, ինչպես նաև ռուսական կառավարության վարած՝ բամբակի պետական մենաշնորհի քաղաքականության հետևանքով խիստ կրճատվել էին բամբակի մշակումը և արտադրությունը:

Անկում էր ապրում արդյունաբերությունը: Չէին աշխատում Ալավերդու և Ղափանի պղնձահանքերը և ձուլարանները, աղահանքերը: Ծանր վիճակում էր երկաթուղային տրանսպորտը:

Նման պայմաններում 1918 թ. վերջերին անխուսափելիորեն վրա հասավ սովը: Սով-
յալների թիվն անցնում էր կես միլիոն մար-
դուց՝ գաղթականներ և տեղացիներ: Յուրա-
քանչյուր օր մահանում էր միջին հաշվով
շուրջ 2 հազար մարդ: Սովամահ եղավ Սուր-
մալուի գավառի բնակչության կեսից ավելին:

Կառավարությունը դիմեց արտակարգ
միջոցների: Հայտարարվեց հացի, ինչպես
նաև բամբակի պետական մենաշնորհ:
Կատարվում էր հացի բռնագրավում, կենտ-
րոնացվում պետության ձեռքում ու բաշխ-
վում բնակչությանը: Չունենորեն հաց էին
ստանում անվճար, իսկ միջին կարիքավոր-
ները՝ վճարով:

Հայաստանի ռազմական և տնտեսա-
կան շրջափակումը բացառում էին մոտակա
շուկաների հետ կապեր հաստատելը և հաց
ներմուծելը: Օգնություն կազմակերպելու
առաքելությամբ ԱՄՆ մեկնեց վարչապետ
Քաջագունին: 1919 թ. մայիսին ԱՄՆ-ից
ստացվեց 1,3 մլն փութ ալյուր, 257 հազար
փութ ցորեն, 6 մլն տուփ կաթ (փոշի) և այլ
պարենամթերք:

Ներքին կյանքի բարդ խնդիրներից էր
գաղթականության և որբերի հարցը: Գաղ-
թականության թիվը հասնում էր 300 հազա-
րի: Ընդունվեց գաղթականներին հողով,
աշխատանքով կամ պետական նպաստով
ապահովելու օրենք: Գաղթականների բնա-
կեցումն իրականացվում էր լքյալ և սակա-
վամարդ բնակավայրերում, մասամբ քա-
ղաքներում:

ՀՀ-ում կային նաև 40 հազարից ավելի
որբ և անապաստան երեխաներ: 1919 թ.
վերջերին պետությունը կարողացավ կազ-
մակերպել միայն 13 հազարի խնամքը ման-
կատներում: Մյուսների հոգսը ստանձնեց
Մերձավոր Արևելքի օգնության ամերիկյան
կոմիտեն (Ամերկոմ): Ընդհանրապես այս
շրջանում արտաքին օգնությունը զգալի
դեր կատարեց սովը մեղմելու և մարդկանց
փրկելու համար:

Տնտեսական վերափոխումները:

Պետությունը մեծ ուշադրություն էր դարձ-
նում հողային քաղաքականությանը: Սա-
կայն այդ հարցում իշխանությունները չէին
շտապում ընդունելու նոր օրենսդրություն:
Սպասում էին Հայկական հարցի լուծմանը,
որը որոշելու էր ՀՀ սահմանները և հողային
ֆոնդի ծավալը:

Հողային քաղաքականության հիմքում
Անդրկովկասյան կոմիսարիատի և Անդրկով-
կասյան Սեյմի ընդունած օրենքներն էին,
որոնց համաձայն՝ կատարվելու էր կալվածա-
տիրական հողերի մասնակի բռնագրավում:

Հայաստանում կալվածատիրական հո-
ղային սեփականությունը մեծ տարածում
չունեց: Այդ պատճառով գյուղացու բաժինը
շատ չմեծացավ: Հողի մասին օրենքն ըն-
դունվեց 1920 թ. Մայիսյան ապստամբու-
թյան ճնշումից հետո:

Ստեղծվեցին հողային հատուկ մարմին-
ներ, որոնց խնդիրն էր ամենակարճ ժամա-
նակում պետականացնել բոլոր մասնատի-
րական, վանքապատկան, վակուֆային,
եկեղեցական ու լքյալ հողերը, դրանք բաշ-
խել գյուղացիությանը:

Նոր օրենքը հենվում էր հողի ազգայ-
նացման՝ դաշնակցության պաշտպանած
Էսեռական ծրագրի վրա: Դրա համաձայն՝
կալվածատիրական հողատիրությունը վե-
րացվում էր առանց հատուցման. վերաց-
վում էր նաև հողի մասնավոր սեփականու-
թյունը և վաճառքը: Բոլոր հողերն ազգայ-
նացվում էին, հանձնվում գյուղական հա-
մայնքներին, ինչպես նաև պարբերաբար
վերաբաժանվում գյուղացիների միջև հա-
վասար սկզբունքով՝ ըստ շնչերի կամ աշ-
խատող ձեռքերի: Ի դեպ, այդ օրենքը բխում
էր նաև գյուղացիության ցանկությունից:

1920 թ. ամռանը հողային բարեփոխումն
անցկացվեց Հայաստանի մի շարք շրջան-
ներում: Ստեղծվեց սերմագնման կոմիտե,
որը սերմացու հայթայթեց ու բաժանեց հո-
ղագործներին:

Տնտեսության քնագավառում պետությունը թույլատրում էր սեփականության տարբեր ձևեր՝ պետական, մասնավոր, կոոպերատիվ, կոնցեսիա և այլն: Վարվում էր նաև ֆինանսական ճիշտ քաղաքականություն. մտցվեց եկամտային-առաջադիմական հարկ: Հիմնականում հարկերի հաշվին էին ծածկվում պետական ծախսերը:

Եղան նաև տնտեսական բազմաթիվ առաջարկություններ հայ կապիտալիստների և օտարերկրացիների կողմից: Հայ կապիտալիստներից շատերը մտադիր էին Հայաստանում կառուցել էլեկտրակայաններ, անցկացնել երկաթուղիներ, յուրացնել խոպան հողեր, շահագործել հանքավայրեր: Որոշ սփյուռքահայ մեծահարուստներ իրենց միջոցներից կտակեցին Հայաստանի Հանրապետությանը: Օրինակ՝ եգիպտահայ մեծահարուստ Մելքոնյան եղբայրները կտակեցին իրենց ամբողջ ունեցվածքը, Ա. Մելիք-Ազարյանը՝ Թիֆլիսի իր տունը, Բաքվից Արշակ Շուխասյանը՝ իր միջոցները, Ստավրոպոլից Պոպովը 25 մլն ռուբլի նվիրեց համալսարանին: Երիտասարդ ռամկավարները պատրաստվում էին հիմնադրելու Հայաստանի օդային տրանսպորտը: Իսկ դաշնակցությունն ԱՄՆ-ում անցկացրեց Հայաստանի «քանակի օր»՝ միջոցներ հավաքելով նրա կարիքների համար:

Ձեռնարկված տնտեսական միջոցառումների շնորհիվ ՀՀ-ն քայլ առ քայլ վերականգնում էր երկրի քայքայված տնտեսությունը:

Հատարակական-քաղաքական կյանքը:

Հանրապետությունում զարգանում էր նաև հասարակական-քաղաքական կյանքը: Երկրում գործող քաղաքական կուսակցությունների թիվը հասավ 8-ի: Դրանցից 3-ը հայ ազգային ավանդական կուսակցություններն էին՝ Ս. Դ. Հնչակյան, ՀՅԴ և Հայ սահմանադրական ռամկավար կուսակցությունը (ՀՍՌԿ): Գործում էին նաև Հայ ժողովրդական կուսակցությունը (ՀԺԿ),

սոցիալ-դեմոկրատների (մենշևիկներ, բոլշևիկներ), սոցիալիստ-հեղափոխականների (Էսեռներ) կազմակերպությունները: 1920 թ. ձևավորվեց Հայաստանի կոմունիստական կուսակցությունը:

Հանրապետության գոյության 2,5 տարիների ընթացքում ՀՅԴ-ն եղել է հիմնական կառավարող կուսակցությունը: Նա կռավիցիոն կառավարություն է կազմել ՀԺԿ-ի հետ 1918 թ. նոյեմբեր - 1919 թ. հունիս ամիսներին և Էսեռների հետ 1920 թ. նոյեմբեր-դեկտեմբերին:

Առաջին գումարման խորհրդարանում՝ Հայաստանի խորհրդում, պաշտոնապես գործել են չորս կուսակցական խմբակցություններ՝ ՀՅԴ, ՀԺԿ, սոցիալ-դեմոկրատներ (մենշևիկ և բոլշևիկ) և սոցիալիստ-հեղափոխականներ (Էսեռ): Երկրորդ գումարման խորհրդարանում կուսակցական խմբակցություն են ունեցել միայն ՀՅԴ-ն և Էսեռները:

Կուսակցական ու հասարակական բոլոր կազմակերպությունները ժամանակի ընթացքում վերանայեցին իրենց ծրագրերն ու խնդիրները:

Հայաստանի ժողովրդական կուսակցությունը 1919 թ. սեպտեմբերին գումարած իր 2-րդ համագումարում որոշեց ծառայել Հայաստանի անկախ պետականության ու մշակույթի զարգացմանը, նպաստել ժողովրդավարական և խորհրդարանական իրավակարգի հաստատմանը: Նա որոշ վերապահությամբ կողմ էր միացյալ և անկախ Հայաստանի ստեղծմանը:

1919 թ. կեսերից հայ բոլշևիկները, հալածվելով վրացական ու ադրբեջանական իշխանությունների կողմից (մի քանի հարյուր մարդ), ապաստանեցին Հայաստանում: Նույն թվականի սեպտեմբերին Հայաստանի բոլշևիկյան կազմակերպությունները միավորվեցին և ստեղծեցին կենտրոնական ղեկավար մարմին՝ *Հայաստանի կոմիտե (Արմենկոմ)*: 1920 թ. հունվարին

Հայաստանի կոմունիստական կազմակերպությունների՝ Երևանում հրավիրված 1-ին կոնֆերանսը քաղաքական որոշում ընդունեց. «Պատրաստ լինել իշխանությունը գրավելու, երբ նեցուկ կունենանք մի հարևան երկիր, որով հնարավոր կլինի կապվել քանվորա-գյուղացիական Ռուսաստանի հետ»:

1919 թ. սեպտեմբեր-նոյեմբերին գումարվեց ՀՅԴ-ի 9-րդ ընդհանուր ժողովը (համագումարը): Անկախ և միացյալ Հայաստանի հռչակումից հետո համագումարը հրաժարվեց կուսակցության երկու՝ Արևելյան (Ռուսաստանի կազմում) և Արևմտյան (անկախ) Հայաստանների վերաբերյալ ծրագրային կետերից:

Նշված բոլոր կուսակցությունները, բացի բոլշևիկներից, ազգի և պետության համար ճակատագրական ու վճռական պահերին թիկունք էին կանգնում կառավարությանը:

Ամենազանգվածային հասարակական

ուժն արհեստակցական միություններն էին: Գործում էր այդպիսի 13 միություն: Ամենաբազմամարդը երկաթուղայինների արհմիությունն էր: Գոյություն ունեին կանանց և գյուղացիական կազմակերպություններ, դաշնակցական երիտասարդական միություն, սկաուտների (ռազմամարզական) կազմակերպություն, Կարմիր խաչ և այլն: Սրանք բոլորն էլ կրում էին դաշնակցության քաղաքական ազդեցությունը: Բացառություն էր միայն 1919 թ. ստեղծված «Սպարտակ» երիտասարդական կազմակերպությունը, որը հայ բոլշևիկների ազդեցության տակ էր:

Այսպիսով՝ ստեղծված քաղաքական, տնտեսական, ռազմական դժվարին իրավիճակում անգամ երկրի հասարակական-քաղաքական կյանքը քավականաչափ աշխույժ էր, ինչը վկայում էր ժողովրդավարության գոյության մասին:

Հարցեր և առաջադրանքներ

1. Որո՞նք էին ՀՀ տնտեսական ծանր դրության պատճառները: Ներկայացրե՞ք ՀՀ կառավարության ձեռնարկած արտակարգ միջոցառումները: Ի՞նչ արդյունքներ դրանք ունեցան:
2. Ի՞նչն էր ընկած ՀՀ հողային քաղաքականության հիմքում. ինչպե՞ս այն ընթացավ: Ներկայացրե՞ք տնտեսական այն միջոցառումները, որոնք ձեռնարկվեցին ՀՀ-ում. ինչ հետևանքներ դրանք ունեցան:
3. Քաղաքական ինչ կուսակցություններ էին գործում ՀՀ-ում. վերհիշե՞ք, թե երբ և ովքեր էին հիմնադրել դրանք: Հասարակական ինչ կազմակերպություններ էին գործում ՀՀ-ում: Բերե՞ք փաստեր, որոնք վկայում են, որ ՀՀ-ն ժողովրդավարական երկիր էր:

§ 3. ԵՐԿՐԻ ԿԱՅՈՒՆՈՒԹՅԱՆԸ ՍՊԱՌՆԱՅՈՂ ՎՏԱՆԳՆԵՐԸ

Թուրք-թաթարական խռովություններ: Առաջին հանրապետության օրոք մշտապես առկա էին երկրի կայունությանը սպառնացող վտանգներ: Դրանք առաջին հերթին Թուրքիայի և Ադրբեջանի կողմից Հայաստանի ներսում կազմակերպված թուրք-թաթարական խռովություններն էին:

Ինչպես գիտեք, Թուրքիան և Ադրբեջանը ձգտում էին տիրանալու ՀՀ մի շարք տարածքների՝ Կարս, Լեռնային Ղարաբաղ, Ջանգեզուր, Նախիջևան, Շարուր-Դարալագյազ, Սուրմալու, Վեդիքասար, Բասարգեշար: Երկրի կայունության դեմ ուղղված քայքայիչ գործողությունները գլխավորա-

պես կազմակերպվում էին թուրքական գործակալների և Երևանում Ադրբեջանի դիվանագիտական ներկայացուցչության կողմից:

Առաջին աշխարհամարտի ավարտից հետո Թուրքիան ամեն ինչ անում էր նշված տարածքներն իր ազդեցության տակ պահելու համար: Այնտեղ թուրքական զորքերի կողմից կազմվեցին տեղական «անկախ հանրապետություններ»՝ իրենց կառավարություններով, այսպես կոչված, «շուրաներ»: Ընդհանուր առմամբ ՀՀ տարածքում ստեղծվել էին շուրջ 20 մեծ ու փոքր մուսուլմանական իշխանություններ, որոնք հրաժարվում էին ենթարկվել Հայաստանի Հանրապետության կառավարությանը:

Մուսուլմանական կազմավորումները խափանում էին երկրի հաղորդակցության ուղիների քնականոն գործունեությունը: Նրանք ունեին զինված ուժեր՝ թնդանոթներով և զնդացիներով, որոնց գլուխ կանգնած էին փորձառու թուրք սպաներ: Խռովարարներին զենք, զինամթերք և սպաներ էր մատակարարում Թուրքիան, իսկ դրամ՝ Ադրբեջանը:

Հակահայկական եռանդուն գործունեություն էր ծավալել հատկապես Երևանում Ադրբեջանի լիազոր ներկայացուցչությունը, որը 1919 թ. մարտից ղեկավարում էր խան Թեքինսկին, իսկ օգոստոսից՝ նրան փոխարինած Հախվերդովը:

ՀՀ կայունությանն սպառնացող վտանգն ավելի մեծացավ Խորհրդային Ռուսաստանի արևելյան քաղաքականության հետևանքով, երբ գաղտնի համագործակցություն հաստատվեց քեմալական Թուրքիայի, Ադրբեջանի և Ռուսաստանի միջև՝ ուղղված ՀՀ-ի դեմ:

Անդրկովկասից անգլիական զորքերի հեռանալուց հետո բռնկվեց թուրք-թաթարական ընդհանուր խռովություն՝ ընդգրկելով Օլթիից մինչև Օրդուքաղ ընկած շրջանները: Ապստամբությունն սկսվեց 1919 թ. հուլիսին Բեյութ-Վեդիից, որին շուտով մի-

ացան Շարուրն ու Նախիջևանը, Սուրմալուն, Զանգիբասարը, իսկ վերջում՝ Կարսը: ՀՀ իշխանությունները ձգտում էին խաղաղ միջոցներով կանխելու այդ խռովությունները: Սակայն նրանց դիմադրության դեպքում հարկադրված դիմում էին զենքի և մեկուսացնում խռովության կազմակերպիչներին: 1919 թ. սեպտեմբերին հաջողվեց վճռական գործողություններով վերջ տալ ապստամբական շարժմանը:

1920 թ. հունիսի 18-ին մայրաքաղաք Երևանից ոչ հեռու գտնվող Զանգիբասարի թուրք ապստամբներին վերջնագիր ներկայացվեց՝ ՀՀ իշխանությունը ճանաչելու և զինաթափվելու վերաբերյալ: Սակայն վերջնագրին պատասխան չհետևեց, և հաջորդ օրը հայկական ուժերը հարկադրված հարձակման անցան: Եռօրյա մարտերից հետո շրջանն ամբողջովին խաղաղեցվեց:

Այս նույն ժամանակ հայկական ուժերը հաջողությամբ գրավեցին Օլթիի ածխահանքերի շրջանը: 1920 թ. հուլիսի 10-ին սկսվեց և 2 օրվա ընթացքում ռազմական գործողություն իրականացվեց Բեյութ-Վեդիի խռովարարների նկատմամբ: Դրանով Ղամարլուի (Արտաշատի) շրջանն ազատվեց թուրք-թաթարական պաշարումից, և վերականգնվեց Երևանի հետ ընդհատված երկաթուղային կապը: Թուրք-թաթարական խռովությունները ճնշվեցին նաև Շարուր-Նախիջևանում և Սևանա լճից արևմուտք ու հյուսիս ընկած շրջաններում:

Այսպիսով՝ 1920 թ. ամռանը թուրք-թաթարական խռովությունները հիմնականում ճնշվել էին, որով վերջ դրվեց երկրի կայունությանը սպառնացող վտանգներին:

1920 թ. Մայիսյան ապստամբությունը:

Մայիսյան ապստամբությունը Հայաստանի բոլշևիկների զինված ելույթն էր ՀՀ-ում խորհրդային կարգեր հաստատելու համար: Ինչպես նշել ենք, այդ հարցը բոլշևիկները քննարկել էին իրենց կազմակերպությունների 1920 թ. հունվարյան կոնֆերանսում:

Հայաստանում բոլշևիկների իշխանության հաստատումն ի սկզբանե կապվում էր միջազգային նպաստավոր պայմանների և ոչ թե ներքին գործոնների հետ: Ադրբեջանի խորհրդայնացումը (1920 թ. ապրիլի 28) ոգևորեց հայ բոլշևիկներին:

Աշխատավորների միջազգային օրը՝ Մայիսի 1-ը, նրանք երևանում, Ալեքսանդրապոլում, Կարսում, Սարիղամիշում և այլուր նշեցին ցույցերով ու հանրահավաքներով: Բոլշևիկների մայիսմեկյան ցույցերը կրում էին քաղաքական կարգախոսներ և հակա-կառավարական բնույթ: Ալեքսանդրապոլի բոլշևիկները փորձեցին խաղաղ ցույցերը վերածել ապստամբության: Դրան նպաստեց այն, որ բոլշևիկների ազդեցության տակ անցան «*Վարդան Ջորախար*» զրահագնացքը՝ կապիտան *Սարգիս Մուսայելյանի* հրամանատարությամբ, և քաղաքի զինվորական կայազորի զգալի մասը:

Բոլշևիկների Ալեքսանդրապոլի կոմիտեն նամակներ ուղարկեց Արմենկոմին՝ խնդրելով զինված ապստամբություն սկսելու թույլտվություն: Արմենկոմը դեմ չէր ապստամբությանը, պարզապես, ըստ նրանց մարտավարության, ապստամբությունը պետք էր սկսել Ղազախից՝ Խորհրդային Ադրբեջանին մոտ գտնվելու և ռուսական Կարմիր բանակի օգնությունն ավելացնելու նպատակով: Ալեքսանդրապոլ մեկնեցին Արմենկոմի ներկայացուցիչներ Դրաստամատ Տեր-Սիմոնյանը և Արտաշես Մելքոնյանը: Մայիսի 7-ին կայացավ բոլշևիկների ընդլայնված խորհրդակցություն: Որոշվեց ապստամբությունը միաժամանակ սկսել Ղազախից և Ալեքսանդրապոլից: Այնուհետև ապստամբ ուժերը շարժվելու էին Երևան այն գրավելու համար, որտեղ, սակայն, ապստամբություն չէր նախատեսվում:

Ստեղծվեց *Հայաստանի ռազմահեղափոխական կոմիտե* (ՌՀԿ): Զինված ուժերի (կարմիր զորքերի) հրամանատար նշանակվեց Սարգիս Մուսայելյանը: ՌՀԿ-ներ

կազմակերպվեցին նաև Կարսում, Սարիղամիշում, Նոր Բայազետում, Ղազախ-Դիլիջանում և այլուր: Արմենկոմը ներկայացուցիչ ուղարկեց Ղազախ՝ միաժամանակյա ելույթ ապահովելու համար: Հայաստանի ՌՀԿ-ն կառավարությունից պահանջում էր հանձնել իշխանությունը:

ՀՀ իշխանությունները միջոցառումներ մշակեցին հակապետական ելույթները ձնելու համար: Մայիսի 5-ին հրաժարական տվեց Ա. Խատիսյանի կառավարությունը: Նրան փոխարինեց *Համո Օհանջանյանի բյուրո-կառավարությունը*, որը որդեգրեց կոշտ քաղաքականություն: Ընդունվեց օրենք արտակարգ դատարաններ կազմակերպելու մասին: Սահմանվեցին խստագույն պատիժներ՝ մահապատիժ, ցմահ տաժանակիր աշխատանք և այլն: Կառավարության միջոցառումները պաշտպանեցին բոլոր հասարակական կազմակերպությունները և քաղաքական կուսակցությունները: Պետության շահերն էր պաշտպանում նաև եկեղեցին: Ամենայն Հայոց կաթողիկոս Գևորգ Ե-ն ժողովրդին զգաստության և միասնության կոչ արեց:

Կառավարությունը դիմեց հանրապետության քաղաքացիներին՝ համախմբվելու իր շուրջը: Բանակցություններ տեղի ունեցան կառավարության ներկայացուցիչների ու Սարգիս Մուսայելյանի միջև՝ շարժումը խաղաղությամբ կասեցնելու և անձնատուր լինելու վերաբերյալ, որը մերժվեց:

Ապստամբությունն սկսվեց Կարսում, սակայն այստեղ կառավարական ուժերը ապստամբներին ստիպեցին նահանջել Ալեքսանդրապոլ: *Ալեքսանդրապոլի ՌՀԿ-ն մայիսի 10-ին* հրապարակեց կոչ՝ իշխանությունն իր ձեռքն անցնելու մասին: Իշխանափոխությունը տեղի ունեցավ առանց արյուն թափելու, քանի որ տեղական իշխանությունները չդիմադրեցին:

Կառավարությունը *Սեպուհի* հրամանատարությամբ առանձին զորամաս

ազարկեց: Մոտենալով Ալեքսանդրապոլին՝ Մալուիր վերջնագիր ներկայացրեց ՌՀԿ-ին՝ առանց կոմի անձնատուր լինելու և գրա-
հագնացքը հանձնելու մասին: Մայիսի 13-ի
Նրեկոյան վերջնագրի հարցը քննարկվեց
Ռազմինդկոմի նիստում: Որոշվեց քաղաքն
առանց դիմադրության հանձնել: Առավոտյան
Ալեքսանդրապոլում վերականգնվել էր
ՀՀ օրինական իշխանությունը: Ապստամբու-
թյան ղեկավարների մի մասը դիմեց փախուս-
տի, մյուսները ձերբակալվեցին: Ապստամբու-
թյան կենտրոնի պարտությունը կանխորոշեց
Նրա անհաջողությունը նաև մյուս վայրե-
րում՝ Սարիղամիշում, Նոր Բայազետում, Լա-
զախ-Շամշադինում, Ջանգեզուրում:

1920 թ. Մայիսյան ապստամբությունն
ավարտվեց պարտությամբ: Բոլշևիկյան կազ-
մակերպությունները հայտարարվեցին օրեն-
քից դուրս: Գնդակահարվեցին ապստամբու-
թյան մի շարք ղեկավարներ և մասնակիցներ
(Ստեփան Ալավերդյան, Սարգիս Մուսայել-
յան, Բագրատ Ղարիբջանյան, Եգոր Սևյան,
Արտաշես Մելքոնյան և ուրիշներ): Ապստամ-
բությունն սկզբից նեթ դատապարտված էր
անհաջողության: Հաղթանակի համար լուրջ
նախադրյալներ չկային: Իսկ Ռուսաստանը
դեռևս Հայաստանի խորհրդայնացման
խնդիր չուներ: Մայիսյան ապստամբությու-
նը պետությանը միայն վնաս հասցրեց՝ ապա-
կայունացնելով Նրա ներքին դրությունը:

Հարցեր և առաջադրանքներ

1. Հայաստանի առաջին հանրապետության տարիներին երկրի կայունությանը սպա-
նացող ինչ վտանգներ կային: Ինչպես էր Թուրքիան փորձում ՀՀ տարածքում ուժե-
ղացնել իր ազդեցությունը: ՀՀ իշխանություններին նրբ և ինչ միջոցներով հաջող-
վեց ձնշել հակապետական խռովությունները:
2. Ներկայացրեք 1920 թ. Մայիսյան ապստամբության պատճառները: Ովքեր էին այն
կազմակերպել: Երկրի կառավարության կազմում ինչ փոփոխություններ տեղի ունե-
ցան: Նկարագրեք ապստամբության սկիզբը և ընթացքը: Ի՞նչ ավարտ և հետևանք-
ներ ունեցավ Մայիսյան ապստամբությունը:

§ 4. ԱՌԱՋԻՆ ՀԱՆՐԱՊԵՏՈՒԹՅԱՆ ՄՇԱԿՈՒԹԱՅԻՆ ԿՅԱՆՔԸ

Անկախության հռչակումից հետո, չնա-
յած գոյություն ունեցող քաղաքիվ դժվա-
րություններին, որոշակի քայլեր կատարվե-
ցին նաև մշակույթը զարգացնելու ուղղու-
թյամբ:

Նախ և առաջ միջոցառումներ ձեռնարկ-
վեցին *դպրոցական համակարգը* վերա-
կանգնելու և ազգային նոր դպրոց ստեղծե-
լու համար: Թուրքական զորքերի հեռանա-
լուց հետո աստիճանաբար ռազմական
կազմակերպությունների, հիվանդանոցնե-
րի ու որբանոցների ձեռքում գտնվող դպրո-
ցական շինություններն սկսեցին վերա-
դարձվել կրթական համակարգին:

Պետությունն իր վրա վերցրեց կրթու-
թյան կազմակերպման գործը: Հայաստանի
խորհրդում ստեղծվեց դպրոցական հանձ-
նաժողով, որի ջանքերով խորհրդարանը
1918 թ. *սեպտեմբերին* ընդունեց «*Դպրո-
ցի կառավարման մասին*» օրենք: Դրա
համաձայն՝ հանրապետության տարած-
քում գործող նախկին պետական, եկեղեցա-
կան-ծխական և այլ տիպի դպրոցներն
ազատ գործելու հնարավորություն ստա-
ցան, և հիմք դրվեց դպրոցների կառավար-
ման հանրային սկզբունքին:

Սակայն հետագայում էլ եղան ղեպքեր,
երբ դպրոցական շենքերը բռնագրավվում

էին գաղթականության կարիքների համար: Միաժամանակ կրթական հաստատությունների քնականոն գործունեությանը խանգարում էին համաճարակային տարածված հիվանդությունները:

Դպրոցական համակարգը երկաստիճան էր՝ տարրական և միջնակարգ: 1919 թ. վերջին հանրապետությունում գործում էր 450 տարրական դպրոց՝ 1 000-ից ավելի ուսուցիչներով ու 41 հազար աշակերտներով, և 20 միջնակարգ դպրոց՝ շուրջ 300 ուսուցիչներով ու 5 200 աշակերտներով:

Այս շրջանում դպրոցական կրթության կազմակերպման գործում անուրանալի դեր խաղացին Հանրային կրթության և արվեստի նախարար *Նիկոլ Աղբալյանը* և նշանավոր մանկավարժ *Գուրգեն Էդիկյանը*:

Այնուամենայնիվ, կային որոշակի դժվարություններ: Դպրոց էր հաճախում համապատասխան տարիքի երեխաների մեկ քառորդը: Նախատեսվում էր 1920-1921 ուսումնական տարում մտցնել պարտադիր տարրական կրթություն և բացել 1 500 տարրական դպրոց: Սակայն քաղաքական անկայաստ զարգացումների պատճառով դա տեղի չունեցավ:

Պետական դպրոցներում ուսումնական գործն ազգայնացված էր: Ռուսերենը դասվում էր օտար լեզուների շարքին: Զգացվում էր դպրոցական դասագրքերի կարիք: Պակասը լրացվում էր Թիֆլիսի հայկական դպրոցների օգնությամբ:

Հիմնվեցին նաև մասնագիտացված դպրոցներ: Նոր Բայազետում և Դիլիջանում բացվեցին գյուղատնտեսական դպրոցներ, իսկ Ալեքսանդրապոլում՝ տեխնիկական միջնակարգ դպրոց: Նախատեսվում էր Երևանում ևս բացել տեխնիկական դպրոց և միջնակարգ բժշկական վարժարան, երաժշտական միջնակարգ դպրոց՝ հետագայում այն կոնսերվատորիա դարձնելու նպատակով: Օրակարգում էր Երևանի առաջին պետական թատրոնի ստեղծումը:

Կառավարության ջանքերով տարբեր գավառներում՝ Երևանում, Կարսում, Լոռիում, Փամբակում և այլուր, բացվում էին դպրոցներ ազգային փոքրամասնությունների՝ թուրք-ադրբեջանցիների, ռուսների և հույների համար: Միևնույն ժամանակ անապահով վիճակում էին հարևան հանրապետություններում՝ Վրաստանում և Ադրբեջանում գտնվող հայկական դպրոցները: Միայն Վրաստանում գործում էր 80 հայկական դպրոց: Հայաստանի կառավարության ջանքերով հիմնականում պահպանվեցին այդ երկրներում գործող հայկական դպրոցները:

Ուսուցչական կադրեր պատրաստելու նպատակով 1919 թ. սեպտեմբերին բացվեց ուսուցչական սեմինարիա: Երևանում, Ալեքսանդրապոլում, Նոր Բայազետում կազմակերպվեցին կարճատև մանկավարժական դասընթացներ: Նկատելիորեն ավելացավ մանկավարժների թիվը:

Հայաստանի մշակութային կյանքում կարևոր իրադարձություն էր *համալսարանի* հիմնումը, որի մասին որոշում ընդունվեց 1919 թ. մայիսի 16-ին: Համալսարանի հանդիսավոր բացումը կատարվեց 1920 թ. հունվարի 31-ին՝ *Ալեքսանդրապոլում*, որտեղ էլ կայացան առաջին կիսամյակի պարապմունքները: Սկզբում գործում էր միայն պատմալեզվաբանական բաժանմունքը՝ 261 ուսանողով և ունկնդրով: 1920 թ. հունիսին համալսարանը փոխադրվեց Երևան: Նախատեսվում էր բացել նաև իրավաբանական և բժշկական բաժանմունքներ:

1919 թ. համալսարանի առաջին տեսուչ էր հաստատվել պրոֆեսոր *Յու. Ղամբարյանը*, իսկ 1920 թ. համալսարանի աշխատանքները ղեկավարում էր *Դ. Զավթյանը*:

Համալսարանը Հայաստանի ազգային կադրերի պատրաստման դարբնոցն էր: Նրա հիմքի վրա հետագայում կազմավորվեց հանրապետության բարձրագույն կրթության համակարգը:

Աշխատանք կատարվեց նաև թանգա-

րանային և գրադարանային համակարգը կազմակերպելու նպատակով: 1919 թ. հուլիսի 4-ին նախարարների խորհուրդն օրենք ընդունեց պետական հանրային **մաթեմատիկական** (գրադարան) հիմնելու մասին:

Հնագիտական հուշարձանների պահպանության և գիտական ուսումնասիրության նպատակով ձանաչված գիտնականների ու ճարտարապետների մասնակցությամբ 1919 թ. հուլիսին ստեղծվեց **Հնությունների պաշտպանության կոմիտե**: Ճարտարապետ Թ. Թորամանյանը 1920 թ. օգոստոսից վերսկսեց Անիի ավերակների ընդհատված պեղումները: Իսկ 1920 թ. հուլիսին կազմակերպվեց գիտական մեծ արշավախումբ՝ Հայաստանի հնագիտական քարտեզ կազմելու նպատակով:

1919 թ. որոշում ընդունվեց գործող Հայոց ազգագրական ընկերության՝ Թիֆլիսում ունեցած գույքի հիման վրա Երևանում հիմնել **Ազգագրական-մարդաբանական թանգարան**: Ճանաչված նկարիչներ Գ. Բաշինջաղյանի, Մ. Սարյանի, Ե. Թադևոսյանի և այլոց մասնակցությամբ 1919 թ. մայիսին Երևանում բացվեց հայ արվեստագետների ցուցահանդեսը: Ընդհանրապես հայ ժողովրդի բազմադարյան հարուստ նյութական արժեքները հավաքելու, պահպանելու և ցուցադրելու նպատակով 1919 թ. սեպտեմբերին կազմակերպվեց պե-

տական թանգարան (ներկայիս Հայաստանի պատմության թանգարանը):

Հայաստանի անկախության հռչակումը ողջունեցին նաև հայ գրողները: Նրանցից շատերը՝ Ավ. Ահարոնյան, Ն. Աղբալյան, Լ. Շանթ, Վրթ. Փափագյան և ուրիշներ, անմիջական մասնակցություն ունեցան ազգային պետական շինարարության գործին:

Գրական կյանքում առաջին խոշոր իրադարձությունը 1919 թ. մարտին խորհրդարանի դահլիճում ամենայն հայոց բանաստեղծ Հովհ. Թումանյանի ծննդյան 50-ամյա հոբելյանի նշումն էր: Իսկ 1919 թ. հուլիսի 4-ին գրողների նախաձեռնությամբ գումարվեց Հայաստանի գրական ընկերության հիմնադիր ժողովը, որտեղ Ն. Աղբալյանի գլխավորությամբ ընտրվեց վարչություն:

Նորընտիր գրական ընկերությունը կազմակերպեց Մեծ եղեռնին զոհ դարձած արևմտահայ գրողների հիշատակին, ինչպես նաև երիտասարդ գրող Եղիշե Չարենցին նվիրված երեկոներ:

Այսպիսով՝ Հայաստանի առաջին հանրապետությունում մշակութային կյանքը աշխուժանում էր: Գաղթօջախներից մայր հայրենիք վերադարձան մշակույթի բազմաթիվ գործիչներ, որոնք խորհրդային շրջանում համաշխարհային ճանաչում ձեռք բերեցին:

Հարցեր և առաջադրանքներ

1. Կրթական կյանքի աշխուժացման ուղղությամբ ինչ քայլեր ձեռնարկեց ՀՀ կառավարությունը: Ներկայացրե՞ք Առաջին հանրապետության կրթական համակարգը: Դպրոցները մանկավարժական կադրերով ապահովվելու նպատակով ինչ քայլեր ձեռնարկվեցին: Ներկայացրե՞ք համալսարանի ստեղծման պատմությունը: Ովքեր էին աչքի ընկնում կրթության կազմակերպման գործում:
2. Թանգարանային և գրադարանային համակարգը կազմակերպելու նպատակով ինչ քայլեր ձեռնարկվեցին: Հիմնավորե՞ք կրթամշակութային կյանքում ՀՀ-ի իրականացրած ձեռնարկումների անհրաժեշտությունը:

ԳԼՈՒԽ 2. ՀԱՆՐԱՊԵՏՈՒԹՅԱՆ ՄԻՋԱԶԳԱՅԻՆ ԴՐՈՒԹՅՈՒՆԸ: ՀԱՅԿԱԿԱՆ ՀԱՐՅԸ

§ 1-2. ՀԱՆՐԱՊԵՏՈՒԹՅԱՆ ԱՐՏԱՔԻՆ ԿԱՊԵՐԸ ԵՎ ՀԱՐԱՔԵՐՈՒԹՅՈՒՆՆԵՐԸ

Հարաբերությունները Քառյակ միության երկրների հետ: Նորանկախ հայկական պետության առաջնահերթ խնդիրներից էր միջազգային ճանաչման հասնելը: ՀՀ դիվանագիտական առաջին փաստաթուղթը 1918 թ. հունիսի 4-ի Բաթումի պայմանագիրն էր, ըստ որի՝ Հայաստանը չէր կարող դիվանագիտական կապեր ունենալ այն պետությունների հետ, որոնք պատերազմական վիճակում էին Օսմանյան կայսրության հետ:

Անդրկովկասյան հանրապետությունների և Թուրքիայի միջև Բաթումում կնքված պայմանագրերը և դրանք վերանայելու հարցը քննարկման լուրջ առարկա էին դարձել Գերմանիայում ու Ավստրո-Հունգարիայում: Այդ երկրների կառավարությունների համար անընդունելի էր, որ դրանք կնքվել են առանց իրենց մասնակցության: Անդրկովկասի տիրանալու Թուրքիայի ձգտումը հակասում էր պատերազմում նրա դաշնակիցների, հատկապես Գերմանիայի ծրագրերին, որը ցանկանում էր երկրամասը պահել սեփական ազդեցության ոլորտում: Ուստի նախատեսվում էր Թուրքիայի և անդրկովկասյան հանրապետությունների միջև սահմանի հարցը վերաքննարկել 4. Պոլսում հրավիրվելիք նոր կոնֆերանսում:

Բաթումի հաշտության պայմանագրի՝ Հայաստանի համար ծանր պայմանները վերանայելու նպատակով հունիսին Թուրքիայի մայրաքաղաք 4. Պոլիս մեկնեց Հայաստանի Հանրապետության դիվանագիտական առաքելությունը՝ Ավետիս Ահարոնյանի գլխավորությամբ: Բեռլինում և Վիեննայում էր հայկական մեկ այլ պատվիրակություն՝ Համո Օհանջանյանի գլխավորու-

թյամբ: Հայոց ազգային խորհրդի կողմից կազմված հայկական երկու պատվիրակությունները շուտով հանդես եկան Հայաստանի կառավարության անունից՝ գործելով համախորհուրդ: Նոր կոնֆերանս այդպես էլ չհրավիրվեց:

Գլխավագիտական կապերի հաստատումը: Սկզբնական շրջանում Հայաստանի Հանրապետության արտաքին հարաբերությունները սահմանափակվում էին Քառյակ միության երկրների (Գերմանիա, Թուրքիա, Ավստրո-Հունգարիա, Բուլղարիա) և անմիջական հարևանների շրջանակներով:

1918 թ. հոկտեմբերի 30-ին ստորագրված Մուդրոսի զինադադարը ազդարարեց Քառյակ միության, այդ թվում Թուրքիայի պարտությունը Առաջին աշխարհամարտում, ուժը կորցրեցին Բաթումի և Բրեստ-Լիտովսկի պայմանագրերը: Հայաստանի Հանրապետությունը՝ որպես պատերազմում հաղթանակած Անտանտի դաշնակից, սկսեց վարել ավելի համարձակ արտաքին քաղաքականություն՝ փորձելով ամրապնդել երկրի միջազգային դիրքերը:

4. Պոլսում գտնվող ՀՀ պատվիրակությունը 1918 թ. նոյեմբերին վերադարձավ Հայաստան: Թուրքիայում ՀՀ ժամանակավոր ներկայացուցիչ նշանակվեց **Ֆ. Թախթաջյանը:** Իսկ Հ. Օհանջանյանի պատվիրակությունը գործուղվեց Շվեյցարիա՝ Անտանտի երկրների հետ կապեր հաստատելու և Հայկական հարցի քննարկումները շարունակելու համար:

1919 թ. փետրվարից Փարիզում, Լոնդոնում և եվրոպական այլ մայրաքաղաքներում դիվանագիտական աշխույժ գործունեություն էր ծավալել Ա. Ահարոնյանի գլխավորած ՀՀ պատվիրակությունը: Կարճ ժա-

մանակում դիվանագիտական ներկայացուցչություններ ու հյուպատոսություններ հիմնվեցին աշխարհի 40-ից ավելի պետությունների մայրաքաղաքներում՝ Փարիզում, Լոնդոնում, Հռոմում, Բեռլինում, Վաշինգտոնում, Տոկիոյում, Աթենքում, Կ. Պոլսում, Կահիրեում, Թեհրանում և այլուր: ԱՄՆ-ում Հայաստանի դեսպանն էր *Արմեն Գարոն* (Գարեգին Փաստրմաճյան), Հռոմում՝ *Միքայել Վարսանյանը*, իսկ Տոկիոյում՝ առաջին հայ կին դիվանագետ *Անահիդ Աբգարյանը* (Դիանա Աբգար): Երևանում հաստատվեցին Անգլիայի, Ֆրանսիայի, Իտալիայի, Իրանի և այլ երկրների դիվանագիտական ներկայացուցչություններ:

1918 թ. հոկտեմբերին դիվանագիտական հարաբերություններ հաստատվեցին Ուկրաինայի Կենտրոնական ռադայի կառավարության հետ: Կիևում հիմնվեց Հայաստանի դիվանագիտական ներկայացուցչություն:

ՀՀ դիվանագիտական գործունեության մեջ կարևորվում էր հատկապես Ռուսաստանի հետ հարաբերությունների հարցը: Այնտեղ ընթացող քաղաքացիական պատերազմի հետևանքով երկրի հարավում ու արևելքում առաջացել էին ոչ խորհրդային պետական կազմավորումներ: Վերջիններիս հետ հաստատվեցին բարեկամական սերտ հարաբերություններ: Սակայն խորհրդային Ռուսաստանի բոլշևիկյան կառավարությունը չէր շտապում ձանաչելու Հայաստանի անկախությունը:

1919 թ. ամռանը ծովակալ Ա. Կոլչակի գլխավորած՝ Սիբիրի կառավարությանը կից հիմնվեց Հայաստանի դիվանագիտական ներկայացուցչություն: Առավել սերտ էին Հայաստանի հարաբերությունները գեներալ Ա. Դենիկինի գլխավորած՝ Ռուսաստանի հարավի պետական կազմավորումների հետ: Այստեղ, ինչպես նաև Հյուսիսային Կովկասում հանգրվանել էին ցեղասպանությունից փրկված 100 հազարից

ավելի հայ գաղթականներ, որոնց օգնելու խնդիրը խիստ հրատապ էր: Դոնում և Կուբանում Հայաստանի դիվանագիտական ներկայացուցիչն էր *Սիմոն Վրացյանը*, իսկ Հայաստանում Դենիկինի զինվորական ներկայացուցիչն էր գնդապետ *Մ. Ջինկիչը*:

ՀՀ արտաքին քաղաքականության կարևոր խնդիրներից էր հարաբերությունների կարգավորումն անմիջական հարևանների հետ: Պատմականորեն ձևավորված և ցարական տիրապետության ժամանակներից ժառանգություն մնացած ազգային, տարածքային-սահմանային և այլ վեճերի պատճառով փոխադարձ անվստահություն կար Թուրքիայի, Ադրբեջանի և Վրաստանի հետ հարաբերություններում:

Ի տարբերություն վերջինների՝ բարեկամական սերտ հարաբերություններ հաստատվեցին Հայաստանի ու Իրանի միջև: Թեհրանում հիմնված ՀՀ դիվանագիտական ներկայացուցչությունը գլխավորում էր խորհրդարանի պատգամավոր իշխան *Հովսեփ Արղությանը*, իսկ Իրանի՝ Երևանում հաստատված հյուպատոսությունը՝ Ասադուլլա խանը:

Այսպիսով՝ Հայաստանի Հանրապետությունը հասավ միջազգային ճանաչման և դիվանագիտական հարաբերություններ հաստատեց մի շարք երկրների հետ:

Տալ-վրացական հարաբերությունները
Հայաստանի անկախացումից հետո՝ 1918 թ. հուլիսի կեսերին, ՀՀ դիվանագիտական առաքելություն հիմնվեց հարևան *Վրաստանի Հանրապետությունում*: Այն ղեկավարում էր *Արշակ Ջառայանը*: Շուտով Հայաստանում իր ներկայացուցչին նշանակեց նաև վրացական կառավարությունը: Սակայն նորանկախ երկու պետությունների միջև գոյություն ունեցող սահմանային-տարածքային վեճերը խոչընդոտում էին բարեկամական սերտ հարաբերությունների հաստատմանը: Վրաստանը ձգտում էր իր կազմում պահելու Ախալքալաքի և Լոռու

հայկական գավառները, որոնք Ռուսական կայսրության վարչատարածքային ոչ արդարացի բաժանումների հետևանքով հայտնվել էին Թիֆլիսի նահանգի սահմաններում:

Հայաստանի իշխանությունները թեև ջանում էին հասնել խնդրի հանգուցալուծմանը խաղաղ, դիվանագիտական ճանապարհով, սակայն վրացական իշխանությունների որդեգրած անգիջում և հարձակողական կեցվածքի պատճառով պատերազմից խուսափել այդպես էլ չհաջողվեց: 1918 թ. հոկտեմբեր-նոյեմբեր ամիսներին Լոռուց, Ախալքալաքի և Ախալցխայի գավառներից թուրքական զորքերի հեռանալուց հետո վրացական կողմը դիմեց վճռական գործողությունների այդ շրջաններում սեփական վարչակարգը հաստատելու նպատակով: Մինչև դեկտեմբերի սկիզբը Վրաստանի զինված ուժերին հաջողվեց ռազմակալել Բորչալուի ու Ախալքալաքի գավառները և հարձակումներ ձեռնարկել Լոռու մի շարք բնակավայրերի վրա:

Երբ սպառվեցին վեճը բարեկամաբար լուծելու բոլոր հնարավորությունները, Հայաստանի իշխանությունները ստիպված եղան ձեռնարկել ռազմական պատասխան գործողություններ վրացական զինագրավումից հայկական տարածքներն ազատագրելու և հայ բնակչության անվտանգությունն ապահովելու համար: Կառավարության հրամանով հայկական բանակային զորամասերը տարբեր ուղղություններով անցան հակահարձակման և համառ մարտերից հետո մինչև դեկտեմբերի կեսերը ազատագրեցին հայկական տարածքների զգալի հատվածը, այդ թվում՝ Ախալքալաքի գավառի հարավային մասը: Զարգացնելով հաջողությունները՝ հայկական ուժերն առաջացան նաև դեպի Հյուսիսային Լոռի և հասան մինչև Բոլնիս-Խաչեն ու Շուլավեր հայկական ավանները: Դեկտեմբերի 23-ին հայերի հսկողության տակ անցավ նաև Սա-

ղախլո կայարանը: Տարածաշրջանում գտնվող Անտանտի (Անգլիայի և Ֆրանսիայի) զինվորական ներկայացուցիչների միջնորդությամբ դեկտեմբերի 31-ին կողմերի միջև հաստատվեց զինադադար:

Վրաց-հայկական կարճատև պատերազմը թեև ավարտվեց հայկական կողմի հաղթանակով, սակայն ծանր հետևանքներ ունեցավ ինչպես ամբողջ վրացահայության, այնպես էլ Հայաստանի Հանրապետության համար, որը գրկվել էր արտաքին աշխարհի հետ Վրաստանի տարածքով հաղորդակցվելու հնարավորությունից:

Երկու հարևան երկրների միջև տարածքային վեճերը կարգավորելու նպատակով 1919 թ. *հունվարի 9-17-ը Թիֆլիսում* Անտանտի ներկայացուցիչների մասնակցությամբ հրավիրվում է հայ-վրացական հաշտության կոնֆերանս: Կողմերը համաձայնվում են Լոռին հայտարարել «չեզոք գոտի», որի մեջ մտնում են Բորչալուի գավառի Ալավերդու (Թումանյան), Ուզունլարի (Օձուն) և Վորոնցովկայի (Կալինինո, այժմ՝ Տաշիր) շրջանները՝ իրենց չորս տասնյակ գյուղերով: Չեզոք գոտում սահմանվում է հատուկ կառավարում, որն իրականացվելու էր Հայաստանի և Վրաստանի լիազոր ներկայացուցիչների համատեղ ղեկավարությամբ և անգլիացի գեներալ-նահանգապետի ընդհանուր վերահսկողությամբ: Գոտում տեղակայվելու էին հայկական և վրացական զորամասեր: Ինչ վերաբերում է Զավախքին, ապա վերջինս թեև համարվում էր վիճելի տարածք, սակայն փաստորեն ամբողջությամբ մնում էր վրացական կողմի հսկողության ներքո:

Հաշտությունից հետո Հայաստանի և Վրաստանի միջև վերահաստատվեցին բնականոն միջպետական հարաբերություններ: Դեռևս փետրվարի վերջերից Թիֆլիսում իր գործունեությունը վերսկսել էր ՀՀ դիվանագիտական ներկայացուցչությունը: Շուտով վերականգնվեց երկաթուղային երթևեկությունը, աշխուժացան

առևտրատնտեսական կապերը: Տարած-
քային հարցի վերջնական լուծումը տեղա-
փոխվեց Փարիզի վեհաժողով: 1920 թ. օգոս-
տոսի 10-ի Սևրի պայմանագրի համաձայն՝
Հայաստանի սահմանները Վրաստանի,
ինչպես նաև Ադրբեջանի հետ պետք է որոշ-
վեին փոխհամաձայնեցված, հակասու-
թյունների դեպքում սահմանագիծը նշելու
էին դաշնակից տերությունները:

1920 թ. աշնանը՝ թուրք-հայկական պա-
տերազմի ժամանակ, Վրաստանի կառավա-
րության առաջարկությամբ *նոյեմբերի
13-ին Թիֆլիսում* ստորագրվեց հայ-վրա-
ցական համաձայնագիր Լոռու չեզոք գոտի
ժամանակավորապես վրացական զորքեր
մտցնելու մասին: Համաձայնագրի 2-րդ կե-
տով՝ գոտում վրացական զորքերի գտնվելու
փաստը չէր առաջացնելու այդ տարածքի
նկատմամբ վրացական կողմի որևէ նոր
իրավունք: Համաձայնագիրը կնքվում էր
3 ամիս ժամկետով: Այն լրանալուց հետո կող-
մերի համաձայնությամբ կարող էր երկա-
րաձգվել, հակառակ դեպքում կորցնելու էր
իր ուժը. զորքերը դուրս էին բերվելու, գոտում
վերականգնվելու էր նախկին դրությունը:

1920 թ. աշնան վերջին Հայաստանում
տիրող ծանր իրավիճակը, թուրք-հայկա-
կան պատերազմում նրա պարտությունը
վրացական կողմին հնարավորություն ըն-
ձեռեց պարբերաբար խախտելու համաձայ-
նագրի դրույթները: Ավելացվեց չեզոք գո-
տում տեղակայվող վրացական զորամասե-
րի թվաքանակը, դրանք մտցվեցին նաև գո-
տու սահմաններից դուրս գտնվող հայկա-
կան այլ բնակավայրեր՝ Ջալալօղլի (Ստե-
փանավան), Շահալի կայարան (Վահագ-
նի), Փամբակ և այլն: Շուտով չեզոք գոտու
կառավարումից հեռացվում է Հայաստանի
կառավարության լիազոր-ներկայացու-
ցիչը, և Լոռիում հաստատվում է վրացական
գեներալ-նահանգապետություն:

*Հայ-ադրբեջանական հարաբերու-
թյունները:* Հայաստանի անկախացումից

հետո լարված ու թշնամական բնույթ
ստացան *հայ-ադրբեջանական* հարաբե-
րությունները: Մուսավաթական Ադրբեջա-
նը, ոգևորվելով Անդրկովկասում Թուրքիա-
յի նվաճողական քաղաքականությունից,
հավակնություններ դրսևորեց Նախիջևա-
նի, Շարուր-Դարալագյազի (Վայոց Ձոր),
Ջանգեզուրի, Ղարաբաղի և հայկական այլ
տարածքների նկատմամբ: Թուրք-ադրբե-
ջանական գործակցության նպատակն էր
շրջափակման միջոցով ծնկի բերել նորան-
կախ Հայաստանի Հանրապետությունը՝
նրանից տարածքային զիջումներ կորզելու
նպատակով: Օրակարգում էր մնում նաև
համաթուրանականության ծրագիրը:

Բաթումի պայմանագրով հայկական
կողմը պետք է լուծարեր Բաքվում գտնվող
հայկական ազգային զորամասերը: Այդ
վտանգի գիտակցումը ստիպեց Բաքվի Հա-
յոց ազգային խորհրդին՝ չձանաչել հայկա-
կան զորամասերի լուծարման վերաբերյալ
Բաթումի պայմանագրի կետերը և, համա-
գործակցելով Ստեփան Շահումյանի գլխա-
վորած Բաքվի ժողովրդական կոմիսարնե-
րի իշխանության հետ, դիմել ինքնապաշտ-
պանության կազմակերպման:

Թուրքական զորքերի՝ դեպի Բաքու
ռազմարշավը սկսվեց 1918 թ. հունիսի կեսե-
րին: Սկզբնական շրջանում հայկական
ուժերին, որոնց կազմում առանձնանում էր
Համազասպի բրիգադը, հաջողվեց կա-
սեցնել թուրքական հարձակումը: Ինքնա-
պաշտպանության գործում մեծ ավանդ
ունեցան *Գրիգոր Կորգանովը*, գեներալ
Հակոբ Բազումյունին, հայտնի հայդուկ-
ներ *Սեբաստյացի Մուրադն ու Սեպուհը* և
այլք: Բաքվի մատույցներում համառ մար-
տերը վերսկսվեցին օգոստոսի սկզբներին և
շարունակվեցին մինչև սեպտեմբերի կեսե-
րը: Մարտադաշտում հերոսաբար զոհվեց
Սեբաստյացի Մուրադը: Թուրքական գե-
րակշիռ ուժերին միայն սեպտեմբերի 15-ին
հաջողվեց ներխուժել քաղաք: Հերոսական

կոիվների շնորհիվ Բաքվի 100 հազարի հասնող հայ բնակչության կեսին հաջողվեց տեղափոխվել քիչ թե շատ ապահով վայրեր: Սակայն քաղաք ներխուժած թուրքական զորքերը և թուրք-թաթարական խաժամուժը կոտորեցին շուրջ 30 հազար հայերի:

Դաժան ճակատագրի արժանացան նաև Բաքվի 26 կոմիսարները, որոնց թվում էին Ստ. Շահումյանը և Գ. Կորգանովը: Նրանք բոլորը սեպտեմբերի 20-ին գնդակահարվեցին անդրկասպյան էսեռական իշխանությունների և անգլիացիների կողմից: Բաքվի և Ելիզավետպոլի նահանգի հայկական գավառներում հայերի հալածանքների քաղաքականությունը շարունակվեց նաև հետագա տարիներին: 1918–1920 թթ. այստեղ կողոպություններ և ավերվեցին ավելի քան հինգ տասնյակ հայկական բնակավայրեր, տեղի շուրջ 50 հազար հայ բնակչությունից փրկվեց միայն 10 հազարը:

Ոգևորված թուրքական քանակի հաջողություններով՝ Ադրբեջանի կառավարությունը նոր ոտնձգությունների դիմեց *Ղարաբաղի ու Ջանգեզուրի* նկատմամբ: 1918 թ. *հուլիսի 22–26-ին Շուշիում* կայացած արցախահայության առաջին համագումարը երկրամասը հռչակեց անկախ վարչաքաղաքական միավոր և կազմեց «*Ղարաբաղի ժողովրդական կառավարությունը*»:

Քայլեր ձեռնարկվեցին նաև Սյունիքի կառավարումը և պաշտպանությունը կազմակերպելու համար: Դեռևս հուլիսի վերջին Նախիջևանից Ջանգեզուր էր տեղափոխվել զորավար Անդրանիկը: Հոկտեմբերի սկզբին նա իրեն հռչակեց երկրամասի գերագույն զինվորական հրամանատար: Գավառի վարչական իշխանությունը ժամանակավորապես իրականացնելու էր Ջանգեզուրի հայկական ազգային խորհուրդը: Վերջինս 1919 թ. սկզբին վերակազմվեց որպես «*Ջանգեզուր-Ղարաբաղի մարզային խորհուրդ*» և գործելու էր Հայաստանի Հանրապետության անունից: Որպես մարզային խորհրդի

ներկայացուցիչ՝ մարտին Գորիս ժամանեց կապիտան *Արսեն Շահնազյանը* և ստանձնեց գեներալ-կոմիսարի պաշտոնը: 1919 թ. նոյեմբերին նրան փոխարինեց *Սերգեյ Մելիք-Յուլյանը*:

Մուդրոսի զինադադարից հետո տարածաշրջանում ամրապնդվեցին Անտանտի, մասնավորապես Անգլիայի դիրքերը: Գեներալ Թոմսոնը 1918 թ. նոյեմբերի կեսերին դարձավ Բաքվի գեներալ-նահանգապետ: Շուտով բացահայտվեց Անգլիայի ադրբեջանամետ քաղաքականությունը՝ պայմանավորված Բաքվի նավթի գործունով: Թոմսոնի պահանջով նախ կասեցվեց արցախահայությանն օգնության շտապող Անդրանիկի զորախմբի առաջխաղացումը դեպի Շուշի, իսկ 1919 թ. հունվարին Բրիտանական զինվորական ներկայացուցչությունը Ղարաբաղի և Ջանգեզուրի ժամանակավոր գեներալ-նահանգապետ նշանակեց իր հայապաշտությամբ հայտնի *Խուրով բեկ Սուրբանովին*: Սակայն արցախահայությունը շարունակեց զինված պայքարն իր ազատության համար:

Շարուր-Նախիջևանի հարցում անգլիական զինվորական ներկայացուցչությունն այլ մոտեցում դրսևորեց: Որոշվեց այդ տարածքը հանձնել Հայաստանի Հանրապետությանը: 1919 թ. մայիսի 3-ին անգլիացի գեներալ Դեյն և Դրոն ստորագրեցին համապատասխան հրաման: Սկսվեց հայ գաղթականության վերադարձը հայրենի օջախները: Սակայն Հայաստանի իշխանությունների նկատմամբ թշնամաբար տրամադրված մուսուլմանական բնակչությունը Ադրբեջանի և Թուրքիայի հովանավորությամբ ցուցաբերեց անհնազանդություն և շուտով դիմեց ապստամբության: Շարուր-Նախիջևանի երկրամասի հայությունը ենթարկվեց կոտորածների: 1919 թ. վերջին բնաջնջվեցին Գողթան գավառի Վերին և Ներքին Ագուլիս գյուղերը: Նախիջևանի կորուստով Հայաստանի Հանրա-



Գարեգին Նժդեհ

պետությունը գրկվում էր Երևան-Ջուլֆա երկաթգծով հարևան Իրանի հետ կապից, խոցելի էին դառնում Զանգեզուրի արևմտյան սահմանները:

1919 թ. վերջին և 1920 թ. սկզբին հայ-ադրբեջանական կռիվները բորբոքվեցին նոր թափով: Զանգեզուրի ինքնապաշտպանությունն ամրապնդելու նպատակով 1919 թ. հոկտեմբերին այստեղ ժամանեց ռազմական և քաղաքական հմուտ գործիչ **Գարեգին Նժդեհը**: Նրան շուտով հաջողվեց բարձրացնել զանգեզուրցիների ոգին, իսկ երկրամասը վերածել ամուր պաշտպանական ամրոցի: 1920 թ. ապրիլի սկզբին Նժդեհի ուժերը Որոտանի կիրճում ջախջախիչ պարտության մատնեցին Կապանը գրավել ձգտող Նուրի փաշայի զորքերին:

Լարված էր մնում իրավիճակը նաև Արցախում: 1920 թ. մարտի 20-ին ադրբեջանական բանակը և տեղի մուսուլմանների զինված խմբերը դիմեցին լայնածավալ հարձակման: Հայկական զինված կազմավորումները հուժկու հակահարված տվեցին թշնամուն և ստիպեցին նահանջել: Ծանր պարտության վրեժը թուրք-ադրբեջանցի

հրոսակները լուծեցին Շուշիի ու շրջակա հայկական գյուղերի անգնն բնակչությունից: Արյունարբու Սուլթանովի հրահանգով նրանք մարտի 23-ին միայն Շուշիում գազանաբար կոտորեցին շուրջ 8 հազար հայերի և հրկիզեցին քաղաքի հայկական թաղամասերը:

1920 թ. ապրիլին արցախահայերը դիմեցին զենքի: Ապրիլի կեսերին Զանգեզուրից Դրոյի և Նժդեհի ջոկատները մտան Արցախ: Լեռնային Ղարաբաղն ազատագրվեց թուրք-ադրբեջանական զորքերից: Արցախահայության՝ **ապրիլի 25-ին կայացած 9-րդ համագումարը** երկրամասը հռչակեց Հայաստանի Հանրապետության անբաժանելի մասը:

Իրադրությունն ամբողջ Անդրկովկասում կտրուկ փոխվեց 1920 թ. ապրիլի վերջին՝ Ադրբեջանի խորհրդայնացումով: Դրանից անմիջապես հետո Խորհրդային Ռուսաստանը պաշտպանության տակ վերցրեց Ադրբեջանին և Հայաստանից պահանջեց անհապաղ դուրս բերել իր զորամասերը Ղարաբաղից և Զանգեզուրից:

1920 թ. մայիս-օգոստոսին խորհրդային զորքերի կողմից Ղարաբաղի, Զանգեզուրի և Նախիջևանի զինագրավմամբ հայկական երկրամասերի խնդիրը տեղափոխվեց հայ-ռուս-ադրբեջանական հարաբերությունների և հակամարտության ոլորտը: Ադրբեջանցի բոլշևիկները, սերտորեն համագործակցելով քեմալական թուրքերի հետ, Ռուսաստանից պարբերաբար պահանջում էին նշված տարածքները փոխանցել Խորհրդային Ադրբեջանին:

Զանգեզուրում Հայաստանի և խորհրդային զինված ուժերի միջև տեղի ունեցած զինված բախումներում հակառակորդը լուրջ անհաջողություններ կրեց: Գորիսից պարտադրված նահանջից առաջ՝ օգոստոսի 2-ի գիշերը, բոլշևիկները տեղում գնդակահարեցին մի խումբ զինվորական և քաղաքական հայ գործիչների, այդ թվում՝ Հա-

յաստանի խորհրդարանի պատգամավորներ Արշակ Շիրինյանին և Վահան Խորենուն:

Ռուսաստանի Սոցիալիստական Դաշնային Խորհրդային Հանրապետության (ՌՍԴԽՀ) կառավարության և Հայաստանի Հանրապետության միջև 1920 թ. *օգոստոսի 10-ին Թիֆլիսում* ստորագրված համաձայնագրով կողմերի միջև ռազմական գործողությունները դադարեցվում էին, իսկ Ղարաբաղը, Զանգեզուրն ու Նախիջևանը հայտարարվում էին «վիճելի տարածքներ»: Խորհրդային ուժերի հարձակումները և գործադրվող բռնությունները, սակայն, Զանգեզուրում չդադարեցին: 1920 թ. սեպտեմբեր-հոկտեմբեր ամիսներին երկրամասի մի շարք գյուղերում, ինչպես նաև Կապանում և Սիսիանում *Պողոս Տեր-Դավթյանի* գլխավորությամբ բռնկվեցին հակախորհրդային նոր ապստամբություններ: Գարեգին Նժդեհը, որը հուլիսի սկզբին բոլշևիկների՝ Գորիս ներխուժելուց հետո վերջիններիս հետ մղած երկամսյա կռիվնե-

րից հետո ստիպված էր իր փոքրաթիվ ուժերով քաշվել *Խուսափուկ լեռը*, հոկտեմբերի կեսերին գլխավորեց համազանգեզուրյան ապստամբությունը: *Նոյեմբերի 14-ին* Նժդեհը վերջնագիր ներկայացրեց Կարմիր բանակի հրամանատարությանը՝ պահանջելով դադարեցնել բռնությունները և հեռանալ Զանգեզուրից: Ապստամբներին ճնշելու կարմիրբանակայինների վերջին փորձերը հաջողություն չունեցան, *նոյեմբերի 21-ին* ապստամբները ազատագրեցին *Գորիս կենտրոնը*: Հայաստանի խորհրդայնացման նախօրեին կարմիր զորքերից ազատագրվեց ամբողջ Զանգեզուրը: Երկրամասը կառավարելու համար Գ. Նժդեհի անմիջական ղեկավարությամբ ստեղծվեց Զանգեզուրի գյուղացիության ժամանակավոր խորհուրդ:

1920 թ. աշնան վերջին Հայաստանի խորհրդայնացումով Արցախի, Զանգեզուրի և Շարուր-Նախիջևանի հիմնախնդիրը հայտնվեց նոր իրադրության մեջ:

Հարցեր և աստղադրանքներ

1. Որո՞նք էին ՀՀ ձեռնարկած առաջին դիվանագիտական քայլերը: Ո՞ր երկրների և կառավարությունների հետ դիվանագիտական հարաբերություններ ուներ ՀՀ-ն: Ժամանակաշրջանի նշանավոր ինչ հայ դիվանագետների կարող եք ներկայացնել:
2. Ինչո՞ւ սրվեցին հայ-վրացական հարաբերությունները 1918 թ. վերջին: Ինչ լուծում ստացավ հայ-վրացական հակամարտությունը: Ներկայացրե՞ք հայ-վրացական հարաբերությունները 1920 թ. ընթացքում:
3. Որո՞նք էին հայ-ադրբեջանական լարված հարաբերությունների պատճառները: Վերհանք հայկական զորքի խաղացած դերը Բաքվի 1918 թ. հերոսական պաշտպանության ժամանակ: Ինչպե՞ս զարգացան իրադարձություններն Արցախի և Զանգեզուրի համար պայքարում: Ինչո՞ւ Անդրանիկին չհաջողվեց իր գործառնալով մտնել Արցախ: Ինչ ընթացք ստացավ հայ-ադրբեջանական հակամարտությունը Ադրբեջանի խորհրդայնացումից հետո: Ո՞ր համաձայնագրով դադարեցին ռազմական գործողությունները Խորհրդային Ռուսաստանի և ՀՀ գիևված ուժերի միջև: Գնահատե՞ք Նժդեհի դերը Զանգեզուրի ինքնապաշտպանության գործում:

§ 3. ՀԱՅԿԱԿԱՆ ՀԱՐՅԸ ՓԱՐԻԶԻ ԽԱՂԱՂՈՒԹՅԱՆ ԽՈՐՀՐԴԱԺՈՂՈՎՈՒՄ: ՍԵՎՐԻ ՊԱՅՄԱՆԱԳԻՐԸ

Հայկական պատվիրակությունների գործունեությունը Փարիզի խորհրդածողությունում: Առաջին աշխարհամարտի արդյունքները ամփոփելու, պարտված երկրների հետ հաշտության պայմանագրեր կնքելու նպատակով 1919 թ. հունվարի 18-ին Փարիզում սկսվեց դաշնակից տերությունների խաղաղության խորհրդածողովը: Հայկական հարցը սերտորեն առնչվում էր պատերազմում պարտված Թուրքիայի հետ պայմանագրի մշակման խնդրին: Նախատեսվում էր թուրքական տիրապետությանը ենթակա մի շարք տարածքներ, այդ թվում Հայաստանը (ներառյալ Կիլիկիան) անջատել կայսրությունից և դնել առանձին պետությունների հովանավորության (մանդատի) ներքո:

Հայաստանի Հանրապետության կառավարությունը և արևմտահայերն իրենց պատվիրակություններն ուղարկեցին Փարիզ: Հայությունը հույս ուներ, որ իր կրած ծանր տառապանքները և միաժամանակ ավանդը դաշնակիցների տարած հաղթանակում պետք է գնահատվի, իսկ Հայկական հարցը՝ ստանա արդարացի լուծում: Հայաստանի պատվիրակությունը գլխավորում էր Ավետիս Ահարոնյանը: Արևմտահայերի շահերը ներկայացնող Հայոց ազգային պատվիրակությունը ղեկավարում էր եգիպտահայ մեծահարուստ Պողոս Նուբար փաշան:

Հայկական երկու պատվիրակությունները Փարիզում լայն գործունեություն ծավալեցին: Թեև դրանք տարբեր մոտեցումներ ունեին ինչպես ապագա Հայաստանի տարածքների, այնպես էլ Հայաստանի կառավարության վերաբերյալ, այնուհանդերձ 1919 թ. փետրվարի 12-ին Փարիզում ստորագրեցին հայկական պահանջների համատեղ հուշագիր, որը Միացյալ Հայաստանի քարտեզով փետրվարի 25-ին ներկայացվեց

խաղաղության խորհրդածողովի Տասի խորհրդին: Հուշագրում պահանջվում էր ճանաչել Միացյալ Հայկական անկախ պետությունը, որը ներառելու էր Արևմտյան Հայաստանի յոթ վիլայեթները (Վան, Բիթլիս, Դիարբեքիր, Խարբերդ, Սեբաստիա, Էրզրում և Տրապիզոն), Կիլիկիայի չորս սանջակները, ինչպես նաև Հայաստանի Հանրապետությունը՝ ընդլայնված սահմաններով: Առաջարկվում էր առնվազն 20 տարով դաշնակից պետություններից մեկին հանձնել Հայաստանի հովանավորության մանդատը: Պահանջվում էր նաև պատժի ենթարկել հայկական ջարդերի կազմակերպիչներին, պարտավորեցնել Թուրքիային փոխհատուցելու հայերի կրած վնասները և այլն:

Միացյալ և անկախ Հայաստանի հռչակումը: Փարիզի խորհրդածողովում հայկական պատվիրակությունների գործունեության ընթացքում ի հայտ եկած հակասությունները հարթելու, ինչպես նաև միջազգային դիվանագիտության առջև միասնաբար հանդես գալու անհրաժեշտությունը հրամայական էր դարձնում միացյալ Հայաստանի հռչակումը: Դրան էր ձգտում թե՛ արևմտահայությունը և թե՛ արևելահայությունը:

1919 թ. փետրվարի 6-13-ը Երևանում հրավիրված Արևմտահայերի 2-րդ համագումարը, որին մասնակցում էին նաև կառավարության անդամներ, բանաձև էր ընդունել միացյալ և ազատ Հայաստան հռչակելու անհրաժեշտության մասին: Համագումարում ընտրված Արևմտահայ գործադիր մարմինը, առաջնորդվելով «Մեկ ազգ, մեկ հայրենիք» կարգախոսով, դիմեց «Արարատյան Հանրապետության» կառավարությանը՝ որոշումը կյանքում իրագործելու համար:

«Ամբողջական Հայաստանի անկախության» մասին հայտարարություն ընդունվեց նաև Պողոս Նուբարի նախաձեռնությամբ



Հայաստանի Հանրապետության պատվիրակությունը Ավետիս Ահարոնյանի գլխավորությամբ

1919 թ. փետրվարի 24-ից ապրիլի 22-ը Փարիզում հրավիրված **Հայոց ազգային համագումարում**՝ Վերջինիս աշխատանքներին մասնակցում էին աշխարհի տարբեր երկրների (ԱՄՆ, Անգլիա, Ֆրանսիա, Իտալիա, Եգիպտոս, Իրան և այլն), ինչպես նաև Կովկասում ապաստանած արևմտահայ գաղթականների ներկայացուցիչները:

1919 թ. ապրիլի 26-ին Հայաստանի Հանրապետության խորհրդարանը հավանության արժանացրեց միացյալ Հայաստանի գաղափարը: Մեկ ամիս անց՝ **1919 թ. մայիսի 28-ին**՝ Հայաստանի անկախության հռչակման առաջին տարեդարձի օրը, հանրապետության կառավարությունը ստորագրեց և հանդիսավոր պայմաններում հռչակեց **«Միացյալ Հայաստանի անկախության հռչակագրի ակտը»**: Պատմական այդ փաստաթղթում մասնավորապես նշվում էր. **«Հայաստանի կառավարությունը, համաձայն բովանդակ հայ ժողովրդի միահամուռ կամքի և ցանկության, հայրադարում է, որ այսօրվանից Հայաստանի բաժան-բաժան մասերը մշտնջենապես միացած են իբրև անկախ պետական միություն»**:

Միացյալ Հայաստանի հայտարարագիրը կյանքում թեև չիրագործվեց, սակայն վճռական քայլ էր ձևակառուցողական բերումով միմյանցից բաժանված հայության երկու

հատվածների մերձեցման համար: Այն ունեցավ նաև արտաքին քաղաքական կարևոր նշանակություն:

Հայկական հարցը Սան Ռեմոյի կոնֆերանսում: Հայկական հարցի նկատմամբ հետաքրքրություն հանդես բերեց հատկապես ԱՄՆ-ի կառավարությունը: 1919 թ. սեպտեմբերին տարածաշրջան գործուղվեց մի պատվիրակություն՝ ամերիկացի գեներալ Ջեյմս Հարբորդի գլխավորությամբ: Սեպտեմբեր-հոկտեմբեր ամիսներին պատվիրակությունը շրջագայեց Փոքր Ասիայում և Անդրկովկասում, եղավ նաև Երևանում ու Էջմիածնում, որտեղ հանդիպում ունեցավ կաթողիկոս Գեորգ Ե-ի հետ: Հարբորդի առաքելության ծավալուն գեկուցագրում, որը 1919 թ. հոկտեմբերին ներկայացվեց ԱՄՆ պետդեպարտամենտ (արտաքին գործերի նախարարություն) և Մենատ, առաջարկվում էր Հայաստանի և Անդրկովկասի համար սահմանել մեկ ընդհանուր ամերիկյան մանդատ:

1920 թ. հունվարի 19-ին Փարիզում ԱՄՆ-ի, Մեծ Բրիտանիայի, Ֆրանսիայի, Իտալիայի և Ճապոնիայի ղեկավարների նիստը փաստացի (ղեժակտո) ձանաչեց Հայաստանի կառավարությունը՝ պայմանով, որ ձանաչումը չի կանխորոշում հայկական պետության ապագա սահմանների հարցը: Այդ սպասված իրադարձությունը Երևանում տոնվեց մեծ հանդիսավորությամբ և նշվեց 101 թնդանոթային համազարկով:

1920 թ. ապրիլի 19-26-ը Իտալիայի Սան Ռեմո քաղաքում տեղությունների Գերագույն խորհրդի խորհրդաժողովում վերջնականապես մշակվեց Թուրքիայի հետ հաշտության պայմանագրի նախագիծը: Սան Ռեմո էին հրավիրվել Ա. Ահարոնյանը և Պ. Նուբարը: Խորհրդաժողովը հավանություն տվեց միացյալ հայկական պետության ստեղծմանը: Դաշնակիցները, սակայն, հարցը շարունակում էին կապել ԱՄՆ-ի կողմից Հայաստանի մանդատը



Հայկական երկու պատվիրակությունները

ստանձնելու խնդրի հետ, ուստի նման առաջարկով դիմեցին ԱՄՆ-ի կառավարությանը և նախագահ Վուդրո Վիլսոնին: Վերջինիս առաջարկվում էր «որպես անկախ և անաչառ» իրավարար որոշել հայ-թուրքական սահմանի հարցը: 1920 թ. ապրիլի 23-ին ԱՄՆ-ի կառավարությունը փաստացի ճանաչեց Հայաստանի Հանրապետությունը, իսկ նախագահ Վիլսոնը համաձայնվեց ստանձնելու Հայաստանի սահմանները որոշելու իրավարարի առաքելությունը:

Ճանաչումից անմիջապես հետո Սան Ռեմոյի խորհրդաժողովը վերջնականապես հավանություն տվեց Թուրքիայի հետ կնքվելիք հաշտության պայմանագրի նախագծին, որով նպաստավոր ընթացք էր տրվում Հայկական հարցին:


Հայաստանի մանդատը ստանձնելու և այնտեղ ամերիկյան զորքեր ուղարկելու խնդրի շուրջ ԱՄՆ-ում թեժ քննարկումներ ծավալվեցին 1920 թ. մայիսի վերջերից, երբ նախագահ Վիլսոնը հարցը պաշտոնապես մտցրեց Կոնգրես: Սակայն հունիսի 1-ին ԱՄՆ-ի Սենատը մերժեց Վիլսոնի առաջարկը:

Սևրի պայմանագիրը և Հայաստանը:

Սան Ռեմոյի կոնֆերանսի որոշումները դրվեցին 1920 թ. օգոստոսի 10-ին Փարիզի արվարձան Սևրում Թուրքիայի հետ ստորագրված խաղաղության պայմա-

նագրի հիմքում: Գլխավոր դաշնակից տերությունների (Մեծ Բրիտանիա, Ֆրանսիա, Իտալիա և Ճապոնիա) հետ միասին Թուրքիայի սուլթանական կառավարության հետ պայմանագիրը ստորագրեց նաև Հայաստանը՝ ի դեմս ՀՀ պաշտոնական պատվիրակության նախագահ Ավետիս Ահարոնյանի: Սևրի հաշտության պայմանագրի 6-րդ բաժնի 88-93-րդ հոդվածները վերաբերում էին Հայաստանին: Թուրքիան ճանաչում էր Հայաստանը՝ որպես ազատ և անկախ պետություն: Սահմանի վերջնական որոշումը հանձնարարվում էր ԱՄՆ-ի նախագահին, իսկ կողմերը պարտավորվում էին անվերապահ ընդունել միջնորդական իրավարար վճիռը: Թուրքական կողմը պարտավորվում էր իրավարար վճռի հրապարակման օրից հրաժարվել Հայաստանին հանձնված տարածքների նկատմամբ բոլոր իրավունքներից: Հայաստանի սահմաններն Ադրբեջանի և Վրաստանի հետ որոշվելու էին այդ պետությունների փոխհամաձայնությամբ, տարածայնությունների դեպքում սահմանագիծը նշելու էին գլխավոր դաշնակից տերությունները: Այսպիսով՝ կարծես իրականանում էր հայ ժողովրդի դարավոր երազանքը, իր արդարացի լուծումն էր ստանում Հայկական հարցը, ստեղծվում էր *միացյալ և անկախ Հայաստանը*:

Հայության կողմից երկար սպասված Սևրի պայմանագիրը, ցավոք, այդպես էլ չվավերացվեց ստորագրող երկրների կողմից, մնաց որպես չիրագործված միջազգային փաստաթուղթ: Պատճառներից գլխավորն այն էր, որ պայմանագիրը ստորագրած Թուրքիայի սուլթանական կառավարությունն այլևս չունեի փաստական իշխանություն, երկրում իշխանությունը պատկանում էր Անկարայի քեմալական կառավարությանը: Վերջինս ոչ միայն չճանաչեց Սևրի պայմանագիրը, այլև դիմեց դիվանագիտական և ռազմական բոլոր միջոցների՝ այն տապալելու համար:



Իսկ դաշնակից տերություններից և ոչ մեկը ճնշում չգործադրեց քեմալականների վրա, ավելին՝ նրանց երբեմնի հակաթուրքական դիրքորոշումը փոխարինվեց քեմալականների հետ համագործակցելու քաղաքականությամբ:

Այսպիսով՝ հզոր պետությունները հերթական անգամ ձախողեցին Հայկական հարցի գործնական լուծումը: Այդուհանդերձ, 1920 թ. նոյեմբերի 22-ին, երբ թուրք-հայկական պատերազմում պարտված Հայաստանի Հանրապետությունը կանգնած էր կործանման եզրին, ԱՄՆ նախագահ Վիլսոնը վերջապես հայտնեց իր իրավարար որոշումը հայ-թուրքական սահմանագծի վերաբերյալ: Վերջինիս համաձայն՝ միացյալ Հայաստանը պետք է ստանար Վանի և Բիթլիսի նահանգների երկու

երրորդը, Էրզրումի գրեթե ամբողջ տարածքը, Տրապիզոնի նահանգի մեծ մասը՝ ներառյալ նավահանգիստը: Ընդհանուր առմամբ այդ տարածքը կազմելու էր մոտ 90 հազար քառ. կմ: Միավորվելով գոյություն ունեցող Հայաստանի Հանրապետության հետ, որի տարածքը 1920 թ. կեսերին կազմում էր ավելի քան 70 հազար քառ. կմ, հայկական անկախ պետությունը ստեղծվելու էր ավելի քան 160 հազար քառ. կմ ընդհանուր տարածքում՝ ելքով դեպի Սև ծով:

Ինչպես Սևրի պայմանագիրը, այնպես էլ նրանից բխող՝ Վիլսոնի իրավարար որոշումը հայ-թուրքական սահմանի վերաբերյալ թեև չիրագործվեցին և մնացին թղթի վրա, այդուհանդերձ Արևմտյան Հայաստանի նկատմամբ հայ ժողովրդի իրավունքների միջազգային ճանաչումն էին:

Հարցեր և առաջադրանքներ

1. Ինչո՞ւ և ե՞րբ գումարվեց Փարիզի խորհրդածողովը: Ի՞նչ տարաձայնություններ կային հայկական երկու պատվիրակությունների միջև և ինչպես լուծվեցին: Ի՞նչ պահանջներ էին ներկայացվում հուշագրում:
2. Ե՞րբ և որտեղ առաջին անգամ ընդունվեց միացյալ և անկախ Հայաստան հռչակելու որոշումը: Ի՞նչ արձագանք ստացավ 1919 թ. մայիսի 28-ի «Միացյալ Հայաստանի անկախության հռչակագրի ակտը»:
3. Ե՞րբ և ի՞նչ նպատակով գումարվեց Սան Ռեմոյի կոնֆերանսը: Ինչո՞ւ ԱՄՆ-ի Սենատը մերժեց Հայաստանի մանդատի ստանձնման առաջարկը:
4. Ներկայացրե՞ք Սևրի պայմանագրի՝ Հայաստանին վերաբերող բաժինը: Ինչո՞ւ Սևրի պայմանագիրը չիրագործվեց:

§ 4. ԻՐԱԴՐՈՒԹՅՈՒՆԸ ԿԵԼԻԿԻԱՅՈՒՄ ԵՎ ԿԵԼԻԿԻԱՀԱՅՈՒԹՅՈՒՆԸ

Հայկական լեզունը: 1916 թ. հոկտեմբերի վերջին դիվանագետներ Մ. Սայքսի ու Ժ. Պիկոյի և Պողոս Նուբարի միջև Լոնդոնում ձեռք բերված համաձայնությամբ ստեղծվեց հիմնականում հայ կամավորներից բաղկացած «Արևելյան լեզունը» (Հայկական լեզուն): Վերջինիս ծախսերը հոգալու էր ֆրանսիական կառավարությունը: Ֆրանսիական զորքերի կազմում լեզունը մասնակցելու էր թուրքերի դեմ ռազմական գործողություններին սիրիա-պաղեստինյան ռազմա-

ճակատում: Պատերազմի հաղթական ավարտից հետո Հայկական լեզունը հնարավոր է, որ դառնար Ֆրանսիայի հովանավորությամբ ստեղծվելիք Կիլիկիայի Ինքնավար Հանրապետության զինված ուժերի հիմքը:

Հայկական լեզունը հատկապես աչքի ընկավ Պաղեստինում 1918 թ. սեպտեմբերի 19-ի Արարայի ճակատամարտում: Մարտի ելքը վճռվեց հոգուտ ֆրանսիական զորքերի՝ շնորհիվ հայ մարտիկների խիզախության: Մուղրոսի զինադադա-

րից հետո լեզեոներ տեղափոխվեց Կիլիկիա: 1918 թ. նոյեմբեր–դեկտեմբերին նրա կազմում կար չորս գումարտակ՝ բաղկացած ավելի քան 5000 զինվորներից: Սակայն շուտով, երբ մեծ տերությունները սկսեցին զիջումների գնալ և մերձենալ քեմալական Թուրքիայի հետ, ֆրանսիական իշխանությունները, հրաժարվելով Կիլիկիային ինքնավարություն տալու մտադրությունից, 1920 թ. օգոստոսին Հայկական լեզեոներ լուծարեցին: Դրանով կիլիկիահայերը զրկվում էին թուրք–քրդական հրոսակներից և քեմալական զորքերից պաշտպանվելու իրական հնարավորությունից:

Կիլիկիահայության դրությունը և ինքնապաշտպանական մարտերը: Մուդրոսի զինադադարից հետո Կիլիկիան զինագրավվեց անգլիական զորքերի կողմից, իսկ 1919 թ. նոյեմբերին նրանց փոխարինեցին ֆրանսիական զորամասերը: Ցեղասպանությունից մազապուրծ և տեղահանված կիլիկիահայերը սկսեցին խումբ–խումբ վերադառնալ հայրենի օջախները: Արդեն 1920 թ. սկզբներին ամբողջ Կիլիկիայում ապրում էր ավելի քան 150000 հայ քնակիչ: Սակայն նրանց կացությունն ապահով չէր. Կիլիկիայում հաստատված ֆրանսիական վարչությունը լուրջ քայլեր չձեռնարկեց հայերի անվտանգությունն ապահովելու համար: Տեղերում իշխանության գլուխ մնացած թուրք պաշտոնյաները և թուրք–քրդական զինված խաժամուժը առիթը բաց չէին թողնում հալածելու երկրամասի քրիստոնյաներին, այդ թվում՝ կիլիկիահայերին: Վերջիններիս համար սպառնալիք դարձավ օրեցօր ծավալվող քեմալական ազգայնամոլ շարժումը:

Շարունակելով սուլթանական և երիտթուրքական իշխանությունների հայաջինջ քաղաքականությունը՝ քեմալականները ձեռնամուխ եղան քրիստոնյաների քնաջնջմանը նաև Կիլիկիայում: Օգտվելով վերջիններիս նկատմամբ ֆրանսիական կառա-

վարության երկդիմի քաղաքականությունից (1920 թ. սկզբներին ֆրանսիական իշխանությունները սկսել էին դուրս բերել զորքերը Կիլիկիայից)՝ քեմալականները 1920 թ. ընթացքում կոտորեցին կամ բռնագաղթի ենթարկեցին Կիլիկիայի տասնյակ հազարավոր հայերի: Այսպես քեմալականներն ի չիք էին դարձնում Կիլիկիայում դաշնակիցների կողմից «հայկական ազգային օջախ» ստեղծելու մտադրությունները:

Քեմալականների առաջին թիրախը դարձավ հայաքնակ Մարաշը, ուր նրանք անակնկալ ներխուժեցին 1920 թ. հունվարի կեսերին: Կոտրելով հայության դիմադրությունը՝ թուրքերը կոտորեցին շուրջ 12 000 հայերի: Հրաշքով փրկվածները՝ մոտ 8 000 մարդ, ստիպված էին լքել հայրենի օջախները և տեղափոխվել Սիրիա: Քաղաքում կրակի մատնվեցին քրիստոնյաների տները, ավերվեցին հայկական հինգ եկեղեցիները:

Կիլիկիայի ջարդերի պատասխանատվությունը դնելով Մ. Քեմալի և Կ. Պոսի օսմանյան կառավարության վրա՝ դաշնակիցները, սակայն, գործնականորեն բայլ չկատարեցին դրանք դադարեցնելու համար:

Մարաշից հետո թուրքերը 1920 թ. մարտի վերջին–ապրիլի սկզբին պաշարեցին **Հաճնը և Այնթապը:** Մուդրոսի զինադադարից հետո հայրենի եզերք էր վերադարձել 1915 թ. տարագրված հայերի մի մասը. Հաճն՝ շուրջ 8 000 և Այնթափ՝ 18 000 մարդ: Թուրքական կանոնավոր զորքերի դեմ կիլիկիահայության ինքնապաշտպանությունն այստեղ առավել կազմակերպված քնույթ կրեց:

Հաճնում ինքնապաշտպանության բարձրագույն խորհրդի նախագահն էր Հաճնի հոգևոր առաջնորդ **Պեպրոս Սարաճյանը:** Պաշտպանության ուժերի հրամանատար նշանակվեց սպա **Սարգիս Ճեպեճյանը**, որի տեղակալն էր **Կայծակ Արամը (Թերգյան):** Կազմավորվեց չորս վաշտ՝ մոտ 1 200 երկրապահներով, ինչպես նաև 60–հոգանոց հեծյալ գունդ:

Ստեղծվեցին պաշտպանական այլ մարմիններ: Ապրիլի սկզբին թուրքերին հաջողվեց շրջապատել քաղաքը: Սակայն հաճնցիները շարունակեցին հերոսական դիմադրությունը: Այն տևեց ութ ամիս՝ մինչև 1920 թ. հոկտեմբերի կեսերը, երբ համալրված թուրքական ուժերին հաջողվեց կոտրել հայերի համառ դիմադրությունը, գրավել քաղաքը և կոտորել տեղի շուրջ 6 000 հայ բնակիչներին: Միայն մոտ 400 պաշտպանների հաջողվեց ձեռքով պաշարման օղակը և հեռանալ:

Օգտվելով ֆրանսիական զորամասերի մասնակի նահանջից՝ 1920 թ. ապրիլի 1-ին քեմալական զորքերը պաշարեցին նաև **Այնթապը**: Այնթապցիների ինքնապաշտպանության կազմակերպիչներից էր քահանա **Ներսես Թավուզձյանը**: Ստեղծվեց շուրջ 750 հոգուց բաղկացած զորախումբ, որը կապ հաստատեց Այնթապի ֆրանսիական կայազորի հետ: Ինքնապաշտպանական մարտերի առաջին փուլը շարունակվեց մինչև մայիսի վերջը: Անկարայում 1920 թ. մայիսի 30-ին ստորագրված ֆրանս-թուրքական զինադադարով ֆրանսիական զորամասերը պետք է վերջնականապես հեռանային Այնթապից: Միայնակ մնալով թշնամու դեմ հայերը չընկճվեցին և շարունակեցին հերոսական ինքնապաշտպանությունը, որի շնորհիվ այնթապցիները խուսափեցին կոտորածից: Սակայն 1921 թ. սկզբներին այնթապցիները ստիպված էին լքել քաղաքը:

Կիլիկիահայության դրությունը գնալով

աղետալի էր դառնում: Հայ ազգային-քաղաքական ուժերը շարունակում էին ուղիներ որոնել Կիլիկիայում սեփական պետականությունը վերականգնելու համար: Այդ նպատակով 1920 թ. **օգոստոսի 4-ին Ադանայում** նրանց կողմից հռչակվեց Կիլիկիայի ինքնավարությունը՝ Ֆրանսիայի հովանավորության ներքո: Ստեղծվեց կառավարություն՝ Հայ ազգային պատվիրակության Կիլիկիայի լիազոր ներկայացուցիչ **Միհրան Տամարյանի** գլխավորությամբ: Սերի պայմանագրով Կիլիկիայի հովանավորությունը ստանձնած Ֆրանսիան, սակայն, կտրականապես դեմ արտահայտվեց հայկական ինքնավարությանը: Մ. Տամարյանի գլխավորած կառավարությունը շատ շուտով արձակվեց:

1921 թ. **հոկտեմբերի 20-ին Անկարայում** կնքված ֆրանս-թուրքական պայմանագրով հայաթափված Կիլիկիան հանձնվում էր Թուրքիային, ֆրանսիական զորամասերը երկու ամսվա ընթացքում լքելու էին երկրամասը: Անպաշտպան մնացած կիլիկիահայության վերջին բեկորները ստիպված էին արտագաղթել հարևան արաբական երկրներ և Եվրոպա: Մինչև 1923 թ. սկիզբը Կիլիկիայից հեռացան նաև շուրջ 6000 ուրֆահայեր: Դրանով իսկ փաստորեն ավարտվեց երկրամասի հայաթափումը:

Այսպիսով՝ կիլիկիահայերի հերոսական դիմադրության և ինքնապաշտպանական մարտերի շնորհիվ էր միայն, որ նրանց մի մասին հաջողվեց խուսափել վերջնական քնաջնջումից:

Հարցեր և առաջադրանքներ

1. Վերհիշե՛ք Սայքս-Պիկոյի համաձայնագիրը: Երբ և ո՞ւմ միջև կայացած համաձայնությամբ ստեղծվեց Ազգային լեգեոնը: Ի՞նչ դերակատարություն ունեցավ լեգեոնը Կիլիկիայում: Ինչո՞ւ ֆրասիացիները լուծարեցին այն:
2. Որքան հայեր վերադարձան Կիլիկիա: Ձեր կարծիքով՝ ինչո՞ւ էր Ֆրանսիան երկդիմի քաղաքականություն վարում կիլիկիահայերի հանդեպ: Ի՞նչ հետևանքներ դա ունեցավ:
3. Հիմնավորե՛ք, որ քեմալականներն իրոք հայերի ցեղասպանության սուլթանական և երիտթուրքական քաղաքականության շարունակողներն էին: Ներկայացրե՛ք կիլիկիահայության ինքնապաշտպանական մարտերը: Ո՞ր պայմանագրով Ֆրանսիան Կիլիկիան զիջեց Թուրքիային:

**§ 1. ՀԱՅԱՍՏԱՆԸ ԽՈՐՀՐԴԱՅԻՆ ՌՈՒՍԱՍՏԱՆԻ ԵՎ ՔԵՄԱԼԱԿԱՆ
ԹՈՒՐԻՔԻԱՅԻ ՔԱՂԱՔԱԿԱՆՈՒԹՅԱՆ ՈԼՈՐՏՈՒՄ**

Խորհրդային Ռուսաստանի արևելյան քաղաքականությունը: Քենդարման շարժումը և Հայաստանը: Թուրքիայում օրեցօր ծավալվող քեմալական շարժման նպատակները պաշտոնական ձևակերպումներ ստացան «Թուրքական ազգային ուխտ» կոչվող փաստաթղթում, որը 1920 թ. հունվարի 28-ին ընդունվեց հիմնականում քեմալականներից կազմված խորհրդարանի կողմից: Ազգային ուխտը «բուն թուրքական տարածք» էր հռչակում Արևմտյան Հայաստանը և Կիլիկիան, ինչպես նաև Կարսը, Արդահանը և Բաթումը: Դրանում նշվում էր նաև, որ հայկական կազմակերպված համայնքի ստեղծման (Արևմտյան Հայաստանում) կանխումը պետք է լինի յուրաքանչյուր թուրքի սրբազան գործը, իսկ Հայաստանի ոչնչացումը՝ առաջնահերթ խնդիրը: Այսպիսով՝ քեմալականները ոչ միայն չէին հրաժարվում նախորդ իշխանությունների հակահայ քաղաքականությունից, այլև դառնում էին դրա անմիջական ժառանգորդը:

Ռուսաստանի բոլշևիկյան վարչակարգը նույն ժամանակ ձեռնամուխ եղավ Ռուսական նախկին կայսրության տարածքները, այդ թվում Անդրկովկասը սեփական ազդեցության ոլորտ վերադարձնելու գործին: Խորհրդային բանակը 1920 թ. գարնանն ընդհուպ մոտենում է Անդրկովկասի սահմաններին: Առաջինը խորհրդայնացվեց Ադրբեջանը: Դրանում Խորհրդային Ռուսաստանին օժանդակում էր Մուստաֆա Քեմալի նորաստեղծ Ազգային մեծ ժողովի կառավարությունը: Քեմալը 1920 թ. ապրիլի 26-ին նամակով դիմեց ՌՄԴԽՀ Ժողկոմխորհի նախագահ Վ. Լենինին՝ առաջարկելով դիվանագիտական հարաբերություններ հաստատել երկու երկրների միջև և ռազմա-

կան դաշինք կնքել ընդդեմ «խմպերիալիստական Արևմուտքի»: Նշվում էր նաև, որ անհրաժեշտության դեպքում քեմալականները պատրաստ են ռազմական գործողություններ ծավալելու «խմպերիալիստական Հայաստանի դեմ»:

Ադրբեջանի խորհրդայնացումից անմիջապես հետո տարածաշրջանում գտնվող բոլշևիկ գործիչները՝ Գ. Օրջոնիկիձեի գլխավորությամբ, Մոսկվայից պահանջում էին անհապաղ թույլատրել ռազմական միջոցներով խորհրդայնացնել Հայաստանը և Վրաստանը: Սակայն հարցի վերաբերյալ ՌԿ(Բ)Կ* կենտկոմի քաղքյուրոյի մայիսի 25-ի որոշումով՝ նրանց հանձնարարվեց «Շարունակել բանակցությունները Հայաստանի կառավարության հետ և չստանձնել ռուսական զորքերի օգնությամբ անմիջապես խորհրդայնացնելու նախաձեռնությունը»: Սակայն դա բնավ չէր վերաբերում ռազմավարական կարևոր նշանակություն ունեցող Ղարաբաղ-Ջանգեզուր-Նախիջևան հատվածին, որով նախատեսվում էր անմիջական ցամաքային կապ հաստատել քեմալական Թուրքիայի հետ:

Այսպիսով՝ Խորհրդային Ռուսաստանի արևելյան քաղաքականության աշխուժացման հետևանքով 1920 թ. ամռանը Հայաստանի Հանրապետությունը հայտնվել էր օրհասական դրության մեջ. վտանգված էին նրա անկախությունն ու անվտանգությունը:

Հայ-ռուսական բանակցությունները Մոսկվայում: 1920 թ. օգոստոսի 10-ի Թիֆլիսի համաձայնագիրը: ՀՀ հարաբերությունները Ռուսաստանի խորհրդային

*ՌԿ(Բ)Կ - Ռուսաստանի կոմունիստական (բոլշևիկների) կուսակցություն

իշխանությունների հետ կարգավորելու նպատակով 1920 թ. մայիսին Մոսկվա գործուղվեց Հայաստանի պատվիրակությունը՝ խորհրդարանի պատգամավոր Լևոն Շանթի գլխավորությամբ: Պատգամավորության առջև խնդիր էր դրված հասնել Ռուսաստանի կողմից Հայաստանի Հանրապետության (Լեռնային Ղարաբաղով հանդերձ) անկախության ձանաչմանը, խորհրդային կողմի համար սկզբունքորեն ընդունելի դարձնել Արևմտահայաստանի միացումը հանրապետությանը և այլն: Բանակցությունների նախնական փուլում խորհրդային պատվիրակությունը, հանձինս ՌՍԴԽՀ արտաքին գործերի ժողկոմ Գեորգի Չիչերինի և նրա տեղակալ հայազգի Լևոն Կարախանի, պատրաստակամություն է հայտնում կնքելու պայմանագիր և բարեկամական հարաբերություններ հաստատելու երկու պետությունների միջև: Պայման էր դրվում, որ Հայաստանը հրաժարվի իր արևմտյան կողմնորոշումից և Հայկական հարցի լուծումը փոխանցի խորհրդային կառավարությանը:

Հայ-ռուսական բանակցությունները Մոսկվայում արդյունք չտվեցին և ընդմիջվեցին: Սակայն Կարմիր բանակի կողմից հայկական՝ Ղարաբաղի, Զանգեզուրի, Նախիջևանի տարածքների ռազմակալման պատճառով հայ-ռուսական հարաբերությունների կտրուկ սրումը ստիպեց կողմերին 1920 թ. օգոստոսի սկզբին Թիֆլիսում վերսկսել բանակցությունները: Դրանք ավարտվեցին ՌՍԴԽՀ կառավարության և ՀՀ ներկայացուցիչների միջև **օգոստոսի 10-ին** ստորագրված համաձայնագրով: Դրանով Ռուսաստանը ձանաչում էր ՀՀ անկախությունը, իսկ Հայաստանն էլ համաձայնվում էր, որ Ղարաբաղը, Զանգեզուրը և Նախիջևանը ժամանակավորապես զբաղեցնեն խորհրդային զորքերը՝ մինչև հարցի վերջնական լուծումը:

Հայաստանի իշխանությունները Թիֆլի-

սի համաձայնագրին կարևոր նշանակություն չէին տալիս, այն համարում էին ձևական և ժամանակավոր, քանզի նշված ժամանակաշրջանում երկրի արտաքին քաղաքական գլխավոր նպատակները և Հայկական հարցի լուծումը կապում էին Սևրի պայմանագրի հետ: Նրանք համոզված էին, որ եվրոպական հզոր պետությունների ջանքերով այն շուտով իրականանալու է: Ցավոք, այդ «համոզումը» Հայաստանի իշխանություններին մղում էր տարածաշրջանում Ռուսաստանի դերի թերագնահատմանը: Միևնույն ժամանակ օր օրի ամրապնդվում էր քեմալա-բոլշևիկյան համագործակցությունը, որն իր սուր ծայրով ուղղված էր Հայաստանի դեմ:

Քեմալա-բոլշևիկյան համագործակցությունը: Հայ-ռուսական բանակցություններին զուգահեռ 1920 թ. ամռան կեսերից Մոսկվայում ընթանում էին խորհրդա-քեմալական բանակցություններ, որոնք ավարտվեցին **օգոստոսի 24-ին** կողմերի միջև նախաստորագրված **«Սրպազին և անկեղծ բարեկամության»** պայմանագրով: Խորհրդային Ռուսաստանը ձանաչում էր թուրքական Ազգային ուխտը և քեմալականներին խոստանում գնեքի ու զինամթերքի մատակարարումներ: Կողմերը պարտավորվում են նաև «փոխադարձ համաձայնությամբ և կարճ ժամանակում ձեռնարկել անհրաժեշտ բոլոր միջոցները՝ Ռուսաստանի և Թուրքիայի միջև հաղորդակցության ձանապարհները բացելու համար»:

Քեմալա-բոլշևիկյան մերձեցումը նոր փուլ թևակոխեց ու ամրապնդվեց Կոմիտեների գործադիր կոմիտեի նախաձեռնությամբ 1920 թ. **սեպտեմբերի 1-8-ը** **Բաքվում հրավիրված՝ Արևելքի ժողովուրդների առաջին համագումարում:** Վերջինիս պատվիրակների թվում էր նաև Հայոց ցեղասպանության գլխավոր կազմակերպիչներից և իրականացնողներից Էնվեր փաշան:

Համագումարում Արևելքի ժողովուրդներ-

Գեներալ Նազարբեկյանը
(կենտրոնում) ֆրանսիական
բանակի սպայակազմի հետ



րին կոչ արվեց «սրբազան պատերազմ» ծավալելու «միջազգային իմպերիալիզմի», այդ թվում նրա «դաշնակից» Հայաստանի դեմ: Իսկ համագումարին մասնակցող կոմունիստ հայ պատվիրակները հանդես եկան խորհրդային հանրապետությունների օգնությամբ Հայաստանը խորհրդայնացնելու կոչով:

Համագումարի կողմից կազմավորված «Քարոզչության և գործողության խորհուրդը» մշակում և սեպտեմբերի 18-ին ընդունում է մի քանաձև-փաստաթուղթ, որի հիմնական դրույթներն ամբողջությամբ ուղղված էին Հայաստանի Հանրապետության և հայ ժողովրդի դեմ: Դրանում առաջարկվում էր հնարավոր բոլոր միջոցներով օգնել քեմալականներին և Հայաստանի վրա նրանց ռազմարշավի միջոցով նպաստել վերջինիս խորհրդայնացմանը: Համաձայն ծրագրի՝ Ռուսաստանից պահանջվում էր «թուրք-հայկական նոր կոտորածները» կանխելու պատրվակով որպես փրկարար ու հաշտարար մտնել Հայաստան և այնտեղ հաստատել խորհրդային վարչակարգ:

Դավադիր այս փաստաթղթի երևան գալուց ընդամենը մի քանի օր անց քեմալական Թուրքիան, առանց պատերազմ հայ-

տարարելու, լայնածավալ ռազմական գործողություններ սկսեց Հայաստանի Հանրապետության դեմ:

Թուրք-հայկական պատերազմը: 1920 թ. աշնան սկզբին Հայաստանը շարունակում էր մնալ ռազմաքաղաքական վտանգավոր իրադրության մեջ: Հայաստանի գլխավոր «դաշնակիցները»՝ Անգլիան ու Ֆրանսիան, նախկինի պես միայն օգնության խոստումներ էին տալիս և գործնական որևէ քայլի չէին դիմում Հայաստանը պաշտպանելու և Սևրի պայմանագիրը կյանքի կոչելու համար: Հայաստանի նկատմամբ թշնամաբար էին տրամադրված խորհրդային Ռուսաստանն ու Ադրբեջանը, իսկ հյուսիսային հարևան Վրաստանը, քեմալա-վրացական գաղտնի պայմանավորվածությունների համաձայն, թուրք-հայկական պատերազմի դեպքում պահպանելու էր չեզոքություն:

Հայաստանի վրա թուրքական լայնածավալ հարձակումը սկսվեց **սեպտեմբերի 23-ին:** Հարձակվող թուրքական զորքերի ընդհանուր թիվն անցնում էր 50 հազարից, նրանց հրամանատարն էր գեներալ **Բյազիմ Կարաբեքիրը:** Հայկական բանակը թվապես զիջում էր թուրքերին, նրանում

հաշվվում էր շուրջ 40 հազար զինվոր, որից մարտական ուժը՝ 25 հազար:

Պատերազմը սկսվելուն պես Հայաստանում հայտարարվեց զինապարտների և պահեստայինների համընդհանուր զորակոչ, պատիժներ սահմանվեցին (ընդհուպ մինչև գնդակահարություն) դասալքության և այլ հանցագործությունների համար: Հայրենիքը պաշտպանելու կոչով իշխանությունները սեպտեմբերի 30-ին դիմեցին ժողովրդին, հասարակական-քաղաքական կազմակերպություններին, ստեղծվեց Հայրենիքի փրկության կոմիտե: Օգնության կոչ ուղղվեց մեծ տերություններին, սակայն որևէ արձագանք չեղավ:

Պատերազմի սկզբում թուրքերը շոշափելի հաջողությունների հասան: Սեպտեմբերի 29-ին գրավվեցին Սարիղամիշն ու Կաղզվանը: Այնուհետև, ընդհուպ մինչև հոկտեմբերի վերջին օրերը, հայկական զինված ուժերին, որոնց գլխավոր հրամանատարն էր գեներալ Թովմաս Նազարբեկյանը, հաջողվեց համախմբվել և կասեցնել թուրքերի հետագա առաջխաղացումը:

Հոկտեմբերի 28-ին թուրքական զորքերը Կարսի ճակատում անցան հարձակման: Թշնամուն թվապես զիջող հայկական զորքն անձնագոհ դիմադրում էր: Սակայն թշնամուն հաջողվում է կոտրել հայերի դիմադրությունը: Հոկտեմբերի 31-ին Կարս քաղաքը՝ իր անառիկ թվացող ամրոցով, հանձնվում է թուրքերին: Ցավոք, իրենց քարձրության վրա չէին ոչ Կարսը պաշտպանող հայ զինվորները և ոչ էլ բանակի հրամանատարությունը. թույլ էր նրանց քարյա հողեքանական և մարտական պատրաստվածությունը: Հայկական զորքի մեծ մասին հաջողվեց նահանջել: Սակայն գերի

ընկածներն էլ քիչ չէին: Դրանց թվում էին նաև մի քանի տասնյակ քարձրաստիճան հայ սպաներ՝ գեներալներ Դ. Բեկ-Փիրումյանը, Բ. Արարատյանը և այլք: Կարսի հանձնումը թուրքերին, որը մեր պատմության ողբերգական դրվագներից մեկն է, ծանր հետևանքներ ունեցավ հայության համար և կանխորոշեց պատերազմում Հայաստանի պարտությունը:

Նոյեմբերի 7-ին՝ Ալեքսանդրապոլի անկումից հետո, Հայաստանի կառավարությունը ստիպված ընդունում է թուրքական հրամանատարության կողմից ներկայացված զինադադարի պայմանները: Սակայն հաջորդ օրը թուրքերը ներկայացնում են զինադադարի նոր՝ ավելի ծանր պայմաններ, որոնք ըստ էության անձնատվության պահանջ էին: Հայաստանի կառավարությունը նոյեմբերի 10-ին մերժում է դրանք և միջնորդության խնդրանքով պաշտոնապես դիմում հորհրդային Ռուսաստանին: Վերջինիս կառավարությունը նոյեմբերի 11-ին հանդես է գալիս միջնորդի դեր ստանձնելու պատրաստակամությամբ: Սակայն թուրքական կողմը մերժում է ռուսական միջնորդությունը և շարունակում ռազմական գործողությունները:

Սթափ գնահատելով պատերազմում Հայաստանի անհուսալի դրությունը և ձգտելով կասեցնելու թուրքերի առաջխաղացումը դեպի երկրի խորքերը՝ Հայաստանի կառավարությունը նոյեմբերի 18-ին ընդունում է զինադադարի թուրքական պայմանները: Նոյեմբերի 25-ին Ալեքսանդրապոլում սկսվում են թուրք-հայկական հաշտության բանակցությունները: Թուրք-հայկական պատերազմում Հայաստանի պարտությունն առաջին հերթին հետևանք էր արտաքին քաղաքական անբարենպաստ դրության:

Հարցեր և առաջադրանքներ

1. Ի՞նչ է պարունակում «Թուրքական ազգային ուխտ» փաստաթուղթը: Ի՞նչ նշանակություն ունեն Ռուսաստանի համար Ղարաբաղ-Ջանգեզուր-Նախիջևան հատվածը:

2. Ի՞նչ նպատակով 1920 թ. մայիսին Մոսկվա գործուղվեց ՀՀ պատվիրակությունը: Ո՞վ էր այն գլխավորում: Ինչո՞վ ավարտվեցին այդ բանակցությունները:
3. Երբ և ինչո՞վ ավարտվեցին Մոսկվայի խորհրդա-քննական բանակցությունները:
4. Ի՞նչ դիրք էին գրավել Հայաստանի նկատմամբ 1920 թ. նրա անմիջական հարևանները: Ի՞նչ աշխատանքներ էր տանում Թուրքիան 1920 թ. աշնանը՝ նախապատրաստվելով պատերազմի: Երբ սկսվեց թուրքական բանակի հարձակումը Հայաստանի վրա: Ինչո՞վ ավարտվեց թուրք-հայկական պատերազմը: Վերհանք Հայաստանի պարտության պատճառները:

§ 2. ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԽՈՐՀՐԴԱՅՆԱՑՈՒՄԸ


Հայ-ռուսական բանակցությունները Երևանում: Ներքաղաքական ճգնաժամը: Թուրք-հայկական պատերազմում հայկական բանակի պարտությունը խորհրդային Ռուսաստանին հնարավորություն տվեց ավելի վճռականորեն իրականացնելու Հայաստանը խորհրդայնացնելու քաղաքականությունը: Հայկական իշխանությունների հետ բանակցությունները շարունակելու նպատակով 1920 թ. հոկտեմբերի 11-ին Երևան է ժամանում Ռուսաստանի լիազոր-ներկայացուցիչ **Բորիս Լեգրանի** գլխավորած պատվիրակությունը: Սկզբնական փուլում ռուսական պատվիրակությունը Հայաստանի խորհրդայնացման պահանջ էր ներկայացնում: Սակայն 1920 թ. հոկտեմբերի 14-ին ՌԿ(Բ)Կ կենտկոմի քաղբյուրոն Հայաստանում խորհրդային իշխանություն հաստատելու համար վճռական գործողությունների դիմելու որոշում է ընդունում:

Հայ-ռուսական երևանյան բանակցություններն ավարտվեցին **հոկտեմբերի 28-ին** նախաստորագրված **«Եզրափակիչ որոշման արձանագրությամբ»**: Կողմերը պարտավորվում էին ստորագրել արձանագրությանը կից **«Հաշտության պայմանագիրը»**, եթե կատարվեին հետևյալ պայմանները. Ռուսաստանի և Ադրբեջանի կառավարությունները պետք է ձանաչեին Հայաստանի իրավունքները Նախիջևանի և Զանգեզուրի նկատմամբ, իր հերթին՝ Հայաստանի կա-

ռավարությունը պետք է հրաժարվեր Ղարաբաղի նկատմամբ պահանջներից և ընդուներ ՌՍԴԽՀ կառավարության բարեկամական օժանդակությունը՝ Թուրքիայի հետ տարածքային հարցերը լուծելու խնդրում (այն դեպքում, եթե թուրքական զորքերը հետ քաշվեին մինչև 1914 թ. ռուս-թուրքական նախկին սահմանը): Ռուսաստանը պարտավորվում էր Հայաստանին տրամադրել 2,5 մլն ռուբլի (ոսկով) վարկ:

Հայ-ռուսական պայմանագրի նախագիծը քննարկվեց 1920 թ. նոյեմբերի 4-ին Բաքվում հրավիրված ՌԿ(Բ)Կ կենտկոմի կովկասյան բյուրոյի և Ադրբեջանի կոմկուսի կենտկոմի քաղբյուրոյի համատեղ նիստում: Մասնակիցները վճռականապես դեմ արտահայտվեցին Հայաստանի հետ որևէ պայմանագրի կնքմանը: Պատճառն այն էր, որ պայմանագրի նախագիծն արմատապես հակասում էր քաղբյուրոյի հոկտեմբերի 14-ի՝ Հայաստանը խորհրդայնացնելու որոշմանը:

1920 թ. աշնան վերջին Հայաստանի խորհրդայնացման գործընթացը մտել էր եզրափակիչ փուլ, երկիրն այլևս ի գործու չէր դիմակայելու քեմալա-բուլշևիկյան ճնշումներին: Հայաստանի վարչապետ Համո Օհանջանյանի և զինվորական նախարար Ռուբեն Տեր-Մինասյանի հետ Երևանում **նոյեմբերի 19-ին** տեղի ունեցած հանդիպմանը Ռուսաստանի կառավարության լիա-



Համո Օհանջանյան

գոր ներկայացուցիչներ Պ. Մդիվանին և Բ. Լեգրանը պահանջեցին «անմիջապես ընդունել խորհրդայնացումը»: Խորհրդայնացումն ընդունելու դիմաց Ռուսաստանի ներկայացուցիչները խոստանում էին նպաստել Հայաստանի 1914 թ. նախապատերազմյան սահմանների վերականգնմանը:

Հայաստանի համար ստեղծված ծանր իրավիճակն առաջ բերեց քաղաքական վերաձևումների անհրաժեշտություն: Հայաստանի խորհրդարանի նոյեմբերի 23-ի արտակարգ նիստում ընդունվեց Համո Օհանջանյանի կառավարության՝ նախօրեին ներկայացրած հրաժարականը, վարչապետ ընտրվեց Սիմոն Վրացյանը: Կառավարության նոր կազմում ընդգրկվեցին քաղաքական տարբեր կողմնորոշումներ ունեցող գործիչներ, որոնց մի մասը համարվում էր «ռուսական կողմնորոշման ջատագով» (Դրաստամատ Կանայան, Համբարձում Տերտերյան): Սակայն երկրի արտաքին քաղաքականության մեջ դա որևէ փոփոխություն չմտցրեց: Վրացյանի կառավարությունը դժվարին պայմաններում աշխատեց ընդամենը մեկ տասնօրյակ: Այն եղավ Հայաս-

տանի առաջին հանրապետության վերջին կառավարությունը:

Հայաստանի խորհրդայնացումը: Մինչ Հայաստանի նոր կառավարությունը փորձում էր ելք որոնել ստեղծված իրավիճակից դուրս գալու համար, ՌԿ(Բ)Կ կոմկապյան բյուրոյի կողմից Բաքվում կազմավորված Հայաստանի Ռազմահեղափոխական կոմիտեն՝ Սարգիս Կապյանի նախագահությամբ, 11-րդ Կարմիր բանակի շարքերից առանձնացված «Հապուկ զնդի» ուղեկցությամբ 1920 թ. նոյեմբերի 29-ին Ադրբեջանից մտավ Հայաստան և «ապստամբ աշխատավոր ժողովրդի կամքով ու ցանկությամբ» երկիրը հռչակեց «խորհրդային սոցիալիստական հանրապետություն»: Իրականում Հայաստանը խորհրդային էր հռչակվում ոչ թե «ժողովրդի կամքով ու ցանկությամբ» և նրա կողմից բարձրացված իրական ապստամբության, այլ Հայաստանի կոմկուսի և Հայհեղկոմի անունից:

Դեկտեմբերի 1-ին հանրապետության խորհրդարանի, կառավարության և դաշնակցության բյուրոյի միացյալ նիստում խորհրդայնացման պահանջը «որոշ պայմաններով» ի վերջո ընդունվեց: Կառավարության անդամներ Դ. Կանայանին (Դրո) և Հ. Տերտերյանին հանձնարարվեց համապատասխան համաձայնագիր ստորագրել Բ. Լեգրանի հետ: Ի կատարումն կառավարության հանձնարարականի՝ 1920 թ. դեկտեմբերի 2-ին **Երևանում** ստորագրվում է ութ կետից բաղկացած հայ-ռուսական համաձայնագիր: Հայաստանը հայտարարվում է «Սոցիալիստական Խորհրդային անկախ Հանրապետություն», նախկին կառավարությունը թողնում է իշխանությունը, որը մինչև Ռազմհեղկոմի ժամանումը Երևան անցնում է զինվորական հրամանատարությանը՝ Դրոյի և ՌՍԴԽՀ կոմիսար Օ. Սիլինի համատեղ ղեկավարությամբ: Վերջիններս, հիմք ընդունելով հայ-ռուսական համաձայնագիրը, նույն օրը՝ դեկտեմբերի 2-ին, ստորագրում են «Հայաստանը

սոցիալիստական խորհրդային հանրապետություն հայտարարելու մասին» հրամանը:

Այսպիսով՝ Հայկեղկոմի՝ 1920 թ. նոյեմբերի 29-ի «Հռչակագրով» սկսվեց և ղեկ-տնմբերի 2-ի՝ Երևանի հայ-ռուսական համաձայնագրով ու դրան հետևած հրամանով Հայաստանում տեղի ունեցավ խաղաղ իշխանափոխություն: Հայաստանի առաջին հանրապետությունն իր տեղը զիջեց երկրորդ՝ Հայաստանի Սոցիալիստական խորհրդային Հանրապետությանը:

Երևանի հայ-ռուսական համաձայնագրի ստորագրումից և Հայաստանի խորհրդայնացումից մի քանի ժամ անց՝ ղեկտնմբերի 2-ի լույս 3-ի գիշերը, այլևս գոյություն չունեցող Հայաստանի առաջին հանրապետության կառավարության կողմից լիազորված հայկական պատվիրակությունը (ղեկավար՝ Ա. Խատիսյան) Ալեքսանդրապոլում ստո-

րագրում է թուրք-հայկական հաշտության պայմանագիր, որը նվաստացուցիչ էր հայկական պետության և հայ ժողովրդի համար: Տարածքային կորուստներից բացի, Հայաստանը կրելու էր նաև ներքին ինքնուրույնության զգալի սահմանափակումներ, զրկվելու էր ընդհանուր պարտադիր զինվորական ծառայություն մտցնելու և բանակ պահելու իրավունքից:

Սակայն Երևանի՝ ղեկտնմբերի 2-ի հայ-ռուսական համաձայնագիրը Հայաստանի խորհրդային իշխանություններին իրավական հիմք տվեց չճանաչելու Ալեքսանդրապոլի պայմանագիրը և չընդունելու նրա դրույթները կատարելու մասին թուրքական կողմի պահանջները: Այսպիսով՝ Ալեքսանդրապոլի պայմանագիրը ստորագրման իսկ պահից օրինական չէր և մնաց լոկ որպես փաստաթուղթ:

Հարցեր և առաջադրանքներ

1. Ի՞նչ դիրք էին գրավել խորհրդային Ռուսաստանի իշխանությունները Հայաստանի նկատմամբ թուրք-հայկական 1920 թ. պատերազմի ժամանակ: Հայ-ռուսական բանակցությունները վերսկսելու ինչ նախապայմաններ էր առաջարկում Լեզրանի պատվիրակությունը:
2. Երբ կայացան հայ-ռուսական երևանյան բանակցությունները: Պայմանագրի նախագծին ինչու դեմ դուրս եկավ Ադրբեջանը:
3. Ինչպիսին էր Սիմոն Վրացյանի գլխավորած կառավարության կազմը: Որքան ժամանակ աշխատեց Առաջին հանրապետության վերջին կառավարությունը:
4. Երբ Հայաստանի Ռազմահեղափոխական կոմիտեն մտավ Հայաստանի տարածք: Անխուսափելի էր Հայաստանի խորհրդայնացումը: Ի՞նչ պարտավորություններ էր ստանձնում ՀՀ-ն 1920 թ. ղեկտնմբերի 2-ին Երևանում կնքված համաձայնագրով:

ԳԼՈՒԽ 1. ԽՈՐՀՐԱՅԻՆ ՀԱՅԱՍՏԱՆԸ 1920–1922 թթ.

§ 1. ԽՈՐՀՐԱՅԻՆ ԻՇԽԱՆՈՒԹՅԱՆ ՀԱՍՏԱՏՈՒՄԸ: ՓԵՏՐՎԱՐՅԱՆ
ԱՊՍԱՏԱԲՈՒԹՅՈՒՆԸ

Կառավարման նոր համակարգի ձևավորումը: 1920 թ. դեկտեմբերի 6–ից իշխանությունը Հայաստանում ամբողջապես անցավ ռուսական II–րդ Կարմիր բանակի զորամասերի ուղեկցությամբ Երևան ժամանած ՀՍԽՀ Ռազմահեղափոխական կոմիտեին:

Նոր իշխանությունները, խախտելով դեկտեմբերի 2–ի հայ–ռուսական համաձայնագիրը, ձևավորեցին միակուսակցական վարչակազմ: Հանրապետությունում ձևավորվեցին գործադիր իշխանության նոր մարմիններ՝ ժողովրդական կոմիսարիատներ: Իշխանության տեղական գործադիր մարմինները հեղկոմներն էին, որոնք նշանակով էին և ժամանակավոր: Դրանք կազմակերպվեցին ըստ երկրի վարչական բաժանումների՝ գավառների, շրջանների (գավառակների) և գյուղերի:

Երկրի կառավարման համակարգում կարևոր դեր էր հատկացվում ներքին գործերի ժողկոմատին և Ռազմհեղկոմի նախագահ Ս. Կապանի՝ դեկտեմբերի 6–ի դեկրետով (օրենքով) հիմնված *Արարական հանձնաժողովին* (Չեկա): Դրանք խորհրդային կարգերը «ներդնելու» նպատակով սկսեցին բռնություններ գործադրել բնակչության նկատմամբ: Երկրում խորհրդային վարչակարգը հաստատելու և ամրապնդելու գործընթացը կազմակերպում և ուղղորդում էր Հայաստանի կոմկուսի կենտկոմը տեղերում ստեղծված կուսկազմակերպությունների միջոցով:

«Ռազմական կոմունիզմի» քաղաքականությունը և դրա հետևանքները: Հայաստանի խորհրդայնացման պահին երկի-

րը և ժողովուրդը սոցիալ–տնտեսական ծայրահեղ ծանր դրության մեջ էին: Կաթվածահար վիճակում էր հանրապետության տնտեսությունը: Խորհրդային Ռուսաստանի կողմից խոստացված օգնությունն առաջին ամիսներին այդպես էլ Հայաստան չհասավ: Նոր իշխանությունները երկրում կիրառեցին ռազմական կոմունիզմի քաղաքականություն: 1920 թ. *դեկտեմբերի 8–ին* հրապարակվեց Հայհեղկոմի՝ «Պարենային մթերքների և այլ նյութերի հայտնաբերման մասին» հրամանը, իսկ դեկտեմբերի 10–ին ՀԿ(բ)Կ կենտկոմը կոչ արեց հայ գյուղացիությանը «առանց հապաղելու հաց տրամադրել Կարմիր բանակին»: Հեղկոմներն իրականացրին բնակչության ունեցվածքի կամայական բռնագրավումներ, որոնք ուղեկցվում էին անհնազանդների ձերբակալություններով: Նոր իշխանությունները պետականացրին նաև մասնավոր բանկերը, գործարանները, խանութները, հոգևոր հաստատություններին պատկանող կրթամշակութային օջախները, ինչպես նաև երկրի բնական հարստությունները:

Խորհրդային իշխանությունը Հայաստանում գործադրեց քաղաքական բնույթի հետապնդումներ և բռնություններ նախորդ կառավարության, ազգային կուսակցությունների ճանաչված անդամների, այլախոհների և հայկական բանակի սպայակազմի նկատմամբ: Բաբվում տեղակայված II–րդ Կարմիր բանակի Հատուկ բաժնի անմիջական ցուցումով 1920 թ. դեկտեմբեր և 1921 թ. հունվար ամիսներին հայկական բա-

նակից հեռացվեց և երկրից աքսորվեց ավելի քան 1000 սպա և զինծառայող: 1921 թ. հունվարի սկզբներից բռնաճնշումները զանգվածային բնույթ ստացան: ՀՍԽՀ Կարմիր բանակի հրամանատարի պաշտոնից ազատվեց Դրոն: Հունվարի II-ին մի խումբ հայ սպաների հետ նա պարտադրված լքեց Հայաստանի սահմանները: Բռնությունների իրականացման գործում աչքի էր ընկնում Համառուսաստանյան Չեկայի ու II-րդ բանակի Հատուկ բաժնի կողմից արտակարգ լիազորություններով Հայաստան գործողված Գևորգ Աթարբեկյանը: Վերջինիս քաղաքական կոշտ գիծը պաշտպանում էին ՀԿ(Բ)Կ կենտկոմի քարտուղար Գ. Ալիխանյանը, ՀՍԽՀ ռազմգործող կոմ Ա. Նուրիջանյանը, ներգործող կոմ Ի. Դովլաթյանը, Չեկայի նախագահ Ն. Այվազովը և այլք:

Աքսորվածների թվում էին մեր ժողովրդի հերոսներ, գեներալներ Թ. Նազարբեկյանը, Մ. Սիլիկյանը, Ա. Հովսեփյանցը, Ա. Բեյ-Մամիկոնյանը և ուրիշներ: Մոտ 500 սպաներ աքսորվեցին Ռուսաստանի Ռյազան քաղաքի համակենտրոնացման ճամբարները:

Հայկական բանակի սպաների աքսորից հետո այլախոհների դեմ բոլշևիկյան բռնություններն ավելի սանձարձակ դարձան: 1921 թ. հունվարի վերջերին Հայկոմկուսի պլենումը որոշեց ձերբակալել և մեկուսացնել ՀՅԴ բոլոր կոմիտեների և կազմակերպությունների ղեկավարներին, նախկին կառավարության անդամներին: Ձերբակալվածների թվում էին ՀՀ վարչապետեր Հովհաննես Քաջազունին և Համո Օհանջանյանը, խորհրդարանի անդամներ Նիկոլ Աղբալյանը և Լևոն Շանթը, զորահրամանատարներ Համազասպ Սրվանձտյանը և Նիկոլայ Դորդանյանը: Վերջին երկուսը մի քանի տասնյակ այլ քաղաքատարկայների հետ միասին գնդակահարվեցին քանտում:

Փնտրվարյան ապստամբությունը:

Հայաստանում հաստատված բոլշևիկյան վարչակարգի դեմ ընդվզեցին և ոտքի

կանգնեցին ժողովրդական լայն զանգվածները: 1921 թ. փետրվարի 16-18-ը ապստամբությունն արագ ընդգրկեց Հայաստանի կենտրոնական մի շարք շրջանները՝ Բաշ Գյանին (Գառնի), Կոտայքը, Թալինը, Դարալագյազը (Վայոց ձոր), Բաշ Ապարանը (Ապարան) և այլն: Ապստամբական ուժերի ընդհանուր հրամանատար գնդապետ **Կուռո (Սուրեն) Թարխանյանի**, նրա զինակիցներ՝ խմբապետեր **Մարտիրոսի, Խնկոյի, Սմբարի** և այլոց գլխավորությամբ տեղերում տապալվեց հեղկոմների իշխանությունը: Փետրվարի 18-ին, գրեթե չհանդիպելով լուրջ դիմադրության, ապստամբները մտան մայրաքաղաք Երևան: ՀՍԽՀ պետական և կուսակցական մարմիններն իրենց հավատարիմ բանակային զորամասերի և «Ազատամարտ» ու «Վարդան Զորավար» զրահագնացքների պաշտպանության ներքո հեռացան Դամարլու (Արտաշատ) — Վեդի-Բասար (Արարատ) ուղղությամբ:

Հաղթանակած ապստամբության շնորհիվ, որի ընդհանուր ղեկավարությունը ստանձնել էր դաշնակցությունը, Երևանում ստեղծվեց իշխանության նոր մարմին՝ **Հայրենիքի փրկության կոմիտե** (ՀՓԿ)՝ Սիմոն Վրացյանի նախագահությամբ: Կոմիտեի առաջին իսկ հրամաններով ազդարարվեց Հայաստանում խորհրդային իշխանության տապալման և բոլոր բոլշևիկներին ձերբակալելու մասին: ՀՓԿ-ն, գիտակցելով, որ անհնար է միայնակ դիմակայել բոլշևիկյան ուժերին, փորձեց համագործակցություն հաստատել Վրաստանի մենշևիկյան իշխանությունների հետ և խորհրդային ուժերի դեմ պայքարը դարձնել համակովկասյան: Սակայն Վրաստանի խորհրդայնացումը 1921 թ. փետրվարի վերջերին խափանեց այդ հնարավոր դաշինքը:

ՀՓԿ-ն օգնության խնդրանքով դիմեց նաև քեմալականներին: Վերջիններս խրախուսեցին հայերի հակախորհրդային գոր-

ծողությունները, բայց նրանց չաջակցեցին՝ իրենց դաշնակից բոլշևիկների դեմ պայքարում:

Փետրվարյան ապստամբությունը ճնշելու և Հայաստանում խորհրդային իշխանությունը վերահաստատելու խնդիրը ստանձնեց ՌԿ(Բ)Կ կենտկոմի կովկասյան բյուրոն: Վերջինիս ցուցումով Հայաստանի հյուսիսային և հյուսիսարևելյան շրջաններում, ուր պահպանվում էր խորհրդային իշխանությունը, փետրվարի վերջին ստեղծվում է կառավարման նոր մարմին՝ Ղարաբաղի սա-Դիլիջան գավառների ռազմահեղափոխական կոմիտե՝ Գ. Աթաբեկյանի նախագահությամբ: Ռազմհեղկոմի տրամադրության տակ են դրվում կարմիրբանակային զորամիավորումներ: Ղամարլու-Վեդի-Բասարում պաշարված հայկական խորհրդային ուժերը հայտնվել էին ծանր դրության մեջ, նրանց փրկությունը կախված էր հյուսիսից Կարմիր բանակի զորամասերի հարձակման հաջողությունից և Ռուսաստանից ակնկալվող օգնությունից: Ինքնաթիռով նրանց հասցված 47 կգ ոսկին օգտագործվեց Իրանից անհրաժեշտ ապրանքներ գնելու համար:

Եթե ապստամբների և խորհրդային զորքերի միջև ռազմական գործողությունների առաջին շրջանն ընթանում էր կողմերի փոփոխակի հաջողություններով, ապա Վրաստանի խորհրդայնացումից հետո կարմիրբանակային հիմնական զորամասերի՝ Հայաստան վերադառնալուց հետո իրադրությունը կտրուկ փոխվեց: Մինչ վճռական հարձակման անցնելը Կարմիր բանակի Ռազմհեղխորհրդի անդամ Գ. Օրջոնիկիձեն մարտի 20-ին դիմադրությունը դադարեցնելու վերջնագիր ներկայացրեց ՀՓԿ-ին: Օրջոնիկիձեի միջնորդությամբ մարտի 21-ին դիվանագիտական առաքելությամբ Թիֆլիսից երևան ժամանեց բանաստեղծ Հովհաննես Թումանյանը: Սակայն վերջնագիրը մնաց անպատասխան, իսկ Թու-

մանյանին չհաջողվեց համոզել Վրացյանին դադարեցնելու պայքարը:

1921 թ. մարտի 25-ից 11-րդ բանակի զորամասերն անցնում են վճռական հարձակման: Վերջիններս *սապրիլի 2-ին* մտնում են Երևան: Շրջափակման մեջ հայտնվելու վտանգից խուսափելու, ավելորդ զոհեր չտալու համար ապստամբները՝ ՀՓԿ-ի գլխավորությամբ, Բաշ Գյառնիով և Դարալագյազով նահանջեցին դեպի Ջանգեզուր: Նահանջի միջանցքի անվտանգությունն ապահովված էր Գարեգին Նժդեհի զինված ուժերի կողմից:

Փետրվարյան ապստամբության պարտությունը և երկրում (բացի Ջանգեզուրից) խորհրդային իշխանության վերահաստատումն անխուսափելի էր, քանի որ նրա թիկունքին կանգնած էր խորհրդային Ռուսաստանը: Ապստամբությունը, սակայն, սթափեցնող ներգործություն ունեցավ խորհրդային իշխանությունների վրա, ստիպեց առավել զգուշորեն գործել: Ապստամբության շնորհիվ Երևանի և այլ բանտերից ազատվեցին բոլշևիկների կողմից ձերբակալված և խոշտանգված հարյուրավոր մարդիկ: Հասարակության մեջ հանդուրժողականության մթնոլորտ ստեղծելու նպատակով Հայհեղկոմի *սապրիլի 24-ի* դեկրետով ապստամբության բոլոր մասնակիցներին՝ ներառյալ ղեկավարներին, շնորհվեց համաներում: Խորհրդային իշխանությունները ձեռնամուխ եղան նաև հայկական բանակի աքսորված սպաներին ազատ արձակելու և հանրապետություն վերադարձնելու գործին: Վճռական քայլեր ձեռնարկվեցին երկրի սոցիալ-տնտեսական դրությունը բարելավելու ուղղությամբ:

Անցումը նոր փուլի՝ անկախության և արդարքին օգնությունը: Խորհրդային իշխանությունն ամրապնդելու նպատակով 1921 թ. գարնանը Մոսկվայի կողմից Հայաստան գործողվեցին փորձառու և հեղինակավոր պետական-կուսակցա-

կան գործիչներ՝ Ալեքսանդր Մյասնիկյանի և Սարգիս Լուկաշինի (Սրապիոնյան) գլխավորությամբ: *Մայիսի 21-ին* Հայիեդկոմը վերակազմավորվեց ՀՍԽՀ ժողովրդական կոմիսարների խորհրդի, *Ա. Մյասնիկյանը* նշանակվեց *Ժողովխորհի նախագահ* և միաժամանակ ռազմական գործերի ժողկոմ: *Ս. Լուկաշինը* դարձավ ՀՍԽՀ ժողովրդական տնտեսության խորհրդի (ԺՏԽ) նախագահ և ընտրվեց ՀԿ(Բ)Կ կենտկոմի քարտուղար:

Նոր տնտեսական քաղաքականությունը (նէպ), ինչպես գիտեք, մշակվել և ընդունվել էր Ռուսաստանում 1921 թ. գարնանը: Նեպով նախատեսված տնտեսական բարեփոխումների առանցքն էր պարենային հարկի կիրառումը: Նեպի նպատակն էր շուկայական հարաբերությունների հիման վրա աշխուժացնել ու զարգացնել երկրի տնտեսությունը:

Հայաստանում անցումը նեպին տեղի ունեցավ աստիճանաբար: Հայիեդկոմի 1921 թ. ապրիլի որոշմամբ արգելվեցին բոլոր տեսակի բռնագրավումները, սահմանվեց առևտրի և գների ազատականացում: *1921 թ. հունիսի 24-ին* մտցվեց պարենհարկը:

Տնտեսական նոր քաղաքականությունը և երկրում հաստատված կայունությունը

թեև սոցիալ-տնտեսական խոր ճգնաժամը հաղթահարելու հնարավորություններ էին ընձեռում, սակայն առանց արտաքին օգնության դա գրեթե անհնարին էր: 1921 թ. գարնանից սկսած՝ Ռուսաստանի կառավարությունը գործուն միջոցներ ձեռնարկեց խորհրդային Հայաստանին և նրա սովյալ բնակչությանը օգնություն հատկացնելու ուղղությամբ: Արտաքին օգնության կազմակերպման գործում նշանակալից դեր կատարեց 1921 թ. սեպտեմբերին Երևանում հիմնված *Հայաստանի օգնության կոմիտեն (ՀՕԿ)*, որի առաջին նախագահն էր բանաստեղծ *Հովհաննես Թումանյանը*:

ՀՍԽՀ բնակչությանը մեծ ծավալների մարդասիրական օգնություն էին տրամադրում խորհրդային հանրապետությունում իրենց գործունեությունը շարունակող Մերձավոր Արևելքում ամերիկյան և անգլիական նպաստամատույց կոմիտեները: ՀՍԽՀ իշխանությունները բարձր էին գնահատում այդ փաստը. պատահական չէ, որ ժողովխորհի նախագահ Ա. Մյասնիկյանը 1922 թ. մայիսի 10-ին հայ ժողովրդի անունից շնորհակալական բաց նամակ ուղղեց ԱՄՆ նախագահ Ու. Հարդինգին:

Հարցեր և ստուգադրանքներ

1. Ձեր կարծիքով՝ ինչո՞ւ խորհրդային իշխանությունը խախտեց դեկտեմբերի 2-ի համաձայնագիրը: Ներկայացրե՞ք գործադիր իշխանության նոր համակարգը: Ի՞նչ դեր էր խաղում Հայաստանի կոմկուսը երկրի քաղաքական կյանքում:
2. Ինչո՞ւ և ե՞րբ հայ բոլշևիկները ՀՍԽՀ-ում կիրառեցին ռազմական կոմունիզմի քաղաքականությունը: Վերհանե՞ք այդ քաղաքականության հետևանքները:
3. Պարզաբանե՞ք Փետրվարյան համաժողովրդական ապստամբության պատճառները: Ովքե՞ր գլխավորեցին ապստամբությունը: Իշխանության ի՞նչ նոր մարմին ստեղծվեց: Նկարագրե՞ք ապստամբության ընթացքն ու ավարտը, ինչո՞ւ այն պարտություն կրեց: Ի՞նչ նշանակություն ունեցավ Փետրվարյան ապստամբությունը:
4. Ե՞րբ ստեղծվեց ՀՍԽՀ ժողովխորհը, ո՞վ գլխավորեց այն: Վերհիշե՞ք՝ ինչ էր նեպը: Հայաստանում ե՞րբ սկսվեց անցումը նեպին: Ձեր կարծիքով՝ առանց արտաքին օգնության խորհրդային Հայաստանը կարո՞ղ էր հաղթահարել ներքին ծանր վիճակը: Ո՞ր երկրները և ի՞նչ կազմակերպություններ էին օգնում խորհրդային Հայաստանին:

§ 2. ՀՍԽՏ ՍԱՀՄԱՆԱԴՐՈՒԹՅՈՒՆԸ: ԽՈՐՀՐԴԱՅԻՆ ՀԱՅԱՍՏԱՆԸ ԱՆԴՐԴԱՇՆՈՒԹՅԱՆ ԵՎ ԽՍՀՄ-Ի ԿԱԶՄՈՒՄ

ՀՍԽՏ խորհուրդների առաջին համագումարը: Հայաստանում խորհրդային իշխանության ամրապնդումից հետո ժամանակավոր նշանակովի մարմիններին՝ հեղկոմներին, փոխարինեցին ընտրովի մարմինները՝ խորհուրդները: ՀՍԽՏ խորհուրդների առաջին ընտրությունները կայացան 1921 թ. **դեկտեմբերին**: Ընտրվեցին բանվորների, գյուղացիների և կարմիրբանակայինների պատգամավորների խորհուրդներ՝ որպես իշխանության տեղական մարմիններ: Քաղաքային խորհուրդներ ընտրվեցին միայն Երևանում և Ալեքսանդրապոլում:

ՀՍԽՏ խորհուրդների առաջին համագումարը բացվեց 1922 թ. **հունվարի 30-ին** Երևանի պետական թատրոնի սրահում և տևեց մինչև փետրվարի 4-ը: Համագումարի աշխատանքներին մասնակցում էր 252 պատգամավոր, որոնցից 218-ը կոմկուսի անդամներ էին, մյուսները՝ անկուսակցականներ: Ընտրվածներից 17-ը կանայք էին:

Համագումարը մի շարք կարևոր որոշումներ ընդունեց Անդրկովկասի դաշնության կազմավորման, ՀՍԽՏ Կարմիր բանակի, սոցիալական, տնտեսական և այլ հրատապ խնդիրների մասին:

Սահմանադրության համաձայն՝ համագումարը կազմավորեց ՀՍԽՏ օրենսդիր իշխանության մարմին՝ Կենտրոնական գործադիր կոմիտե, որը գործում էր խորհուրդների համագումարների միջև ընկած ժամանակաշրջանում: Կենտգործկոմը հաստատեց երկրի գործադիր իշխանություն՝ Ժողովրդական կոմիսարների խորհուրդ:

Համագումարի ավարտին պատգամավորները ողջույնի հատուկ ուղերձով դիմեցին «գաղութահայ աշխատավորությանը»: Դրանում հայկական սփյուռքին կոչ էր արվում համախմբվել խորհրդային Հայաստանի շուրջը և նպաստել հայրենիքի վերաշինությանը:



ՀՍԽՏ առաջին Սահմանադրությունը:

Խորհուրդների առաջին համագումարը փետրվարի 3-ի նիստում ընդունեց ՀՍԽՏ առաջին Սահմանադրությունը՝ հիմնական օրենքը: Այն մշակված էր ՌՍԴԽՏ-ում 1918 թ. հուլիսին ընդունված Սահմանադրության օրինակով: Երկրի հիմնական օրենքում նշված էր, որ հանրապետությունում ամբողջ իշխանությունը պատկանում է բանվորների, գյուղացիների և կարմիրբանակայինների պատգամավորական խորհուրդներին: Երաշխավորվում էին աշխատավորների հավասար իրավունքները՝ անկախ ազգությունից ու դավանանքից, աշխատանքը պարտադիր պարտականություն էր համարվում բոլորի համար՝ «ով չի աշխատում, նա չի ուտում» սկզբունքով:

Սահմանադրությունն ամրագրում էր խոսքի, մամուլի, ցույցերի և այլ ազատություններ: Սակայն իրականում դա կրում էր ձևական բնույթ: Եկեղեցին անջատվում էր պետությունից, իսկ դպրոցը՝ եկեղեցուց, միաժամանակ սահմանվում էր անվճար կրթություն ստանալու իրավունք:

Սահմանադրությամբ օրինականացվում էր ՀՍԽՏ Կարմիր բանակի տեղն ու դերը խորհրդային պետության կյանքում: Սահմանվում էր պարտադիր զինվորական ծառայություն: Հանրապետության բանակը

կոչված էր պաշտպանելու երկիրը արտաքին ու ներքին հակահեղափոխությունից:

Սահմանադրության առանձին հոդվածով հաստատվում էին հանրապետության պետական խորհրդանիշները՝ զինանշանը (հեղինակ՝ Մարտիրոս Սարյան) և դրոշը: Զինանշանի վրա պատկերված էին Մեծ և Փոքր Մասիսները:

ՀՍԽՀ առաջին Սահմանադրությունը թեև հռչակում էր ժողովրդավարության նորմեր, սակայն կոմունիստական կուսակցության ամբողջատիրության պայմաններում դրանց իրագործումը գրեթե բացառվում էր: Այնուամենայնիվ, իր թերություններով հանդերձ, ՀՍԽՀ Սահմանադրությունն առաջինն էր հայոց պետականության պատմության մեջ:

Հայաստանը Անդրդաշնության կազմավորման գործընթացում: Անդրկովկասի խորհրդային հանրապետությունների՝ Հայաստանի, Վրաստանի և Ադրբեջանի փոխհարաբերությունների մոտեցումները հստակեցնելու համար այդ հանրապետությունների «կոմունիստ ընկերներին» ուղղված 1921 թ. ապրիլի 14-ի նամակ-հրահանգով հանդես եկավ Վ. Լենինը: Այն իր հետ տարածաշրջան բերեց Ալեքսանդր Մյասնիկյանը: Նամակում առաջ էր քաշվում խորհրդային հանրապետությունների միջև տնտեսական և ռազմաքաղաքական սերտ դաշինք հաստատելու գաղափարը: Միավորման ձև ընտրվեց խորհրդային դաշնությունը:

1921 թ. նոյեմբերին Բաքվում կայացած Ռ-Կ(բ)Կ կենտկոմի կովկասյան բյուրոյի պլենումն անհետաձգելի ու անհրաժեշտ համարեց հանրապետությունների միջև դաշնային միութենական պայմանագրի ստորագրումը: Միավորման գործընթացը, սակայն, հարթ չէր: Դիմադրություն էր ցուցաբերում Վրաստանի կոմկուսի ղեկավարության մի մասը՝ հեղկոմի նախագահ Պ. Մդիվանու գլխավորությամբ: Նրանց կարծիքով՝ դաշնության կազմավորման հա-

մար չկային իրական նախադրյալներ, և այն պարտադրված էր կենտրոնական իշխանությունների կողմից: Պնդելով Անդրկովկասի հանրապետությունների իրական անկախությունը պահպանելու անհրաժեշտությունը՝ Մդիվանին և իր կողմնակիցները հանդես էին գալիս հանրապետությունների միջև երկկողմանի պայմանագրային հարաբերություններ հաստատելու առաջարկությամբ: Վրացական կողմի այս դիրքորոշումը Ռուսաստանի կոմկուսի վերնախավի կողմից որակվեց որպես ազգային թեքում, որի դեմ անգիջում պայքար ծավալվեց:

Հայաստանի իշխանությունները կողմ էին Անդրկովկասյան դաշնության (Անդրդաշնության) ստեղծմանը և դրանում տեսնում էին երկիրը և ժողովրդին արտաքին վտանգներից պաշտպանելու և հասարակական-տնտեսական ծանր վիճակից դուրս բերելու հնարավորություն:

1922 թ. մարտի 12-ին Թիֆլիսում հրավիրված Հայաստանի, Վրաստանի և Ադրբեջանի կենտգործկոմների ներկայացուցիչների լիազոր կոնֆերանսը հաստատեց Անդրդաշնություն կազմելու մասին միութենական պայմանագիրը: Դրանով իրականություն էր դառնում Անդրկովկասի խորհրդային Սոցիալիստական Հանրապետությունների Դաշնային Միությունը (ԱՍՍՀՄ): Կոնֆերանսն ամրագրում էր դաշնություն կազմող հանրապետությունների «լիակատար անկախությունը և ինքնուրույնությունը»: Սակայն գործնականում միութենական պայմանագիրը հնարավորություն էր ստեղծում զգալիորեն սահմանափակելու Անդրկովկասի հանրապետությունների ինքնիշխանությունը:

Անդրդաշնության ստեղծումը խորհրդային իշխանությունների համար ուներ զուտ քաղաքական նշանակություն: ԱՍՍՀՄ-ն գոյատևեց ընդամենը մի քանի ամիս: 1922 թ. դեկտեմբերի 10-ից 13-ը Բաքվում հրավիրված Անդրկովկասի խորհուրդների առաջին համագումարում այն վերափոխվեց Անդր-

կովկասի խորհրդային Դաշնային Սոցիալիստական Հանրապետության (ԱՄԴՍՀ): Միության վերածումը հանրապետության ավելի էր սահմանափակում ազգությունների իրավունքները:

Համագումարն ընդունեց նաև ԱՄԴՍՀ Սահմանադրությունը և որոշեց խորհրդային մյուս հանրապետությունների՝ ՌՍԴԽՀ-ի (Ռուսաստան), ՌԽՍՀ-ի (Ուկրաինա) և ԲՍՄՀ-ի (Բելոռուս) հետ միավորվել նոր ստեղծվող պետական կազմավորման՝ ԽՍՀՄ-ի (խորհրդային Սոցիալիստական Հանրապետությունների Միություն) կազմում:

Անդրկովկասի դաշնությունը գոյատևեց մինչև 1936 թ.:

ԽՍՀՄ-ի կազմավորումը: 1922 թ. երկրորդ կեսից ՌԿ(Բ)Կ կենտրոնը վճռական քայլեր ձեռնարկեց այդ ժամանակ նախկին ցարական կայսրության տարածքում առաջացած խորհրդային հանրապետությունների հետ խորհրդային Ռուսաստանի միջպետական փոխհարաբերությունները կարգավորելու համար: Այդ նպատակով 1922 թ. օգոստոսին ստեղծվեց խորհրդային բոլոր հանրապետությունների ներկայացուցիչների մասնակցությամբ հատուկ հանձնաժողով: Օգոստոսի վերջին հանձնաժողովի քննարկմանն է ներկայացվում հանձնաժողովի անդամ և փաստացի ղեկավար Ի. Ստալինի մշակած «ՌՍԴԽՀ և անկախ հանրապետությունների փոխհարաբերությունների մասին բանաձևի նախագիծը»: Համաձայն դրա՝ Հայաստանը, Ադրբեջանը, Վրաստանը, Բելոռուսը և Ուկրաինան մտնելու էին ՌՍԴԽՀ-ի կազմի մեջ՝ ինքնավար հանրապետության կարգավիճակով: Նախագծի համաձայն, որը ստացավ «ստալինյան ինքնավարացման ծրագիր» անվանումը, խորհրդային ազգային հանրապետությունները կորցնելու էին իրենց ինքնիշխանությունը: Խորհրդային բոլոր հանրապետությունների կոմկուսները, բացառությամբ Վրաստանի, որը պնդում էր հանրապետությունների անկախությունը պահպանելու

անհրաժեշտության մասին, հավանության արժանացրին ստալինյան նախագիծը:

Սակայն այդ նախագծի դեմ վճռականորեն հանդես եկավ խորհրդային պետության ղեկավար Վ. Լենինը: Նա առաջարկեց հանրապետությունների միավորումն անցկացնել սկզբունքորեն այլ հիմքի վրա. բոլորին, այդ թվում խորհրդային Ռուսաստանին, միավորել նոր պետականության մեջ՝ պահպանելով նրանց ինքնիշխանությունը և միությունից դուրս գալու իրավունքը: Լենինի առաջարկի հիման վրա 1922 թ. հոկտեմբերի 6-ին ընդունվեց նոր նախագիծ, որում հրամայական էր դիտվում Ուկրաինայի, Բելոռուսի, Անդրդաշնության և Ռուսաստանի միջև «խորհրդային Սոցիալիստական Հանրապետությունների Միության» կազմում միավորվելու մասին պայմանագրի ստորագրումը:

ԽՍՀՄ կազմավորման հարցն իր վերջնական լուծումը ստացավ 1922 թ. դեկտեմբերի վերջին Մոսկվայում հրավիրված խորհրդային չորս հանրապետությունների լիազոր պատվիրակությունների կոնֆերանսում: Այստեղ հաստատվեցին ԽՍՀՄ-ի կազմավորման մասին Հռչակագրի և Միութենական պայմանագրի նախագծերը: **Դեկտեմբերի 30-ին** այդ նախագծերը ստորագրվեցին խորհրդային Ռուսաստանի, Ուկրաինայի, Բելոռուսի և Անդրդաշնության ներկայացուցիչների կողմից և հաստատվեցին ԽՍՀՄ խորհուրդների՝ պետության բարձրագույն օրենսդիր մարմնի առաջին համագումարում:

Խորհրդային Միությունը, որը գոյատևեց շուրջ 70 տարի և կազմալուծվեց 1991 թ. դեկտեմբերին, իրականում ոչ թե դաշնային միություն էր, այլ միաձույլ կենտրոնացված պետություն: Խորհրդային կայսրությանը բնորոշ էին իրական ժողովրդավարության բացակայությունը, այլախոհության հետապնդումը, ազգերի ու հասարակության միլիոնավոր անդամների նկատ-

մամբ բռնությունները: Այդուհանդերձ, ԽՍՀՄ-ի կազմում խորհրդային հանրապետությունները, այդ թվում Հայաստանը, դառնում էին արտաքին սպառնալիքներից

պաշտպանված, ստանում տնտեսական, գիտակրթական և մշակութային զարգացման լայն հնարավորություններ:

Հարցեր և առաջադրանքներ

1. Երբ կայացան ՀՍԽՀ խորհուրդների առաջին ընտրությունները: Ի՞նչ որոշումներ ընդունվեցին ՀՍԽՀ խորհուրդների առաջին համագումարի կողմից:
2. Երբ է հաստատվել ՀՍԽՀ առաջին Սահմանադրությունը: Ըստ նոր սահմանադրության՝ ում էր պատկանում իշխանությունը: Նշե՞ք ՀՍԽՀ առաջին Սահմանադրության նշանակությունը:
3. Բուլշևիկյան կուսակցության տեսանկյունից՝ ինչո՞ւ էր անհրաժեշտ խորհրդային հանրապետությունների պետական միավորումը: Ի՞նչ դիրքորոշում ուներ դաշնության կազմավորման վերաբերյալ Վրաստանի կոմկուսի ղեկավարությունը: Ինչո՞ւ Հայաստանի կոմկուսի ղեկավարությունը հավանություն տվեց Անդրդաշնության կազմավորման հարցին:
4. Երբ է ստեղծվել ԱԽՍՀՄ-ն: Հիմնավորե՞ք, որ ԱԽՍՀՄ կազմում երեք հանրապետությունների ինքնիշխանությունը սահմանափակվեց: Երբ և ո՞ր համագումարը հաստատեց ԱԽՄՀ ստեղծումը:
5. Ներկայացրե՞ք խորհրդային հանրապետությունների միավորման Ստալինի նախագիծը: Ինչո՞ւ այն կոչվեց «ինքնավարացման ծրագիր»: Ինչո՞ւ Լենինը փոխել տվեց Ստալինի կազմած ծրագիրը: Երբ է ստեղծվել ԽՍՀՄ-ը: Ընդհանուր գծերով նշե՞ք Խորհրդային Միության քաղաքական և դրական կողմերը:

§ 3-4. ՀՍԽՀ ՏԱՐԱԾՔԱՅԻՆ ՀԻՄՆԱՆԻԴԻՐՆԵՐԸ ԵՎ ԱՐՏԱՔԻՆ ԿԱՊԵՐԸ

Լոռու չեզոք գոտու և Զախախթի հիմնախնդիրը: Հայաստանի առաջին հանրապետությունից խորհրդային հանրապետությանը փոխանցվեց հարևան չորս երկրներից երեքի՝ Թուրքիայի, Ադրբեջանի և Վրաստանի հետ տարածքային-սահմանային չլուծված խնդիրների «ժառանգությունը»:

Հայաստանի խորհրդայնացումով նպաստավոր իրավիճակ էր ստեղծվել հայ-վրացական տարածքային խնդիրներից մեկը՝ Լոռու չեզոք գոտու խնդիրը ՀՍԽՀ օգտին լուծելու համար: Հայաստանի խորհրդայնացումից հետո, երբ բեմալական գործերի՝ Լոռի ներխուժելու վտանգը վերացած էր, Հայիեղկոմը Վրաստանի իշխանություններից պարբերաբար պահանջում էր վրացական գործերը դուրս բերել չեզոք գոտուց, սակայն ապարդյուն: Ավելին՝ վրացական

կողմը ձգտում էր Լոռին բռնակցել Վրաստանին: Հայ-վրացական տարածքային վեճը հայտնվեց Խորհրդային Ռուսաստանի ուշադրության կենտրոնում: Վերջինիս համար հրատապ էր դարձել նաև Վրաստանի խորհրդայնացման իրականացումը: Այդ գործողության սկիզբ դարձավ ՌԿ(Բ)Կ կովկասյան բյուրոյի և ՀՍԽՀ իշխանությունների կողմից Լոռիում վրացական ռազմակալման դեմ կազմակերպված ապստամբությունը: Այն ղեկավարելու համար Ղարաբիլիսայում (Վանաձոր) ստեղծված սպայակույտի պետ էր նշանակվել ՀՍԽՀ ռազմգործողկոմի տեղակալ **Հովսեփ Լազյանը**:

Ապստամբությունն սկսվեց 1921 թ. փետրվարի II-ի լույս 12-ի գիշերը: Շուտով նրանց օգնության հասան հայկական և II-րդ Կարմիր բանակների հեծելազորային

ՀԱՅԱՍՏԱՆԻ ԽՍՀ ՏԱՐԱԾՔԱՅԻՆ ԿՈՐՈՒՍՏՆԵՐԸ 1921-1936 ԹԹ.



գումարտակները: Եռօրյա համառ մարտե-
րից հետո չեզոք գոտին ազատագրվեց:
Ապստամբության հաղթական ավարտը
հնարավորություն ընձեռեց Ռուսաստանին
շարունակելու վճռական գործողություննե-
րը Վրաստանը խորհրդայնացնելու նպա-
տակով: 1921 թ. փետրվարի 25-ին Կարմիր
բանակի զորամասերը մտան Թիֆլիս, իսկ
մինչև մարտի կեսերը խորհրդային կարգեր
հաստատվեցին ամբողջ Վրաստանում:

Հայ-վրացական մեկ այլ տարածքային

Վիճելի հարց էր հայկական **Զավախքի** խնդիրը: 1921 թ. փետրվարի վերջին և մարտի սկզբին Ախալքալաքի գավառը ենթարկվեց քննալական Թուրքիայի հարձակմանը, ինչը նոր գրկանքներ պատճառեց ջավախահայությանը: Նրանց նկատմամբ շարունակվում էր նաև վրացական իշխանությունների խորական քաղաքականությունը: Ստեղծված պայմաններում հայությունը պայքար ծավալեց ՀՍԽՀ-ին միանալու համար:

Ռ-Կ(բ)Կ կովկասյան բյուրոյի որոշումով

1921 թ. հունիսի 25-27-ը Թիֆլիսում հրավիրված Անդրկովկասի հանրապետությունների ներքին սահմանները որոշելու հանձնաժողովի նիստում Հայաստանի միակ ներկայացուցիչ Ա. Բեկզադյանն առաջարկեց ի թիվս Լոռու և Լեռնային Ղարաբաղի, ՀՍԽՀ-ին միացնել նաև Ախալքալաքի գավառը: Առաջարկը, սակայն, կտրականապես մերժվեց հանձնաժողովի ադրբեջանցի և վրացի ներկայացուցիչների կողմից: Վրաց-ադրբեջանական հակահայկական դաշինքին աջակցում էր նաև հանձնաժողովի նախագահ, Ռուսաստանի ներկայացուցիչ Ս. Կիրովը: Նման իրավիճակում Բեկզադյանը հրաժարվեց հանձնաժողովի աշխատանքներին իր հետագա մասնակցությունից և պահանջեց վիճելի բոլոր հարցերը փոխանցել կովկասյան բյուրոյի պլենումի քննարկմանը:

Լոռու չեզոք գոտու, ինչպես նաև Ախալքալաքի և Խրամի (Ծալկայի) հայ-վրացական վիճելի տարածքների խնդիրն իր նախնական լուծումն ստացավ Թիֆլիսում գումարված ՌԿ(Բ)Կ կենտկոմի կովկասյան բյուրոյի պլենումի 1921 թ. հուլիսի 7-ի նիստում: Որոշվեց Լոռու չեզոք գոտին թողնել ՀՍԽՀ կազմում: Հայ-վրացական սահմանազատման մասին վերջնական համաձայնագիրը ստորագրվեց 1921 թ. նոյեմբերի 6-ին Թիֆլիսում՝ Հայաստանի ժողկոմխորհի նախագահ Ա. Մյասնիկյանի և Վրաստանի հեղկոմի նախագահ Պ. Մդիվանու կողմից: Լոռին, բացառությամբ Հյուսիսային Լոռու հայկական մի խումբ գյուղերի (Աղ-Քյորփի, Օփրեթ, Խոժոռնի և այլն), մնում էր Խորհրդային Հայաստանին: Ջավախքն անցնում էր Վրաստանին: Հետագայում հայկական կողմը փորձեց հասնել Վրաստանի կազմում Ջավախքի և Հյուսիսային Լոռու համար ինքնավարության, սակայն հաջողություն չունեցավ:

Զանգեզուրի, Լեռնային Ղարաբաղի և Նախիջևանի իմունսիտիդը: Տարածքային սահմանազատման հարցերում առավել խոր հակասություններ գոյություն ունեին հայ-ադրբեջանական հարաբերություններում: Հայաստանի խորհրդայնացման կապակցությամբ Խորհրդային Ադրբեջանի հեղկոմը 1920 թ. նոյեմբերի 30-ին հանդես էր եկել «Լեռնային Ղարաբաղը, Զանգեզուրը և Նախիջևանը Խորհրդային Հայաստանի հանրապետության մաս ճանաչելու» հայտարարությամբ: Սակայն Ադրբեջանը հետագայում ոչ միայն հրաժարվեց իր իսկ որոշումից, այլև գործի դրեց հնարավոր բոլոր միջոցները հայկական երկրամասերն Ադրբեջանին բռնակցելու համար:

Հայաստանի խորհրդայնացումից հետո **Զանգեզուրը** պահպանում էր իր ինքնուրույնությունը: Թերահավատորեն վերաբերվելով Խորհրդային Ադրբեջանի հեղկոմի վերը նշված որոշմանը՝ 1920 թ. դեկտեմբերի 25-ին Սյունիքի Տաթևի վանքում հրավիրված համազանգեզուրյան համագումարը երկրամասը հռչակեց «Ինքնավար Սյունիք»: Սյունիքի սպարապետ Նշանակվեց երկրամասի ինքնապաշտպանական ուժերի գլխավոր հրամանատար **Գարեգին Նժդեհը:**

Զանգեզուրի խորհրդայնացման խնդիրը խորհրդային իշխանությունները փորձում էին լուծել բանակցությունների միջոցով: Այդ նպատակով 1921 թ. փետրվարի 2-ին դիվանագիտական առաքելությամբ Գորիս է ժամանում II-րդ Կարմիր բանակի և ՀՍԽՀ ներկայացուցիչների միացյալ պատվիրակությունը: Նժդեհը Զանգեզուրի խորհրդայնացման մի շարք նախապայմաններ է դնում. քննադական զորքերի հեռացում Հայաստանի գինագրավված շրջաններից, Նախիջևանի և Լեռնային Ղարաբաղի փաստացի միացում հանրապետությանը և այլն: Բանակցությունները ձախողվում են:

Փետրվարյան ապստամբությունը ձնշելուց հետո Կարմիր բանակը, շարունակելով ապստամբների հետապնդումը, ընդհուպ մոտենում է Սիսիանի ու Գորիսի սահմաններին: Կարմիր զորամասերին հաջողվում է ձնշել Նժդեհի զինակից *Թևանի (Սյրեփանյան)* գլխավորած ապստամբությունը Ղարաբաղում. Թևանի ջոկատը նահանջում է դեպի Ջանգեզուր, իսկ Արցախում հաստատվում է խորհրդային իշխանություն: Այսպիսով՝ 1921 թ. գարնան և ամռան ամիսներին Ջանգեզուրը մնացել էր անկախության միակ կղզյակն Անդրկովկասում և իր վրա էր սևեռել բոլշևիկների ուշադրությունը: Տաթևում հրավիրված համագանգեզուրյան 2-րդ համագումարը 1921 թ. *ապրիլի 27-ին* Ինքնավար Սյունիքը հռչակում է «*Լեռնահայաստան*» և վարչապետ ընտրում Գ. Նժդեհին: Վերջինս պարզևատրվում է «Խուստուռիյան արծիվ» շքանշանով: Շատ չանցած՝ *հունիսի 1-ին, Լեռնահայաստանը վերանվանվում է Հայաստանի Հանրապետության*. Սիմոն Վրացյանը դառնում է վարչապետ, իսկ Նժդեհը պահպանում է զինվորական նախարարի և սպարապետի պաշտոնները:

ՌԿ(Բ)Կ կովկասյան բյուրոյի 1921 թ. հունիսի 3-ի որոշմամբ՝ ՀՍԽՀ կառավարությունը հունիսի 13-ին պայքարը դադարեցնելու և խորհրդայնացումն ընդունելու հերթական կոչն է ուղղում Ջանգեզուրի կառավարությանը՝ նշելով, որ երկրամասը լինելու է Խորհրդային Հայաստանի կազմում: Ջանգեզուրցիների հերթական մերժումը ստիպում է խորհրդային կողմին խնդիրը լուծել ռազմական միջոցներով:

Կարմիր բանակը Ջանգեզուրի վրա հարձակման է անցնում ինչպես արևմուտքից՝ Կարմիր բանակի Երևանյան զորախմբի, այնպես էլ արևելքից՝ Ադրբեջանում տեղակայված խորհրդային բանակի ուժերով: Հունիսի 30-ին խորհրդային զորքերը մտնում են Սիսիան: Վերջինիս անկումից

հետո Նժդեհը որոշում է դադարեցնել պայքարը և Գորիսից նահանջում է դեպի Կապան՝ գորիսցիներին պատգամելով չդիմադրել հայ-ռուսական կարմիր զորքերին և անխնա լինել, եթե հարձակում ձեռնարկեն ադրբեջանական ջոկատները: Կարմիր բանակի զորամասերը հուլիսի 2-ին մտնում են Գորիս, 7-ին՝ Կապան, իսկ 13-ին՝ Մեղրի՝ դրանով իսկ ավարտին հասցնելով Ջանգեզուրի խորհրդայնացումը:

Նժդեհը թողնում է Հայաստանի սահմանները և մի քանի հազար փախստականների հետ անցնում Արաքսի աջ ափը: Երկրում գտնվելու վերջին օրերին Հայեղկովմին հղած հուզական նամակում Նժդեհը զգուշացնում է, որ ինքն ընդմիշտ չի հեռանում Լեռնահայաստանից, այլ կվերադառնա, եթե «Երևանի փոխարեն Բաքուն լինի Սյունիքի հողի վրա ոտք դնողը»: Այսպիսով՝ զանգեզուրցիների՝ Գարեգին Նժդեհի գլխավորած հերոսական պայքարի շնորհիվ երկրամասը մնում է ՀՍԽՀ անբաժան մասը:

Քանի դեռ Ջանգեզուրն անկախ էր, *Լեռնային Ղարաբաղի* հարցը կարծես լուծվում էր Խորհրդային Հայաստանի օգտին: ՌԿ(Բ)Կ կովկասյան բյուրոյի վերոհիշյալ հունիսի 3-ի որոշումով հայկական կառավարությանը հանձնարարվել էր հռչակագրով հայտարարել «Լեռնային Ղարաբաղի» Հայաստանին պատկանելության մասին»: ՀՍԽՀ Ժողկոմխորհի համապատասխան հայտարարությունը հրապարակվում է 1921 թ. *հունիսի 12-ին*: Ղարաբաղ է գործուղվում Ասքանազ Մոավյանը՝ որպես արտակարգ կոմիսար: Այս քայլը առաջ է բերում ադրբեջանցիների կատաղի դիմադրությունը, որոնք Ղարաբաղի հարցում որդեգրում են կոշտ և անզիջում քաղաքականություն:

Լեռնային Ղարաբաղի խնդիրը քննարկվում է ՌԿ(Բ)Կ կովկասյան բյուրոյի վերոհիշյալ հուլիսյան պլենումում: *Հուլիսի 4-ի* նիստում, որին կովկասյան բյուրոյի անդամներից բացի, մասնակցում էր նաև ՌԿ(Բ)Կ

կենտրոնի անդամ Ի. Ստալինը, քվեարկությամբ ընդունվում է միանգամայն արդարացի որոշում՝ Լեռնային Ղարաբաղը ՀՍԽՀ-ին միացնելու վերաբերյալ: Որոշմանը, սակայն, դեմ է արտահայտվում Ադրբեջանի կառավարության նախագահ Ն. Նարիմանովը: Նա պահանջում է հարցի վերջնական լուծումը փոխադրել Մոսկվա՝ ՌԿ(Բ)Կ կենտրոն: Բայց հաջորդ օրը՝ հուլիսի 5-ին, հրավիրված կովկասյան բյուրոյի պլենումի արտահերթ նիստը հոգուտ Ադրբեջանի վերանայում է Ղարաբաղի հարցի վերաբերյալ նախորդ օրը կայացրած որոշումը: Առանց հարցը քվեարկության դնելու՝ պլենումը որոշում է «Լեռնային Ղարաբաղը թողնել Ադրբեջանական ՍԽՀ սահմաններում՝ նրան տալով մարզային լայն ինքնավարություն»: Որոշումը «հիմնավորվում էր» Ադրբեջանի հետ երկրամասի տնտեսական կապով: ՀՍԽՀ ներկայացուցիչ Ա. Մյասնիկյանը, հավանաբար լինելով կոշտ ձեռնմաների տակ, հանդես չի գալիս խնդրի լուծումը ՌԿ(Բ)Կ կենտրոն փոխադրելու պահանջով, որի իրավունքը նա ուներ:

Այսպիսով՝ կովկասյան բյուրոյի պլենումի հուլիսի 5-ի ոչ օրինական որոշումով խախտվեց միջազգային իրավունքի հիմնարար՝ ազգերի ինքնորոշման իրավունքի սկզբունքը, ոտնահարվեցին Լեռնային Ղարաբաղի շուրջ 95 տոկոսը կազմող հայ բնակչության իրավունքները, անտեսվեցին խորհրդային Հայաստանի շահերը: Ահա թե ինչու ՀԿ(Բ)Կ կենտրոնը 1921 թ. հուլիսի 16-ին միանգամայն սխալ և անբավարար ճանաչեց ղարաբաղյան հարցի վերաբերյալ կովկասյան բյուրոյի պլենումի որոշումը և բողոքեց դրա դեմ: Խորհրդային Հայաստանի ղեկավարության և արցախահայության հաստատական և հետևողական ջանքերի շնորհիվ երկու տարվա համառ դիմադրությունից հետո միայն խորհրդային Ադրբեջանի իշխանությունները առիպված էին 1923 թ. *հուլիսի 7-ի* որոշումով Լեռնային Ղարաբաղին տրա-

մադրել ինքնավար մարզի կարգավիճակ: Դրա շնորհիվ էր նաև, որ արցախահայությունը խորհրդային տարիներին դիմակայեց Ադրբեջանի սադրանքներին և ազգային խտրականության քաղաքականությանը:

Ի տարբերություն Զանգեզուրի և Լեռնային Ղարաբաղի՝ Հայաստանի խորհրդայնացումից հետո *Նախիջևանում* ստեղծված դրությունը նպաստավոր չէր հայկական կողմի համար: Նախիջևանը շարունակում էր ողողված մնալ թուրք-թաթարական (ադրբեջանական) գործակալներով, որոնք ծավալել էին հակահայկական գործունեություն և ձգտում էին երկրամասն ամբողջությամբ անջատել խորհրդային Հայաստանից:

Հայկական տարածքների հարցը Մոսկվայի և Կադուխի 1921 թ. պայմանագրերում: Հայաստանի խորհրդայնացումով տարածաշրջանում ստեղծված նոր իրադրությունը հրատապ էր դարձրել խորհրդաթուրքական նոր կոնֆերանս հրավիրելու հարցը: 1920 թ. դեկտեմբերին քեմալականներին ուղղված հուշագրերում ՌՍՖՍՀ կառավարությունը անհրաժեշտ է համարում նախատեսվող կոնֆերանսին խորհրդային Հայաստանի (ինչպես նաև Ադրբեջանի) ներկայացուցիչների մասնակցությունը: Հայկական պատվիրակությունը՝ *Ա. Բեկզադյանի* գլխավորությամբ, 1921 թ. հունվարի երկրորդ կեսին ուղևորվեց Մոսկվա՝ իր հետ վերցնելով փաստագրական նյութերի մեծ փաթեթ: Փաստաթղթերը հիմնավորում էին հայկական կողմի այն մոտեցումը, որ ՀՍԽՀ սահմաններում պետք է լինեին 1920 թ. թուրք-հայկական պատերազմի նախօրյակի դրությամբ Հայաստանի Հանրապետությանը պատկանող տարածքները: Սակայն թուրքական կողմի համառ ջանքերով հայկական պատվիրակությանը չթույլատրվեց մասնակցել կոնֆերանսին:

Խորհրդային Ռուսաստանի և Հայաստանի դիվանագիտական համատեղ բոլոր ջանքերը՝ ազդելու քեմալականների վրա,

որպեսզի փոխվի նրանց թշնամական վերաբերմունքը Հայաստանի նկատմամբ, որևէ արդյունք չտվեցին: Կոնֆերանսը հայտարարվեց երկկողմ՝ ռուս-թուրքական: Կոնֆերանսին նշանակված թուրքական պատվիրակությունը (նախագահ՝ Յուսուֆ Քեմալ) դեպի Մոսկվա ճանապարհին Բաքվում հանդիպումներ ունեցավ Ադրբեջանի ղեկավարության հետ: Դրանց արդյունքում մշակվեցին թուրք-ադրբեջանական համատեղ գործողությունների ծրագրեր: Կոնֆերանսի նախօրյակին Ադրբեջանի հեղկոմի նախագահ Նարիմանովը հակահայկական բովանդակությամբ բազմաթիվ նամակներ հղեց Վ. Լենինին՝ համոզելով նրան, որ «թուրքական պատվիրակության հետ բանակցություններում հայկական հարցը չպետք է դեր խաղա»:

Հատկանշական է, որ Մոսկվայի ռուս-թուրքական երկրորդ կոնֆերանսի նախօրեին՝ 1921 թ. փետրվարի 23-ին, թուրքական պատվիրակությունը հանդիպեց Ստալինի հետ, իսկ բացման օրը՝ փետրվարի 26-ին, նրանց անձամբ ընդունեց Լենինը: Անդրկուլիայան այս բանակցությունների արդյունքում խորհրդաթուրքական տարածքային սահմանազատման վիճահարույց հարցերի հիմնական մասը հարթվեց Թուրքիայի օգտին՝ հայկական տարածքների հաշվին: Խորհրդաթուրքական սահմանի որոշման հարցը Ռուսաստանի իշխանությունները շարունակում էին կապել քեմալականների հետ հակաիմպերիալիստական դաշինք ստեղծելու խնդրի հետ: Նրանք զգուշանում էին, որ նույն օրերին Լոնդոնում ընթացող միջազգային կոնֆերանսում քեմալականները կարող են «նետվել Անտանտի գիրկը», ինչը հակասում էր խորհրդային շահերին: Միևնույն ժամանակ բոլշևիկները հայ ժողովրդին կոչ էին անում «հրաժարվել ոչ միայն Մեծ Հայաստանի... այլև, հնարավոր է, նույնիսկ մշտապես հայկական անվանված հողատարածքների միավորման ավելի համեատ ցանկությունից: Հայաստանին... այլ ելք չի մնում,— ցինիկո-

րեն եզրակացնում էին նրանք,— քան հաշտվել դրա հետ և համաշխարհային հեղափոխության շահերին զոհաբերել և՛ իր երբեմնի հողատարածքները, և՛ իր ժողովրդի այնտեղ մնացած հատվածները»:

Ռուս-թուրքական մոսկովյան բանակցությունների արդյունքում ստորագրված 1921 թ. մարտի 16-ի «Ռուս-թուրքական բարեկամության և եղբայրության» պայմանագրով Խորհրդային Ռուսաստանը ճանաչեց քեմալականների «Ազգային ուխտը», որը թուրքական տարածք էր հռչակում ամբողջ Արևմտյան Հայաստանը: Թուրք-հայկական սահմանն անցնելու էր Ախուրյան և Արաքս գետերով՝ թուրքական կողմում թողնելով Կարսի մարզը, Սուրմալուի գավառը (հայոց խորհրդանիշ Արարատ լեռով), որը երբեք նրա կազմում չէր եղել: Նախիջևանը՝ որպես «Նախիջևանի մարզ», ինքնավար տարածքի կարգավիճակով փոխանցվում էր Խորհրդային Ադրբեջանի խնամակալությանը՝ պայմանով, որ վերջինս այն չի զիջելու մի երրորդ պետության, այսինքն՝ Հայաստանին: Մոսկվայի կոնֆերանսում հայկական շահերի անտեսման կապակցությամբ հայկական պատվիրակությունն ապրիլի 15-ին բողոքի հուշագիր ներկայացրեց ՌԿ(Բ)Կ կենտկոմին և բոլշևիկների առաջնորդ Լենինին, սակայն դա որևէ ազդեցություն չունեցավ:

Այսպիսով՝ քեմալա-բոլշևիկյան գործարքով Հայաստանից խլվեցին և Թուրքիային ու Խորհրդային Ադրբեջանին նվիրաբերվեցին նրա տարածքների զգալի մասը: Ո՛չ Խորհրդային Ռուսաստանը և ո՛չ էլ քեմալական Թուրքիան որևէ իրավասություն չունեին առանց հայկական կողմի մասնակցության տեօրինելու հայկական տարածքների և հայ ժողովրդի ձևակատարելը: Հայ-թուրքական տարածքային սահմանազատմանը վերաբերող 1921 թ. մարտի 16-ի պայմանագրի դրույթներն օրինական չէին:

Մոսկվայի պայմանագրի համաձայն՝ ՀՍԽՀ կազմում էր մնալու քեմալականների կողմից ռազմակալված զինագրավման տակ գտնվող *Ալեքսանդրապոլի գավառը*։ Թուրքերը, սակայն, չէին շտապում հեռանալու գավառից. միայն Ռուսաստանի և նրա II-րդ Կարմիր բանակի ղեկավարության սպառնալից հայտարարությունների շնորհիվ էր, որ 1921 թ. ապրիլի 22-ին նրանք վերջնականապես լքեցին Ալեքսանդրապոլը։ Թուրքական զինագրավումն աղետալի հետևանքներ ունեցավ գավառի բնակչության համար։ 1920 թ. նոյեմբեր–1921 թ. ապրիլ ամիսներին քեմալականները միայն այս գավառում կոտորել էին մոտ 60 հազար մարդ, այդ թվում՝ կանանց և երեխաների, գերության բշել 25 հազար մարդ, սովամահ էր եղել ավելի քան 30 հազար մարդ։

Մոսկվայի պայմանագրի 15-րդ հոդվածով Խորհրդային Ռուսաստանը պարտավորվում էր անհրաժեշտ միջոցներ ձեռնարկել, որ Թուրքիայի և Անդրկովկասի խորհրդային հանրապետությունների միջև կնքվելիք պայմանագրում վերջիններս «պարտադիր կերպով ձանաչեն սույն պայմանագրի այն հոդվածները, որոնք անմիջականորեն վերաբերվում են իրենց»։

Քեմալականների պահանջով խորհրդաթուրքական նոր կոնֆերանսը հրավիրվեց նրանց կողմից բռնազավթված *Կարսում*։ Կոնֆերանսի համար Հայաստանի, Վրաստանի և Ադրբեջանի միասնական ծրագրի դրույթները հաստատվեցին ՌԿ(Բ)Կ կովկասյան բյուրոյի 1921 թ. սեպտեմբերի 3-ի՝ «Կարսի կոնֆերանսի մասին» որոշումով։ Նրանում մասնավորապես նշվեց, որ անհրաժեշտ է խստորեն պահպանել Մոսկվայի պայմանագրի շրջանակները, «ոչ մի դեպքում թույլ չտալ Կովկասի հանրապետությունների մեկուսի ելույթները»։ Կոնֆերանսի հետ կապված իր խնդիրները ձևակերպեց նաև ՀՍԽՀ կառավարությունը։ ՀՍԽՀ-ն առաջարկում էր Նախիջևանի մարզի խնա-

մակալությունը հանձնել Խորհրդային Հայաստանին, իրեն տրամադրել Օլթիի և Կադզվանի հանքավայրերի, Սարիղամիշի անտառների, Կարսի խոտհարքերի, Կողքի աղահանքերի շահագործման իրավունքը։ Առաջ էին քաշվում նաև Թուրքիայի և Հայաստանի միջև արտաքին ազատ առևտրի, արևմտահայ գաղթականների՝ հայրենի օջախները վերադառնալու, նրանց կրած վնասների փոխհատուցման, Թուրքիայում հայ բնակչության հավասար իրավունքների և այլ հարցեր։ Այսպիսով՝ Խորհրդային Հայաստանի իշխանությունները, անտեսելով Մոսկվայի պայմանագրի դրույթները, փորձում էին հանդես գալ ոչ միայն որպես հայկական տարածքների պահանջատեր, այլև արևմտահայերի իրավունքների պաշտպան։

Կարսի կոնֆերանսը կայացավ 1921 թ. *սեպտեմբերի 26-ից մինչև հոկտեմբերի 13-ը* և ընթացավ լարված մթնոլորտում։ Խորհրդային Ռուսաստանի ներկայացուցիչ *Յակով Գանեցկու* համաձայնությամբ հայկական պատվիրակությունը, որի նախագահն էր ՀՍԽՀ արտգործոժողկոմ Ասքանազ Մռավյանը, թուրքերին առաջարկեց Խորհրդային Հայաստանին վերադարձնել միջնադարյան մայրաքաղաք Անիի ավերակները, Կողքի աղահանքերը, քեմալականների կողմից Ալեքսանդրապոլի դեպոյից թալանված գույքը և այլն։ Սակայն թուրքական պատվիրակությունը, որի նախագահն էր Քյազիմ Կարաբեքիր փաշան, որևէ զիջման չգնաց։

Մի կողմից՝ Հայաստանի, Ադրբեջանի ու Վրաստանի խորհրդային հանրապետությունների և մյուս կողմից՝ Թուրքիայի միջև ՌՍԴԽՀ ներկայացուցչի մասնակցությամբ *1921 թ. հոկտեմբերի 13-ին Կարսում* ստորագրվեց պայմանագիր։ Այն, չնչին փոփոխություններով, վերահաստատեց Մոսկվայի ռուս-թուրքական պայմանագիրը և դրանով որոշված հայ-թուրքական սահմանը։ Խորհրդային կողմի միակ ձեռքբերումը կա-

րելի է համարել այն, որ, ի տարբերություն մարտի 16-ի պայմանագրի, որով Նախիջևանի մարզի նկատմամբ խնամակալությունն Ադրբեջանն իրավունք չունեի զիջելու «մի երրորդ պետության», Կարսի պայմանագրից այդ պայմանը հանվեց: Դրանով Ադրբեջանը զրկվեց ապագայում Նախիջևանի հետ կապված որևէ հարցով Թուրքիային դիմելու իրավական հնարավորությունից:

Այսպիսով՝ խորհրդային Ռուսաստանի պարտադրանքով խորհրդային Հայաստանը ստորագրեց Կարսի պայմանագիրը: Սակայն ՀՍԽՀ իշխանություններն առիթը բաց չէին թողնում իրենց դժգոհությունը հայտնելու Կարսի պայմանագրից: Փաստաթուղթը ստորագրած Ա. Մոսվյանը նշում էր. «Մենք չենք կարող երբևիցե հրաժարվել հողային պահանջներից, որոնք մեզ համար անհրաժեշտություն են, մեր կենսունակության և ապրելու կարելիության առաջին պայմանը»:

Միջազգային իրավական նորմերի տեսանկյունից՝ Կարսի պայմանագիրն ինքնուրույն փաստաթուղթ չի կարող հանդիսանալ, քանի որ անմիջականորեն ըխում է մարտի 16-ի ռուս-թուրքական պայմանագրից: Եվ քանի որ Մոսկվայի պայմանագիրն ստորագրած կողմերն առանց որևէ լիազորության միջամտել էին պայմանագրի կողմ չհանդիսացող ինքնիշխան պետությունների, այդ թվում՝ խորհրդային Հայաստանի տարածքային հարցերին, ուստի Կարսի պայմանագրի նկատմամբ նույնպես հայկական կողմը իրավական պարտավորություն կրել չի կարող:

Այսպիսով՝ ՀՍԽՀ սահմանների որոշման հարցում խորհրդային Ռուսաստանի բոլշևիկյան ղեկավարության դիրքորոշումը հայանապատ չէր. ոչ միայն Արևմտյան, այլև Արևելյան Հայաստանի տարածքների զգալի մասը դուրս մնաց խորհրդային Հայաստանի սահմաններից:

Հանրապետության արտաքին կապեր: խորհրդայնացումից հետո՝ մինչև Անդրդաշնության և ԽՍՀՄ կազմավորումը, Հայաստանն ուներ ինքնիշխան պետության կարգավիճակ: Նա միջպետական հարաբերություններ ու առևտրատնտեսական կապեր էր հաստատել ինչպես խորհրդային հանրապետությունների, այնպես էլ արտասահմանյան մի շարք երկրների և միջազգային կազմակերպությունների հետ: ՀՍԽՀ արտաքին քաղաքական գործունեությունն իրականացնում էր արտաքին գործերի ժողկոմատը, որը 1920–1922 թթ. ղեկավարել են Ա. Բեկզադյանը և Ա. Մոսվյանը:

խորհրդային Ռուսաստանի հետ բազմակողմանի սերտ կապեր հաստատելու և իրականացնելու գործում մեծ էր Մոսկվայում հիմնված ՀՍԽՀ լիազոր ներկայացուցչության և նրա ղեկավար *Սահակ Տեղ-Գաբրիելյանի* դերը: Մինչև 1921 թ. նոյեմբերի կեսերը, երբ կենտրոնական իշխանությունների պարտադրանքով հայկական կառավարությունը որոշում ընդունեց խորհրդային հանրապետություններում ՀՍԽՀ դիվանագիտական և հյուպատոսական ներկայացուցչությունների վերացման մասին, դրանք գործում էին նաև խորհրդային այլ հանրապետություններում՝ Վրաստանում, Ադրբեջանում, Ուկրաինայում:

խորհրդային Հայաստանը դիվանագիտական և առևտրական կապեր էր հաստատել իր անմիջական հարևաններ Իրանի և Թուրքիայի հետ: Կարսում հաստատվել էր ՀՍԽՀ ներկայացուցչությունը: Ի տարբերություն Թուրքիայի՝ Իրանի հետ ՀՍԽՀ հարաբերությունները կրում էին բարիդրացիական բնույթ, առևտրատնտեսական սերտ կապեր էին հաստատվել սահմանակից պարսկական Մակուի խանության հետ: Երևանում իր գործունեությունն էր շարունակում պարսկական հյուպատոսությունը: Ռուսաստանի դիվանագիտական աջակցության շնորհիվ 1921 թ. աշնան կեսերից

Թեհրան և Թավրիզ քաղաքներում սկսեցին գործել ՀՍԽՀ լիազոր ներկայացուցչությունը և գլխավոր հյուպատոսությունը:

Խորհրդային Հայաստանում շարունակում էին գործել իտալական «Սագո» և շվեդական «Բալթիկ» առևտրական ընկերությունները, ամերիկյան և անգլիական նպաստամատույց կոմիտեները:

Այդուհանդերձ, խորհրդային հանրապետությունների արտաքին կապերը և գործունեությունը խիստ սահմանափակ էին: ՌԿ(ք)Կ կենտկոմի քաղբյուրոյի 1921 թ. դեկտեմբերի 8-ի որոշումով խորհրդային հանրապետություններին արգելվում էր ստորագրել միջազգային որևէ պայմանագիր՝ «առանց ՌՍԴԽՀ արտգործոժողկոմատի հետ նախապես համաձայնեցնելու», իսկ արտասահմանում հանրապետությունների բոլոր ներկայացուցիչները պետք է ենթարկվեին խորհրդային Ռու-

սաստանի լիազոր ներկայացուցիչներին: Խորհրդային Ռուսաստանը, խորհրդային հանրապետություններին հետզհետե գրկելով ինքնուրույն արտաքին քաղաքականություն վարելու իրավունքից, ստանձնել էր միջազգային ասպարեզում նրանց շահերը ներկայացնելու պարտավորություն: Այսպես՝ 1922 թ. հունվարին, ստանալով Ջենովայի միջազգային կոնֆերանսին մասնակցելու հրավեր, ՌՍԴԽՀ կառավարությունն անհրաժեշտ համարեց ստեղծել խորհրդային հանրապետությունների միացյալ պատվիրակություն, որի կազմում էր նաև ՀՍԽՀ ներկայացուցիչ Ա. Բեկզադյանը:

Խորհրդային Միության ստեղծումից հետո խորհրդային ազգային հանրապետությունների, այդ թվում Հայաստանի ինքնուրույն արտաքին գործունեությունը և կապերը ավելի սահմանափակվեցին:

Հարցեր և ասուցադրանքներ

1. Տարածքային-սահմանային ինչ խնդիրներ էին ծառացել խորհրդային Հայաստանի առջև: Ի՞նչ զարգացում ստացան դեպքերը «Լոռու չեզոք գոտու» շուրջ: Ի՞նչ նպատակով խորհրդային Ռուսաստանն օգնեց Լոռու ապստամբությանը: Ներկայացրե՞ք Ջավախքի հիմնահարցը: Հայ-վրացական տարածքային սահմանազատումը որ համաձայնագրով կատարվեց:
2. Ինչո՞ւ Ադրբեջանի հեղկոմը հրաժարվեց 1920 թ. նոյեմբերի 30-ի իր որոշումից: Ներկայացրե՞ք Ջանգեզուրի ինքնապաշտպանության ընթացքը 1920 թ. վերջին և 1921 թ. ընթացքում: Ի՞նչ նշանակություն ունեցավ Ջանգեզուրի հերոսական պայքարը: Լուսաբանե՞ք Լեռնային Ղարաբաղի հարցի կարգավորման գործընթացը 1921 թ. հունիս-հուլիս ամիսներին: Ձեր կարծիքով՝ ինչո՞ւ Ստալինը տեղի տվեց Ադրբեջանի ղեկավարության պահանջներին: Երբ է ստեղծվել Լեռնային Ղարաբաղի Ինքնավար Մարզը:
3. Ինչո՞վ էր պայմանավորված ռուս-թուրքական նոր կոնֆերանսի հրավիրումը: Որո՞նք էին հայկական տարածքները թուրքերին զիջելու բոլշևիկների քաղաքականության պատճառները: Վերհանե՞ք մարտի 16-ի Մոսկվայի պայմանագրի հակահայկական էությունը: Փաստերով հիմնավորե՞ք, որ Կարսի կոնֆերանսում ևս ոտնահարվեցին Հայաստանի և հայերի իրավունքներն ու շահերը: Ի՞նչ լուծում ստացավ Նախիջևանի հարցը: Ձեր կարծիքով՝ իրավական ուժ ունի՞ Կարսի պայմանագիրը Հայաստանի երրորդ հանրապետության համար:
4. Ո՞ր պետությունների հետ էր դիվանագիտական կամ առևտրային հարաբերություններ հաստատել խորհրդային Հայաստանը: Ցույց տվե՞ք, որ ՀՍԽՀ-ի ինքնուրույն արտաքին քաղաքականությունը սահմանափակված էր. որն էր դրա հիմնական պատճառը:

1677 թ. — Հայաստանի ազատագրության նպատակով Էջմիածնի գաղտնի ժողովի գումարումը
Հակոբ Զուղայեցի կաթողիկոսի գլխավորությամբ

1699 թ. — Սյունիքի մելիքների և Իսրայել Օրու մասնակցությամբ Անգեղակոթի ժողովի գումարումը

1708–1709 թթ. — Իսրայել Օրու ղեկավարած զենացույցները Պարսկաստան

1722 թ. — Ռուսական զորքերի Կասպիական արշավանքը

1724 թ. գարուն — Կարբի գյուղի 40–օրյա հերոսական պաշտպանությունը

1724 թ. հունիսի 12 — Ռուս–թուրքական պայմանագրի կնքումը Կ.Պոլսում

1724 թ. հունիսի 7–սեպտեմբերի 26 — Երևանի հերոսական պաշտպանությունը օսմանյան զորքերի դեմ

1724 թ. — Դավիթ բեկի գլխավորությամբ հայկական իշխանության ստեղծումը Սյունիքում

1727 թ. մարտ — Հայիձորի հաղթական ձակատամարտը թուրքերի դեմ

1728–1730 թթ. — Մխիթար սպարապետը Սյունիքի ազատագրական պայքարի ղեկավար

1736 թ. — Խամսայի (Արցախի) մելիքությունների ինքնավարության ստեղծումը

1771 թ. — Էջմիածնի տպարանի հիմնումը Սիմեոն Երևանցի կաթողիկոսի կողմից

1772 թ. — Մ. Բաղդրամյանի «Նոր տետրակ, որ կոչի յորդորակ» գրքի լույսընծայումը

1794 թ. — Հայ առաջին պարբերական «Ազդարարի» տպագրումը Մաղրասում

1804 թ. հունվար–1813 թ. հոկտեմբեր — Ռուս–պարսկական պատերազմը

1806 թ. դեկտեմբեր–1812 թ. մայիս — Ռուս–թուրքական պատերազմը

1810 թ. — Աստրախանի Աղաբաբյան դպրոցի հիմնումը

1812 թ. մայիսի 16 — Բուխարեստի հաշտության պայմանագրի կնքումը

1813 թ. հոկտեմբերի 12 — Գյուլիստանի հաշտության պայմանագրի կնքումը

1815 թ. — Մոսկվայի Լազարյան ձեմարանի բացումը

1815 թ. — Հայկական նոր ձայնագրության ստեղծումը Հ. Լիմոնյանի կողմից

1816 թ. — Ռուսահայ առաջին պարբերականի՝ «Արևելյան ծանուցումը» շաբաթաթերթի լույսընծայումը

1821 թ. — Կալկաթայի հայկական Մարդասիրաց ձեմարանի բացումը

1824 թ. — Թիֆլիսի Ներսիսյան դպրոցի հիմնումը

1826 թ. հուլիս–1828 թ. փետրվար — Ռուս–պարսկական պատերազմը

1827 թ. օգոստոսի 17 — Օշականի ձակատամարտը

1827 թ. հոկտեմբերի 1 — Երևանի բերդի գրավումը

1828 թ. փետրվարի 10 — Հաշտության պայմանագրի կնքումը Թուրքմենչայում

1828 թ. մարտի 21–1840 թ. ապրիլի 10 — Հայկական մարզը

1828 թ. ապրիլ–1829 թ. սեպտեմբեր — Ռուս–թուրքական պատերազմը

1828 թ. հունիսի 23 — Կարսի գրավումը

1828 թ. օգոստոսի 28 — Բայազետի բերդի գրավումը

1829 թ. հունիսի 27 — Ռուսական զորքերի մուտքը Կարին

1829 թ. սեպտեմբերի 2 — Ադրիանապոլսի հաշտության պայմանագրի կնքումը

1836 թ. մարտի 11 — Եկեղեցական կանոնադրության (պղոծենիե) հրապարակումը

1836–1837 թթ. — «Նոր բառգիրք Հայկազեան լեզուի» բառարանի տպագրությունը

1837 թ. — Երևանի թեմական դպրոցի բացումը

1838 թ. — Շուշիի թեմական դպրոցի բացումը

1839 թ. — Հայկական Արմավիր գաղութի հիմնումը Ռուսաստանում

1839 թ. — Բարենորոգումների հրովարտակի (թանգիմաթ) հրապարակումը սուլթանական կառավարության կողմից

1844 թ. — Կովկասի փոխարքայության հիմնումը

1846 թ. — Հայկական առաջին երկսեռ դպրոցի բացումը Կալկաթայում

1846 թ. — Փարիզի Մուրադյան վարժարանի հիմնադրումը

1853–1856 թթ. — Ղրիմի (Արևելյան) պատերազմը

1856 թ. փետրվար — Բարեփոխումների սուլթանական նոր հրովարտակը

1856 թ. — Երևանի առաջին գլխավոր հատակագծի կազմումը

1857 թ. — Վարազա վանքի «Ժառանգավորաց» վարժարանի բացումը

1858–1864 թթ. — «Հյուսիսափայլ» հանդեսի հրատարակումը Մոսկվայում

1860 թ. մայիսի 24 — Ազգային կանոնադրության հաստատումը Կ. Պոլսի Ազգային ընդհանուր ժողովի կողմից

1861 թ. — «Արևելյան թատրոնի» կազմավորումը Կ. Պոլսում

1861 թ. — Հայ առաջին կամերային նվագախմբի ստեղծումը Կ.Պոլսում

1862 թ. — Զեյթունի ապստամբությունը

1864 թ. — Շուշիի իգական դպրոցի բացումը

1866 թ. — Երևանի իգական դպրոցի բացումը

1868 թ. — Հ. Վարդույանի երկնեզու թատրոնի ստեղծումը Կ.Պոլսում

1868 թ. — Հայ առաջին՝ «Արշակ Բ» օպերայի ստեղծումը Տ. Չուխաջյանի կողմից

1869 թ. ապրիլ — Ա. Կրիստյանի և Պ. Հայկազունու գլխավորությամբ «Բարենպատակ ընկերություն» խմբակի ստեղծումն Ալեքսանդրապոլում

1870 թ. — Մուրադ-Ռափայելյան վարժարանի ստեղծումը

1870 թ. մայիսի 14 — Արևելյան Հայաստանում հողի սեփականության մասին ցարական օրենքի ընդունումը

1872 թ. — «Մշակ» թերթի հիմնադրումը

1874 թ. — Էջմիածնի հոգևոր ձեռնարանի բացումը

1874 թ. — «Հայրենիքի սիրո գրասենյակ» խմբակի ստեղծումը Մեծ Դարաքիլիսայում

1877 թ. ապրիլ 12-1878 թ. փետրվար 19 — Ռուս-թուրքական պատերազմը

1878 թ. փետրվարի 19 — Սան Ստեֆանոյի հաշտության պայմանագրի կնքումը

1878 թ. հունիսի 1 — հուլիսի 1 — Բեռլինի վեհաժողովը

1881 թ. — Կարինի Սանասարյան վարժարանի բացումը

1881 թ. մայիս — «Պաշտպան հայրենյաց» կազմակերպության ստեղծումը Կարինում

1882 թ. — «Հայրենասերների միության» հիմնումը Մոսկվայում

1885-1887 թթ. — «Գիտական շարժում» առաջին գիտական հայ պարբերականի հրատարակումը Կ.Պոլսում

1885 թ. աշուն — Արմենական կուսակցության հիմնադրումը Վանում

1887 թ. օգոստոս — Հնչակյան կուսակցության ստեղծումը Ժնևում

1889 թ. — Արմաշի դպրեվանքի բացումը

1890 թ. հուլիս — Հայ հեղափոխական դաշնակցություն (ՀԳԴ) կուսակցության հիմնադրումը Թիֆլիսում

1890 թ. հուլիս — Գում Գափուի ցույցը

1890 թ. սեպտեմբեր — Ս. Կուկունյանի արշավանքը

1894-1896 թթ. — Հայերի զանգվածային կոտորածները (համիդյան ջարդեր). Հայոց ցեղասպանության առաջին փուլը

1894 թ. հուլիս-օգոստոս — Սասունի հերոսամարտը

1895 թ. մայիսի II — Անգլիայի, Ֆրանսիայի և

Ռուսաստանի կողմից Բարենորոգումների մայիսյան ծրագրի հանձնումը սուլթանին

1895 թ. հոկտեմբերի 12-1896 թ. հունվարի 30 — Զեյթունի ապստամբությունը

1896 թ. հունիս — Վանի ինքնապաշտպանությունը

1896 թ. օգոստոսի 14 — Դաշնակցության կազմակերպած «Բանկ Օտտոմանի» գործողությունը Կ.Պոլսում

1897 թ. հուլիսի 25 — Խանասորի արշավանքը

1899 թ. — Հայաստանում առաջին սոցիալ-դեմոկրատական խմբակի ստեղծումը Զալալոյլում (Ստեփանավան)

1899 թ. — Թիֆլիս-Ալեքսանդրապոլ-Կարս երկաթուղու գործարկումը

1901 թ. նոյեմբերի 3-27 — Մշո Ս. Առաքելոց վանքի կոփվը

1903 թ. հունիսի 12 — Հայոց եկեղեցու ունեցվածքի րոնագրավման մասին ցարական օրենքի ընդունումը

1903 թ. հուլիսի 29 — Հայ ժողովրդի հակացարական շարժման սկիզբը

1904 թ. ապրիլ-մայիս — Սասունի ինքնապաշտպանությունը

1905 թ. փետրվարի 6 — Հայ-թաթարական ընդհարումների սկիզբը

1905 թ. հուլիսի 21 — Արդուկ Համիդ II-ի դեմ մահափորձի իրականացումը

1906 թ. օգոստոսի 17-30 — Կաթողիկոս Մկրտիչ Խրիմյանի նախաձեռնությամբ՝ Ռուսաստանում ապրող հայերի պատգամավորական կենտրոնական ժողովը Էջմիածնում

1906 թ. — Հայկական բարեգործական ընդհանուր միության (ՀԲԸՄ) հիմնադրումը

1907 թ. — Գումալիդի հեռուստատեսության հիմնադրումը Հ. Աղամյանի կողմից

1908 թ. հուլիս — Երիտթուրքական հեղաշրջումն օսմանյան Թուրքիայում

1908 թ. հոկտեմբեր — Հայ սահմանադրական ռամկավար կուսակցության ստեղծումը Ալեքսանդրիայում

1909 թ. ապրիլ — Հայերի կոտորածն Ադանայում

1912 թ. հունվար-մարտ — «Դաշնակցության գործով» դատավարությունը Սանկտ Պետերբուրգում

1912 թ. սեպտեմբեր-1917 սեպտեմբեր — Հայոց ազգային կենտրոնական բյուրոյի (Հայոց ազգային բյուրո) գործունեությունը

1912 թ. նոյեմբեր 10 — Գևորգ Ե-ի կոնդակով Պողոս Նուբարի նշանակվելը Եվրոպայում կաթողիկոսի լիազոր ներկայացուցիչ և ազգային պատվիրակության ստեղծումը

1914 թ. հունվարի 26 — Արևմտյան Հայաստա-

նում բարենորոգումներ կատարելու վերաբերյալ ուսա-թուրքական համաձայնագրի ստորագրումը

1914 թ. օգոստոսի 1-1918 թ. նոյեմբերի 11 (նոր տոմարով) — Առաջին համաշխարհային պատերազմը

1914 թ. հոկտեմբեր — Օսմանյան կայսրության և Արևմտյան Հայաստանի հայերի բռնազաղթն ու կոտորածները կազմակերպելու և իրականացնելու նպատակով Երեքի գործադիր կոմիտեի ստեղծումը

1914 թ. հոկտեմբերի վերջից 1916 թ. ամառ — Հայոց Մեծ եղեռնը

1914 թ. դեկտեմբերի 9-ից 1915 թ. հունվարի 5 — Սարիղամիշի ձակատամարտը

1915 թ. մարտ-օգոստոս — Սասունի ինքնապաշտպանությունը

1915 թ. ապրիլի 1 — մայիսի 14 — Շատախի կենտրոնի Թաղի ինքնապաշտպանությունը

1915 թ. ապրիլի 7 — մայիսի 5 — Վանի ինքնապաշտպանությունը

1915 թ. ապրիլի 16-18 — Դիլմանի ձակատամարտը

1915 թ. մայիսի 7-հուլիսի 22 — Արամ Մանուկյանը՝ Վանի նահանգապետ

1915 թ. մայիսի 11 — Ռուսաստանի, Մեծ Բրիտանիայի և Ֆրանսիայի համատեղ բողոքի հայտարարությունը հայերի կոտորածների կապակցությամբ

1915 թ. հունիսի 3-29 — Շապին-Գարահիսարի ինքնապաշտպանությունը

1915 թ. հունիսի 28 — Մուշի ինքնապաշտպանության սկիզբը

1915 թ. հուլիսի վերջ-սեպտեմբեր 10 — Մուսա լեռան հերոսամարտը Տ. Անդրեասյանի ղեկավարությամբ

1915 թ. սեպտեմբերի 29-նոյեմբերի կեսեր — Մ. Յոթենդերայրյանի գլխավորությամբ Ուրֆայի (Եղեսիա) հերոսամարտը

1916 թ. փետրվարի 16 — Էրզրումի գրավումը

1916 թ. մայիսի 16 — Սայքս-Պիկոյի համաձայնագրի կնքումը Անգլիայի և Ֆրանսիայի միջև

1916 թ. հոկտեմբերի վերջ — «Արևելյան լեզեոնի» (Հայկական լեզեոն) ստեղծումը

1917 թ. փետրվարի 27 — Փետրվարյան հեղափոխության հաղթանակը Ռուսաստանում

1917 թ. մարտի 9 — Անդրկովկասյան հատուկ կոմիտեի (ԱՀԿ, Օգակոմ) ստեղծումը

1917 թ. մարտ — Հայ ժողովրդական կուսակցության ստեղծումը

1917 թ. ապրիլի 26 — Արևմտյան Հայաստանում և գրավված այլ շրջաններում կառավարման նոր ձևի վերաբերյալ Ժամանակավոր կառավարության որոշման հրապարակումը

1917 թ. մայիսի 2-II — Արևմտահայերի առաջին համագումարը Երևանում

1917 թ. մայիս — Հայ գինվորական միության ստեղծումը Թիֆլիսում

1917 թ. հունիսի 12-25 — Հայ եկեղեցական համագումարը Էջմիածնում

1917 թ. սեպտեմբերի 29 — հոկտեմբերի 13 — Հայոց ազգային (արևելահայերի) համախորհրդակցության գումարումը Թիֆլիսում

1917 թ. հոկտեմբերի 25 — Բոլշևիկյան հեղաշրջումը Ռուսաստանում

1917 թ. նոյեմբերի 15 — Անդրկովկասյան կոմիսարիատի կազմավորումը

1917 թ. նոյեմբերի 16 — Հայկական կորպուսի ստեղծումը Կովկասյան ձակառում

1917 թ. դեկտեմբերի 5 — Երզնկայում գինադարի ստորագրումը

1917 թ. դեկտեմբերի 29 — «Թուրքահայաստանի մասին» հրովարտակի (դեկրետ) ընդունումը խորհրդային Ռուսաստանի կողմից

1918 թ. հունվարի 28 — Պատերազմի վերսկսումը Կովկասյան ձակառում

1918 թ. փետրվարի 10 — Անդրկովկասի Սեյմի գործունեության սկիզբը

1918 թ. մարտի 1 — Առանձին հայկական կորպուսի ստեղծումը, գնեբրալ Թ. Նազարբեկյանի նշանակվելը Կովկասյան ձակառում հայկական հատվածի գլխավոր հրամանատար

1918 թ. մարտի 3 (նոր տոմարով) — Բրեստ-Լիտովսկի հաշտության պայմանագրի ստորագրումը

1918 թ. մարտի 24 — Երևանի Հայոց ազգային խորհրդի կողմից Արամ Մանուկյանին Երևանի նահանգի ղեկատուոր հաստատելը

1918 թ. ապրիլի 6-8 — Հայ ազգային-քաղաքական կազմակերպությունների ներկայացուցիչների խորհրդակցությունը Ալեքսանդրապոլում

1918 թ. ապրիլի 9 (ապրիլի 22) — Անդրկովկասի Ժողովրդավարական Դաշնային Հանրապետության (ԱԺԴՀ) ստեղծումը

1918 թ. ապրիլի 12 (ապրիլի 25) — Կարսի հանձնումը թուրքերին

1918 թ. մայիսի 7-հունիսի 6 — Թուրքական զորքերի ղեմ ջախախտության դիմադրական կռիվները

1918 թ. մայիսի 11-հունիսի 4 — Հաշտության բանակցությունները Բաթումում

1918 թ. մայիսի 16-27 — Շիրակի գոյամարտը

1918 թ. մայիսի 22-28 — Սարդարապատի հերոսամարտը

1918 թ. մայիսի 23-29 — Բաշ Ապարանի հերոսամարտը

1918 թ. մայիսի 25-30 — Ղարաքիլիսայի հերոսամարտը

1918 թ. մայիսի 28 — Հայաստանի Հանրապետության հռչակումը. հայկական անկախ պետականության վերականգնումը

1918 թ. հունիսի 4 — Առաջին աշխարհամարտի Կովկասյան ճակատում թուրք-հայկական պատերազմի ավարտը. Բաթումի հաշտության պայմանագրի ստորագրումը

1918 թ. հուլիսի 22-26 — Արցախահայության առաջին համագումարը Շուշիում

1918 թ. օգոստոսի 1 — Հայաստանի խորհրդի առաջին նիստը

1918 թ. սեպտեմբերի 19 — Արարայի ձակատամարտը

1919 թ. հունվարի 9-17 — Հայ-վրացական հաշտության կոնֆերանսը Թիֆլիսում

1919 թ. փետրվարի 6-13 — Արևմտահայերի երկրորդ համագումարը Երևանում

1919 թ. փետրվարի 24 — ապրիլի 22 — Հայոց ազգային համագումարը Փարիզում

1919 թ. մայիսի 28 — «Միացյալ Հայաստանի անկախության հռչակագրի ակտի» ստորագրումը և հռչակումը

1919 թ. հունիսի 21-23 — ՀՀ խորհրդարանի առաջին ընտրությունները

1919 թ. դեկտեմբերի 26 — Պետական լեզվի մասին ՀՀ օրենքի ընդունումը

1920 թ. — Հայաստանի կոմունիստական կուսակցության ձևավորումը

1920 թ. ապրիլի 19-26 — Սան Ռեմոյի խորհրդաժողովը

1920 թ. ապրիլի 25 — Լեռնային Ղարաբաղի հռչակումը ՀՀ անքաժանելի մաս

1920 թ. մայիսի 10 — Հայ բոլշևիկների Մայիսյան ապստամբության սկիզբը

1920 թ. մայիս — Հոդի մասին ՀՀ օրենքի ընդունումը

1920 թ. հուլիսի 23 — Զինանշանի մասին ՀՀ օրենքի հաստատումը

1920 թ. օգոստոսի 4 — Ինքնավար Կիլիկիայի հռչակումը Ադանայում

1920 թ. օգոստոսի 10 — Սևրի պայմանագրի ստորագրումը

1920 թ. օգոստոսի 10 — ՌՍԴԲՀ-ի և ՀՀ-ի միջև համաձայնագրի ստորագրումը Թիֆլիսում

1920 թ. սեպտեմբերի 1-8 — Արևելքի ժողովուրդների առաջին համագումարը Բաքվում

1920 թ. սեպտեմբերի 23 — նոյեմբերի 18 — Թուրք-հայկական պատերազմը

1920 թ. նոյեմբերի 22 — ԱՄՆ-ի նախագահ Վիլսոնի իրավարար որոշումը հայ-թուրքական սահմանագծի վերաբերյալ

1920 թ. նոյեմբերի 29 — Հայաստանի ռազմ-ինդկոմի մուտքը Քարվանսարա (Իջևան) և խորհրդայնացման մասին հայտարարությունը

1920 թ. նոյեմբերի 30 — Ադրբեջանի հեղկոմի՝ «Լեռնային Ղարաբաղը, Զանգեզուրը և Նախիջևանը

խորհրդային Հայաստանի Հանրապետության մաս ճանաչելու» հայտարարության հրապարակումը

1920 թ. դեկտեմբերի 2 — Երևանի համաձայնագրի ստորագրումը և Հայաստանի խորհրդայնացումը

1920 թ. դեկտեմբերի 3 — Ալեքսանդրապոլի հաշտության պայմանագրի կնքումը

1920 թ. դեկտեմբերի 25 — Համազանգեզուրյան առաջին համագումարը Տաթևի վանքում. «Ինքնավար Սյունիքի» հռչակումը

1921 թ. փետրվարի 16-ապրիլի 2 — Փետրվարյան ապստամբությունը

1921 թ. մարտ — 1922 թ. հուլիս — Հայոց ցեղասպանության պատասխանատուների հատուցման «Նեմենխա» ծրագրի իրագործումը հայ վրիժառուների կողմից

1921 թ. մարտի 16 — Ռուս-թուրքական «Բարեկամության և եղբայրության մասին» պայմանագրի կնքումը Մոսկվայում

1921 թ. ապրիլի 27 — Համազանգեզուրյան երկրորդ համագումարը Տաթևի վանքում. «Լեռնահայաստանի» հռչակումը

1921 թ. մայիսի 21 — ՀՍԽՀ Ժողովխորհրդի կազմավորումը

1921 թ. հուլիսի 4 — ՌԿ(Բ)Կ կովկասյան քյուրոյի որոշումը Լեռնային Ղարաբաղը ՀՍԽՀ-ին միացնելու մասին. հուլիսի 5-ին որոշումը փոխվեց հոգուտ Ադրբեջանի

1921 թ. սեպտեմբեր — Հայաստանի օգնության կոմիտեի (ՀՕԿ) հիմնումը

1921 թ. հոկտեմբերի 13 — Հայաստանի, Վրաստանի, Ադրբեջանի և Թուրքիայի միջև պայմանագրի ստորագրումը Կարսում

1921 թ. նոյեմբերի 6 — Հայ-վրացական սահմանազատման մասին համաձայնագրի ստորագրումը Թիֆլիսում

1922 թ. հունվարի 30 — ՀՍԽՀ խորհուրդների առաջին համագումարի բացումը

1922 թ. փետրվարի 3 — ՀՍԽՀ առաջին Սահմանադրության ընդունումը

1922 թ. մարտի 12 — Անդրդաշնություն կազմելու մասին պայմանագրի հաստատումը Հայաստանի, Վրաստանի և Ադրբեջանի կենտրոնականների ներկայացուցիչների լիազոր կոնֆերանսում

1922 թ. դեկտեմբերի 10-13 — Անդրկովկասի խորհուրդների առաջին համագումարը. Անդրկովկասի խորհրդային Դաշնային Սոցիալիստական Հանրապետության (ԱՍԴԱՀ) ստեղծումը

1922 թ. դեկտեմբերի 30 — ԽՍՀՄ-ի կազմավորման մասին հռչակագրի և միութենական պայմանագրերի ստորագրումը

1923 թ. հուլիսի 7 — Լեռնային Ղարաբաղի Ինքնավար Մարզի (ԼՂԻՄ) ստեղծումը

ՄԱՍ Ա. ՀԱՅԿԱԿԱՆ ՔԱՂԱՔԱԿՐԹՈՒԹՅՈՒՆԸ ՆՈՐ ՇՐՋԱՆՈՒՄ

ՆԵՐԱԾՈՒԹՅՈՒՆ	4
--------------------	---

ԲԱԺԻՆ 1. ՊԱՅՔԱՐ ՀԱՅԱՍՏԱՆԻ ԱԶԱՏԱԳՐՈՒԹՅԱՆ ՀԱՄԱՐ (XVII ԴԱՐԻ ԵՐԿՐՈՐԴ ԿԵՍ – XIX ԴԱՐԻ ԱՌԱՋԻՆ ԿԵՍ)	6
--	----------

ԳԼՈՒԽ 1. ԱԶԱՏԱԳՐԱԿԱՆ ՇԱՐԺՈՒՄՆԵՐԸ XVII ԴԱՐԻ ԵՐԿՐՈՐԴ ԿԵՍԻՆ ԵՎ XVIII ԴԱՐՈՒՄ	6
---	----------

§ 1. Ազատագրական պայքարի նոր փուլը	6
§ 2. Ազատագրական զինված պայքարն Արցախում	9
§ 3. Սյունիքի հայկական իշխանությունը	14
§ 4. Ջինված պայքարի արդյունքները և Պարսկաստանի նոր քաղաքականությունը	16
§ 5. Ազատագրական պայքարը XVIII դարի կեսերին	18
§ 6. Հնդկահայ ազատագրական կենտրոնը	22

ԳԼՈՒԽ 2. ՀԱՅՈՑ ՊԵՏԱԿԱՆՈՒԹՅԱՆ ՎԵՐԱԿԱՆԳՆՄԱՆ ԽՆԴԻՐԸ XIX ԴԱՐԻ ԱՌԱՋԻՆ ԿԵՍԻՆ	26
---	-----------

§ 1. Արևելյան Հայաստանը XIX դարի սկզբին	26
§ 2. Արևմտյան Հայաստանը XIX դարի սկզբին	30
§ 3. Արևելյան Հայաստանը Ռուսաստանին միացնելու նոր փուլը	33
§ 4. Արևմտահայությունը XIX դարի 20-ական թվականներին	37
§ 5. Հայաստանը XIX դարի 30-40-ական թվականներին	39

ԲԱԺԻՆ 2. ԱԶԱՏԱԳՐԱԿԱՆ ՇԱՐԺՄԱՆ ՎԵՐԵԼՔԸ XIX ԴԱՐԻ ԵՐԿՐՈՐԴ ԿԵՍԻՆ ԵՎ XX ԴԱՐԻ ՍԿԶԲԻՆ: ՀԱՅԿԱԿԱՆ ՀԱՐՑԻ ՄԻՋԱԶԳԱՅՆԱՅՈՒՄԸ	44
--	-----------

ԳԼՈՒԽ 1. ՀԱՅԱՍՏԱՆԻ ՍՈՑԻԱԼ-ՏՆՏԵՍԱԿԱՆ ԴՐՈՒԹՅՈՒՆԸ	44
---	-----------

§ 1. Արևելյան Հայաստանի տնտեսական և սոցիալական կյանքը	44
§ 2. Ռուսաստանի գաղութային քաղաքականությունը և արևելահայերի ազգային ու սոցիալական շարժումները	48
§ 3. Արևմտահայերի տնտեսական և սոցիալական դրությունը	50

ԳԼՈՒԽ 2. ՀԱՅԿԱԿԱՆ ՀԱՐՑԻ ՄԻՋԱԶԳԱՅՆԱՅՈՒՄԸ	54
--	-----------

§ 1. Արևելյան հարցի սրումը: 1877-1878 թթ. ռուս-թուրքական պատերազմը և հայերը	54
§ 2. Հայկական հարցի միջազգայնացումը	58

ԳԼՈՒԽ 3. ՀԱՅ ՔԱՂԱՔԱԿԱՆ ԿՅԱՆՔԻ ՎԵՐԵԼՔԸ	63
--	-----------

§ 1. Հայ հասարակական-քաղաքական հոսանքները	63
§ 2. Ազգային-հասարակական շարժումները	66

§ 3. Ազատագրական պայքարի նոր գաղափարախոսությունը: Ազատագրական խմբակները	69
§ 4. Հայ ազգային կուսակցությունները	74

ԳԼՈՒԽ 4. ԱԶԱՏԱԳՐԱԿԱՆ ՊԱՅՔԱՐԻ ԶԻՆՎԱԾ ՓՈԽԼԸ.....78

§ 1. Ազատագրական պայքարի վերելքը: Հայդուկային շարժումը	78
§ 2. Արևմտահայերի ցեղասպանության թուրքական ծրագրի իրագործման սկիզբը.....	82
§ 3. Ազատագրական պայքարը 1894–1896 թվականներին: Հայկական հարցը և տերությունները	86

ԳԼՈՒԽ 5. ՀԱՅ ԱԶԱՏԱԳՐԱԿԱՆ ՇԱՐՇՈՒՄՆԵՐԸ XX ԴԱՐԻ ՍԿԶԲԻՆ.....90

§ 1. Պայքար ցարիզմի հակահայ քաղաքականության դեմ	90
§ 2. Արևելյան Հայաստանը 1907–1914 թվականներին	95
§ 3. Ազատագրական պայքարը Արևմտյան Հայաստանում XX դարի սկզբին	97
§ 4. Երիտթուրքերի հեղաշրջումը և արևմտահայությունը	102
§ 5. Հայկական հարցը 1912–1914 թվականներին	106

ԳԼՈՒԽ 6. ՀԱՅԱՍՏԱՆԸ ԵՎ ՀԱՅ ԺՈՂՈՎՈՒՐԴԸ ԱՌԱՋԻՆ ԱՇԽԱՐՀԱՄԱՐՏԻ ՏԱՐԻՆԵՐԻՆ.....110

§ 1. Առաջին համաշխարհային պատերազմի Կովկասյան ճակատը.....	110
§ 2. Հայ կամավորական շարժումը	114
§ 3. Հայոց Մեծ եղեռնը	120
§ 4. Հայոց ցեղասպանության ճանաչման գործընթացի սկիզբը	126
§ 5. Հայ ազգային–քաղաքական կյանքի վերելքը 1917 թ. փետրվարյան հեղափոխությունից հետո	131
§ 6. Բոլշևիկյան հեղաշրջումը և Հայաստանը.....	136
§ 7. Իրադրությունը Հայաստանում և Այսրկովկասում (1918 թ. հունվար–ապրիլ)	140
§ 8. 1918 թ. մայիսյան հերոսամարտերը	144

ԲԱԺԻՆ 3. ՀԱՅԿԱԿԱՆ ՄՇԱԿՈՒՅԹԸ ՆՈՐ ՇՐՋԱՆՈՒՄ.....151

ԳԼՈՒԽ 1. ՄՇԱԿՈՒՅԹԸ XVII ԴԱՐԻ ԵՐԿՐՈՐԴ ԿԵՍԻՆ ԵՎ XIX ԴԱՐԻ ԱՌԱՋԻՆ ԿԵՍԻՆ.....151

§ 1. Մշակութային ձեռքբերումները XVII դարի երկրորդ կեսին և XVIII դարում.....	151
§ 2. Հայ մշակույթը XIX դարի առաջին կեսին	155

ԳԼՈՒԽ 2. XIX ԴԱՐԻ ԵՐԿՐՈՐԴ ԿԵՍԻ ԵՎ XX ԴԱՐԻ ՍԿԶԲԻ ՄՇԱԿՈՒԹԱՅԻՆ ՎԵՐԵԼՔԸ 159 |

§ 1. Հայ մշակույթի կենտրոնները: Կրթական համակարգը.....	159
§ 2. Բնական և հումանիտար գիտությունների զարգացումը.....	162
§ 3. Պատմագիտությունը	165
§ 4. Գրականությունը և մամուլը	168
§ 5. Արվեստը և ճարտարապետությունը	171

ԳԼՈՒԽ 3. ՀԱՅԿԱԿԱՆ ԳԱՂԹԱՎԱՅՐԵՐԻ ԴԵՐԸ ՀԱՅԱՊԱՀՊԱՆՈՒԹՅԱՆ ԵՎ ՄՇԱԿՈՒՅԹԻ ԶԱՐԳԱՑՄԱՆ ԳՈՐԾՈՒՄ (XVII Դ. ԵՐԿՐՈՐԴ ԿԵՍ – XX Դ. ՍԿԻԶԲ).....	175
§ 1. Ասիայի և Աֆրիկայի հայկական գաղութները.....	175
§ 2. Ռուսաստանի, Եվրոպայի և ԱՄՆ–ի հայկական գաղութները	177

ՄԱՍ Բ. ՀԱՅԱՍՏԱՆԸ ՆՈՐԱԳՈՒՅՆ ՇՐՋԱՆՈՒՄ

ՆԵՐԱԾՈՒԹՅՈՒՆ	182
--------------------	-----

ԲԱԺԻՆ 1. ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹՅՈՒՆԸ

ԳԼՈՒԽ 1. ԵՐԿՐԻ ՆԵՐՔԻՆ ԿՅԱՆՔԸ	183
------------------------------------	-----

§ 1. Հայկական պետականության ձևավորումն ու ամրապնդումը	183
§ 2. Սոցիալ–տնտեսական և քաղաքական կյանքը	187
§ 3. Երկրի կայունությանը սպառնացող վտանգները.....	190
§ 4. Առաջին հանրապետության մշակութային կյանքը	193

ԳԼՈՒԽ 2. ՀԱՆՐԱՊԵՏՈՒԹՅԱՆ ՄԻՋԱԶԳԱՅԻՆ ԴՐՈՒԹՅՈՒՆԸ: ՀԱՅԿԱԿԱՆ ՀԱՐՑԸ	196
--	-----

§ 1–2. Հանրապետության արտաքին կապերը և հարաբերությունները	196
§ 3. Հայկական հարցը Փարիզի խաղաղության խորհրդաժողովում: Սևրի պայմանագիրը	203
§ 4. Իրադրությունը Կիլիկիայում և կիլիկիահայությունը	207

ԳԼՈՒԽ 3. ԱՌԱՋԻՆ ՀԱՆՐԱՊԵՏՈՒԹՅԱՆ ԱՆԿՈՒՄԸ	210
--	-----

§ 1. Հայաստանը Խորհրդային Ռուսաստանի և քեմալական Թուրքիայի քաղաքականության ոլորտում	210
§ 2. Հայաստանի Հանրապետության խորհրդայնացումը	214

ԲԱԺԻՆ 2. ՀԱՅԱՍՏԱՆԻ ՍՈՑԻԱԼԻՍՏԱԿԱՆ ԽՈՐՀՐԴԱՅԻՆ ՀԱՆՐԱՊԵՏՈՒԹՅՈՒՆԸ

ԳԼՈՒԽ 1. ԽՈՐՀՐԴԱՅԻՆ ՀԱՅԱՍՏԱՆԸ 1920–1922 ԹԹ.	217
--	-----

§ 1. Խորհրդային իշխանության հաստատումը: Փետրվարյան ապստամբությունը.....	217
§ 2. ՀՍԽՀ Սահմանադրությունը: Խորհրդային Հայաստանը՝ Անդրդաշնության և ԽՍՀՄ–ի կազմում	221
§ 3–4. ՀՍԽՀ տարածքային հիմնախնդիրները և արտաքին կապերը.....	224

Ժամանակագրություն	233
-------------------------	-----

Ա. ՄԵԼՔՈՆՅԱՆ, Պ. ՉՈԲԱՆՅԱՆ, Ա. ՍԻՄՈՆՅԱՆ, Ա. ՆԱԶԱՐՅԱՆ,
Վ. ԲԱՐՍԽՈՒՂԱՐՅԱՆ, Է. ԳԵՎՈՐԳՅԱՆ, Կ. ԽԱՉԱՏՐՅԱՆ

ՀԱՅՈՑ ՊԱՏՄՈՒԹՅՈՒՆ

11-րդ դասարան

ԸՆԴՀԱՆՈՒՐ ԵՎ ԲՆԱԳԻՏԱՄԱԹԵՄԱՏԻԿԱԿԱՆ ՀՈՍՔԵՐԻ ԴԱՍԱԳԻՐ

Հրատարակչության տնօրեն՝
Լեզվական խմբագիր՝
Գեղարվեստական խմբագիր՝
Տեխնիկական խմբագիր՝
Վերստուգող սրբագրիչ՝
Համակարգչային ծնավորումը՝
Քարտեզագիր՝
Քարտեզների
համակարգչային մշակումը՝

Էմին Մկրտչյան
Հովհաննես Ջաքարյան
Արա Բաղդասարյան
Նվարդ Փարսադանյան
Սերժ Մելքումյան
Արևիկ Հակոբյանի
Գեղամ Բաղալյան
Գրիգոր Բեգլարյանի
Աննա Ավագիմյանցի
Ժասմենա Հակոբյանի

Տպագրությունը՝ օֆսեթ: Չափսը՝ 70x100 1/16:

Թուղթը՝ օֆսեթ: Տառատեսակը՝ «Մաշտոց»:

Ծավալը՝ 15 տպ. մամուլ, 19,05 հրատ. մամուլ:

Տպաքանակը՝ 37 000 օրինակ: Պատվեր N 09/18-2:

Հեղինակային բոլոր իրավունքները պաշտպանված են:

ՀԱՊԻԿԻՆ

Սարգսրապատի հուշահամալիրը

Հովհաննես Այվազովսկի. «Ծովը լուսնակ գիշերով»

ՕԳՏԱԳՈՐԾՎԱԾ ՆԿԱՐՆԵՐ

Էջ 14՝ Մարգիս Բաղդասարյան. «Հուշարձան Դավիթ բեկ», էջ 56՝ Հովհաննես Աիվազովսկի. «Միխայիլ Լոռիս-Մելիքով», էջ 98՝ Առաքելոց վանք. © Տարիել Հակոբյան, էջ 101՝ Սուլուխի կամուրջ. © Տարիել Հակոբյան, էջ 147՝ Սարգսրապատի հուշահամալիր. © Հովիկ Կարապետյան, էջ 151՝ Հովհաննավանք. © Գրիգոր Հարությունյան, էջ 181՝ Մարտիրոս Սարյան. «Հայաստան» (Հայաստանի ազգային պատկերասրահ), էջ 169՝ Հովհ. Թումանյան, Պ. Պողոջան, Ղ. Աղայան. տրամադրել է Թումանյանի տուն-թանգարանը:

Հայաստանի ազգային արխիվ

Էջեր՝ 3, 19, 31, 38, 45, 49, 52, 60, 62, 65, 70, 71, 76, 80, 81, 87, 91, 92, 93, 94, 106, 115, 116, 117, 118, 120, 122, 124, 128, 130, 132, 136, 141, 143, 146, 148, 156, 166, 167, 173, 201, 204, 205, 212, 215

Երևանի պարմության թանգարան

Էջեր՝ 33, 36, 40, 160, 185



«ԶԱՆԳԱԿ-97» ՀՐԱՏԱՐԱՆԿՈՒԹՅՈՒՆ

ՀՀ, 0051, Երևան, Կոմիտասի պող. 49/2

Հեռ. (+37410) 23 25 28, ֆաքս (+37410) 23 25 95

Էլ. փոստ՝ info@zangak.am, էլ. կայքեր՝ www.zangak.am, www.book.am, www.dasagirq.am

11

ՀԱՅՈՑ ՊԱՏՄՈՒԹՅՈՒՆ

